

**OPUSCULA**  
**THEOLOGICO-MORALIA**  
**A. P. DOMINICI VIVA**  
**SOCIETATIS JESU.**  
*OPUSCULUM PRIMUM.*  
**DE PRINCIPIIS MORALITATIS.**  
**Editio Secunda.**

*Dom. A. Can. Acc. 2*

THE UNIVERSITY OF CHICAGO

LIBRARY

540 EAST 58TH STREET  
CHICAGO, ILL. 60637

RECEIVED

NOV 10 1964

WILLIAM H. WATSON

605737

Race, 1828, C. 365

# OPUSCULA THEOLOGICO-MORALIA

Ad usum Tyronum elucubrata,

Et in Quotidianis Prælectionibus

A P. DOMINICO VIVA

SOCIETATIS JESU

SACRÆ THEOLOGIÆ PROFESSORE

Suis Auditoribus Tradita

In Palæstra Collegii Neapolitani ejusdem Societatis.

DICATA

EMINENTISSIMO, ac REVERENDISSIMO PRINCIPI

# FRANCISCO

SABINENSI EPISCOPO

S.R.E. CARDINALI PIGNATELLO

ARCHIEPISCOPO NEAPOLITANO.

OPUSCULUM PRIMUM.

DE PRINCIPIIS MORALITATIS,

Seu DE ACTIBUS HUMANIS

Prout universam Moralem Theologiam fundantibus.

PATAVII; Ex Typographia Seminarii, MDCCXXVI

Apud Joannem Manfrè.

Superiorum Permissu, ac PRIVILEGIO.





EMINENTISS. ac REVERENDISS. PRINCIPI

FRANCISCO

SABINENSI EPISCOPO

S.R.E. CARDINALI PIGNATELLO

ARCHIEPISCOPO NEAPOLITANO

DOMINICUS VIVA E SOCIETATE JESU

Perpetuam Felicitatem.



*Pera in lucem edituri sua, PRINCEPS EMI-  
NENTISSIME, non parum sepenumero laborans  
Auctores, ut praeftabilem, insignemque, atque omni  
virtutum genere ornatum, cui ea consecrent, Macenatē nanciscan-  
tur, qui vel ipsomet suo ea Nomine illustret, iisdemque victtricem  
oblivionis non tam spondeat, quam pariat immortalitatem. Mihi ve-  
ro pertenuem hanc Opellam praelis commissuro, in eo laborandum non  
esse existimarem, si a quovis alio, quam a Te faustissima auspicia de-  
sumpta vellem; aut quemlibet alium praeter Te Principem Inclytum,  
ut faventibus illam oculis aspiceres, deprecarer. Laborant iisdem  
non semel plurimi in perquirendo, quibus de causis evulgandas lu-  
cubrations Patronis commendent suis, benevolentiam ab illis ancu-*

*Opus. I.*

*a 3*

*pat-*

paturi. Ast ipse in eo quam maxime laborare me fasco, ut rationes, causasque in medium proferam universas, qua iturientem, ac festinantem licet, admotis tamen calcaribus acrius impulerunt, us Tibi qualecumque hoc mei in Te obsequii levidense seu pignus, seu argumentum nuncuparem. Quis enim Tua in me, Parentemque meam amantissimam Societatem tot, ac tanta explicet pro dignitate merita? Quis meritis prosequatur laudibus? Quis digna admiratione excipias? Quis debitis illa gratibus exaquet? Tantum quippe abest, ut nos illis qualitercumque respondere possimus, quin potius in dies illam, ac me magis, magisque ad invidiam pene oneres. Quamvis (bona Tui pace dixerim) non hanc Tu laudem primus es auspicatus, sed verius prosequutus; Cum a Majoribus Tuis insitam in nos benevolentiam non tam in hereditatem accepisse, quam ipso cum lacte hausisse videaris. Intra Tua siquidem domus parietes, Regali sane Hospitalitate, prima sui Neapoli Societas nostra sortita est Cunabula: cum eam vix dum partem non tam domo, quam animo familia Tua exceperit, recentemque, ut ita dixerim, a lacte meliori munificentia succo, ac sanguine nutrierit. Proh quantus sane, vel una in re, se mihi offert rationum cumulus, quo & premi me, & prorsus obrui intelligo! Quid vero de Tuis in me meritis dicam? An non verear, ne, si vel delibare tantum ea velim, elevem potius, quam extollam; ne lux potius, quam laudandi materies me deficiat; neve mihi quodammodo aut plaudere videar, aut tacite superbire? Luce se illa produnt sua, nec alio indigent, quam eo, quo se ipsa commendant, Encomio: Majora quippe ea sunt, quam ut animo contineri omnia, modum vocibus exornari queant. Animis ergone Societas, atque ipse prorsus excidamus? Minime sane gentium. Quinimmo generosa ipsa indoles Tua mihi animos facit, ut ad Te accedam, ac vestigal hoc qualecumque mei in Te obsequii, Tuis si minus, meis saltem viribus accommodatum exhibeam; Hoc quoque maximi beneficii habiturus loco, quod a quo nempe Tuo illud animo excipias. Theologico-Moralia, qua in hoc libello Opuscula prosequutus sum, ad pedes E. T. provolvo fidenter. Quem enim magis illa deceant, quam Te, Princeps Eminentissime; cum abdita, altissimaeque Sublimioris Theologiae arcana pene sub atatis Tuae florem in praclarissima Parentis, Theatina nempe familia, sinu magno ubique exceptus plausu, admirationeque recluseris; & nunc temporis inter Purpureos Patres a divinis facultatibus commendatos nulli secundus numerere? Tame si nulla seu divina, seu humana facultas sit, quam non apprime calleas, qua maxime non floreas.

Quid,

*Quid, quod tanta Morum luce semper, & ubique praefulgeris, ut Clericali Ordini universo qua dictis, qua iussis, qua exemplis mores sanctissimos instillaveris? Quid, quod eo virtutis commissos Tibi populos evexeris, ut satis sit, Diocesim intueri Tuam, quo statim omnium vel nolentium in oculos coacta in parvum Ecclesiae Majestas non tam incidat, quam incurrat? Non sine quadam tamen aliorum populorum omnium invidia, qui Tibi uni parere omnes certant, maximumque a Te olim Maximo, ac Supremo Orthodoxae Ecclesiae Hierarcha capturos se ornamentum fore, jure meritoque confidunt. Quidni igitur Theologica-Moralia isthac Opuscula Te unum in Auspicem deposcant, cum & a Theologia disciplina, & a Morum sanctimonia tantum Tibi ornamentis comparaveris? An vero quis miretur, quod beneficiis Tuis in me tantis tantulo Opere respondeam? Sed hoc omnino suum Maximi Principes, hoc maxima habent beneficia, ut nihil non minimum sit, ubi cum illis conferatur: Cumque id praclarissimorum quoque Virorum conatibus usvenire, nemo unus ignoret, Quis non mihi, (cui tam angusta supellex) jure succenseat, si angusta Tui Nominis fretus clientela, in lucem, Solemque audeam prodire, cum de meo nihil nisi umbratile quidpiam afferre possim? An non arrogantis ista sint animi? At eo enim vero ductus consilio, Te in benemeritissimum Ascenatam ut cum maxime statui; Is enim es, ut me Tua latentem sub umbra Purpura me hujusce Tua Splendore satis, superque illustres. Sileant profecto, sileant gratificantis illa animi voces, quibus Antiquus ille Encomiastes publica in Panegyri suum mirum quantum exornavit Casarem Theodosium dicens: Amicitiam, nomen antea privatum, non solum intra aulam vocasti, sed indutam Purpura, gemmisque redimitam folio recepisti. Tuam quanto potiori jure hac Purpuram decent, qua repente humi tenuitatem meam sublevas, omni denudatam ornamento foves, ac contegis, atque in sublime Tecum extollis. Cum jubeas, ut qua propriis antea se tenebris involuebat, Purpura Tua luce fulguret, ac tantum non intumescat. Illa quippe non gemmis, atque luxuriat, sed clarius tamen multo irradiat, utpote quam Virutes certatim omnes, qua Invidi, Integerrimique Praefulsi sint, ad oculorum suspendium distinguunt. Inopes, Pupilli, Vidua, miserorum genus omne, qui Tua sub Purpura levamen omne experiuntur, pro Superi, quantum illam in Caelum evehunt, ac superno Splendore collustrant. Testem hanc Urbem universam appello, qua nullo non loco ferventissimis Amoris Tui flammis calet, nullo non tempore Tuarum Virtutum exemplis*

omnibus abunde affluit; itaque affluit, ut quocumque oculi se con-  
 vertunt, stupore defigantur. Sed congeri quodammodo, mihi que suc-  
 censere Tarentum, Roma, ac Polonia universa non immerito viden-  
 tur, dum intra nostra Urbis fines immoror. Non ita patrios intra fi-  
 nes Virtus Tua continere se potuit; quin longe, lateque pervaderet,  
 ac rebus praeclarissime gestis non minus, quam admiratione omnia  
 compleret. Ad Poloniam de Latere Legatus missus arduam, supra quam  
 cuiquam credibile sit, demandatam Tibi provinciam splendide; atque  
 e Romana Ecclesia re ita obiisti, ut bona omnium pace dixerim, ne-  
 scio, an parem sis habiturus; Qui Te vero praeiverit, habueris sa-  
 ne neminem. Omnium animos, Regium quoque, Comitatus Tua mira-  
 bili, ac mellistui sermonis affabilitate Tibi arctissime devinxisti. Unus  
 ea cumulatissime implesti, quae nec singuli quique longissimo, nec omnes  
 simul tam exiguo temporis spatio praestitissent. Iris turbatissimo illi  
 Caelo visus es affulgere, omnem importuna calamitatis nubem longe  
 prorsus avertens. Quanta enim in arduis, ac summi momenti rebus  
 Tua emicuit Prudentia! Quanta eluxit dexteritas! Quantum (quod  
 Tuum discrimen, atque Insigne, ut ita dixerim, est praestantissimum)  
 quantum, inquam, Humanitas triumphavit! Humanitas illa, quae pro-  
 pmodum tantundem Te ad aliorum placita deprimit, quantum Tua  
 Te magnitudo supra omnes alios extollit. Quam periculosa plenum  
 opus alicui, Deus immortalis, obeundum Tibi commissum? At quam  
 expediisti feliciter? In quam difficilem, ac salebrosam adducta lo-  
 cum res erat? Quas ipse delatus in Syrtes, ut quocumque minimum  
 desisteres, harere non immerito timeres? At quam secundo cursu  
 ad Gloriam velificatus es! Quam fauste, prospereque optatum expe-  
 ditionis portum tenuisti! Vix visus, omnium in Te oculos converte-  
 bas; vix auditus, omnium demulcebas, omnium in Te animos abri-  
 piebas. Verbo, Poloniam triumphis magis Tuis, quam passibus perlu-  
 strasti; At rebus omnibus voto, (e voto autem? an supra vota ipsa?)  
 confectis, Victor, ac Polonus ad Capitolium, plaudente Urbe, atque  
 Orbe universo, Triumphantis in morem ascendere visus es. Ostro Te  
 Polonia insignivit, an potius Ostrum ipsum in Te insignire est rata?  
 Atque hoc unum in expeditione Tua habuit, quod doleret; nimirum,  
 quod Te iusto afficere pramio minus posset. At ad tantum honoris  
 apicem multa Te jampridem provehebant: Tarentina sanctissime a  
 Te Ecclesia gubernata; Ipsa necessitudinis, accognitionis cum Summo  
 Hierarcha vincula; Majorum Tuorum erga Ecclesiam merita; Pon-  
 tificia Legationis munus; Sanguinis splendor, qui posteriori, quam de-

Nila



*Nilo flumine dictum est; jure Cælesti verus, hoc est Heroum, quam  
 terrestri vena fluere; Qui ortus suos præclarissimos celari maluit,  
 quam nosci; ut a Longobardorum Principibus ne, an a Beneventana  
 Urbis Ducibus, an vero a Patritio Romanorum fonte profluat, non  
 satis in comperto sit; Qui Hispaniam, Italiam, atque Europam late  
 universam tot exercituum Imperatoribus, tot Maritima rei Præfe-  
 ctis, tot Sublimibus Infulis, tot ad Reges, ac Pontifices Legatis no-  
 bilitavit; ut non immerito assernerim, Trabearum, fasciumque ve-  
 strarum pondere laborare. Qui ipsam etiam Americam, novum nem-  
 pe Orbem, Vaglii dominatu illustravit; Ac tot Aurei velleris Equi-  
 tes, tot Hispania Magnates edidit; Tot Proreges invictissimos pro-  
 creavit: Quos inter Principem sibi vendicat locum Germanus Tuus,  
 Tuque omnino similis Dux Vibonensis, quem Sardinia olim suspexit  
 pro Rege moderantem; Ac Trinacria nunc Regis gerentem Vices ea-  
 laudum segete onustum intuetur, ut latissima se præ gaudio non ca-  
 pias Insula; Qua triumphalibus semper Augustissimi Caroli armis de-  
 victa, Illius ex omni parte Amoris expugnari armis se animadver-  
 rit; Atque Hectorem illum Pignatellum, suo bene respondentem No-  
 mini, Vibonensi etiam dominatu insignitum, veluti redivivum intue-  
 ri, ac suspicere, morem ei gerendo obsequentissimum; Is quippe antea-  
 ctis seculis assertam pariter Regi suo Siciliam felicissime est modera-  
 tus. Hac, aliæque sexcenta hujusmodi Sanguinis Tui decora, quæ li-  
 benter missa facio ( ne nunc primum malemeritis de Te videar;  
 Tuamque præ ipsamet Purpura rubescere cogam modestiam ), Hac,  
 inquam, decora Ostrum jam Tibi non uno Nomine deferebant; Sed  
 indignum Te existimasti, quod nullo Tibi labore non staret; quod Tuo  
 sudore non imbueres. Unus effecisti, ut magis ipsæ Tibi uni fumose  
 Majorum imagines, Marmorataque laudes, quam Tu ipsis deberes;  
 ut Posteris Tuis laudum prærogativam præriperes; ut Natura in Te uno  
 ad maxima omnia effingendo conatus Virtute superares. Eo denique de-  
 venisti Celsitudinis, ut non modo supra famam, ultra Invidiam, trans  
 omnem ancipitis fortune aleam Magnitudinis Tuae securus confistas;  
 atque ad supremum Ecclesiastica Hierarchia Solium, quo Tua Te me-  
 rita provehant, votis omnium evoceris; Sed etiam incolumes, atque  
 in tuto locatos reddas, quos Tuo Patrocinio tueri non dedignaris. Va-  
 le. & diu, felixque Ecclesia Catholica, ac Tuis præsertim obsequen-  
 tissimis famulis vive.*

# LECTORI

Benevolo.



Iraberis profecto, quod paucis hisce Opusculis Theologico-Moralibus ad Te veniam, ubi. Universa, prout in Scholis traditur, Moralis Theologia jamdiu a me in lucem danda expetebatur, & expectabatur. Ut, verum fatear; post absolutam utcumque, Superis annuentibus, Trutinam. Antiquæ inellanam, a Moralibus in posterum quæstionibus ex professo pertractandis supersedendum statui; Siquidem vix calamo ad id operis admoto animadverti, plurimum studii, ac laboris, plurimum ingenii, ac perspicuitatis, plurimum dexteritatis, ac prudentiæ opus esse ad illud pro dignitate peragendum, atque ad Sapientium, ac Insipientium, notas declinandas. Præsertim quia Moralem Cursum aggressuro immensum esset pelagus enavigandum, innumeris ubique disseminarum Syrtibus, in quas vel peritissimi ex Naucleris. non raro impeerunt; Nec cuique facile est alterutrum scopulum declinare, aut laxitatis, aut nimii rigoris in opinando; passimque Incidit in Scyllam cupiens vitare Charybdim. Quare impar ego tanto oneri, atque non minus ingenio hebes, quam acie oculorum, animis excidi; grates Deo bonorum omnium Largitori rependens plurimas, quod in exponendis Confixis. Thesisibus (nisi mea mihi sententia, ac non paucorum opinio blandiatur) incolumis evaserim.

Instantibus tamen, ac percipientibus Theologiæ Candidatis; Aliis etiam quotidiano pene convicio. esflagitantibus, aut missis ad me. literis perquirentibus, Necnon iis, quorum iussa declinare non poteram, suo nomine quasi debitam officium postulantes, ut Theologico-Moralia. saltem Opuscula in lucem ederem, prout olim in Scholis tradideram, quippe qui fore sperabant, ut humaniter, & citra nauseam, ac stomachum exciperentur; non secus ac benigne Cursus Theologicus, Scholastica. pariter methodo in Scholis traditus, necnon Opusculum de Anni. Sancti. Jubilæo excepta fuere, quod toties iteratæ illorum editiones non obscure testantur, imperata facere oportuit; Ac tandem aliquando resectis,

Deo

Deo miserante, quantum provecta passa est ætas, viribus, apople-  
 ticorum vitæ insidantium insultum vi non parum accisis, ani-  
 mum induxi, ut ea incudi redderem, & ad limam pro modulo  
 meo revocarem. Ea quippe multis ab hinc lustris inter alia sele-  
 geram in Palæstra Theologica explicanda, velut ad Cursum Theo-  
 logicum prodroma, utpote quæ magnam eruditionis, ac doctri-  
 næ ad praxim spectantis segetem proferunt, nec Moralem dum-  
 taxat, sed Scholasticam, immo & Positivam etiam sapiunt Theo-  
 logiam. In primo siquidem ex his, quæ ad usum Tyronum elu-  
 cubrata fuere Opuscula, disceptatur de Principiis Moralitatis, seu  
 de Actibus Humanis prout universam Theologiam Moralem fun-  
 dantibus. In secundo de Conscientia Dubia, & Scrupulosa; ubi  
 etiam nonnulla de Conscientia Certa, Erronea, ac Probabili deli-  
 bantur. In tertio de Beneficiis Ecclesiasticis; ubi fusc etiam de  
 Simonia universim. In quarto denum de Usuris, quippe quæ af-  
 finitatem cum Simonia habent, quatenus quod in Spiritualibus  
 Simoniam, in Temporalibus redolet Usuram; atque utrobique  
 persæpe contractus, qui speculative, seu circumscriptis adjunctis,  
 ab utraque labe depurati deprehenduntur, in praxi tamen ab ea  
 non sunt immunes. Tradideram pariter Auditoribus meis quintum  
 Opusculum inscriptum De Jubilæo, præsertim Anni Sancti, ac de  
 Indulgentiis universim. Sed illud hic superaddere non est opus,  
 utpote quod occasione Anni Sancti tunc temporis imminentis,  
 videlicet anno 1699., Illustrissimus D. Fabius Caracciolus & Ducib-  
 us Montis Sardi inter meos Auditores nemini secundus, sangui-  
 nis claritate satis notus, præstanti ingenio, ac virtute ornatus,  
 Prælatura jamdudum Romæ insignitus, ac ad Purpuram, Deo au-  
 spice, evehendus, vix exceptum, in sui, ac mei obsequium Emi-  
 nentissimo Ursino Archiepiscopo Beneventano in lucem editum  
 dicare censuit; Ac deinde Typographus, tanquam Appendicem,  
 semper illud annexuit in quavis ex tot editionibus Trutinæ Theo-  
 logicæ Thesaurum damnatarum, ut plurimæ Indulgentiæ passim affe-  
 quibiles omnibus innotescerent; atque ad eas cum fructu lucran-  
 das quilibet incitaretur.

At audire videor plurimorum querimonias, qui ab innumeris,  
 ubique obviis, de re Morali pertractantibus libellis abhorrentes,  
 nil nisi crambem recoctam in hisce Opusculis apponi posse autu-  
 mant. Quid enim superaddi poterit iis, quæ tot præclarissimi Au-  
 ctiores in suis Voluminibus easdem quæstiones revolventibus, ac  
 difficultates enodantibus candidissime enuclearunt? Qui fieri pote-  
 rit;

rit, ut quidpiam de novo prodeat, quod in Veterum monumentis non habeatur in bono lumine collocatum? Non unus dumtaxat aptare hic posset illud Martialis: *Quem scribis, meus est, o Fidentine, Libellus; Sed male dum scribis, incipit esse tuus.* At cur querimoniis istis non pariter Martialis illud reponatur? *Cum tua non edas, carpis mea carmina Casar; Carpere vel noli nostra, vel e-de tua.* Si quidpiam querimoniæ istæ, quæ passim obtruduntur, præferrent; Nonne pariter evincerent, incallum celeberrimos superioris Sæculi Auctores desudasse in rebus Moralibus universim discutiendis; ubi de iisdem pariter Auctores longe præstantiores, ac non pauci, Sæculis anteaetis disputarunt? Cum tamen in comperto sit, Superioris Sæculi Auctores multum splendoris Reipublicæ literariæ contulisse, ac ornamenti plurimum Bibliothecis addidisse. Siquidem quod Veteres profunde, ac dilucide prodiderunt, illud ipsum, sed alia via, alia methodo, aliis ratiocinationibus, ac doctrinis illustratum a Neotericis proditum est, non sine magna ingeniorum, ac animorum utilitate. Idipsum in hisce Opusculis præstare conatus sum, animo revolvens, quod post tot Thesium proscriptiones malint Theologicæ Facultatis studiosi Opellis istis, quæ nec mole obruunt, nec brevitate confundunt, sedulam navare operam; quam aliis utut præstantioribus, in quibus evolvendis scopulorum ignari sæpenumero hærent, ac timore trepidant etiam ubi non est timor. Non abs re itaque quæstiones plurimas ad praxim passim occurrentes, quas alii fusiore calamo pertractarunt, veluti in compendium peritrinxi, brevitati simul consulens, & claritati, ut eas præ manibus Tyrones habere facile possent; iis opinionibus meum calculum superaddendo, quæ magis veritati consonæ visæ sunt. Hisce de causis, mutato consilio, post hæc elaborata Opuscula animum etiam induxi ad incudi pariter reddendum Moralem Cursum, & jam nonnullos hujusce rei Tractatus pro modulo meo ad umbilicum perduxì; ac labori non parcens confido post non multum temporis alios pariter perditurum, ut simul omnes typis committantur; si tamen divina inde gloria (quæ tantorum laborum unicus est scopus) promovenda sit. Interim Lector, si quid boni in revolvendis meis lucubrationibus deprehenderis, Clementissimo bonorum omnium Auctori gratias age; si quid mali, tribuas tenuitati meæ. Vale.

JOAN-

JOANNES BAPTISTA GRIMALDI  
Præpositus Provincialis

SOCIETATIS JESU

In Regno Neapolitano.

**C**UM Librum ; cui titulus est , OPUSCULA  
THEOLOGICO-MORALIA , a P. Dominico Vi-  
va Societatis nostræ Sacerdote conscriptum , ali-  
quot ejusdem Societatis Theologi , quibus com-  
missum fuit , recognoverint , & in lucem edi pos-  
se probaverint ; facultate nobis ab Adm. Rev. P.  
Nostro Michaeli Angelo Tamburino Præposito  
Generali communicata , concedimus , ut typis  
mandetur , si ita iis , ad quos pertinet , videbi-  
tur . In quorum fidem has literas manu nostra  
subscriptas , & sigillo Societatis nostræ munitas  
dedimus .

Neapoli die 7. Octobris 1720.

*Joann. Baptista Grimaldi.*

# NOI REFORMATORI

Dello Studio di Padova.

**H**Avendo veduto per la Fede di Revisione, & Approbazione del P. F. Ambrosio Lisotti Inquisitore di Padova nel Libro intitolato *Opuscula Theologico-Moralia ad usum Tyronum elucubrata a P. Dominico Virva Societ. Jesu, &c.* non v'esser cos' alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concedemo Licenza a Gio: Manfrè Stampatore, che possi esser stampato, osservando gli ordini in materia di Stampe, e presentando le solite copie alle Pubbliche Librarie di Venezia, e di Padova.

Dat. 4. Agosto 1720.

{ Gio: Francesco Morosini Cav. Ref.  
{ Pietro Grimani Cav. Proc. Ref.

*Agostino Gadaldini Segret.*

INDEX

# I N D E X Q U Æ S T I O N U M,

Quæ in hoc primo Opusculo continentur  
DE PRINCIPIIS MORALITATIS,  
Seu DE ACTIBUS HUMANIS

Quoad ea, quæ fundant Theologiam Moralem universam.

## Q U Æ S T I O P R I M A.

Quid, & quotuplex sit Voluntarium, & Liberum? pag. 1

ART. I.	Quomodo definiatur Voluntarium? Quomodo Liberum?	ibid.
II.	Quotuplex sit Voluntarium?	3
III.	Satisfit quibusdam quæsitis ad praxim necessariis.	4
IV.	Num dicatur Voluntarium, & aperiendus sit in Confessione effectus procedens ex causa libere voluta, quando non potest ea amplius vitari?	6

## Q U Æ S T I O I I.

Utrum Peccatum ex genere suo Mortale evadat Veniale ex defectu Voluntarii?  
Ubi plurima de Delectationibus Morosis. 9

ART. I.	An Peccatum ex genere suo Mortale evadere possit Veniale ex defectu Voluntarii, seu plena libertatis?	ibid.
II.	An Delectatio Morosa de objecto turpi secundum se pervingat ad Mortale?	11
III.	An Delectatio Morosa de objecto turpi indivulse voluta sit etiam mortale?	14
Ult.	Utrum desideria objectis pravi sub conditione tollente ejus malitiam vacent totali culpa?	17

## Q U Æ S T I O I I I.

Quenam Ignorantia circa Leges, aut Præcepta tollat, vel minuat Culpam? 19

ART. I.	Quid, & quotuplex sit Ignorantia, & quanam reddat alium Involuntarium?	ibid.
II.	Utrum a culpa excuset Ignorantia Invincibilis, etiam si Concomitans?	21
III.	Ex præjacta doctrina plurimæ difficultates resolvuntur.	23
IV.	Utrum Ignorantia Invincibilis solius pena per legem imposita excuset ab ea pena Delinquentem?	26
V.	Quandonam Ignorantia censeri debeat Invincibilis, etiam si proveniat ab Ignorantis culpa, etiam excuset a pena.	28
VI.	An possit dari Ignorantia Invincibilis Dei, & Juris naturalis?	29
VII.	Utrum Ignorantia Vincibilis semper peccatum minuat, præsertim in Transgressione legum Humanarum?	31
VIII.	Utrum legis Ignorantia mortaliter vincibilis excusare possit a pena, quævis non excuset a gravi culpa?	32
Ult.	Utrum peccata ex Ignorantia vincibili commissa sint ejusdem speciei moralis cum peccatis scienter commissis?	33

Q U Æ -

## QUÆSTIO IV.

De Vi, Coactione, ac Metu excusantibus a Legum, & Votorum observantia. 35

<u>ART. I. Quid, &amp; quomplex sit Metus, Vis, &amp; Coactio?</u>	ibid.
<u>II. Endantur plurimæ Difficultates quoad metum cadentem in Constantem Firum.</u>	38
<u>III. An metus gravis excuset a culpa Transgressorem Legum Humanarum?</u>	39
<u>IV. An Metus gravis excuset a Transgressione Legis Divinae Positiva?</u>	42
<u>Ult. An Metus gravis excuset a Transgressione Legis Naturalis?</u>	43

## QUÆSTIO V.

De Ignorantia, ac Errore Contractus irritante ex defectu Voluntarii. 47

<u>ART. I. Prænotantur Prænotanda.</u>	ibid.
<u>II. Utrum Error, vel dolus antecedens reddat Contractus irritos jure natura?</u>	49
<u>III. Ex præjacta doctrina resolvuntur plurimæ Difficultates.</u>	51
<u>IV. An dolus, vel error antecedens dant causam Contractus illum irritis, saltem jure Positivo?</u>	54
<u>Ult. An Error concomitans circa rei substantiam irritet Contractum jure Naturæ?</u>	56

## QUÆSTIO VI.

De Metu irritante Contractus, aut Vota ex defectu Voluntarii. 57

<u>ART. I. An Metus gravis iniuste incussus ad extorquendum Contractum irritet illum jure natura?</u>	ibid.
<u>II. Utrum Contractus metu iniuste extortus sint jure positivo irriti, an solum irritandi?</u>	60
<u>III. Utrum Metus etiam levis extortus restituenda sint in foro Conscientiæ?</u>	61
<u>Ult. Resolvuntur plurimæ Difficultates ex præjacta Doctrina.</u>	63

## QUÆSTIO VII.

Utrum Juramentum confirmet Contractus metu irritos, aut obligationem implendi Contractus inducat? 65

<u>ART. I. Prænotantur Prænotanda.</u>	ibid.
<u>II. Utrum Juramentum universim confirmet alius jure positivo irritos?</u>	66
<u>III. Utrum Juramentum confirmet Contractus metu invalidos, aut saltem obligationem inducat eos implendi?</u>	67
<u>Ult. Quisnam Prælati possit Juramenta contrahentibus adjecta relaxare?</u>	71

## QUÆSTIO VIII.

De Concupiscentia minuente, vel augente Voluntarium. 74

<u>ART. I. Utrum Concupiscentia minuat, aut etiam quandoque tollat Voluntarium?</u>	ibid.
<u>II. Utrum restituenda sint in foro Conscientiæ, quæ blandis verbis extorquentur.</u>	75

## QUÆSTIO ULTIMA.

De Actibus humanis quoad eorum moralitatem. 76

<u>ART. I. In quonam consistat bonitas, &amp; malitia Moralis.</u>	77
<u>II. Utrum a Fine, an ab Objecto definiantur bonitas, aut malitia moralis Actuum humanorum?</u>	ibid.

OPUS



# OPUSCULUM

## PRIMUM.

### DE PRINCIPIIS MORALITATIS,

SEU

### DE ACTIBUS HUMANIS

Quoad ea, quæ fundant Theologiam Moralem universam.

PROOEMIUM.



**I**N Tractatu de Actibus Humanis Scholaſtici viam muniunt ad Moralem Theologiam, ejuſque fundamenta jaciunt, examinando noſtrorum actuum bonitatem, ac malitiam moralem, motuſque animi voluntarios, ac liberos; Cum enim moralitas in actu eſſe non poſſit ſine libertate, & actus non poſſit eſſe liber, niſi ſit voluntarius, idcirco anxie diſcutiunt, quomodo ratio voluntarii, ac liberi ab Ignorantia, Metu, Concupiſcentia, & ſimilibus lædatur, ut dignoſci poſſit quandonam actus ex defectu voluntarii, aut plenæ libertatis, vel culpa ſimpliciter vacet, vel ſaltem gravi culpa. Hæc nos, Numine aſpirante, in præſenti præſtabimus, ut facilius percipi poſſint, quæ Scholaſtica Theologia diſcutit de Actibus humanis in ordine ad ſpeculationem.

Primo itaque quæremus, quid, & quotuplex ſit Voluntarium, ac Liberum. Secundo, An peccatum de ſe mortale evadere poſſit veniale, ſive ex defectu plenæ deliberationis, ſive ratione puræ delectationis moroſæ de objecto prævo non pertingentis ad deſiderium, aut operationem, ſive ratione delectationis, vel deſiderii ſub conditione tollente malitiam ab objecto? Tertio, Quænam ignorantia circa leges, ac præcepta ſeu tollat, ſeu minuât culpam? Quarto, Quænam ignorantia, aut error in contractibus illos irritet, ſive naturali jure, ſive politico? Quinto De vi, coactione, ac metu excuſante a legum, ac votorum obſervantia. Sexto De Metu, tam juſte, quam injuſte incuſſo reddente contractus ſive irritos, ſive irritandos. Septimo nonnulla examinabimus de Concupiſcentia, ſeu de paſſione partis inferioris mentem perturbante, quæ ſæpe tollit, aut minuit voluntarium, & ſubinde malitiam, aut bonitatem moralem augeat. Demum quæ ad eſſentiam moralem actuum humanorum ſpectant paucis perſtringemus; Superſedendo a quaſtionibus de Conſcientia, ſeu ultimo rationis dictamine, quæ proxima regula eſt humanarum actionum, cui ſe conformando voluntas dicitur moraliter bona, & difformando mala; cum de ea in Opusculo inſequenti de conſcientia dubia, & ſcrupuloſa, Deo dante, agendum ſit.

## QUÆSTIO PRIMA.

Quid, & quotuplex sit Voluntarium, ac Liberum?

**D**iscutienda est primo Voluntarii, ac Liberi definitio. Deinde multiplex eorundem acceptio. Tertio satisfaciendum nonnullis hac de re quaesitis ad praxim necessariis.

## ARTICULUS PRIMUS.

Quomodo definiatur Voluntarium, quomodo Liberum?

- I. *Definitur voluntarium, & Volentum.*
- II. *Definitur liberum libertate a coactione, & libertate indifferentia.*
- III. *Parva Omisio quomodo dicatur voluntaria, & libera?*

**I.** **V**oluntarium ex Philosopho 3. Ethic. 1. dicitur, *Cujus principium est in agente cognoscente singula: Quare tria requiruntur, ut actio sit voluntaria. Primum est, quod sit a principio intrinseco; nam Volentum est, quod sit ab extrinseco nullam vim conferente passio. Secundum, quod procedat a principio cognoscente, eo quod voluntas non feratur in incognitum. Tertium, quod cognoscantur singula, idest ea omnia, ex quibus operationis substantia, tamquam ex objecto dependet: Sic, ut Parricidium, v. gr. sit voluntarium debet esse a principio intrinseco cognoscente, non solum quod qui occiditur sit homo; sed etiam quod sit pater; aliter non erit voluntarium in quantum parricidium est.*

Voluntarium sic definitum opponitur, tam Volento, quod scilicet procedit ab extrinseco, quam Naturali, quod scilicet sit a natura, absque cognitione ejus, quod agitur, ut sunt operationes vegetativæ, quæ licet sint a principio intrinseco, non sunt tamen voluntariæ, sed naturales: Coincidit tamen cum Spontaneo, ut notat D. Th. 1. 2. quæst. 6. art. 2., quod reperitur etiam in Brutis; nam Bruta etiam operantur cum cognitione ejus, quod agunt, quamvis careant cognitione perfecta, & libero arbitrio. Quare voluntarium presse sumptum in quantum est proprium Hominis definitur, *Quod procedit a voluntate; in quo sensu non competit Brutis ratio voluntarii, quamvis iis competat Brutis ratio spontanei.*

Porro differt Voluntarium a Volito, ut

notat Cajet. quæst. 154. art. 5., quia volitum comparatur ad voluntatem tanquam objectum ad suam potentiam; voluntarium vero ad voluntatem comparatur tanquam effectus ad suam causam; unde solus actus voluntatis, & omisso dicuntur voluntaria, quamvis possint esse etiam Volita actu reflexo.

II. Liberum vero definitur: *Quod procedit a Potentia, quæ positis omnibus requisitis ad agendum potest agere, & non agere. Ita communiter cum Suar. lib. 1. de Gratia cap. 3.; quod colligitur ex Scripturis, tum etiam ex Tridentino sess. 6. cap. 5., ubi Libertatem nostram, quæ ad Deum convertitur in eo reponit, quod Deo tangente cor nostrum sua gratia, possumus illi assentiri, si velimus, aut dissentire; quod est posse agere, vel non agere. Quicquid sit, utrum hoc intelligendum sit in sensu composito, an diviso? Quod fuisse discutit contra Thomistas Coninch disp. 2. de actibus humanis dub. 3.*

Hæretici docentes cum Calvino, & Lutheri, Gratiam efficacem non tollere libertatem, quamvis necessitet ad assensum, duplicem libertatem distinguunt, alteram a coactione, quæ habetur, quoties voluntas non coacte, sed spontaneæ, & cum inclinatione fertur ad unam partem contradictionis; etiam in nequæ ad alteram ferri; Alteram vero libertatem vocant a necessitate, seu indifferentia, quæ habetur, quoties voluntas indifferenter se habet ad utramque partem contradictionis. Veram libertatem a coactione non esse dicendam libertatem ad meritum, vel demeritum sufficientem in natura lapsa, constat ex Tridentino adducto: Unde Innoc. X., & Alex. VII. proscripserunt tertiam illam Jansenii thesam, in qua dicitur: *Admerendum, & demerendum in statu nature lapsæ non requiritur in homine libertas a necessitate, sed sufficit libertas a coactione.*

III. Ex dictis sequitur primo, differre voluntarium a libero, tamquam superius ab

ab inferiori : etenim omne liberum est voluntarium, sed non e converso ; amor enim v. gr. in Patria, & amor, quo Deus semetipsum diligit, est plene voluntarius, non tamen liber, nisi tantum a coactione. Notandum tamen saepe confundi Voluntarium cum Libero, ita ut nomine actus voluntarii significetur actus liber ; & juxta hunc sensum locutus est August. lib. 1. de vera Relig. c. 14., ubi dixit : *Usque adeo peccatum est malum, ut nullo modo sit peccatum, si non sit voluntarium*, hoc est liberum : & in hoc eodem sensu a nobis deinceps usurpabitur.

Sequitur secundo, definitionem Voluntarii posse etiam applicari puræ omissioni liberæ ; hæc enim quatenus libera procedit a principio intrinseco cognoscente singula, & in omissionem influente, non quidem positive, sed privative, ut notat D. Th. loco laudato art. 2. : *Voluntas enim, quæ est causa positiva suæ operationis, dici potest causa privativa suæ omissionis* ; Causa enim dicitur id, per quod respondemus interroganti propter quid res sit ; interroganti autem propter quid sit Omissio, respondemus, quia voluntas libere se determinavit ad non operandum, seu ad omitendum.

## ARTICULUS II.

### Quotuplex sit Voluntarium?

- I. *Quid sit directe, quid indirecte voluntarium, seu liberum?*
- II. *Explicatur Voluntarium elicatum, ac imperatum.*
- III. *Item expressum, & tacitum.*
- IV. *Voluntarium voluntate propria, & aliena.*
- V. *Nonnullum æstuale, virtuale, & habituale.*

I. **D**ividitur primo voluntarium, prout confunditur cum libero : Aliud enim est voluntarium directe, quod scilicet est voluntarium in se : puta si quis occidat hominem advertens esse hominem, hujusmodi homicidium dicitur directe voluntarium : Aliud est voluntarium indirecte, seu in alio, tanquam in causa, soletque appellari voluntarium interpretative, quod dupliciter contingit : Primo si quis ponat actionem, ex qua prævidetur securus aliquis effectus : V. g. si sciens te in ebrietate facile alios occisurum, adhuc inebrians, homicidium inde securum erit

tibi indirecte voluntarium. Secundo si quis effectum aliquem impedire possit, & impedire omitat : V. g. si videns mergi navem omitat submersionem impedire, cum possit, submissio censetur voluntaria indirecte.

II. Dividitur secundo voluntarium in Elicitum ; quod scilicet libera voluntas elicit immediate ; & Imperatum, quod non elicitur ab ipsa voluntate, sed ab aliis potentis, quibus voluntas imperat, ut sunt actus loquendi, legendi &c. : imo ipse actus intellectus potest a voluntate imperari, dummodo non sit prima cognitio, cum voluntas ferri nequeat in incognitum ; potestque etiam unus actus voluntatis alium imperare, ut quando posita intentione finis imperatur electio medi : Quicquid sit, an circa actus a voluntate sibi imperatos exerceatur immediata libertas in quod disputant Doctores.

III. Dividitur tertio in Expressum, quod scilicet verbis, aut aliis signis ad id institutis exprimitur, & Tacitum, quod scilicet ex solo pacto, aut conventione perpensis circumstantiis prudenter colligitur. Hinc est regula illa quarta Juris in sexto. *Qui tacet consentire videtur* ; quando scilicet taciturnitas aliis adminiculis adjuvatur, ut notat Azor. tom. 1. lib. 1. cap. 4., aliter militabit regula quadragesima quarta dicens, *Is, qui tacet, non scitur, sed nec minus negare videtur* : Unde Doctores apud Sanch. l. 1. disp. 5. varias tradunt conjecturas, quibus tacentis consensus, aut dissensus præsumi possit ; videlicet si quid fiat in favorem tacentis, taciturnitas habetur pro consensu ; sicut etiam si facile contradicere possit, & non contradicat : secus vero si quid fiat in ejus incommodum, & contradicere non debeat, aut non possit sine periculo, vel scandalo.

IV. Dividitur quarto in Voluntarium voluntate propria, quod scilicet a singulis elicitur, & imperatur, & Voluntarium voluntate aliena : sic actus voluntarius Tutoris censetur esse voluntarius Pupilli, voluntas Patris censetur voluntas Filii imputeris, & voluntas nostri Protoparentis censetur esse voluntas Posterorum.

V. Denique dividitur in Aduale, Virtuale, & Habituale : dicitur voluntarium Aduale, quando quis aliquid facit, advertens ad id, quod agit ; dicitur Virtuale, quando quis ex vi actus precedentis aliquid facit, non advertens hic & nunc ad id, quod agit, v. g. si Confessarius distra-

atque absolvat ex vi voluntatis antecedentis, quia ad Confessionem audiendam accessit. Dicitur Habituale, quando quis aliquid facit, neque sciens id, quod agit, neque id faciens ex vi alicujus actus precedentis, ita tamen dispositus, ut si sciret, adhuc faceret ex vi actus precedentis, non amplius perseverantis moraliter, sed interrupti v. gr. per somnum, ebrietatem, amentiam; ut si quis post somnum non advertens occidat ininicum, quem olim vigilans volebat occidere. Hoc tamen voluntarium habituale non sufficit ad tunc peccandum, nec ad valorem contractuum, nec ad sacramenta conferenda, licet satis sit ad quaedam sacramenta suscipienda.

Hinc potest amens, qui aliquando habuit usum rationis, voluitque christianam mori, recipere in articulo mortis Eucharistiam (si citra irreverentiam possit) & Extremam unctionem; potest etiam baptizari, & absolvi, dum caret usu rationis, qui Baptismum, aut absolutionem petiit ante quam sensibus destitueretur, quia in his Sacramentis recipiendis satis est habitualis intentio: Non potest tamen valide matrimonium verbi gratia contrahere, absolvere, consecrare; quia in his requiritur intentio virtualis. Et ratio disparitatis est, tum quia suscipiens Sacramenta habet se passive, conferens vero active; major autem perfectio requiritur in agente, quam in patiente; tum etiam quia quamvis sapientem deceat aliquando dispensare bona amentibus, nunquam tamen decet ea dispensare per amentes; unde quamvis Christus Dominus voluerit quaedam Sacramenta conferri amentibus, & cum sola aut interpretativa, si nunquam rationis usum habuerint, aut cum habituali intentione, si rationis usum prae habuerint, nulla tamen Sacramenta voluit conferri per amentes, & sine intentione saltem virtuali, & humana.

### ARTICULUS III.

Satisfit quibusdam quaestis ad praxim necessariis.

- I. Num requiratur ad voluntarium directe non solum expressa scientia, sed etiam expressa voluntas?
- II. Utrum dicatur indirecte voluntarius effectus praeparatus in causa sua, si non deum obligatio illam vitandi?
- III. Qui pravo suo exemplo alium inducit ad

furandum, num teneatur ad restitutionem?

IV. Quid si Confessorius culpabiliter omittat Penitentem monere de restitutione facienda?

V. Num peccet contra iustitiam Gubernator, inane suo exemplo alios ad furandum?

I. **C**irca primam divisionem Voluntarii, seu Liberi, dubitatur primo, an ad Voluntarium directe requiratur non solum expressa scientia, sed etiam expressa voluntas? v. gr. si quis propinet venenum, advertens solum esse mortiferum, non tamen intendens mortem, quæritur an homicidium secutum dicatur directe voluntarium, ita ut propter illud incurratur irregularitas proveniens ex homicidio directe voluntario, cujus dispensatio semper excipitur in omnibus privilegiis.

Negant nonnulli apud Vasquez 1.2. disp. 24. cap. 2.; & ratio videtur esse, quia ut homicidium dicatur directe voluntarium debet esse volitum in se, & per hoc distinguitur a casuali, quod casuale debet esse volitum in sua causa, quod habetur in casu adducto.

Sed præstat sentire cum Avila de censuris p. 7. disp. 6. sect. 2. Henriquez, Navar. Sa, dicentibus homicidium esse directe voluntarium, si sit volitum vel in se, vel in causa adeo propinque, ut sit moraliter impossibile velle illam, & nolle mortem: puta si quis velit mortaliter ferire, venenum propinare &c.: Contra vero esse casuale, & indirecte voluntarium, quando est volitum in causa remota, ex qua casu, & veluti per accidens mors sequatur, v. gr. si quis velit leviter aliquem vulnerare, & deinde non temperavit manum, unde mors præter intentionem secuta est, quamvis cum culpa gravi.

II. Dubitatur secundo, Utrum dicatur indirecte voluntarius eventus proveniens ex aliqua causa positiva, ex qua prævidetur futurus, etiam si nullum sit præceptum, ne fiat tale opus positivum, in quo ille eventus prævidetur, v. gr. si quis audiendo confessiones, vel comedendo temperate prævideat delectationem carnalem, vel aliam spiritui commotionem secururam, quæritur, an hæc dicatur indirecte voluntaria?

Affirmat Vasquez 1.2. disp. 24. c. 3. probatque ex definitione voluntarii, quod est a principio intrinseco cognoscente singula: **talis**

talís autem delectatio carnalis est a principio intrinseco illam prævidente; ergo est indirecte voluntaria. Etenim voluntas, dum vult causam, in qua prævidetur eventus futurus, vult pariter eundem eventum ex lege p. de *Ufus fructus petitione*, & qui vult antecedens vult consequens inde deductum.

Sanchez vero lib. 9. disp. 43. putat, effectum prævisum in causa, quam non tenetur quis vitare, non dici indirecte voluntarium; cum non imputetur ad culpam operanti, si causam vitare non teneatur: Hinc peccata non dicuntur Deo voluntaria per hoc, quod prævideantur secutura ex collatione auxilii inefficacis; nec dicitur voluntarium Scandalum Pharisaicum ponenti actionem de se bonam, quamvis prævideatur illud præter intentionem bene operantis secuturum.

Utramque sententiam conciliat Merolla, Franciscus Lugo, Layman, & alii, dicendo dupliciter posse aliquem effectum dici indirecte voluntarium, videlicet Physice, seu quasi Physice, & moraliter, seu imputative ad culpam: Ut effectus in casu adducto sit voluntarius Physice, docent non requiri obligationem vitandi causam; secus vero ut sit voluntarius moraliter.

Dico equidem primo cum Martinonio disp. 9. de actibus humanis; Effectus prævisus in sua causa libere volita dicitur moraliter, seu imputative ad culpam voluntarius, si detur obligatio vitandi causam. Ratio est, quia si nullum detur præceptum non ponendi causam, in qua effectus prævidetur, sicuti ad culpam non imputatur causa, ita nec effectus. Quare si ex comestione calidorum, v. gr. prævideatur secutura spirituum commotio, hæc non dicitur imputative ad culpam voluntaria, si non datur obligatio vitandi eam comestione: Quando tamen ea intentione quis ponit causam, ut sequatur effectus (v. gr. ea intentione comedit calida, ut spirituum commotio consequatur) hæc dicitur voluntaria moraliter, & imputative ad culpam, quia quamvis non teneatur ab ea comestione abstinere, tenetur tamen abstinere a comedendo cum ea intentione, ut talis concupiscentia sequatur. Non est autem mirum, quod possit aliqua citra culpam poni causa, ex qua prævidetur malus effectus secuturus, quin possit ea poni cum hac intentione, quod talis effectus sequatur. Sic potest aliquis indigens mutuo petere illud ab usurario prævidens, quod ille petiturus sit

*Opusc. I.*

usuras; non tamen potest ea intentione petere mutuum, ut ille petat usuras. Potest pariter femina cum decente ornatu ire ad Ecclesiam, prævidens quod ab aliquibus vage sit concupiscenda, quin possit ea intentione ab Ecclesia ire, ut ab aliquibus concupiscatur.

Dico secundo: Effectus prævisus in sua causa per se libere volita dicitur indirecte voluntarius, tantum physice, seu quasi physice, si nulla detur obligatio vitandi causam, ut est v. gr. commotio spirituum prævisa in comestione calidorum. Ratio est; quia ex lege laudata, Qui vult causam per se, vult effectum ex illa provenientem: Quomodo enim intelligi potest, quod quis velit lethalter ferire, & non velit etiam occidere? Ergo effectus in sua causa per se prævisus dicitur voluntarius physice, seu quasi physice: Non est tamen moraliter voluntarius, si non detur præceptum non apponendi talem causam, iuxta dicta in prima conclusione.

Dico ultimo, effectus prævisus in sua causa per accidens, neque physice, neque moraliter dicitur voluntarius indirecte, si non detur obligatio vitandi causam. Ratio est, quia voluntas relate ad talem effectum neque influit physice, cum solum physice influit in causam, quæ de se non trahit talem effectum: neque influit moraliter, cum non detur obligatio vitandi causam, ex qua provenit.

Hinc peccata creaturarum non dicuntur Deo voluntaria nec physice, nec moraliter; non physice, aut quasi physice, quia prævidentur secutura per accidens ex libertate collata; nec moraliter, quia non tenetur Deus abstinere a conferendo libertatem. Idemque dicas de scandalis Pharisaico.

III. Ex dictis sequitur, quod si Titius suo pravo exemplo moveat Cajum, v. gr. ad furandum, huiusmodi furtum sit indirecte voluntarium moraliter Titio, etiamsi per accidens sequatur. Ratio est, quia Titius prævidit Cajum accepturum ansam furandi, & debebat impedire. Notandum tamen, quod quamvis furtum Caji imputetur ad culpam Titio inducenti illum ad furandum suo pravo exemplo, non per hoc Titius tenetur ad restitutionem, ut docent Sanchez. lib. 1. cap. 6. Layman. lib. 2. tract. 3. cap. ult. Bonacina de restitutione disp. 1. quæst. 2. Ratio est, quia Titius peccavit solum contra charitatem, non contra iustitiam; etenim iustitia non violatur, nisi

A 3 quis

quis influat positive in damnum alterius, siue physice, siue moraliter, v. gr. consulendo, mandando &c., aut cum quis ex contractu, vel officio teneatur damnum impedire, & non impedit. Titius autem neque influat positive ad furtum, neque ex contractu, aut officio teneatur impedire, ne Cajus furetur; ergo quamvis furtum Caji imputetur Titio, non peccat proinde Titius contra iustitiam; unde non teneatur ad restitutionem.

IV. Idemque docent multi de Confessione, qui culpabiliter omittit monere poenitentem, ut restituat. Docent enim probabiliter, Confessarium hunc ad restitutionem non teneri; quia ex officio non teneatur consulere damno temporali aliorum, sed solum bono spiritali poenitentis; unde non videtur peccare contra iustitiam erga alterum, si omittat culpabiliter monere poenitentem de restitutione facienda: secus vero si positive dixerit poenitenti, nullam habere obligationem restituendi; tunc enim moraliter influeret suo consilio in damnum alterius; unde contra iustitiam peccaret, & ad restitutionem tenebatur.

V. Utrum autem Princeps, aut Governator Republicae, si suo malo exemplo inducat alios ad furandum, peccet solum contra charitatem, an etiam contra iustitiam? disputant Doctores: Docent multi apud Bonac. peccare contra iustitiam, & consequenter ad restitutionem teneri, quia ex officio suo videntur Principes, & Governatores teneri ad impedienda furta, & sic consulere bono temporali subditorum: Sanchez vero probabiliter docet, non teneri ex iustitia, seu ex proprio munere facultates subditorum custodire, aut bonum exemplum praebere, cum non sint Pastores; sed solum debere consulere bono pacis, unde si pravo exemplo moveant alios ad furandum, aut aliter damnificandum, ad restitutionem non teneantur.

#### ARTICULUS IV.

Num dicatur voluntarius, & aperiendus sit in Confessione effectus procedens ex causa libere voluta, quando non potest ea amplius evitari?

- I. Num effectus peccati clavibus subiiciendus sit, non secus ac peccatum externum?
- II. Videtur, quod sic, eo quod sit peccati complementum.
- III. Sed peccati effectus non habet amplius ra-

tionem peccati, si retractetur voluntas peccata, antequam ille sequatur.

IV. Secus vero, si non sit ea revocata, & in tali casu peccati effectus clavibus subiiciendus est.

V. Non tamen, si prava voluntas antecedenter fuerit revocata, & simul praecesserit etiam Sacramentalis Confessio.

VI. Quid si Confessio non praecesserit?

VII. Utrum irregularitas, aut censura incurratur effectui secuto post voluntatem pravam retractatam?

I. **D**ubitatur acriter, num effectus, vel omisso procedens ex actione voluntaria, quando non potest amplius impediri, ita sit indirecte voluntarius, & ad culpam imputabilis, ut debeat necessario subiici clavibus, perinde ac actus externi peccaminosi. E. g. si quis propinavit venenum, ita ut non possit amplius mors impediri, quaeritur, an mors deinde secuta ita sit effectus peccati volutus in causa, ut sit novum peccatum aperiendum in Confessione? Pariter si quis culpabiliter neglexit scire obligationem sui muneris, v. gr. an hodie sit audiendum Sacrum? & adveniente tempore audiendi non possit illud audire, quaeritur, utrum hoc sit novum peccatum confitendum? Sic si praevideas homicidium in ebrietate parandum, satis ne erit in Confessione aperire ebrietatem, cum ea praevisione, aut etiam intentione faciam, an debeat etiam aperiiri ipse effectus secutus? Ad eum modum quo necessario aperiendi sunt in Confessione actus externi, praeter internos, quamvis externi actus nullam addant malitiam internis; sicuti re vera isti effectus contingentes eo tempore, quo vitari non possunt, nullam addunt malitiam peccato praesupposito: Cum enim nullam addant denuo libertatem, quae fundamentum est bonitatis, & malitiae moralis, nullam possunt addere malitiam, ut docet D. Tho. in 4. dist. 10. quaest. 2. Suarez. Vsq. Sanchez. lib. 1. cap. 16. Recolimus hic paucis, quae in tractatu de Poenitentia satis diximus.

II. Prima itaque sententia cum Sanchez loco laudato, & lib. 9. de Matr. disp. 45. Palao tract. 2. disp. 1. punct. 3. putat, eodem modo aperiendum in Confessione effectum secutum ex causa voluntaria, pro quando impediri non potest, ac actus exteriores: Quare, inquit Soto in 4. dist. 12. q. 1., si quis percussit graviter Petrum, & statim post percussionem hanc confessus sit, mor-

morte deinde secuta ex percussione, tenetur iterum homicidium confiteri. Ratio est, tum quia huiusmodi effectus est veluti complementum peccati antecedentis, ut actus externus est complementum interni, atque adeo tanquam peccatum confitendum est; tum etiam quia in foro externo puniuntur v.g. per Irregularitatem, per Censuras &c. ergo signum est, esse peccatum, atque adeo confitendum.

Secunda sententia docet, huiusmodi effectus pro quando vitari non possunt non esse peccata in se, sed in causa, & proinde vocari peccata, ut vocantur peccata actus externi peccaminosi, sed esse effectus peccati; unde satis est in Confessione causam tantum illorum aperire. Ita Vasq. Bonac. de legibus disp. 2. q. 4. p. 4. Azor. & alij apud Dia. p. 1. tract. 1., resol. 64.: Et ratio est, quia nemo dicitur peccare, quando peccatum impediri non potest, aliter peccatum non esset liberum; ergo huiusmodi effectus pro quando vitari non possunt nullatenus habent rationem peccati, atque adeo non sunt in Confessione apriendi. Intantum actus externi, licet non habeant propriam, & formalem libertatem, sunt tamen vere peccata in Confessione aprienda, quia pro quando ponuntur vitari possunt, & sic libere ponuntur: At effectus isti pro quando ponuntur vitari non possunt; ergo nullatenus induunt rationem peccati in Confessione apriendi.

III. Dico equidem primo cum Sanchez. loc. cit. de Matrim., Henriquez., Becan., Salas, & alijs apud Dia. loc. laud., si voluntas prava v. gr. patrandi homicidium veneno propinato, antequam sequatur effectus, retractetur, huiusmodi effectus non habet rationem peccati.

Probat, quia effectus hic non est voluntarius; ergo non habet rationem peccati, quod essentialiter debet esse voluntarium, ac liberum. Antecedens probatur: causa praeterita, puta venenum propinatum, quando sequitur homicidium, non erit amplius voluntaria; cum fuerit revocata per Penitentiam; quamvis ergo effectus procedat ex causa olim voluntaria, & voluntarie posita, non oritur tamen hic, & nunc ex causa voluntaria, atque adeo non est voluntarius.

Confirmatur: Qui mandat Procuratori, ut nomine suo matrimonium contrahat, si revocet mandatum, & antequam ad noticiam Procuratoris ea revocatio perveniat, sic contrahat matrimonium nomine Principis,

profecto hic contractus, quamvis processerit a causa voluntarie olim posita, voluntarius tamen non est; undemarimonium non est validum; ergo idem in casu: potest enim causa in ratione voluntarii revocari, quamvis effectus inde sequatur naturaliter, perinde ac si revocata non esset.

IV. Dico secundo, si voluntas ista prava non fuerit revocata, antequam sequatur effectus, puta homicidium post venenum propinatum, in tali casu homicidium dicitur vere peccatum externum, aut saltem complementum peccati externi participans malitiam per extrinsecam denominationem a causa praeterita. Ita Doctores citati cum Palao, Suar., Becano, & alijs. Probat, quia ad rationem peccati non requiritur actualis libertas, sed ~~falsus~~ est, quod maneat moraliter liberum, vel habitualiter, quatenus non fuit retractatum, vel virtualiter, quatenus voluntas tunc operatur per causam appositam; sed totum hoc habet homicidium, quando post propinatum venenum non est retractata prava voluntas; ergo huiusmodi homicidium habet rationem peccati externi. Major probatur, quia in communi hominum sensu dicitur v. gr. voluntarie omisissae recitationem Horarum, qui projicit Breviarium, etiam si deinde non possit eas recitare: Sic voluntarie dicitur peccare peccato somni vetiti, qui contra praecceptum sui domini ad dormiendum libere se composuit, etiam si deinde non possit amplius vigilare; ergo ejusmodi effectus habet vere rationem peccati per malitiam extrinsecam derivatam a causa voluntaria moraliter perseverante in ratione voluntarii per non retractationem.

Confirmatur, quia projiciens Breviarium, ne possit Horas recitare, non incurrit Censuram (si forte ea esset imposita propter omissionem recitationis Horarum) quando Breviarium projicit, sed circa medium noctem, quando peccatum talis omissionis consummatur; Atqui Censura non incurritur, nisi ponatur peccatum; ergo omisio illa recitationis Horarum, quamvis necessaria post projectionem Breviarii, adhuc est peccaminosa, & voluntaria in sua causa, perseverante moraliter ejus voluntarietate.

Dico tertio cum Sanchez, Palao, Salas: Ejusmodi effectus promanantes a voluntate prava non retractata subijciendi sunt clavibus, non secus ac peccata externa. Pro-

bat, quia aliter universim non teneremur confiteri v.g. aut mortem ex propinato veneno secutam, aut pollutionem, vel alium effectum contra castitatem, sed satis esset dicere, datam esse culpabilem causam mortis, aut pollutioni, vel alius effectibus adversus castitatem; & similiter qui fornicatus est, posset dumtaxat dicere, se habuisse talis impudicos cum soluta ex intentione consummanti copulam: Quod tamen est contra sensum fidelium, & Doctorum: Quidquid in contrarium videatur docere Vasquez 1. 2. disp. 94. cap. 4. n. 16.

Confirmatur, quia si quis emissâ sagitta interficeret hominem, posset solum confiteri jaculationem sagittæ animo occidendi, & præcindere, imo etiam citra mortale negare homicidium; quod tamen nemo dixerit; Et ratio a priori est, quia, ut aliquid in se vere, & formaliter sit peccatum non est necesse, quod sit in se, & directe volitum, sed sufficit, si saltem indirecte, & in sua causa sit voluntarium.

V. Dico quarto, effectus orti a prava voluntate jam retractata non sunt iterum clavibus subjiciendi post Confessionem de causa illis data. Ita Fagund. Salas, & alii apud Dian. p. 3. trac. 6. resol. 52.

Probatur: nam, ut ostendimus in 1. conclusionem, hujusmodi effectus non habent rationem peccati, aut voluntarii, & consequenter non habent malitiam in confessione aperiendam; quæ enim malitia præcessit in causa, jam in confessione explicata fuit; effectus vero, qui consequitur retractationem, non dicitur voluntarius, quia indirecte volitus in sua causa; nam non perseverat, nec communicator effectui voluntarietas.

VI. Utrum autem clavibus subjiciendi sint hujusmodi effectus, si non præcessit Confessio, sed sola interna revocatio prave voluntatis? Negant Azor., & Palas, quod probabile putat Sanch. lib. 1. cap. 16. n. 46., quia, cum hujusmodi effectus non sint voluntarii, non habent rationem peccati, & consequenter non continent malitiam in Confessione aperiendam: Conveniunt tamen Doctores, tutius esse eos aperire, ut ex illis clarescat prior culpa. Imo Bonac. de leg. disp. 2. q. 4. punct.

4. n. 36., & alii communis docent, confitendos omnino esse, quando ad illos consequitur irregularitas, censura, aut obligatio restituendi, quæ solum actum externum consummationem comitantur.

VII. Non est tamen improbabile, quod docet Henricus lib. 5. cap. 3. n. 3. lit. A., Tabiena, & alii, nullam censuram effectui secuto incurrere, quando voluntas prava antecessenter fuit retractata; etenim cum Censura sit pena medicinalis ordinata ad infringendam contumaciam, si voluntas prava, antequam effectus sequatur retractetur, jam non habetur deinde contumacia; unde nec incurritur censura; Et sane si post incursum censuram tollatur contumacia per Penitentiam, censura debet a superiore tolli; ergo si antequam sequatur effectus, contumacia tollatur, censura non debet incurrere.

Dices cum Meroll. disp. 2. cap. 2. nu. 5. Si Presbyter iter faciens projiciat Breviarium, ne possit recitare horas per decem dies sui itineris, & post quinque dies eum puniatur projectionis, & statim confiteatur peccatum suum, dicens: Projeci Breviarium animo omittendi horas per dies decem, sed solum quinque diebus omisi; juxta hanc sententiam non teneretur deinde confiteri, quod per alios quinque dies omiserit recitationem horarum: hoc tamen videtur absurdum, quia re vera per decem dies recitationem omisit, & solum confiteatur omissionem quinque dierum.

Sed Sotus, Medina, Sanch. Henric. sententur, non teneri hunc confiteri alias omissiones, utpote non voluntarias. Quare negatur esse absurdum eo pacto confiteri omissiones illas: Sicut enim juxta doctrinam traditam, qui propinavit venenum, & antequam mors sequatur confiteatur peccatum suum, non tenetur deinde iterum confiteri homicidium post mortem secutam; ita in casu adducto non sunt necessario aperiendæ in confessione omissiones horarum in quinque ultimis diebus, si post quinque primos illos dies facta fuit confessio de projectione Breviarii, cum animo omittendi horarum recitationem per decem dies, ita ut de facto tunc temporis per quinque dies jam illam omiserit.



Q U Æ S T I O II.

Utrum peccatum ex genere suo mortale evadat veniale ex defectu voluntarii?

*Ubi plurima de Delectationibus Morosis.*

**P**eccatum, quod ex Augustino contra Faustum est *Dictum*, *factum*, *concupitum contra legem aeternam*, seu contra voluntatem divinam, aliud est ex genere suo mortale, quod scilicet secundum se graviter lædit charitatem Dei, vel Proximi, ut sunt peccata contra virtutes Theologales, contra iustitiam, contra castitatem &c. Aliud est ex genere suo veniale, quod scilicet secundum se leviter lædit charitatem erga se ipsum, aut erga proximum, ut risus, esus, potus immoderatus, mendacium jocosum, verbum otiosum, vanæ cogitationes, aut desideria &c. Peccatum, quod est ex genere suo veniale, potest multipliciter evadere mortale; videlicet, vel ratione finis mortalibus adjuncti (ut si quis mentiatur ad mœchandum) vel si committatur ex contemptu, non quidem legislatoris humani, sed ipsius legis, & potestatis præcipiendi, vel ratione periculi incidendi in mortale; aut ratione gravis scandali, vel ratione conscientiae erroneæ; ut si quis putet esse mortale proferre mendacium jocosum &c.

Pariformiter peccatum ex genere suo mortale potest multipliciter fieri per accidens veniale, vel ratione ignorantiae, ut si quis invincibiliter putet esse veniale perjurium in re levi; vel ratione parvitatatis materiæ, si tamen in eo genere detur materiæ parvitas; nam hæc non excusat, quando integra irreverentia, & offensionis ratio reperitur tam in materia parva, quam in magna, ut accidit in peccatis, quæ immediate contra Deum versantur, puta in odio, & contemptu Dei, in infidelitate, perjurio assertorio, divinatione superstitiosa &c. sicut etiam in simonia juris naturalis, & in re venerea.

Illud hic inquirimus, an possit peccatum ex genere suo mortale evadere per accidens veniale, ex defectu voluntarii. Primo scilicet ex libertate imperfecta, vel quia intellectus non plene advertit ad malitiam objecti, vel quia voluntas non plene consentit in illam: Triplex enim in voluntate nostra reperitur motus, ut notant communiter cum Almayno, & Soto; quidam dicitur motus primo primus, qui nullatenus est liber; quidam vero secundo primus, qui liber est, sed libertate imperfecta, ac tenui; quidam demum perfectus, qui plene liber est; quare de motibus secundo primis instituitur questio, an vacent mortali culpa ex defectu plenæ libertatis, etiam si malitia objectiva de se sit gravis? Secundo quæritur, an peccatum de se grave possit esse veniale, præcisa ratione delectationis morosæ, nullatenus pertinentis ad desiderium, aut ad opus? Tertio, an saltem ratione delectationis, ac desiderii tendentis in objectum malum, sub conditione tollente malitiam ipsius; ut si quis dicat, vellem furari, aut fornicari, si liceret?

A R T I C U L U S I.

An peccatum ex genere suo mortale evadere possit veniale ex defectu voluntarii, seu plenæ libertatis.

*I. Videtur peccatum de se mortale non posse,*

*aut ex defectu plenæ deliberationis in intellectu, aut ex defectu perfecti consensus in voluntate per accidens evadere veniale.*

*II. Sed dicendum id non repugnare, imo præsumi accidere, præsertim in semidormientibus.*

*III. Di-*

III. *Diluvium obiecta.*

IV. *Quid si dubitatur de plena deliberatione, aut perfecto consensu?*

V. *Utrum ex opposito peccatum de se veniale ratione consuetudinis possit in mortale transire?*

I. **N**egant Palud., & alii apud Jo. Sanch. disp. 18. putantes, nullum huiusmodi peccatum esse veniale ex semiplena deliberatione, sed peccatum de se mortale semper vel esse mortale, vel nullum. Primo, quia committens v.g. homicidium ex semiplena deliberatione, vel potuit plene deliberare, vel non; si potuit, peccat mortaliter non deliberando; si non potuit, ne venialiter quidem peccat patrandum homicidium; quia Deus non ligat suis legibus semihominem, sed hominem integrum, ac plene liberum; ergo si non sit homo suarum operationum plene dominus, non peccat, ne venialiter quidem.

Secundo, vel semiplena deliberatio excusat a veniali, quando peccatum est de se veniale, ut est mendacium iocosum, vel non excusat; si primum, ergo pariter excusat a mortali, quando peccatum est de se mortale; aliter semiplena deliberatio magis favebit veniali, quam mortali, cum illud a propria culpa excuset, hoc non; si secundum, ergo neque excusabit a mortali, quando peccatum est de se mortale, & consequenter posita semiplena deliberatione peccatum de se mortale vel erit mortale, vel nullum.

Tertio, quia non potest explicari, in quo consistat ista semiplena deliberatio; vel enim consistit in remissa cognitione malitiae; & contra est, quia cum cognitione quantumcumque remissa potest haberi voluntas plene libera; vel consistit in difficultate vitandi culpam; & contra etiam est, quia affectui culpis maximam habent difficultatem vitandi peccatum, & tamen mortaliter peccant.

II. Dicendum tamen cum Sanch. lib. 1. cap. 1. Vasquez disp. 107. cap. 4. Palao, & aliis communiter, peccatum de se mortale evadere veniale, tam ex imperfecta cognitione intellectus, quam ex imperfecto consensu & deliberatione voluntatis. Ratio est, quia cum mortale divinum amicitiam dissolvat, & reatum poenae aeternae inducat, non est credendum illud contrahi, ac tam diro supplicio hominem propter illud puniri a Deo clementissimo,

sine plena mentis deliberatione, ac perfecto voluntatis consensu. Et ratio ulterior est, quia sicut ad rationem peccati essentialiter requiritur libertas, ita ad rationem peccati mortalis, quod propriissime peccatum est, requiritur voluntas plena, ac perfecta, & consequenter, quando in semidormientibus, aut etiam in plene vigilantibus alio distractis tenuis, ac confusa habetur mentis consideratio ad malitiam peccati, tunc lethalis culpa non contrahitur.

III. Ad primam rationem in contrarium respondetur, committentem homicidium, cum semiplena deliberatione, non posse plene deliberare, sed non proinde ab omni peccato excusari; solum excusatur a mortali, cum ad veniale sufficiat deliberatio semiplena; Deus enim homines libertate utentes suis praeceptis ligat, ita tamen, ut si libertas sit semiplena, solum venialis culpa contrahatur.

Ad secundam; semiplena deliberatio sicut excusat a mortali, redditque illud veniale, ita excusat aliquatenus a veniali, reddendo illud inter venialia levissimum; non tamen ab omni omnino culpa excusat, quia ad declinandam quancumque culpam in amplexu mali, debet homo simpliciter libertate carere, quod non contingit quando habetur semiplena deliberatio.

Ad tertiam; haec semiplena deliberatio non consistit aut in difficultate vitandi peccatum, aut in cognitione malitiae remissa, sed in cognitione malitiae confusa, ac tenui, quia homo non redditur plene liber, sed similis semidormienti, ac semibrio.

IV. Quando autem dubitatur de consensu, non fuit plenus, an semiplenus, ex variis conjecturis discerni potest; puta ex peccantis aetate, proposito, moribus, &c. Quod si adhuc dubium perseveret, sub eo dubio peccatum in confessione aperiendum est, ut explicetur, prout est in conscientia. Quicquid sit, an peccatum mere negative, seu suspensive dubium sit materia necessaria confessionis? Qua de re fufe in cursu Theologico part. 8. disp. 4. qu. 3. n. 10.

V. Posset hic inquiri, num ex opposito possit peccatum de se veniale in mortale transire, ratione consuetudinis? videtur enim, quod sic, teste August. tr. 1. in Epist. D. Jo., ubi ait: *Multa peccata levia faciunt unum grande; multa gutta implent flumen, multa grana faciunt massam.* Idemque do-

*Quomodo de se mortale per accidens evadat veniale? 11*

docent D. Antoniu. 2. p. tit. 9. cap. 3. & alii. Et ratio videtur esse, quia consuetudo peccandi venialiter fert legis contemptum, qui non vacat culpa lethali.

Sed communissime id negant apud Sanch. lib. 1. cap. 5. : Etenim ex D. Th. 2. 2. quest. 186. art. 9. non habetur contemptus, quando ex malitia, aut ex prava consuetudine præceptum violatur; sed solum quando contemptus præcepti est causa, cur præceptum violetur, videlicet quando quis præceptum violat, quia præceptum est, seu quia ipsi præcepto, aut superiori præcipienti renuit subijci. Solum itaque pro foro externo, ut notat Navarr., consuetudo peccandi multum facit ad contemptum præsumendum. Tunc autem verum est, quod consuetudo peccandi leviter ferat mortale, quando quis ex tali consuetudine exponit se periculo proximo peccandi graviter, juxta illud Eccles. 19. *qui spernit modica, paulatim decideret*, & in hoc sensu loquitur August. loco laudato. Propterea communiter docent apud eundem Sanch., quod propositum committendi quodcumque veniale occurrat, & solum abstinendi a mortali, sit culpa gravis, præcise ob periculum proximum labendi in mortale vi talis propositi: Immo etiam propositum committendi quodvis veniale in aliqua determinata materia, puta in materia luxuriz, quæ de se fert lubricitatem ob periculum proximum labendi in mortale, censetur culpa gravis. In alio pariter sensu ex venialibus iteratis potest committi mortale; quando scilicet materia levis, ratione cujus transgressio est levis, per multas iterationes coalescit in unam gravem sufficientem ad peccandum lethalius, ut accidit in furtulis iteratis, & quando quis diebus efusionalibus sæpius modicum quid comedit, ex thesi 29. præscripta ab Alex. VII. Quomodo autem, & quando id accidat, vide quæ fuisse habentur in hujus thesi expositione in codice Thesum damnatarum, ubi assignatur regula ad dignoscendum, quando materiæ leves in unam notabilem coalescunt.

**ARTICULUS II.**

**An delectatio morosa de objecto turpi secundum se pertingat ad mortale.**

*I. Quid interest inter desiderium objecti pravi, & simplicem ejus complacentiam?*

*II. Delectatio morosa alia est de re turpi, alia de cogitatione rei turpis; & hæc potest non esse culpabilis.*

*III. Delectatio isthæc de objecto formaliter pravo procul dubio est peccaminosa; dubitatur tamen, an vacet gravi culpa, si ea sit de objecto materialiter pravo?*

*IV. Delectatio deliberata quævis in re venerea excludit parvitatem materiæ in solutis.*

*V. Discutitur, num etiam in Sponsis? num in Viduis, num in Conjugibus, quando sunt absentes?*

*VI. Delectatio morosa videtur non desumere specificam diversitatem a diversitate objecti, sicut desumit desiderium.*

*VII. Si delectatio morosa sit de objecto jure tantum positivo prohibito, poterit vacare culpa gravi: Secus vero si sit de objecto prohibito jure naturali, si nullatenus a malitia denudari possit?*

*VIII. Conciliantur variæ hæc in re Dissortum sententiæ.*

**I.** Duplex est nostræ voluntatis affectio, altera dicitur desiderium, seu volitio efficax consequendi quod delectat, & fugiendi quod displicet; & hujusmodi desiderium est ejusdem omnino malitiæ cum opere volito; eo quod exterior executio, quæ intenditur, non possit a sua malitia, & ab omnibus suis circumstantiis sejungi. Hinc dicitur Maeth. 5. *Omnia qui videris mulierem ad concupiscendum eam, jam machatus est eam in corde suo*: Sicut enim quando desideratur objectum turpe quoad ejus substantiam, contrahitur malitia propria talis objecti, v. gr. si desideratur furtum, peccatur contra Justitiam: ita si desideretur idem objectum suo circumstantia turpi, quæ adversatur alteri virtuti, contrahitur malitia talis circumstantiæ concupitæ, unde si desideratur furtum sacrilegum, peccatur tum contra Justitiam, tum etiam contra Religionem. Altera voluntatis affectio dicitur Simplex complacentia boni, vel displicentia mali absque deo deo executionis; & hæc dicitur delectatio morosa; non a mora temporis, cum possit in instanti ea haberi, sed a mora rationis; quatenus voluntas post plene cognitam talis affectus malitiam, adhuc illam plena libertate admittit.

**II.** Porro delectatio isthæc morosa vel potest esse de cognitione rei, v. gr. turpis, vel de ipsa re turpi. Si sit de ipsa re turpi procedens ex ejus consideratione, & affectu,

At, procul dubio culpabilis est: Sin autem delectatio sit solum de cognitione rei tuius, potest non esse peccaminosa; sicut citra culpam delectari possumus de ipsa narratione, vel lectione praeliorum, harum, incantationum, absque ullo affectu ad res ipsas; Nec peccat, qui delectatur de notitia, quam studendo acquirit de gravitate malitiae, quae est in actibus luxuriae, vindictae, &c. Et ratio a priori est, quia cognoscere rem malam non est malum, cum id competat Deo; ergo nec delectari de huiusmodi cognitione; imo talis delectatio erit honesta, si finem honestum habeat; erit vero venialis, si procedat a cognitione otiosa, aut curiosa; erit etiamsepe mortalis, si conjungatur cum periculo delectationis morose circa rem ipsam turpem, atque adeo cum periculo peccandi graviter; Idemque dicas, si quis delectatur de modo quodam mirabili, aut artificioso pravis objectis adjuncto; ut si quis delectatur de fortitudine, dexteritate, ingenio, quae pravis actionibus adiunguntur, potest enim delectatio nullatenus terminari ad ipsa objecta prava: Sicuti quando videmus aliquem labentem, ridere solemus, etiam si graviter ille sit laesus, quia non de malo proximi, sed de modo cadendi laturmur. Ad discernendum tamen, utrum delectatio morosa sit de re ipsa turpi, an vero de cogitatione illius, aut de artificio, ingenio &c. variae conjecturae adducuntur a Sanch. lib. 1. cap. 2., Palao tract. 2. disp. 2. & aliis; Praecipua est, si simile prurum rerum artificium, aut cognitio, & cogitatio non delectet, aut si quis ad rem ipsam valde afficiatur.

III. Notandum denique, delectationem de re ipsa cognita aliquando esse de objecto formaliter pravo, aliquando vero de objecto materialiter malo. Dicitur esse de objecto pravo formaliter, & qua tali, quando voluntas fertur in objectum sub motivo illicito, v. gr. si quis delectatur de morte hominis quatenus injuste illata, in quo casu procul dubio peccat, qui finit se moveri a motivo pravo. Et quia actus specificatur a suo motivo, ideo tale erit peccatum, quale ejus motivum; unde delectatio de malo proximi, quatenus conducente ad bonum proprium, est actus Invidiae; delectatio de proximi doloribus, quia illum torquent, est actus crudelitatis; delectari de obsecris ob delectationem veneram est luxuria; delectari de peccato, quatenus est Dei offensam, est odium Dei;

delectari de eodem, quatenus est transgressio legis, est actus inobedientiae &c. De objecto vero materialiter pravo delectamur, quando voluntas fertur in objectum illicitum, sub motivo aut licito, aut indifferenti, ut si quis de morte alicujus delectetur ob bonum inde sibi proveniens, vel si delectetur de furto factio Joanni, ut ab eo tollatur avaritiae occasio. De hac autem delectatione respiciente objectum materialiter tantum pravam queritur, an vacet culpa gravi?

Prima sententia docet cum Medina, Valentia, & aliis, omnem delectationem de objecto graviter turpi, five sit contra jus naturale, five contra jus positivum, esse peccatum mortale, quia scilicet grave peccatum est conformari per affectum peccato gravi, ut docet D. Thomas 1. 2. q. 74. a. 8.

Secunda sententia cum Martino de Magistris, quam probabilem putat Corduba lib. 1. disp. 23. dub. 11., negat, huiusmodi delectationem etiam in re venerea esse de se mortalem, sed ad summum esse venialem, si motivum habeat otiosum, praescindendo a periculo consentiendi in affectum efficacem. Ratio est, quia quavis virtus Castigat omnes motus ad delectationes circa res veneras reprimat, at non videtur reprimere sub mortali delectationes inefficaces, sed solum efficaces, quae tendunt ad opus.

Tertia sententia cum Lessio l. 4. c. 3. Sanchez l. 1. c. 9. Navarro, & aliis docet, delectationem morosam de objectis graviter prohibitis jure naturali esse mortalem, non vero de prohibitis jure positivo; ut si quis diebus esurialibus delectetur de comestione carnum, qua tali, non qua prohibita.

IV. Dico primo, omnem delectationem deliberate quaesitam circa rem veneram in solutis hominibus esse mortalem, adeo ut non detur in ea parvitas materiae. Ita Vasquez, Less. Palao, & alii communiter docentes, oppositam sententiam esse omnino improbabilem, & temerariam.

Probat, quia delectatio ista sejungi non potest a proximo periculo consentiendi in luxuriam; cum natura sua excitet appetitum sensitivum ad turpes affectus, & commoveat spiritus vitales generationi deservientes, accendatque corpus facibus libidinis; ergo per se est graviter opposita castitati, non minus quam oscula, & amplexus veneri, quos esse mortalia constat

ex propositione 40. ab Alexandro VII. proscripta, quæ habet: *Est probabilis opinio, quæ dicit esse tantum veniale osculum habitum ob delectationem carnalem, & sensibilem, quæ ex osculo oritur, seculo periculo consensus ulterioris, & pollutionis.*

V. Hinc sequitur primo, graviter etiam peccare Viduas, si deliberate admittant delectationes venereas de copula præterita, necnon Sponsas, si delectentur de copula futura; tum quia in iis etiam est proximum periculum consentiendi in luxuriam; tum pariter, quia cum iis non sit licita copula de præsentī, nec licita est delectatio, quæ via est ad copulam, & quædam copule inchoatio: Solum Conjugibus, quibus licita est copula, licitum est de ea delectari, quia si licet terminus, nempe copula, licere etiam debet via, & initium viæ, qualis est huiusmodi delectatio. Quod si hæc habeatur, quando non est via ad talem terminum, v. gr. quando Conjuges sunt absentes, dissidium est inter Doctores, num ea sit mortalis? Affirmant Silv., Corduba, Navarr., Vasquez in 1. 2. tom. 1. disp. 173. Azor. lib. 4. cap. 6. dub. 8., quia hic, & nunc talis delectatio ad copulam non ordinatur. Negant vero Reginaldus, Lessi. Sanch. lib. 9. disp. 44., Gaspar Hurtado de matrim. disp. 10., tum quia delectatio isthæc natura sua ordinatur ad copulam, quod videtur sufficere, ut ea non sit graviter illicita; tum etiam quia propter bonum matrimonii sicut excusatur a mortali tactus, & oscula inter Conjuges, absque animo consummandi copulam, ita hæc delectatio morosa de actu conjugali, etiam si hic, & nunc ad illum non ordinetur. Prior tamen sententia videtur solidior.

Sequitur secundo, nec licere delectari de conspurcatione in fornix habita: Quamvis possimus de ea gaudere propter tentationes sedatas, aut propter sanitatem inde secutam; quia hoc est solum gaudere de bonis ex illa provenientibus, ut notant Bonac. Vasquez 1. 2. d. 175. Sanch. lib. 1. c. 2.

Sequitur tertio, nec licere delectari de copula illicita, sub conditione, si non esset prohibita; quia huiusmodi delectatio etiam commoveret spiritus generationi deservientes, ac libidinem accendit, & exponit hominem proximo periculo consentiendi in luxuriam.

VI. Dubitatur apud Doctores, an delectatio morosa circa rem veneream speciem

suam desumat a varietate materiz, circa quam versatur, ita ut delectatio de copula cum moniali, v. gr. sit sacrilegium, cum conjugata sit adulterium, cum consanguinea sit incestus: eo modo, quo omnes fatentur de desiderio. Videntur multi affirmare cum Sanchez lib. 1. cap. 2. nu. 11., Suar. tom. 3. de Religione lib. 9. c. 2., Salas, & aliis apud Meroll. d. 2. c. 4. nu. 21., quia scilicet delectatio morosa ideo est peccatum, quia versatur circa objectum pravam; ergo pro diversitate specifica objecti diversa est ejus malitia. Probabiliter tamen multi negant cum Vasquez d. 112. c. 2. Azor., Reginald., Palao, Sa, Bonac., Filliuc., & aliis apud Dianam p. 1. tr. 3. ref. 48. Nam in tantum consensus efficacis, seu desiderium contrahit malitiam omnem circumstantiarum, in quantum tendit ad executionem operis intenti, a qua circumstantiæ non separantur ex parte objecti: At delectatio morosa potest præscindere ex parte actus a circumstantiis; potest enim quis venere delectari de copula cum Berta conjugata, attingendo illam, quatenus femina est, non quatenus conjugata; ergo delectatio morosa potest non contrahere malitiam circumstantiarum, si ab iis præscindat. Unde sequitur in Confessione aperendas quidem esse circumstantias objecti efficaciter voliti, nec satisfieri dicendo; Concupivi feminam, quando quis concupivit conjugatam; Contra vero, si quis delectatur de copula cum conjugata, non qua tali, sed qua quædam femina est, præscindendo a circumstantia conjugii, satisfieri dicendo: Delectatus sum de copula cum femina, quam obviam habui, quia cum circumstantia Conjugii non sit objectum motivum, non variat speciem delectationis.

Hinc si quis desideret infligere vulnus inimico in loco sacro, tenetur circumstantiam sacrilegii aperire: at si solum delectetur de vulneribus inimico inflicis in loco sacro, sine consideratione loci sacri, peccatum erit solum odii, non sacrilegii, ut notat Lessi. l. 4. c. 3.: Et qui delectatur de verbis obscenis, & contumeliosis in alterum prolatis, præcise quia impura sunt, non quia contra proximum, non peccat contra iustitiam, sed contra castitatem; secus vero si desideret ea verba proferre, quia desiderium est quidam motus, & progressus ad opus sub iis circumstantiis, sub quibus repræsentatur; Unde eandem habet malitiam, ac ipsum opus: Delectatio vero spe-

speciem sumit solum ab objecto, quod movet ad illam, & quia potest movere objectum ad delectationem praescindendo a circumstantia, quae etiam repraesentatur, ideo non sumit ab eo malitiam.

VII. Dico secundo: Delectatio morosa de objecto prohibito tantum jure positivo potest vacare culpa mortali, si scilicet proponatur voluntari objectum praescindendo a circumstantia, quae redditur malum: V. gr. potest quis diebus efusionalibus delectari de comestione carnis, si praescindatur a circumstantia prohibitionis, quamvis non possit talis comestio desiderari. Ita Lefs., Vasq., Sanch., & alii communiter: Et constat ex haecenus dictis, quia objectum hoc secundum se non est malum; ergonequit secundum se consideratum transfundere malitiam in delectationem; Potest autem per intellectum denudari a conditione viante; quia sicut ab illo objecto separabilis est prohibitio, ita & malitia; unde potest praescindendo a conditione viante repraesentari, & ad delectationem movere, quae proinde non est de objecto secundum se malo, & a quo in ipsam delectationem malitia transfundatur.

Dico tertio: Quoties objectum jure naturali prohibitum sub nulla circumstantia nudari potest a malitia (ut est odium Dei, mendacium, perjurium, infidelitas) tunc delectatio morosa de tali objecto semper est mortale; si vero possit sub aliqua circumstantia denudari a malitia, ut est homicidium (quod si fiat in bello iusto, aut auctoritate publica, vel in defensione non est prohibitum) tunc delectatio pura de hostium internectione sub circumstantia, in qua a malitia depuratur, poterit vacare culpa mortali. Prima pars constat ex dictis, quia delectatio contrahit malitiam ab objecto suo pravo, si quatenus pravum est moveat: atqui quando ab objecto denudari non potest ejus malitia, tunc quatenus pravum est, movere, quia quatenus tale est pravum; ergo delectatio de tali objecto semper est peccaminosa.

Secunda pars probatur, quia delectari, v. gr. de hostium internectione, quatenus facta auctoritate publica, est delectari de objecto secundum se bono; ergo quoties delectatio ista non procedit ex odio Proximi, aut non trahit illud, non potest esse graviter peccaminosa. Idcirco enim dicimus, in re venerea quamcumque delectationem, deliberate quaesitam esse peccatum mortale, etiam si quis, v. gr. delectetur

de copula: cum Berta sub hypothese, quod esset Uxor, quia quamvis copula cum Uxore non sit objectum de se malum, quod desiderari non possit sub ea conditione; at delectatio de tali objecto exponit hominem proximo periculo consentiendi in luxuriam: in exemplo tamen adducto hoc non habetur; ergo delectatio de objecto jure naturae prohibito sub circumstantia, sub qua non est prohibitum, potest vacare culpa mortali, quod clarius apparebit articulo quarto.

VIII. Ex dictis sequitur, primam sententiam Medinæ, & Valentini supra relatae veram esse, quoties delectatio morosa in objectum jure seu naturali, seu positivo prohibitum tendit sub motivo illicito, cui subinde per affectum conformetur. Secunda sententia est vera extra rem veneream in iis objectis, in quibus potest malitia gravis per intellectum separari. Tertia sententia non est universaliter vera relate ad objecta jure naturali prohibita; cum ab iis aliquando separari possit malitia: quod si nomine objecti jure naturali prohibiti veniat objectum sub ea circumstantia, sub qua jure naturali prohibetur, v. gr. homicidium prout commissum contra Dei voluntatem, tunc tertia illa sententia est universaliter vera, sed voce tenus discrepat a nostra.

### ARTICULUS III.

An delectatio morosa de objecto turpi indirecte volita sit etiam culpa lethalis.

- I. Dupliciter potest delectatio isthac morosa esse volita indirecte, aut volendo illam in causa, aut non repellendo.
- II. Si primo modo sit indirecte volita, dubitatur, num possit vacare culpa gravi?
- III. Sin autem sit indirecte volita per hoc, quod non repellatur, speculative loquendo poterit vacare culpa gravi.
- IV. Non tamen practice.
- V. Habetur quippe consensus interpretativus in illam, si minus formalis.
- VI. Dissolvuntur, quae in contrarium obiectantur.
- VII. Quamvis non semper consensus interpretativus in gravitate culpa aequivaleat formalis; aequivaleat tamen in casu nostro.

I. Hactenus locuti sumus de Voluntario directo, & expresso, quod

consistit in positivo voluntatis consensu libere amplectente delectationem ex cogitatione objecti pravi promanantem; dicendum nunc de eadem delectatione indirecte voluntaria, quæ duobus modis contingere potest: Primo si quis voluntarie, & directe ponat operationem, puta delectionem, aut locutionem, prævidens, aut probabiliter suspicans inde futuram delectationem de objecto turpi. Secundo, si quis plene advertens ad cogitationem naturaliter subortam de objecto pravo, & ad delectationem sensitivam inde naturaliter etiam promanantem, illam repellere negligat, aut actu positivo eidem opposito, aut saltem animum ad alia avocando.

II. Et sane si primo modo sit indirecte, & in sua causa voluta delectatio de objecto pravo, communiter Doctores distinguunt cum Sanch. lib. 9. d. 46. Vasq. d. 108. c. 3., Corduba, Layman lib. 1. tr. 3. c. 6., dicendo, quod si actio directe voluta, ad quam ea delectatio confurgit, exerceatur ob causam aliquam secundum se honestam, & simul utilem, ac necessariam, v. gr. ad discendum, aut docendum, tunc ne venialis quidem culpa subsit, si nullum sit periculum consentiendi in talem delectationem; si vero actio directe voluta sit solum vana, & inutilis; ut est, v. gr. colloquutio, lectio, aspectus curiosus, tunc habebitur solum culpa venialis, si pariter absit periculum consensus.

III. Circa secundum modum, quo potest esse indirecte voluntaria delectatio morosa de objecto turpi, est gravissima difficultas, num scilicet vacet mortali culpa mere negative se habere in repellenda delectatione sensitiva orta ex cogitatione turpi naturaliter confurgente. Et certe si quis ideo negligat repellere talem cogitationem, ac delectationem, quia ea placet, procul dubio peccabit mortaliter peccato delectationis morosæ, quia habetur positivus consensus voluntatis in illam: Si vero ideo negligat positive eas repellere, quia conscius de constantia suæ voluntatis contemnit delectationem partis inferioris tanquam passionem non voluntariam, nec sufficientem ad inclinandam voluntatem; Nonnulli docent in hoc casu haberi dumtaxat venialem, si nec periculum habeatur consensus, nec pollutionis. Ita Sanch. l. 1. c. 2. Tolet, Corduba, Armil., Salas, Cajet., Navarr. apud Laym. loco laudato; idemque videtur docere D. Thomas de veritate quest. 25. art. 4. ad 10. Ratio hujus sententiae est,

quia licet voluntas teneatur appetitum sensitivum gubernare, ac sufficienter huic obligationi satisfacere, si ipsa non consentiat; Quod si non reprimat positive motus appetitus sensitivi, peccabit quidem venialiter, eo modo quo si reprimat remisse, solum venialiter peccabit.

Confirmatur ex Layman, quia in tantum permissio talis delectationis esset gravior peccaminosa, in quantum voluntas non impedit grave aliquod malum, quando commode potest; quod si malum impediendum non sit grave, voluntaria ejus permissio non erit peccatum grave; atqui inordinata commotio appetitus sensitivi, si naturaliter oritur, non videtur esse grave malum; ergo si permittatur, non habebitur culpa lethalis. Minor probatur, quia talis commotio, & sensitiva delectatio potest citra culpam permitti ob causam aliquam honestam, etiam non valde gravem, ut nuper diximus; imo si actione aliqua vana, puta verbis jocosis, detur causa tali commotioni citra periculum consensus, erit solum venialis culpa; ergo talis commotio, supposito originali peccato, ac naturæ infirmitate, non est censenda grave malum.

Confirmatur secundo, quia tam est indirecte, & interpretative voluntaria hujusmodi commotio spirituum, ac delectatio appetitus sensitivi, si ea solum permittatur, & non impediatur actu positivo animum ad alia avocando, quam si actione aliqua vana ad illam causam præbeatur; atqui in hoc secundo casu, in quo agens voluntarium ad illam concurrat positive, & indirecte, non habetur culpa mortalis; ergo a fortiori nec in primo casu, in quo ne indirecte quidem positive concurrat.

IV. Quamvis autem hæc speculative loquendo videantur probabilia, communis tamen, & probabilis Doctores cum Less. Val. Azor. Med. Vasq. d. 108. c. 2. Kuriel., Zumel., Merol. d. 2. c. 6. dub. 4. docent, in praxi non vacare lethali culpa hanc voluntatis permissionem, & negationem resistentiæ positive. Quod videtur aperte sentire Divus Thomas 1. 2. quest. 74. art. 8. ad 3., ubi dicit, delectationem appellari morosam, non ex mora temporis, sed ex eo quod ratio deliberans circa eam immoratur, *Nec tamen eam repellis*: Et Vasquez loco laudato dicit, plerique nostri temporis Doctoribus oppositam sententiam videri omnino improbabilem.

Ratio conclusionis est, quia idcirco communiter docent non dari parvitatem materiae

riz in delectatione venerea deliberate quæsit, quia hæc ita est intrinsece mala, ut non possit se jungi a proximo periculo consentiendi in luxuriam, ut diximus articulo superiore (adeo ut P. Claudius Aquaviva Præpositus Generalis Societatis Jesu anno 1612. in virtute S. Obediæntiæ præceperit nostris, ne contrariam sententiam doceant ullo modo, non solum ut probabilem, sed ne ut tolerabilem quidem, aut secundum illam deat consilium, & quod manifestetur Superioribus, qui in hoc deliquerit) atqui hoc etiam asseri debet, si voluntas negativer se habeat, cum moraliter fere nihil inter sit parvam materiam, ac nullam, seu inter parvam delectationem deliberate quæsitam, ac inter nullam delectationem quæsitam, sed deliberate non repressam; ergo sicut ratione periculi proximi consentiendi in libidinem sine lethali, non potest minima isthæc delectatio deliberate quæri, ita nec potest deliberate non reprimi: Est enim obiectum natura sua vehementer alliciens, ut difficile sit illi resistere, nisi vi, & actu positive repellatur; unde de ea dici potest: *Mus in pera, ignis in sinu, serpens in gremio male suos remunerat hospites*, ut habetur ex cap. *Esai. Judeos de Judæis*.

V. Ratio ultrior, quam communiter Doctores promovere, est, quia ad mortale committendum sufficit solus consensus in obiectum pravum interpretativus, qui in moralibus æquivaleret consensui expresse formali, & directo: sed in casu nostro haberetur consensus interpretativus in delectationem appetitus sensitivi, quæ continet malitiam mortalem, ut proinde non possit directe intendi; ergo in casu nostro haberetur culpa mortalis. Probatur minor, quia consensus interpretativus haberet universum, quoties quis potest, & tenetur facere aliquid, & non facit: atqui in casu potest voluntas eam delectationem reprimere, & tenetur (ut adversarii ipsi concedunt dicentes, ad id teneri sub veniali), non tamen reprimere, si negative se habeat; igitur erga illam exerceret consensum interpretativum.

VI. Ad rationes in contrarium dicendum, delectationem istam sensitivam ferre grave malum, & incommodum, quia exponit hominem periculo consentiendi in libidinem. Verum quidem est, quod ex causa honesta possit licite ea permitti: & citra mortale etiam ob causam venialiter malam; & ratio est, quia nimis durum esset cogere homines ad desistendum ab a-

ctibus honestis, & sub gravi compellere ad desistendum ab actibus leviter malis, ne detur causa, his effectibus naturaliter provenientibus: Etenim plurimæ, & frequentes hujusmodi causæ contingunt; unde sicut impossibile est sine speciali Dei auxilio, per longum tempus abstinere a venialibus; ita impossibile moraliter esset abstinere ad longum tempus a mortali, si sub mortali teneremur vitare omnes actiones leviter malas in hujusmodi delectationem influentes. Quare potest citra mortale in his casibus permitti, dummodo absit periculum consensus: Contra vero in casu nostro non est durum obligare homines sub gravi ad positive resistendum his delectationibus vehementer allicientibus ad libidinem; sicut non est durum obligare homines sub gravi, ne minimam delectationem in re venerea deliberate quærant, quia hoc exigit regimen debitum partis inferioris.

VII. Dices. Si communis ratio fundamentalis hujus sententiæ obligantis hominem ad resistendum actu positivo delectationibus venereis, consistens in hoc, quod permissio talis delectationis esset consensus in illam interpretativus, quicquam evinceret, indivisum evinceret esse etiam mortale exercere actiones vanas, ad quas naturaliter confurgit hujusmodi delectatio: sequela non admittitur; ergo nec id unde sequitur. Probatur sequela, quia etiam in hoc casu haberetur consensus interpretativus, & indirectus in talem delectationem æquivalens directo, quatenus voluntas potest, & tenetur illam impedire, & non impedire.

Respondeo, nego sequelam. Ad probationem concedo, etiam in tali casu haberetur consensus interpretativus erga delectationem; sed nego hunc æquivalere in gravitate culpe consensui formali, & directo. Nam, ut notat Laym. l. 1. t. 3. c. 6., non semper in gravitate culpe consensus interpretativus æquivaleret formali, & directo, sed solum quando eadem ratio militat ad utrumque prohibendum. Sic petere mutuum absque necessitate ab usurario parato, consentiendo interpretative in peccatum usuræ, probabiliter ex Mendoza apud Dianam p. 5. t. 7. ref. 8. est tantum veniale, quamvis directe velle peccatum usuræ ab eo committendum esset mortale. Sic etiam si femina egrediatur domo absque necessitate, ut sua libertate utatur, providens se ab adolescentibus vage, non



vero ab aliquo particulari concupiscendam non peccat, nisi venialiter consentiendo tantum interpretative in peccatum illorum; peccaret tamen mortaliter, si directe illud intenderet. Et ratio est, quia non militat in utroque consensu eadem ratio prohibitionis: etenim grave incommodum esset fœminæ privari sua libertate ad egrediendum, ne ab aliis ametur, quia cum hoc sæpe contingat, deberet fere semper clausa detineri; unde solum venialiter peccabit, si absque necessitate velit sua libertate uti ad egrediendum, ut communiter docent apud Busemb. l. 2. tr. 3. c. 2. Idem dicat in casu nostro; esset gravissimum incommodum sub mortali obligare homines ad abstinendum ab actionibus vanis frequentissime occurrentibus, ad quas confurgit naturaliter delectatio sensitiva; & ideo consensus interpretativus in talem delectationem non æquivalet in gravitate culpæ consensui formali: Contra vero in casu conclusionis non est grave incommodum sub gravi obligari homines ad positivè resistendum his delectationibus; sicut non est grave incommodum sub mortali teneri ad non admittendam deliberatè ne minimam quidem delectationem in re venerea, & ideo consensus interpretativus in hujusmodi delectationem æquivalet in gravitate culpæ consensui formali.

## ARTICULUS ULTIMUS.

Utrum desideria objecti pravi sub conditione tollente ejus malitiam vacent lethali culpa?

I. *Diversimode loquendum de desideriiis circa objectum retinim sub conditione possibili, quod non prohibetur, ut est comestio carnis die Fœveris, ac sub conditione impossibili, ut est mendacium, perjurium, &c.*

II. *Videatur hoc etiam posse vacare culpa.*

III. *Sed dicendum ea non licere; quippe quæ in praxi ferunt absolutam, & ætalem propensionem in malum, ac pravam voluntatem.*

IV. *In casu nostro conditio impossibilis habetur pro non adjecta.*

V. *Præ oculis habenda theses 13. 14. & 15. ab Innoc. XI. prescriptæ circa desideria inefficacia de malo alterius, non quidem ex displicentia persone, sed ob aliquod temporale emolumentum.*

VI. *Desideria isthac tam absoluta, quam conditionata graviter lædunt Charitatem.*  
Opusc. I.

Certum est, quod sicut vacat lethali culpa delectari de objecto prohibito jure positivo, aut etiam jure naturali sub circumstantia, sub qua non prohibetur juxta dicta articulo 2., ita vacat lethali culpa idem objectum desiderare sub conditione, quod non esset prohibitum; ut si quis diebus efusionalibus dicat, Vellem comedere carnes, nisi prohiberentur; aut si quis dicat, Utinam essem Juxex, ut malefactorem hunc occidere possem ex amore justitiæ. Potest pariter citra mortale conjugatus dicere, Ducerem Bertam, si uxore carerem; & Religiosus potest etiam dicere, Ducerem uxorem, nisi a voto impederer; dummodo tamen isthac desideria non influant de præsentī in veneream delectationem; Et ratio est, quia eo actu Religiosus vel exprimeret naturalem aliquam propensionem ad uxorem ducendam; & in hoc nulla est culpa; vel exprimeret desiderium, quod habet, carendi voto Castitatis, ut possit uti Conjugio; & hujusmodi desiderium conditionatum de se non est culpa gravis, cum feratur in objectum denudatum malicia mortali. Ita Cajet., Palaus, Sâ, Sanch. lib. 1. cap. 2. num. 24., & alii communiter.

Dubium solum est, an si voluntas feratur in objectum jure naturali prohibitum, quod sub nulla circumstantia potest esse licitum, (ut est odium Dei, mendacium, perjurium, peccatum contra naturam) tunc desiderium ad id terminatum sub conditione impossibili, quod non prohiberetur, vacet lethali culpa?

II. Affirmant Vasquez 2. 2. disp. 116. cap. 2. Palaus, Sâ, Bonac., tum quia desiderans v. g. mentiri sub conditione, quod per mendacium Deus non offenderetur, re vera non desiderat efficaciter mentiri, cum videat id esse impossibile citra Dei offensam; sed solum exprimit propensionem suæ voluntatis ad mendacium, a quo detinetur propter ejus malitiam; cum qua propensione bene itat voluntas absoluta nunquam mentiendi; tum etiam quia qui vult mendacium, si liceret, non vult objectum malum, quia tale, sed sub hypothesi impossibili, quod non esset malum; ergo non peccat.

III. Sed Azor., Adrian., Sanch. loco laudato verius docent, hujusmodi desideria, si non expriment solum naturalem propensionem ad hujusmodi objecta, non vacare culpa gravi: Quis enim dixerit, sine gravi culpa posse hominem desiderare Deum de-

fructu, si liceret? Nonne in hoc desiderio conditionato relucet absoluta, & actualis Dei displicentia? Idemque dicas, si quis desideret aliam v. gr. Crucifixio infligere, si liceret; hæc enim non videntur posse in praxi esse absque prava voluntate in objectum pravam inclinata.

IV. Confirmatur, quia qui dicit, Pejorarem, si liceret, eo ipso videtur absolute desiderare, quod perjurium sit licitum; atqui huiusmodi desiderium absolutum est graviter peccaminosum; ergo etiam illa voluntas conditionata. Adde, quod conditio impossibilis haberi debet pro non adjecta ex cap. *Si tale, De Conditionibus appoitis*; atqui si abesset ea conditio, procul dubio desiderare objectum pravam esset peccaminosum; ergo etiam si ea impossibilis conditio apponatur.

Neque dicas, solum in favorem Matrimonii sancitum esse, quod conditio impossibilis in eo contractu habeatur pro non adjecta. Nam contra est, quia si universum conditio impossibilis non haberetur pro non adjecta, actus voluntatis tendens in objectum sub hypothese impossibili esset nugatorius, & fatuus; ergo etiam in casu nostro haberetur pro non adjecta. Et per hæc patet ad rationes in contrarium propinqua sententia.

V. Denique quod attinet ad desideria inefficacia de malo alterius, non quia illius malum est, sed quia inde bonum provenit desideranti, consulenda, quæ habentur in expositione thesium 13. 14. & 15. ab Innoc. XI. proscriptarum; in quarum 13. dicitur: *Si cum debita moderatione facias, potes absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare, non quidem ex displicentia persona, sed ob aliquod temporale emolumentum*: In 14. vero habetur: *Licitum est absolute desiderio cupere mortem patris, non quidem ut malum patris, sed ut bonum cupientis; quia nimirum ei obvenit est parentis hereditas*. Denique in 15. legitur: *Licitum est filio gaudere de parricidio patris a se in ebrietate perpetrato propter ingentes divitias inde ex hereditate consecutas*.

VI. Desideria isthæc esse graviter peccaminosa, ex eo constat, quia per illa graviter læditur ordo Charitatis; Charitas quippe erga proximum postulat (sicut etiam Pietas erga Parentes) quod vita proximi, & a fortiori vita Parentis præferatur bono temporali proprio; adeo ut pauperi in extrema necessitate constituto teneamur

etiam de necessariis statui subvenire ad ejus vitam conservandam: atqui cupiens, quamvis inefficaciter, sicut etiam complacentiam habens de morte proximi, aut Parentis, præfert affective lucrum temporale proprium vite illorum, ut patet; ergo graviter per isthæc desideria inefficacia, & per similem complacentiam læditur Charitas erga proximum, & Pietas erga Parentes. Et sane quilibet ægre ferret, & graviter contristeretur, si sciret alterum sibi mortem inefficaciter exoptare ob finem sordidum acquirendi ejus divitias; quare a posteriori etiam constat inefficacibus istis desideriis graviter lædi Charitatem. Quoniam autem ipsa Charitas postulat, ut vita etiam propria, nedum proximi, posthabeatur bono altiori, puta bono Fidei, aut Reipublicæ, ideo desideria inefficacia de morte proximi non sunt illicita, quando ad hos fines altiores ordinantur. Propterea non peccat v. gr. filia, si inefficaciter exoptaret, aut etiam complacentiam haberet de morte Patris, qui volebat illam prostituere, ut ab hoc ingenti malo liberaretur.

Neque obstat, quod effectus isti non oriuntur ex odio, aut displicentia personæ, sed solum ex amore boni temporalis, quod ex ejus morte provenit. Nam ut graviter Charitatem lædant non est opus, quod oriuntur ex odio personæ, sed satis est, quod vita proximi, quæ est in ordine altiori, bono exiguo emolumentum temporalis præferatur. Sic pariter invidia non trahitur de bono alterius ex odio personæ, sed solum ex amore inordinato propriæ excellentiæ, ægre ferente, quod alter sibi præcellat, & tamen etiam, ut habetur ad Galat. 5., excludit a regno Dei. Quæ omnia fufius in expositione harum confixarum thesium pertractantur; Ubi pariter explicatur, quomodo illicita, & contra charitatem sint non solum desideria inefficacia absoluta de aliorum morte ob lucrum temporale inde proveniens (de quibus solum in hisce thesibus proscriptis est sermo) sed etiam desideria conditionata, ut si quis diceret: *Vellem mortem proximi, vel mei Parentis, si Deus ita disponderet juxta altissimos fines suæ Providentiæ, ut possem divitias consequi ab iis mihi relinquendas*: Sicut enim desideria conditionata de objecto turpi sub hypothese, quod non essent prohibita (v. g. vellem mentiri, peccare, aut Deum odio habere, si liceret) non vacant lethali culpa, ut ostendimus, quia quamvis videtur a culpa depurari propter talem condi-

tionem appositam, adhuc tamen culpam imbibunt propter actuale affectum erga obiectum illud turpe, qui rapit animum ad exprimendam illam velleitatem conditionalem; ita propterea desiderium conditionatum de morte proximi, aut Patris sub hypothesi, quod Deus ita disponderet ad divitias comparandas, non vacat lethali culpa; quia licet videatur a culpa depurari propter illam conditionem appositam, adhuc tamen culpam imbibit propter actuale affectum erga mortem illorum ob illud sordidum motivum, quod rapit animum ad exprimendam illam conditionalem vel-

leitatē: Cum autem talis affectus actualis graviter repugnet Charitati erga proximum, ac Pietati erga Parentes, ideo adhuc isthæc desideria conditionata de aliorum morte propter emolumentum temporale sunt graviter peccaminosa. Vacat quidem saltem lethali culpa complacentia de hereditate acquisita post mortem Patris, aut proximi; necnon desiderium de illa acquirenda quodcumque Deo libuerit independenter ab aliorum morte; Sed complacentia de illorum morte, aut desiderium inefficax mortis, ad illam acquirendam, lethali culpa non vacat.

## Q U Æ S T I O III.

Quænam Ignorantia circa Leges, aut Præcepta tollat, vel minuat Culpam?

**Q**uerendum primo, Quid, & quotuplex sit Ignorantia, & quænam reddat actum involuntarium? Secundo, Utrum Ignorantia invincibilis, non solum antecedens, sed etiam concomitans excuset a culpa? Tertio, Utrum Ignorantia invincibilis solius pænæ per legem impositæ excuset delinquentem a pœna incurrenda? Quarto, Quandonam Ignorantia censeri debeat invincibilis, etiam si proveniat ab Ignorantia culpæ, ita ut excuset a pœna transgressio-ribus imposita? Quinto, Utrum dari possit Ignorantia invincibilis Dei, & juris naturalis? Sexto, An Ignorantia vincibilis, quæ non excusat a gravi culpa, excusare possit delinquentem a pœna? Demum, An peccata ex Ignorantia vincibili commissa sint ejusdem speciei moralis cum peccatis scienter admissis?

### ARTICULUS I.

Quid, & quotuplex sit Ignorantia, & quænam reddat actum involuntarium?

*reddis indirecte voluntarium, & secundum quid involuntarium; propterea peccati gravitas a tali ignorantia minuitur. Sed quid si ea sit affectata?*

- I. Quid intersit inter Ignorantiam, Nescientiam, & Errorem?
- II. Sub nomine ignorantia comprehenditur obli-  
vis, & inadvertentia.
- III. Multiplex est ignorantia Invincibilis, &  
Vincibilis, seu Antecedens, & Conse-  
quens; quæ scilicet actum culpabilem vol-  
untatis consequuntur; datæque; ignorantia Con-  
comitans, quæ non antecedit, sed comita-  
tur actum.
- IV. Ignorantia antecedens excusat a culpa, ac-  
tumque reddit omnino involuntarium.
- V. Ignorantia concomitans neque reddit actum  
voluntarium, neque involuntarium possi-  
re, sed tantum negative voluntarium.
- VI. Ignorantia consequens actum, quem causat,

I. Ignorantia ex Divo Thoma 1. 2. quæst.  
76. art. 2. in hoc differt a Nescien-  
tia, & Errore, quod Nescientia importat  
negationem scientiæ in subiecto, aut non  
apto simpliciter ad sciendum, ut in lapi-  
de, aut non apto pro tali tempore, aut  
statu, ut in Infante, vel Amante: Igno-  
rantia vero importat scientiæ privationem;  
ut quando alicui deest scientia eorum, quæ  
aptus natus est scire: Error autem supra  
Ignorantiam addit positivam deceptionem;  
ut si quis contractum usurarium pueret esse  
licitum, ut notat Sanch. lib. 1. cap. 16.

II. Dividitur primo in ignorantiam Ju-  
ris, & Facti. Ignorantia Juris habetur, si  
ignoretur jus, seu præceptum; ut si quis  
ignoret prohiberi accessum ad non suam;

Ignorantia facti habetur, quando res ipsa præcepta ignoratur; ut si quis ignorat, foeminam, ad quam accedit, non esse suam, vel si quis sciens prohiberi carniū consumptionem in pervigiis, non advertat hodie esse pervigilium; huiusmodi enim obliuio, aut inadvertentia, aut inconsideratio nomine ignorantiae comprehenditur in præfenti, ut notat idem Sanchez; quia sicuti inadvertentia est ignorantia actualis, ita ignorantia est quædam inadvertentia habitualis.

III. Dividitur secundo in Ignorantiam Invincibilem, & Vincibilem. Invincibilis habetur, quando ignorans vel non potest illam superare, vel non debet; ut si quis adhibeat diligentiam omnem debitam humano modo ad veritatem inquirendam, quam tamen non assequitur. Solet hæc ignorantia appellari Antecedens, quatenus omnem operationem liberam antecedit, unde dicitur etiam involuntaria, inculpabilis, probabilis, & iusta; Vincibilis vero habetur, quando ignorans potest, ac debet illam superare: Hæc appellari consuevit Consequens, quatenus consequitur ad illam operationem liberam; unde dicitur etiam voluntaria, culpabilis, improbabilis, & iniusta.

Porro ignorantia vincibilis triplex est, Affectata, Crassa, & generico nomine dicta Vincibilis. Affectata est directe voluntaria, ut cum quis data opera vult ignorare; iuxta illud Malmi, *Noluit intelligere, ut bene ageret*. Crassa, seu supina est voluntaria indirecte, quatenus ignorans nullam, aut fere nullam adhibet diligentiam ad illam superandam, quamvis non sit directe volita. Vincibilis absolute dicta est etiam indirecte voluntaria, & dicitur illa, ad quam superandam adhibet quidem ignorans aliqualem diligentiam, non tamen quantum debet, unde ea non pertingit ad crassam. Utrum autem dari possit ignorantia vincibilis, quæ non sit affectata, neque crassa, & tamen sit mortaliter culpabilis? Negant communiter cum Suar., Vasq., Azor., Coninch. disp. 23. n. 95. putantes, ignorantiam, quæ non est affectata, nec crassa, esse solum venialiter culpabilem, si sit vincibilis. Admittunt vero Sanchez lib. 2. cap. 26. Bon. de censur. d. 1. q. 2. Valentia, Salas, & alii. Equidem cenfeo cum Francisco Lugo, ignorantiam huiusmodi mortaliter culpabilem, & non crassam vix posse in praxi discerni, etiam si esset possibilis. Quod si ea daretur, deservire posset solum ad vitandas censuras Ordinariorum, quæ ex Cap. *Ut animatum*

de Confit. non ligant Ignorantes, nisi eorum ignorantia sit crassa, vel supina.

Subdividitur deinde utraque Ignorantia tam vincibilis, quam invincibilis in Antecedentem, & Concomitantem. Ignorantia antecedens est causa actus, qui ignoranter fit, atque adeo illum antecedit; ut si quis putans occidere feram occidat Patrem, quem non occidisset, si cognovisset: Concomitans ignorantia est illa, quæ non antecedit, nec causat actum, sed illum comitatur; ut si quis credens occidere feram occidat inimicum, quem si cognovisset, adhuc occidisset: Illa occisio Patris, quæ fit cum ignorantia antecedente, ab Arist. 3. Ethic. 1. dicitur fieri ex ignorantia: hæc occisio Inimici, quæ fit cum ignorantia Concomitante, dicitur fieri ignoranter, quia occisio Patris causatur ab Ignorantia, non vero Occisio Inimici: Ignorantia tamen illa antecedens, ut notat Suarez in 1. 2. tract. 2. disp. 4. sect. 1. est causa occisionis Patris solum per accidens, & tanquam removens prohibens, seu quatenus tollit cognitionem Patris, quæ si adfuisset, actum impedivisset. Ignorantia vero Concomitans nullatenus est causa actus, quia licet tollat cognitionem Inimici, hæc tamen si adfuisset, actum non impedivisset. Sicut autem ignorantia invincibilis appellatur Antecedens, quia antecedit omnem actum voluntatis; ita ignorantia vincibilis appellatur Consequens, quia consequitur ad culpam voluntatis obligatam ad ignorantiam superandam, & tollendam; Ut si quis occidat hominem, quem putat esse feram culpabiliter, quatenus antequam sagittam intorqueret, debuisset investigare, *essetne fera, an homo?* Utraque tamen ignorantia tam Antecedens, quam Consequens antecedit, & causat actum (puta homicidium) quatenus illud non fieret, si ignorantia abesset: Quia tamen ignorantia vincibilis consequitur ad culpam voluntatis, secus vero ignorantia inculpabilis, idcirco hæc ignorantia dicitur antecedens, ignorantia vero vincibilis dicitur consequens.

Notandum denique, quod ad discernendum quando quis operatur est cum Ignorantia antecedente, & quando cum concomitante, ex Philof. loco laudato illud est indicium, quod operans cum ignorantia antecedente, adveniente scientia, dolet de facto, puta de homicidio Patris, operans vero cum ignorantia concomitante, adveniente scientia, lætatur de facto, puta de homicidio Inimici. His explicatis

IV. Dico primo: Ignorantia antecedens reddit

reddit actum simpliciter involuntarium, atque adeo omnino a culpa excusat; ut si quis occidat hominem, quem invincibiliter putat esse feram, illum non occisurus, si nosset. Ratio est, quia actus, qui fit cum hac ignorantia, neque est directe, neque indirecte voluntarius; imo est contra impetum saltem habitualem voluntatis, quatenus occidens sic hominem est habitualiter dispositus ad illum non occidendum, si sciret.

V. Dico secundo: Ignorantia Concomitans, prout praescindit a vincibili, & invincibili, neque reddit actum voluntarium, neque involuntarium positive, sed tantum negative voluntarium; ut si quis occidat hominem, putans esse feram, illum occisurus etiam si sciret: Ita communitur cum Divo Thoma, & Philosopho 3. Ethic. 1.

Probaturs prima pars conclusionis, quod non reddat actum voluntarium; huiusmodi enim occisio hominis neque est voluntaria directe, cum non possit esse directe volitum, quod est ignoratum; neque est voluntaria indirecte, quia solum ignorantia consequens, & vincibilis reddit actum indirecte voluntarium. Secunda pars conclusionis, quod scilicet non reddat actum positive involuntarium, etiam probatur; quia ut aliquid sit positive involuntarium, debet esse contra impetum voluntatis sive actualem, sive habitualem; quod autem sit cum ignorantia concomitante, non solum non est contra impetum internum voluntatis, sed potius est iuxta habitualem dispositionem voluntatis; unde multi docent, huiusmodi occisionem esse potius voluntariam habitualiter; ergo actus, qui fit cum ignorantia concomitante, non est positive involuntarius: Quare remanet, quod sit negative tantum voluntarius. Utrum autem hæc ignorantia excuset a culpa, si sit invincibilis, explicabimus articulo sequenti.

VI. Dico tertio. Ignorantia Consequens, seu vincibilis reddit actum voluntarium indirecte, & solum involuntarium secundum quid, quando est causa actus: ut si quis occidat hominem culpabiliter putatum feram, quem non occideret, si sciret.

Prima pars probatur, quia ignorantia isthæc, ad quam sequitur occisio, est voluntaria, cum sit culpabilis; ergo voluntaria redditur indirecte occisio, quæ ad illam sequitur. Secunda pars ab Angelico ostenditur, quia si ignorantia ista est causa occisionis, adeo ut occisio non poneretur, si haberetur notitia hominis, qui occiditur, eo ipso occisio ista est secundum quid in-

voluntaria: Unde fit, rationem voluntarii relate ad occisionem hominis minui sub hac ignorantia consequente; & idcirco peccatum hoc homicidii est minus grave, quam si scienter poneretur: Univerſum enim minus voluntarium est, quod ignoranter, etiamſi culpabiliter, quam quod scienter ponitur. Quicquid fit, an hoc fit verum de ignorantia affectata? quam Valentia, & alii apud Meroll. d. 1. c. 2. dub. 7. putant minuire culpam; Alii cum Navar., Becan., Layman ex Divo Thoma 1. 2. q. 36. ar. 4. putant augere. Verius tamen est, quod si ea procedat ex animo peccandi liberius, & sine conscientie remorsu, culpam augeat; si vero procedat ex terrore addiscendi, seu ut transgressio levior sit, culpam minuat; ut docent Corduba, Salas, Sanch. lib. 1. c. 13.

## ARTICULUS II.

Utrum a Culpa excuset Ignorantia  
Invincibilis, etiam si sit Con-  
comitans?

- I. Ignorantia invincibilis antecedens excusat a Culpa solum secundum illam rationem, quæ ignoratur.
- II. Ignorantia invincibilis concomitans probabilis excusat a malitia objecti ignorata, necnon a pena illi annexa.
- III. An, & quale peccatum sit affectus annexus Ignorantia concomitans?
- IV. Qui putat invincibiliter sagittam inquiri in feram cum animo inroquendi illam in Clericum Inimicum, si ibi adesse, probabiliter non incurrit irregularitatem, nec excommunicationem, aut onus restitutionis, si forte illum occidat.
- V. Quodnam homicidium casuale trahit irregularitatem?

I. Diximus, Ignorantiam Invincibilem antecedentem omnino a culpa excusare, cum reddat actum simpliciter involuntarium. Hoc tamen intelligendum est, si tota malitia actus invincibiliter ignoretur; aliter excusabitur a peccato actus solum secundum illam rationem, secundum quam habetur ignorantia invincibilis, e. g. si quis occidat Clericum, ignorans invincibiliter Clericatum, sed non ignorans, quod sit homo, erit solum homicidii reus, non sacrilegi; Quod si actus apprehendatur ut continens malitiam levem, invincibiliter ignorando, quod con-

tineat gravem, solum venialis culpa committitur per talem actum. Dubitatur dumtaxat de Ignorantia concomitante invincibili, an etiam excuset a peccato?

II. Censent a peccato non excusare Ugolin. Sayr. Durandus, Gabriel, quia talis ignorantia non reddit actum positive, & simpliciter involuntarium, ut diximus articulo superiore, sed solum negative voluntarium, cum habituali propensione voluntatis ad illum: Unde inferunt, quod si quis occidat Clericum, cum ignorantia invincibili concomitante, non solum peccet, sed etiam excommunicationem incurrit; Nitunturque auctoritate Divi Thomæ 1. 2. quæst. 76. art. 3., ubi aperte dicit ignorantiam concomitantem non excusare a peccato.

Communius tamen, & verius cum Suar. d. 4. de Censuris sect. 3., Vasquez, Molina, Sanchez l. 2. cap. 16. n. 13. docent, Ignorantiam hanc sive juris, sive facti excusare a malitia objecti ignorata. Quare excusatur a peccato homicidii, & consequenter ab excommunicatione, ac irregularitate, necnon ab onere restitutionis, qui occidit Clericum Inimicum, invincibiliter putans esse feram, quamvis esset habitualiter dispositus ad illum occidendum, si cognosceret sagittam in Inimicum esse intorquendam, non in feram.

Probat, quia actus non potest esse peccaminosus, nisi prosequatur objectum, quod apprehendatur malum; atqui posita illa ignorantia concomitante, homicidium illud non apprehenditur ut malum: ergo. Confirmatur, quia quod non est volitum, non est culpabile; quod autem est ignoratum non est volitum; ergo quod est ignoratum non est culpabile; sed posita ignorantia concomitante in casu nostro ignoratur homicidium; ergo homicidium sub ea ignorantia non est culpabile. Ex quo fit, ad rationem peccati requiri, quod actus sit voluntarius positive, nec satis esse, quod sit negative voluntarius, prout est sub ignorantia concomitante; nam quod est negative voluntarium non est simpliciter voluntarium; ergo non est peccatum.

Ad rationem in contrarium, verum est, quod huiusmodi homicidium sub ignorantia concomitante non sit actus simpliciter, & positive involuntarius, hoc tamen non sufficit ad culpam inducendam; cum ad hanc requiratur positiva voluntarietas, saltem indirecta, quæ in casu nostro habetur. Ad auctoritatem Divi Thomæ respondet

primo Vasquez, Angelicum voluisse solum, quod ignorantia concomitans non excuset a culpa gravi affectus interni concomitantis, non vero quod non excuset a culpa actus externi, qui solum trahit onus restitutionis, censuram, & irregularitatem. Respondent 2. Soto, & Medina apud Merollam, ignorantiam concomitantem, utpote præcedentem a culpabili, & inculpabili, secundum se neque excusare a culpa, neque accusare, sed si sit inculpabilis, excusat a peccato, secus vero si sit culpabilis.

III. Dubitatur tamen, an, & quale peccatum sit ille affectus annexus Ignorantie concomitanti, quo quis vellet occidere inimicum, si sciret ibi non esse feram, prout invincibiliter putat, sed Inimicum?

Ad quod respondendum, triplicem posse esse dispositionem operantis cum hac ignorantia. Prima est habitualis tantum, quatenus ea voluntate habituali est, ut Inimicum vellet occidere; at, dum projicit sagittam, non habet actum hanc voluntatem; Et in hoc casu certum est, non haberi peccatum ullum, ne internum quidem, quia per dispositionem habituales non peccamus, donec ea in actum producat. Secunda dispositio potest esse actualis, quam haberet projiciens sagittam, si tunc in actum hunc protumperet; Utinam illa fera esset Inimicus meus, libenter illum occiderem: & in hoc casu habetur quidem peccatum homicidii internum, non vero externum; quia actus ille internus nullatenus insinuat in projectionem sagittæ ad hostem intorquendum, posito quod invincibiliter putetur, ibi adesse feram; & ideo huiusmodi actus internus peccaminosus non trahit onus restitutionis, nec censuras, aut irregularitatem. Ita Suar. Vasz. Sanch. contra Cordubam lib. 7. qu. 19. Tertia dispositio est, quando mittens sagittam cum Ignorantia concomitante voluntatem habet occidendi quodcumque ibi sit, sive fera, sive homo, etiam si sit Clericus; in quo casu dubitatur,

IV. Utrum hic peccet peccato homicidii externi, & si occidat Clericum, an incurrat etiam excommunicationem, præter onus restitutionis, & irregularitatem? Affirmant communiter cum Suar. d. 4. de Censuris, sect. 8. Azor., Sanch. lib. 1. c. 16., Reginal. Bonac., Corduba, quia sub illa voluntate generali consensendi quicquid apparet, sive fera sit, sive homo, sive etiam Clericus, contingit actualiter occidio Clerici; unde, si ea sequatur, habetur pec-

eatum homicidii, & sacrilegii externi, quod eas pœnas secum trahit.

At Zumel, Lorea, Curiel, & Lessi. c. 7. n. 25. non improbabiler putant, peccatum illud internum homicidii, & sacrilegii non esse peccatum externum, quod eas pœnas trahat. Ratio est, quia actus ille exterior, quatenus est occisio Inimici Clerici, non potest esse imperatus ab illo actu interno peccaminoso occidendi quidquid apparet, posito quod invincibiliter ignoretur, ibi esse hominem, & credatur adesse fera: unde licet in tali casu occisio hominis possit dici volita, non potest tamen dici voluntaria, atque adeo non est actus externus peccaminosus; cum ex dictis ratio voluntarii essentialiter requiratur ad rationem peccati. In eo tamen differt, ut notavimus, volitum a voluntario, quod volitum comparetur ad voluntatem, tamquam objectum ad potentiam; voluntarium vero tantum effectus ad causam, ut constet ex definitione voluntarii, quod est id, quod procedit a principio intrinseco cognoscen- te singula.

Confirmatur, quia hic actus mere inter- nus, Vellem occidere Inimicum Clericum, non trahit irregularitatem, excommunica- tionem, aut onus restitutionis; ipsa etiam occisio Clerici, si non procedat a voluntate illum occidendi, neque trahit has pœnas: atqui in casu nostro habetur voluntas illa interna occidendi Clericum, & habetur occisio Clerici, non tamen procedens ab ea voluntate, sed casualis, cum credatur ibi adesse fera; ergo non incurrunt illæ pœnæ, ut docent etiam Molina d. 128., & alii apud Meroll. loco citato.

V. Et sane occisio Clerici neque fuit voluntaria directe, cum non adfuerit ulla cognitio, quod ibi adesset homo; neque fuit voluntaria indirecte, quia, cum supponatur invincibilis ignorantia illa concomitans, non habebatur debitum comparandi talem notitiam; ergo occisio illa simpliciter non fuit voluntaria, sed omnino casualis, non trahens post se irregularitatem, & censuras; Quicquid in contrarium dicat Avila 1. 2. c. 5. d. 5. dub. 5.: Illud enim homicidium casuale trahit irregularitatem, quod ita sequitur præter intentionem, ut tamen non adhibeatur debita diligentia, ne sequatur, puta quando quis volens solum graviter percutere Petrum, illum occidit: at in casu nostro cum ignorantia illa sit invin- cibilis, non debet ulla diligentia adhiberi, ne sequatur homicidium; ergo, ea

secuta hoc pacto casualiter, irregularitas non incurritur.

### ARTICULUS III.

Ex præjacta doctrina plurimæ difficul- tates resolvuntur.

- I. Num incurrat excommunicationem, & onus restitutionis, qui volens occidere Inimicum Clericum occidit invincibiliter amicum etiam Clericum?
- II. Quid si volens comburere agrum inimici, comburatur invincibiliter agrum amici?
- III. Num ignorantia vincibilis leviter culpabilis relate ad legem excuset a pœna gravi per legem imposita?
- IV. Num invincibilis ignorantia legis peccatum reservans excuset a reservatione?
- V. Quandoque reservatio peccati habet rationem pœnæ; quando vero fert limitationem jurisdictionis in Confessariis?
- VI. Pœna privationis petendi debitum non incurritur ab eo, qui invincibiliter illam ignorat.
- VII. Invincibiliter immemor voti pœnalis, v. gr. de non furando sub pœna jejunii, non tenetur jejunare, si furetur; nec ad id tenetur, si oblitio fuerit venialiter culpabilis.
- VIII. Beneficiarius inculpabiliter omissens Horas recitare, non tenetur ad fructuum restitu- tionem.

I. Sequitur ex dictis primo decisio illius questionis, an incurrat onus resti- tutionis, irregularitatem, & excommunica- tionem, qui volens occidere Titium Clericum Inimicum, occidit invincibiliter Ca- jum Amicum, etiam Clericum?

Respondendum cum Suario de Censuris disp. 45. sect. 2., & disp. 32. sec. 1. n. 54., dupliciter posse casum contingere. Primo quidem, quod volens occidere Titium Clericum inimicum adhibeat omnem diligen- tiam debitam, ne alia persona occidatur. Secundo sitalem diligentiam non adhibeat. In hoc secundo casu occidendo Cajum Clericum amicum tam irregularitatem, quam excommunicationem incurrit, & consequen- ter etiam onus restitutionis; quia vere est homicida relate ad Cajum culpabiliter il- lum occidens, esto noluerit talem homi- nem occidere. Idemque docent Sanch. l. 9. d. 332. Henric. & alii communius apud Croix de Censuris n. 9. In primo vero ca- su, cum omnem diligentiam adhibuerit, ne

alia persona a Titio inimico occideretur, nec irregularitatem, nec excommunicationem incurrit occidendo involuntarie, & inculpabiliter Cajum amicum Clericum; si cut qui volens occidere feram omnino inculpabiliter occidit Clericum, non est irregularis, nec excommunicatus, nec subiectus onus restitutionis. Monet tamen in praxi idem Suarius, sapum consilium esse, quod petatur dispensatio ab irregularitate propter dubium, & horrorem facti. Equidem communiori huic sententiae adhaerendum cenfeo. Quamvis Tambur. lib. 6. cap. 4. §. 3. n. 29. aliquae apud eundem Croix putent absolute, quod volens percutere Titum, si praeter intentionem Cajum Clericum percutiat, censuram non incurrat, quia talis actio exterior neque est formaliter injuriosa Titio, cum illum non tangat, neque formaliter injuriosa Cajo, quem non cognoscit, & omnino involuntarie percutit.

II. Quod si obijciat: Qui vult comburere agrum A, quem putat esse Titii inimici, & re vera est Caji amici, adhuc ad restitutionem tenetur; ergo pariter qui vult occidere Titium inimicum, si invincibiliter occidat Cajum amicum, etiam tenetur ad restitutionem, & incurrit irregularitatem; quandoquidem vere habet animum patrando homicidium; & illud patrat de facto.

Respondere, concessio antecedente cum Lugo, disp. 17. de Just. n. 75. negatur consequentia. Disparitas est, quia in primo casu intenditur substantia delicti, & error est in circumstantia; re vera enim agrum A intendit comburere, quamvis erret in hoc, quod putesse esse inimici, & est amici; ergo debet restituere damnum illatum: At in secundo casu error est circa substantiam; siquidem nullatenus intenditur occisio amici; & ideo cum omnino casualiter hoc accidat, non trahuntur ea onera. Sicut communiter docent, quod si volens occidere feram, omnino casualiter, & inculpabiliter occidat Clericum, non incurrat excommunicationem, nec onus restitutionis. Sicut autem in Sacramento Matrimonii error circa Personam est error circa substantiam, ut proinde qui contrahit cum Berta, putans illam esse Tereciam, invalide contrahat: Secus vero in Sacramento v. gr. Penitentiae error circa Personam est error accidentalis, unde qui absolvit Petrum, putans esse Paulum, secundum se valide illum absolvit: Ita in casu nostro error circa Personam est error substantialis relate ad homicidium, vel percussione; secus vero error relate

ad dominum huius Agri, quem vult damnificator comburere; & ideo hic ad restitutionem tenetur, secus vero ille homicida: Et pariformiter dicimus, collationem beneficii, v. gr. factam Petro, qui putatur esse Paulus, non esse validam, quia error hic circa personam spectat ad substantiam collationis: Contra vero collationem beneficii factam Petro, qui putatur esse casus, & quae non fieret, si sciretur ejus improbitas, esse validam, eo quod talis error sit accidentalis, & quoad circumstantiam. Idem dicunt accidere in casu nostro; error relate ad Dominum Agri, quem vis comburere, est accidentalis; & quamvis non combuisses, si scivisses, quod esset Ager tui Amici; adhuc teneris ad restitutionem; error vero circa Personam, quam percutis, vel occidis, est substantialis; & ideo, si ex errore omnino inculpabili percuti Amicum Clericum loco Inimici Clerici; actus est omnino involuntarius, relate ad Clericum amicum; atque adeo non incurris excommunicationem, nec onus restitutionis. Sed his non obstantibus non est recedendum a communi sententia, quod irregularitatem, excommunicationem, & onus restitutionis incurrat, qui volens occidere Titum Clericum inimicum, ita occidit Cajum Clericum amicum, ut non adhibuerit debitam diligentiam, ne alia persona occideretur; Etenim licet homicidium Caji fuerit involuntarium relate ad Cajum, utpote amicum, non facit involuntarium homicidium ut sic, si non adhibita est diligentia debita, ne alius occideretur. Illud solum admissem, quod si volens occidere feram, adhibita debita diligentia ne ibi subsistat homo, intorquet sagittam eo animo, ut vellet ibi subesse inimicum, & illum occidere, si per accidens ibi subsistat inimicus, & occidatur, ad restitutionem ille non teneatur: Etenim illa occisio externa non prodit ex illo pravo animo conditionato, atque adeo ille pravi animus, cum non prodeat in actum externum, non trahit onus restitutionis: Secus vero si volens occidere inimicum per accidens occidat amicum, non adhibita debita diligentia ne alius occidatur, tunc enim occisio externa prodit ex actu pravo interno, & ideo trahit onus restitutionis.

III. Sequitur secundo, Ignorantiam invincibilem, tam antecedentem, quam concomitantem legis prohibentis aliquam operationem excusare a pena per legem imposita; Cum enim excuset a culpa, ut haec-



mus ostendimus, excusat etiam a pena; Immo si ignorantia vincibilis legis penam imponentis sit tantum venialiter culpabilis, excusat etiam a pena; quia non incurritur pena gravis propter culpam levem; ergo si Ignorantia vincibilis veniale culpam contineat, non trahit penam gravem per legem impositam: Et quod dicimus de ignorantia, dicendum etiam de inadvertentia, ac oblivione, juxta superius dicta. Adde ignorantiam invincibilem tam juris, quam facti excusare; quamvis enim regulis juris in 6. dicatur Ignorantia facti, non juris excusare; id tamen intelligendum est pro foro externo, in quo ignorantia juris non presumitur, ut notat Laym. lib. 1. tr. 4. c. 26. & Sanch. lib. 4. c. 22.

IV. Sequitur tertio, quod si nova aliqua constitutio reservetur aliquod peccatum in odium illius, & in penam delinquentis; usque Sissus V. contra male promotos ad ordines Sacros, tunc Ignorantia Invincibilis talis legis excusaret a reservatione; non secus ac excusaret ab excommunicatione, si in penam alicujus delicti imponeretur excommunicatio. Ratio est, quia qui committeret peccatum illud sic reservatum, quamvis transgrediretur legem Divinam, atque adeo peccaret; at non transgrediretur legem humanam imponentem in penam delicti reservationem, aut excommunicationem, cum talis lex invincibiliter ignoretur; ergo quamvis mereretur penam æternam debitam transgredienti legem Divinam, non mereretur tamen penam reservationis, aut excommunicationis debitam solum transgredienti legem illam humanam. Idcirco probabilius, & coherentius docent de irregularitate Sanchez l. 9. d. 32. Navarr. Reginal., Bonac. contra Avilam 2. parte, cap. 5. disp. 5. dub. 10. Suar. de censur. disp. 40. sec. 5. Azor. Alvar. Cordub.; cum etiam irregularitas ex delicto imponatur in penam: Quare licet simul sit impedimentum Canonicum, ut est irregularitas ex defectu; at quia quando consequitur ad culpam, habet rationem pœnæ, ideo ignorata non incurritur.

Dices: Reservatio peccati non est pena delicti, sed est limitatio jurisdictionis in Confessario; atqui limitatio jurisdictionis non reddit validam absolutionem per hoc, quod peccans ignoraverit illam, quando peccavit; ergo ignorantia invincibilis legis reservantis peccatum non impedit, quominus peccans reservationem incurrat: Etillo verum sit, quod impediat quominus in-

curret excommunicationem impositam per legem, quia excommunicatio est pena, quæ ex Cap. Ut animarum, De Conflit., ut supra diximus, non incurritur ab ignorante illam, nisi ignorantia esset crassa, aut supina.

Sed contra est, quia reservatio peccati dupliciter imponi potest, Primo limitando jurisdictionem in Confessario, idque ad bonam Ecclesie gubernationem, ut scilicet graviora delicta Superioribus referrentur, a quibus melius curari possunt: Secundo potest in lege aliqua imponi reservatio in puram penam delicti: Si primo modo imponatur, verissimum est, quod ad illam vitandam nullatenus suffragetur Ignorantia; secus vero si imponatur in penam; ut videtur imponi quoties in odium delicti superadditur.

Et sane neque arridet sententia Januarii de Januario disp. 1. de casibus reservatis putantis cum Grassis, reservationem semper esse penalem, & in odium delicti impositam, & sic nunquam incurri ab ignorante illam; sicut nec etiam a non adveniente ad illam, dum actu peccat. Hanc enim opinionem esse improbabilem jure merito docet Hurtad. apud Dian. p. 6. tract. 6. resol. 42. Neque arridet sententia aliorum communis putantium, reservationem semper esse limitationem jurisdictionis, & nunquam habere rationem pœnæ, atque adeo nunquam per ignorantiam declinari.

V. Censeo siquidem cum Sanch. l. 9. d. 32. Merolla disp. 1. cap. 2. 12. Bonac. Dia. l. c. habere rationem pœnæ, quoties lex ipsa videtur reservationem in penam comminari; habere vero rationem limitationis jurisdictionis, quoties ad bonam Ecclesie gubernationem imponitur, quæ postulat, ut a Superioribus graviora delicta cognoscantur. Utrum autem reservatio habeat rationem pœnæ, semper ac per legem universalem imponitur, & solum habeat rationem limitationis jurisdictionis, quando imponitur Confessario per modum præcepti? Affirmant Fagun. 2. Eccl. præc. l. 8. cap. 1. n. 28., Grassus, Navar., Januarius, & alii apud Dianam p. 10. tract. 14. ref. 63. Equidem tamen non subscribo; potest quippe lege aliqua Confessarii jurisdictioni limitari. Quare id ex tenore legis inspicendum est. In dubio tamen, num reservatio sit penalis, an vero jurisdictionis limitativa? dicendum, eam esse penalem, quia in dubio melior est conditio possidentis; est autem in possessione jurisdictionis, quan-

quando ea confertur absolute, & dubitatur de ejus limitatione; sicuti dicitur esse in possessione lex, quando absolute est lata, & promulgata, & dubitatur, num sit usu recepta, & dicitur esse in possessione votum, quando constat, quod sit emissum, & solum dubitatur, an sit emissum cum animo obligandi se sub gravi.

VI. Sequitur quarto cum Sanch. l. 9. disp. 32. n. 49., Sylv. contra Cordubam, Henriquez, Sorum, Gutierrez apud Dia. p. 3. tr. 5. ref. 12., quod si conjux contrahat cum altero conjugis affinitatem, aut cognationem, videlicet aut cognoscendo consanguineam conjugis, aut tenendo in Baptismo, vel Confirmatione filium communem, aut filium alterius conjugis, vel ipsum conjugem, & simul invincibiliter ignoret Jus Ecclesiasticum, privans in his casibus conjugem petitione debiti, immutis erit ab hac poena; Etenim ignorantia invincibilis Juris excusat a poena eo jure imposita, quamvis factum sit ceteroqui jure naturali prohibitum; atqui poena privationis debiti solo Jure Ecclesiastico est imposita; ergo quamvis conjux peccet contra legem naturalem, cognoscendo consanguineam alterius conjugis, quia tamen ignorat invincibiliter legem Ecclesiasticam imponentem hanc poenam, ideo ea non incurritur.

VII. Sequitur demum, quid dicendum ad quaesitum, Num transgressio voti penalis, si vacet culpa sacrilegii, excuset a poena? v. g. vocat quis non furari, vel non ludere sub poena jejunii; si deinde immemor hujus voti furetur, aut ludat, teneaturne ad jejunium? Dicendum cum Sanch. lib. 4. c. 22. n. 18. non teneri, quia cum oblitus sit invincibiliter voti illius penalis, quod habet rationem legis sibi impositae cum comminatione poenae, sicut hanc legem non transgreditur, ita nec poenam incurrit. Immo nec ea poena incurritur, si tantum cum culpa veniali vincibiliter sit oblitus voti; nec incurritur si transgressio sit levis, ut notat idem Sanch.; quia poena illa censetur imposita transgredienti votum mortaliter.

VIII. Unde etiam sequitur quod docet Diana p. 3. tract. 6. resol. 41., Beneficiarium omittemem recitationem Horarum inculpabiliter non teneri ad restitutionem fructuum, non obstante lege penali fructuum acquisitionem irritante.

Utrum autem immunis sit a poena, qui memor voti, & immemor poenae sibi impositae

votum transgrediat furando, aut ludendo? constabit ex mox dicendis. Illud hic adverte, quod omittemens culpabiliter recitationem Horarum post sex menses ab ademptione Beneficii, quamvis non advertat, aut ignoret, quod omittemens culpabiliter hanc recitationem teneatur fructus Beneficii restituere, & illos non faciat suos, adhuc teneatur illos restituere. Et ratio est, quia (utulse diximus in expositione thesibus vigesimo ab Alex. VII. proscriptae, quae habet: *Rescriptio a Pio P. imposita Beneficiariis non recitantibus non debetur in conscientia ante sententiam declaratoriam iudicis, eo quod sit poena*) lex ista, quae imponitur restitutio fructuum non recitantibus culpabiliter, non est lex penalis, sed condicionalis, quatenus sub hac conditione dantur fructus, quod recitatio non omitatur culpabiliter; Quare hac conditione non impleta, fructus retineri non possunt. Ad eum modum, quo si relinquantur seminae centum sub conditione, quod caste vivat, non possunt retinere hos nummos, si vivat turpiter, non quidem in poenam turpitudinis, sed ob conditionem non adimpletam, ut notat Less. & Salas apud Dian. p. 1. tr. 10. ref. 23.

#### ARTICULUS IV.

Utrum Ignorantia Invincibilis solius poenae per legem impositae excuset ab ea poena delinquentem?

- I. Communiter docent, Conscientiam legis poenam imponentis, immemorem tamen invincibiliter talis poenae, culpae simul, ac poenae rem esse, si legem violat, exceptis Censuris, quae contumaciam supponunt. Quod autem attinet ad irregularitatem ex Delicto Doctores variant.
- II. Sed non est improbabile, universum poenam hanc non incurri, si ea sit extraordinaria, & exorbitans.
- III. Hinc non incurritur in tali casu privatio potendi debitum, nec irregularitas ex delicto invincibiliter ignorata.
- IV. Poenae in voto penalis, quoties poena est exorbitans, ad illam non teneatur, qui illius tantum invincibiliter immemor votum transgreditur. In dubio tamen, an poena sit extraordinaria, censenda est Ordinaria.

- I. Communiter Doctores docent cum Laym. l. 1. tract. 4. c. 20. Sanch. l. 9. disp.

disp. 32. Suar. l. 5. de legibus cap. 12. Avila p. 2. c. 5. disp. 6. conficiunt legis, quamvis pœnam annexam ignoret invincibiliter, culpæ simul, ac pœnæ reum esse, si legem transgrediat. Primo, quia obligatio delinquentis ad pœnam est naturalis, nec requirit consensum delinquentis in ipsam pœnam, sed solum in culpam, ad quam naturaliter consequitur reatus pœnæ. Secundo, quia alias infideles ignorantes pœnam inferni annexam esse morali ab ea excusarentur; & rustici, ac mulieres ignorantes legum pœnas in nullam earum incidere; quod non est admittendum: Qui enim vult antecedens, videlicet culpam, quæ est causa pœnæ, vult necessariò consequens, nempe pœnam, ex l. *Illud*, ff. de *acquirenda hereditate*.

Excipiuntur tamen a Layman, Sanchez, Suar. disp. 4. de Censur. sect. 4., & alius apud Dianam p. 3. tract. 5. ref. 12. omnes censuræ, quæ cum supponant essentialiter contumaciam, supponunt consequenter sui noticiam, sine qua consistere non potest adversus potestatem Ecclesiæ contumacia.

Excipitur etiam a Sanchez, Palao, Navarro, Diana loco laudato, irregularitas ex delicto, quia licet non sit proprie censura, habet tamen rationem censuræ; Quod tamen negant Suar., Laym., Salas, cum ea non sit pœna medicinalis imposita propter contumaciam, sed perpetua.

II. Equidem censo, communem hanc Doctorum sententiam esse veram solum relate ad pœnas ordinarias, ac delictis consentaneas, quod scilicet ex incurrantur a delinquentibus, etiam si ignorentur. Ceterum non est improbable, quod docet Layman. loc. cit. Navar., Sâ, Sylv., Sanchez, & idem Suar. disp. 4. de censur. sect. 9. n. 102., quod si pœna delictis imposita sit extraordinaria, & exorbitans, ea non incurritur a delinquentibus, si ignoretur, v. g. si Peregrinus transiet per locum, ubi præter morem puniatur venatio ferarum pœna gravissima, quamvis delinquat venando, & pœnam infligi solitam mereatur, non tamen illam gravissimam. Ratio est, quia quamvis non requiratur consensus delinquentis in pœnam, ut ad illam obligetur, requiritur tamen consensus in causam pœnæ, non solum materialiter, sed etiam formaliter ut causa est; quicquid non datur, quando ea pœna exorbitans ignoratur.

Confirmatur: In tantum ea pœna extraordinaria est debita delinquenti, in quantum per legem imponentem eam pœnam

delictum prohibetur gravius; unde peccans contra huiusmodi legem, quia gravius peccat, gravius puniendus est; ergo si quis ignoret invincibiliter transgressoribus legis impositam esse pœnam illam extraordinariam, non peccat contra huiusmodi legem quatenus gravius prohibentem delictum: ergo delictum in hoc casu non est puniendum gravius, atque adeo pœnam extraordinariam non mereatur. Et per hæc patet ad rationes pro communi sententia adductas, quæ non impugnant hanc nostram limitationem de pœnis extraordinariis.

III. Hinc sequitur primo, quod si conjugum contrahat cognationem, & affinitatem cum altero conjugæ, ex ignorantia non solum juris, vel facti, de qua diximus articulo superiore, sed etiam solius pœnæ, non privetur petitione debiti; quia huiusmodi pœna est extraordinaria, & supra delicti secundum se considerati gravitatem imposita; ut contra nonnullos docent Sanchez. l. 9. d. 32. n. 47., & Dian. p. 3. tit. 15. ref. 12.

Sequitur secundo, non solum excommunicationem, & alias censuras, sed etiam irregularitatem ex delicto probabiliter non incurri ab ignorante invincibiliter huiusmodi pœnam, quia ea est pœna exorbitans, ut docent Sanchez loc. cit., Coninch, Bonnac., Merolla disp. 1. cap. 2. n. 85. contra Filliuc., Reginal., Alvar. Et confirmatur, quia in cap. *Ut Animarum de Constitutionibus* indefinite deciditur, Ignorantes non ligari sententiis Ordinariorum, nisi ignorantia sit crassa, vel supina; Irregularitas autem est sententia, quam supremus omnium locorum Ordinarius imponit: ergo invincibiliter ignorata non incurritur.

IV. Sequitur tertio, quod si quis vocetur v. g. non furari, sub pœna servandi castitatem, aut ingrediendi in Religionem, & deinde memor voti, sed immemor huius pœnæ furetur; quamvis sacrilegium committat, nihilominus hanc pœnam, utpote exorbitantem, non incurrat; secus vero si pœna voto promissa non esset exorbitans. In dubio tamen, num aliqua pœna sit extraordinaria, an ordinaria, quæ ab ignorantibus incurri debeat, ea censenda est ordinaria; quia possessio stat pro lege, & in dubio melior est conditio possidentis.

## ARTICULUS V.

Quandonam Ignorantia censeri debeat Invincibilis, etiamsi proveniat ab Ignorantis culpa, itaque excuset a pena.

- I. Ignorantia est inculpabilis, quando non est in potestate nostra illam repellere.
- II. Ignorantia, quæ fuit vincibilis in causa, potest hic, & nunc esse omnino invincibilis, & a culpa excusare.
- III. Quomodo peccant non jejunando Rustici, qui culpabiliter neglexerunt audire Sacrum, in quo Parochi promulgans jejunia illius hebdomadæ?
- IV. Unumne, an duplex peccatum committit, qui culpabiliter neglexit inquirere de tali lege, & deinde jejunare omisit?
- V. Nim peccet contra Justitiam, qui vacans v. g. venationi illicitè aliquem inadvertenter occidit?

I. **C**onveniunt Doctores in hoc, quod ignorantia invincibilis, & inculpabilis ea sit, ad quam superandam homo facit, quod facere debet, quin possit illam vincere; Quare dicitur v. g. invincibiliter ignorare Mystera Fidei, qui licet possit, non putat tamen teneri adire Parochum, a quo instruitur.

Sed quamvis hæc doctrina sit vera, non tamen explicat, quandonam homo teneatur diligentiam adhibere ad vincendam aliquam ignorantiam; unde non explicat, quando Ignorantia sit invincibilis, quando vincibilis.

Clarius itaque dici potest cum Vasquez 1. 2. disp. 133. Suar. dec. 4. de censur. sect. 8., Sanch., Coninc. d. 14. de actibus humanis, tunc ignorantiam alicujus legis, vel inadvertentiam, seu oblivionem esse invincibilem, quando nulla notitia, dubitatio, aut scrupulus de ea venit in mentem, unde possit homo excitari ad inquirendam scientiam talis legis. Ratio est, quia, quoties non occurrit naturaliter menti aliqua notitia, dubitatio, aut scrupulus de re aliqua, non est in potestate nostra de ea consulere, amplecti, aut respondere; ergo talis ignorantia est invincibilis, cum sit supra humanam diligentiam eam expellere.

II. Hinc sequitur primo contra Navarr. Valen. apud Meroll. d. 1. c. 2. n. 110., quod licet peccet, qui negligit addiscere ea, quæ scire tenetur (v. g. licet Medicus

ignorans pharmacum ægroco applicandum peccaverit, si olim negligens fuerit in studendo iis, quæ ad suum munus spectant) at si hic, & nunc non advertat, quod scire ceteroqui hic, & nunc teneatur, nunc nullatenus peccet; idque ratione ignorantie invincibilis, quamvis in causa ea fuerit vincibilis, & culpabilis.

Neque dicas, Jura sepe clamare, quod ignorantia non excuset, quando quis debuit scire, & quod paria sint scire, & debere scire. Nam hæc intelligenda sunt, si adsit hic, & nunc aliqua advertentia, dubium, aut scrupulus de tali obligatione: Vel intelligenda sunt pro foro exteriori, in quo non presumitur ignorantia eorum, quæ quis scire tenetur. Et ratio a priori est, quia, ut hic, & nunc peccemus, requiritur hic, & nunc libertas ad faciendum, quod præcipitur, & consequenter advertentia ad præceptum; nec satis est libertas in causa: unde damnata est ab Alex. VIII. prima illa propositio dicens: In statu naturæ lapsæ ad peccatum formale, & demeritum sufficit illa libertas, quæ voluntarium, ac liberum fuit in causa sua, peccato originali, ac libertate Adamæ peccantis.

III. Sequitur secundo, quod Rustici non servantes jejunia, ac festiva intra hebdomadam occurrence, non peccent, si non advertant ad præceptum, etiamsi culpabiliter non interfuerint die Dominico Missæ, in qua Parochus ea solet promulgare. Quod si die Dominico, quando Missæ noluerunt culpabiliter interesse, occurrit dubitatio de promulgatione faciendi jejunii, aut festi infra hebdomadam, & culpabiliter neglexerunt ea scire, aut alios ea de re interrogare, peccarunt quidem tunc tam contra præceptum audiendi Missam, si illam simpliciter non audierunt, quam peccato interno contra præceptum Jejunii, quod obligat ad inquirendum, quando occurrit aliqua dubitatio de aliquo jejunio præcepto: At si deinde non jejunent, non peccant novo peccato, si tunc nulla suboritur advertentia de tali obligatione. Verum quidem est, quod ista transgressio jejunii fuerit indirecte, & virtualiter volita ab eo, qui negligit interrogare, imo fuit etiam indirecte voluntaria, si culpabilis omisio illius diligentie debet fuit causa, ut hic, & nunc violaretur jejunium; at non proinde ista jejunii transgressio est novum peccatum; sed solum se habet, ut effectus peccati, qui utrum in Confessione aper-

riam

riendas sit, examinavimus quæst. 1. art. ult.

IV. Dubitatur hic, Unum ne, an duplex peccatum committatur ab eo, qui culpabiliter neglexit inquirere de aliquo jejunio, si deinde non jejunct? Corduba, Rodr. Avar. putant, duplex peccatum committi, alterum omissionis diligentie debite, quod profecto committitur, etiamsi deinde nullum occurrat jejunium in hebdomada, alterum violationis jejunii, si se vera occurrat jejunium præceptum. Sed dicendum cum Merolla, unum tantum committi peccatum, si revera occurrat jejunium, & violetur; Unde non esset opus in Confessione dicere: Omisi culpabiliter inquirere de jejunio præcepto, & deinde illud ea de causa violavi; sed satis esset dicere; Violavi jejunium præceptum. Ratio est, quia obligatio inquirendi de jejunio non oritur per se ex aliquo speciali præcepto, sed solum a præcepto jejunii; quod obligat per accidens ad inquirendum, tamquam ad medium requisitum, ut servetur jejunium: Sic qui projicit lapidem e fenestra, omittens culpabiliter inspicere, ne quis tunc transeat per viam, si forte aliquem occidat, unum tantum peccatum homicidii; committit; quia quamvis omissione illius diligentie sit peccatum internum homicidii; (quod certe committeretur, etiam si nullus occideretur) at quia diligentia illa præcipitur per accidens ab eodem præcepto non occidendi, idcirco, securo homicidio, unum tantum peccatum homicidii actu externo completum commissum est. Sic etiam Sacerdos, qui post mortale sine contritione administrat Sacramentum, non committit duo peccata, alterum omitendo contritionem, alterum administrando Sacramentum absque prævia contritione, sed unum tantum peccatum sacrilegiæ administrationis; quia non obligatur tunc speciali præcepto ad contritionem, sed per accidens ab eodem præcepto, quo tenetur Sancta sanctæ tradere.

V. Sequitur ultimo, quod dans operam rei illicitæ, puta venationi prohibite, si inadvertenter, absque provisione, aut dubitatione damni forte secuturi aliquem occidat, aut damnetur, non peccat contra iustitiam, nec tenetur ad restitutionem. Ita Vasq. Suar. Sanch. lib. 1. c. 16. contra Covarr. in cap. *Alma Mater* parte 1. §. 10. unde D. Augustinus li. 22. contra Iustum (ut refertur causa 15. quæst. 1. cap. *Inebriabuntur*) docet incellum Loth in ebrie-

tate secutum non imputari illi ad culpam, quia nullatenus fuit prævisus.

## ARTICULUS VI.

An possit dari Ignorantia Invincibilis Dei, & juris naturalis.

- I. *Juris Divini positivi, ac nonnullorum Mysteriorum fidei dari potest non solum ignorantia, sed etiam error invincibilis.*
- II. *Etiam nonnullorum præceptorum naturalium.*
- III. *Ignorantia isthæ excusat a culpa.*
- IV. *Nequit homo culpæ esse obnoxius, & ignorare Deum, saltem sub conceptu Supremi Legislatoris obligantis ad abstinendum a tali operatione, quibuscumque Creaturis ad illam invitantibus.*
- V. *Num possit ad longum tempus ignorari Deus sub conceptu Numinis ab omni'nis colendi?*
- VI. *Quid dicendum de enervatis in Sylvis?*

I. **O**stendimus articulo superiore, eorum omnium dari Ignorantiam invincibilem, de quibus potuit nulla incidere ratio cogitandi, aut dubitandi. Difficultas nunc est, An possit juris naturalis, & ipsius Dei dari hujusmodi invincibilis ignorantia? Etenim jus humanum, seu leges humanas posse invincibiliter ignorari non dubitatur: Et quamvis leges humanæ communes omnibus difficilius ignorentur, quam municipales, possunt tamen invincibiliter ignorari, adeo ut Azor. tom. 1. l. 7. cap. 7. pueri, Pastores aliquando, & alios rusticos usque adeo rudes esse, ut invincibiliter ignorent præceptum ipsum audiendi Sacrum.

Dico equidem primo. Potest dari invincibilis ignorantia Divini Juris positivi, & mysteriorum Fidei.

Probat, quia multis Infidelibus nunquam proposita fuit Catholica fides; ergo ignorarunt illam invincibiliter; Unde non damnabuntur ob infidelitatem, sed ob alia mortalia delicta.

Neque dicas, ideo Infideles istos carere Prædicatore, a quo instruantur, quia non servarunt legem naturalem; ergo Ignorantia mysteriorum Fidei est culpabilis, & vincibilis.

Nam contra est, quia cum non provideant ad transgressionem legis naturalis fequi carentiam illuminationis, & Prædicatoris, non potest ipsis culpæ imputari, quod

non illuminentur, & non credant; quamvis verum sit, idcirco non illuminari, quia legem naturalem non servant, ut docent Vasquez, Azor., Sanch. loc. cit.: Qui addit posse dari non solum Ignorantiam, sed etiam errorem invincibilem circa Fidem, ut si quis instruat ab haeretico, ad imperito, quem putat veritatis praconem: esto fides erga Mysterium falsum ab haeretico, vel ab imperito propositum non possit esse supernaturalis.

II. Dico secundo. Potest pariter dari invincibilis Ignorantia etiam aliquorum praceptorum naturalium; ut de non accipiendo lucro ex mutuo, de non ulciscenda propria injuria; Et ex Bonac., & Azor. multi putant, sicutum esse meniri ad cavendum malum proximi; Imo ex Layman, Sanchez, & Diana par. 3. trac. 4. dist. 108. multi, praesertim Pueri, invincibiliter ignorant malitiam Mollifici. Vasquez (ut habet p. 2. d. 122. cap. 2.) novit Rusticum putantem invincibiliter, pium esse morti proximum in alteram partem versare, ut citius decedat, ne diu patiat. Quaedam prima principia ignorari nequeunt, ut *Quod sibi non vis, alteri ne feceris*; quia sunt maxime obvia; sicut nec quaedam Decalogi praeccepta, nempe Deum esse colendum; Parentes honorandos; Alia vero Decalogi praeccepta possunt invincibiliter ignorari, saltem, ut notat Corduba, & Vasquez loco laudato, si vestiantur aliqua circumstantia, quae a culpa excusare videatur; ut si quis putet, furtum licere ad succurrendum Pauperi, vel Perjurium ad vitam tuendam.

III. Quod autem Ignorantia Praceptorum naturalium excuset a peccato, si sit Invincibilis, constat, tum quia repelli non potest, unde absque culpa non repellitur; tum etiam ex propositione secunda ab Alexandro VIII. damnata, quae habet: *Tametsi detur ignorantia invincibilis Juris naturalis, haec in sua natura lapsa non excusat a peccato formali.*

IV. Dico tertio, impossibile est, aliquem honeste, vel inhoneste operantem non cognoscere Deum, saltem sub conceptu confuso Legislatoris, seu obligantis ad hanc, vel illam operationem seu ponendam, seu vitandam; & consequenter impossibile est ignorantia invincibilis Dei, sub hoc conceptu confuso.

Probat ex propositione damnata ab Alex. VIII. 24. Augusti 1690. de peccato pure Philosophico, quod scilicet non sit offen-

sa Dei, nec aeterna poena dignum, quia apprehenditur solum ut contrarium naturae rationali, & rectae rationi, absque ullo respectu ad Deum, qui vel ignoratur, vel tunc actu non cogitatur: Ideo enim peccatum hoc pure philosophicum non datur, quia cum a solo Deo obligari possimus ad non peccandum, quibuscumque Creaturis aliud suadentibus, idcirco dum homo peccat, cognoscere debet Deum sub conceptu obligantis, seu Legislatoris; Unde sit, peccatum quodcumque non esse pure philosophicum, sed etiam Theologicum, quia opponitur non solum naturae rationali, quam considerant Philosophi, sed etiam Deo, qui a Theologis consideratur; ergo Deus ignorari invincibiliter non potest sub aliquo conceptu confuso ab eo, qui peccat. Sed hac de re suse in expositione thesum ab Alex. VIII. confirmatur.

V. Dico ultimo: Deus sub conceptu explicito Numinis ab omnibus colendi non potest invincibiliter ignorari ad longum tempus, praesertim ab eo, qui in communitate vivit. Ita communiter Patres, & Doctores. Ratio est, quia cogitatio Numinis, Caeli, ac Terrae Conditoris est maxime omnibus obvia, ut Caeli ipsius gloriam enarrent. Potest tamen aliquis in sylvis educatus, aut in familia Atheistarum per aliquod tempus ignorantiam Numinis invincibilem habere, cum Numinis notitia non habeatur ex ipsis terminis; Nemo tamen potest in praesenti providentia tota vita hanc Numinis Ignorantiam habere absque ulla culpa, saltem mediata, & in causa. Ratio est, quis in praesenti providentia necessaria est necessitate mediis cognitio Dei explicita, etiam ut Remuneratoris; quod constat ex propositione 22. damnata ab Innoc. XI.; ergo cum Deus in praesenti providentia nulli denegeret auxilia necessaria ad salutem, idcirco est impossibile, dari ignorantiam Dei inculpabilem saltem inculpabilitate remota in causa; ut proinde peccans contra dictamen rationis privetur in penam cognitione hac Numinis ad salutem necessaria.

VI. Hinc fit primo, quod si quis in Sylvis nutritus legem naturalem semper servasset, & Numinis ignorantiam invincibiliter haberet, teneretur Deus illi ante mortem Praedicatorum mittere, ut notat D. Th., ne cum ex ignorantia decedat, & absque propria culpa damnetur.

Fit secundo, quod si vera est sententia Bonac. & Sanch. (contra communione)

putantium fidem explicitam Trinitatis, & Incarnationis esse necessariam ad salutem, etiam necessitate mediū post Evangelii promulgationem, neque poterit dari tota vita ignorantia invincibilis horum mysteriorum, absque culpa saltem mediata, & in causa; scilicet vero, si Fides explicita horum mysteriorum sit solum necessaria necessitate præcepti, ut docent communis, prout habetur in expositione thesīs sexagesimæ quintæ ab Innocentio XI. profligatæ; ubi dicitur: *Sufficit illa mysteria semel credidisse.*

## ARTICULUS VII.

**Utrum Ignorantia Vincibilis semper peccatum minuat præsertim in Transgressionem legum Humanarum.**

- I. Etiam crassa, & supina Ignorantia alicujus legis minuit peccatum adversus talem legem.
- II. Non tamen affectata.
- III. Potest Ignorantia vincibilis ita minuire aliquando culpam, ut excuset a mortali, & a censuris, ac panis per legem impositis.
- IV. Ignorantia, quæ est graviter culpabilis relate ad transgressionem legum naturalium, potest aliquando esse solum venialiter culpabilis relate ad leges humanas.
- V. Quare lex humana non obligat cum eo rigore, quo lex divina?

**R**egulariter omnis Ignorantia vincibilis alicujus legis, vel obligationis est etiam culpabilis; si enim eam vincere, ac depellere possumus, tenemur. Dubitatur solum, an ea semper peccatum minuat in legum ignorantiarum transgressionem?

Dico primo: Ignorantia etiam crassa, & supina alicujus legis minuit culpam, quæ in talis legis transgressionem committitur. Ita D. Tho. 1. 2. q. 76. art. 4., quem communiter sequuntur. Ratio est, quia ignorantia minuit voluntarium ex dictis; ergo minuit peccatum, quod quæ tale est, voluntarium est.

II. Dico secundo: Ignorantia affectata, quæ quis vult legem ignorare, ut liberius, & sine remorsu operetur, quamvis reddat peccatum contra legem illam secundum se levius, utpote minus voluntarium, ac relate ad hunc animum internum peccandi liberius, culpa sit gravior; unde talis igno-

rantia non minuit, sed augeat peccatum. Ita D. Th. loc. cit. Becan. Navarr. contra Valen., & alios, apud Meroll. n. 154., putantes etiam affectatam ignorantiam minuire peccatum, quia reddit illud indirecte solum, & in causa voluntarium, non directe & in se: Quod certe verum est, si spectetur peccatum sine relatione ad animum illum peccandi liberius, ut diximus.

III. Dico tertio: Ignorantia vincibilis potest aliquando ita culpam minuire, ut excuset a mortali, & consequenter a censuris, & aliis panis gravibus per legem impositis. Ita Sanch. lib. 1. c. 17. Suar., Avila 1. parte cap. 5. disp. 5.

Probatur: Quando quis non adhibet diligentiam illam, quam adhibere tenetur ad ignorantiam legis superandam, sed committit levem aliquam negligentiam, tunc certe excusabitur a mortali propter parvitatem in negligentia, & quia ratio voluntarii indirecte est satis diminuta. Quare si quis putans vincibiliter ob omissionem levis diligentie occidere feram, occidat hominem, non est reus graviter homicidii secuti; unde nec ad restitutionem tenetur, nec irregularitatem, aut censuram incurrit.

IV. Difficultas præcipua hac in re est, Utrum ignorantia graviter vincibilis, hoc est proveniens ex gravi negligentia, excuset a mortali transgressionem legum humanarum?

Negant Suar. tom. 3. in 3. par. dist. 82., sect. 3., Palaus tract. 1. disp. 1., puncto 26., & alii apud Fran. Lugo p. 2. quest. 8. Probant autem, quia, si quis, v. g. cum ignorantia mortaliter culpabili occidat hominem putatum feram, eo ipso habet voluntarium sufficiens ad mortale; ergo eo ipso peccatum homicidii committit, pœnasque annexas incurrit: Idemque docent, si ex Ignorantia culpabili violenter præceptum humanum, puta Jejunii. Confirmant, quia ignorantia culpabilis opponitur eidem præcepto, cui opponitur peccatum ex ignorantia commissum; ut in casu adducto præceptum naturale, quod obligat ad non occidendum, obligat etiam ad tollendam ignorantiam vincibilem, vi cuius posset sequi homicidium: ergo quoties hæc est gravis, graviter violatur præceptum sive naturale, sive humanum.

V. Sanchez vero loco laudato, Sa, Val., Cajet. Vasquez in 1. 2. dist. 148. n. 61. censent, ignorantiam vincibilem gravem excusare a gravi culpa transgressorem legum hu-

humanarum, dummodo ignorantia non sit crassa, vel supina, & operans sit dispositus ad non violandum præceptum, si innosceret. Ratio est, quia lex humana non obligat cum tanto rigore, sicut lex naturalis: Quod ex eo patet, quia quæ excusant a violatione legis humanæ (ut metus mortis) v. gr. non excusant a violatione legis naturalis; idque ex suavi Legislatoris humani intentione, quæ non cogit cum nimio rigore, nec tantam exigit diligentiam ad legem præfendam.

Et ratio, cur lex humana non obliget cum eo rigore, sicut lex Divina, est, quia non confert auxilia ad legis observantiam Legislator humanus, sicut confert Deus; ut proinde facilius sit, legem Divinam ceteram rigidam servare, quam legem humanam minus rigidam, quatenus humana est; quamvis quatenus Deus reflexe nos obligat ad illam servandam, non desit suis auxiliis supernis nostras vires confortare.

Equidem cenfeo, sententiam hanc in hoc solum sensu esse veram, quod scilicet ea ignorantia vincibilis, quæ in Transgressione legum naturalium efficit mortaliter culpabilis, in transgressione legum humanarum sit tantum venialiter culpabilis, si non sit crassa, vel supina. Quod probat ratio adducta: Sicuti quando dicitur, quod si in aliquo contractu, puta Depositi, Commodati, Pignoris sequatur aliquid damnum ob negligentiam contrahentis, teneatur hic ad restitutionem, docent communiter, quod ad restitutionem teneatur ex levissima culpa juridica, si contractus sit in sui favorem, ut est contractus commodati; teneatur vero ex culpa levi, si contractus sit in favorem utriusque contrahentis, ut est contractus Pignoris; teneatur tamen solum de culpa lata, si contractus sit in favorem alterius, ut est Depositi. Et sensus est, quod negligentia juridica, quæ non est culpa mortalis, & gravis Theologice obligans ad restitutionem in contractu Depositi, vel Pignoris, sit culpa mortalis in contractu Commodati, qui est in bonum proprium contrahentis. Hinc inferunt Lessi. lib. 4. c. 2. n. 34. Henric. lib. 9. c. 25. nu. 10., & Azor., sæpe a mortali excusari transgressiones præcepti Ecclesiæ, puta jejunii, vel audiendi sacrum, si scilicet bona fide reputent dari sufficientem excusationem, quamvis ea revera non sit sufficiens; adeo ut ista bona fides, & ignorantia, quæ respectu juris naturalis sufficeret ad mortale, respectu juris humani non sufficiat.

Ad argumentum itaque prioris sententiæ respondetur, posse haberi sufficiens voluntarium ad constituendam violationem præcepti naturalis mortalem, quæ respectu præcepti humani non sit voluntarium sufficiens, nisi ad constituendam violationem illius venialiter culpabilem, ratione negligentiae, quæ relate ad leges naturales est gravis, relate ad humanas est levis.

Ad confirmationem, concessa antecedente, & prima consequentia negatur secunda; quia potest Ignorantia vincibilis esse gravis, & mortaliter culpabilis relate ad leges naturales, quæ tamen non esset nisi venialis relate ad humanas.

## ARTICULUS VIII.

Utrum Legis Ignorantia mortaliter vincibilis excusare possit a pena, quamvis non excolet a gravi culpa?

*I. Ignorantia mortaliter culpabilis, quæ non pertingit ad crassam, excusat a pena Transgressorius imposita, sive ea sit censura Episcopalis, sive Pontificia, sive irregularitatis &c.*

*II. Excusat etiam ignorantia crassa, si pena imponatur facientibus scienter, aut temere presumuntibus.*

*III. Et probabiliter etiam affectata, quippe quæ solum æquiparatur scientia pro foro exteriori, quando scientia presumunt.*

*IV. Num legens hæreticorum libros ex ignorantia affectata incurrit excommunicationem Bullæ Cane latam contra Legentes scienter?*

*V. Num excommunicatio lata contra Percussores Clericorum incurritur, si ad ignorantiam crassam sive Juris, sive facti?*

**N**egant id fieri posse, Suar. d. 4. de censur., scilicet 4. n. 10., & Villalobos, putantes non dari ignorantiam mortaliter culpabilem, quæ non sit saltem crassa, vel supina; hæc autem Ignorantia legis sicut non excusat a gravi culpa, ita nec a pena per legem imposita, prout deciditur in cap. *Us Animarum*, de Constitutionibus, ubi dicuntur sententis Ordinariorum non ligari Ignorantes, nisi eorum ignorantia sit crassa, vel supina: Sed Sotus, Grassi, & alii admittentes possibilem ignorantiam mortaliter culpabilem, quæ non pertingit ad crassam, docent, hujusmodi Ignorantiam excusare solum a censuris Episcopalibus, non vero a Pontificis, ac latius a Ju-



re communi, quia in Capite ludo dicitur ignorantēs excusari a sententiis Ordinariarum; ergo solum ab Episcopaliibus.

Dico equidem primo cum Sanch., Bonac. Dia. par. 3. tract. 5. ref. 135.: Ignorantia legis, etiam si mortaliter culpabilis (permisso quod ea dari possit in legibus etiam humanis, de quo diximus articulo superiore) si non pertingat ad crasam, excusat a pœna Transgressoribus imposita, sive ea sit cœsura Episcopalis, sive Pontificia, sive Irregularitas, aut alia similis.

Probat, quia in cit. cap. dicuntur excusari Ignorantes a sententiis Ordinariarum; nomine autem sententiæ veniunt omnes pœnæ enumeratæ, & nomine Ordinariarum venit etiam Pontifex, qui Ordinarius est Ordinariarum: Constatque ex ratione ibi adducta, videlicet, ut occurratur periculis animarum, quæ periret militat pro penis Pontificiis, præsertim quia facilius istæ ignorantur, cum minus publicentur.

II. Dico secundo cum Sanch., Molin., Avila apud Dia. loc. cit., pœnam per legem impositam non incurri ab ignorantibus legem, etiam si ignorantia sit crassa, & supina, quando pœna imponitur facientibus scienter, aut temere præsumptibus, &c.

Probat, quia per hæc verba significatur excludi culpabiliter ignorantem, dummodo ea ignorantia non sit ingens temeritas, quæ dolo æquiparetur.

III. Dubitatur, An in hoc casu excuset Ignorantia affectata? Negant Suar., Laym., Henr., Sanch. l. 9. d. 32. n. 40., & l. 7. d. 43., quia ex Capite *Eos qui De temporibus ordinationum* in 6. Ignorantia affectata æquiparatur scientiæ, & ex D. Thoma 1. 2. q. 76. 2. 4. auget, non minuit peccatum.

Sed verius affirmant Bonac., Filliuc., & idem Sanch., veluti palinodiam canens in Summa l. 2. cap. 10. n. 38., quia ignorans affectare revera non delinquit scienter. Tunc æquiparatur scientiæ ignorantia affectata, quando scientia præsumitur, idque solum habetur pro foro exteriori. Propter ea peccatum ex ignorantia affectata procedens est gravius, quam peccatum scienter commissum per relationem ad peccatum internum, quo quis vult ignorare, ut liberius legem violet; secundum se tamen peccatum hoc est minus grave, utpote minus voluntarium, quia est tantum voluntarium indirecte, & in sua causa, videli-

Opusc. I.

cet in ipsa ignorantia. Præterquamquod, ut notat Franc. Lugo p. 1. qu. 9., Ignorantia affectata potest minuire peccatum, si scilicet quis ob bonum finem velit legem ignorare, puta ut non ita præceptum violandum contemnat, nec ita directe legi repugnet.

IV. Hinc infertur, quod legens v. g. libros hæreticorum hæresim continentes, vel de Religione tractantes ex ignorantia affectata non contrahat excommunicationem Bullæ Cœnæ; quia ea fertur contra scienter legentes. Negat hanc illationem Merolla n. 252., quia quamvis in odiosis ignorantia affectata non æquiparetur scientiæ quoad pœnas incurrendas, æquiparatur tamen in favorabilibus; lex autem prohibens lectionem librorum hæreticorum, probabilis est quod sit favorabilis, quia principaliter lata est in favorem Fidei, & Animarum, ut docet Suar. de Fide d. 20. sect. 2. n. 10. Sed contra est, quia si doctrina hæc subsisteret, nulla lex esset penalis, & stricte interpretanda; quia sic omnis lex, utpote principaliter lata in bonum publicum, & animarum, esset favorabilis.

V. Dubium denique est de excommunicatione lata in Canone, *Si quis suadente* contra Percussorem Clerici, an incuratur ab ignorante illam ignorantia crassa? Negant incurri Rodriq., Sylvest., Alvar. apud Meroll. n. 241., quia Canon videtur requirere scientiam, ac dolum, cum dicat, *suadente Diabolo*. Sed probabilius dicendum cum Suarez, Vasquez, Molina, Sanchez lib. 9. d. 32. num. 41., eam incurri, si crasse ignoretur; quia ea verba non videntur importare dolum, ac requirere scientiam, sed solum significant excommunicationem incurri, quando percussio non est licita; non vero si fiat ad correctionem, aut si non sit mortalis.

## ARTICULUS ULTIMUS.

Utrum Peccata ex Ignorantia Vincibilis commissa sint ejusdem speciei moralis cum peccatis scienter admissis?

- I. Probabilius ejusdem speciei sunt peccata scienter commissa, & peccata commissa cum ignorantia gravior culpabili; quamvis illa directe sint voluta, hæc vero indirecte, & in causa.
- II. Quod verum est etiam de peccatis, quæ in sola voluntate consummantur.
- III. Quomodo peccata isthæc clarius subjicienda?

C

IV.

*IP. Quidam ignorantia vincibilis est speciale peccatum in Confessione aperiendum?*  
*V. Non solum est speciale peccatum ignorantia vincibilis, si sit directe voluta, sed etiam quando ex speciali precepto tenemur eam removere, ut est ignorantia Myfteriorum Fidei,*

**I. V**ariant in hoc Doctores: Med. & Adrian. putant univ. speciem differre, atque adeo hanc circumstantiam in Confessione esse exprimendam, quia videtur diversa ratio malitiz, & magis a recta ratione abhorrens transgredi preceptum scienter, quam per ignorantiam culpabilem: Cajet. 1. 2. q. 76. 2. 4. putat, speciem hanc diversitatem reperiri solum in peccatis contra jus naturale, non vero in peccatis contra jus positum. Azor. & Vasq. in 1. 2. d. 101. cap. 5. speciem hanc diversitatem agnoscunt in peccatis, quz in sola voluntate consummantur, ut sunt odium Dei, vel Proximi, inobedientia &c., non vero in iis, quz consummantur opere extero, aut per actus alterius potentiz a voluntate; quia scilicet malitia peccatorum, quz interius consummantur, consistit in speciali intentione odio habendi Deum, non obediendi, &c. quz malitia in iisdem peccatis per ignorantiam vincibilem commissis non videtur reperiri; & ideo in his dumtaxat peccatis videtur dari ea specifica diversitas. Demum alii cum Cuneo, & Maldero putant, Ignorantiam legum vincibilem esse speciale peccatum, quod auctore legis transgressionem committitur.

*r* Sed communis Doctorum sententia fert, peccata quzcumque esse ejusdem speciei, sive scienter, sive per ignorantiam vincibilem committantur, ut videre est apud Suar., Sanch., Bonac., Conink., Dia. p. 3. tr. 4. res. 141. Ratio est, quia in hoc tantum differt homicidium v. g. scienter commissum ab homicidio parrico ex Ignorantia vincibili, quod illud sit volitum directe, & in se, hoc vero indirecte, & in ea ignorantia, tanquam in causa; sed hoc non facit diversam speciem malitiam actus; cum velle directe, vel indirecte spectet tantum ad modum, quo idem objectum pravum voluntas persequitur; ergo ejusdem speciei sunt peccata, quz sunt directe, & quz sunt indirecte voluntaria, seu commissa scienter, & ex ignorantia vincibili.

II. Nec est ratio, quare non idem debeat dici de peccato, quod interius consum-

matur, ut est odium Dei: cum specialis illa intentio odio habendi Deum zque habeatur per ignorantiam culpabilem, non secus ac in peccatis, quz opere externo consummantur, puta in fornicatione, malitia opposita virtuti castitatis zque habetur in fornicatione habita per ignorantiam vincibilem. Idemque etiam dicas tam de peccatis contra jus naturale, quam de peccatis contra jus positum.

III. Hinc sequitur in Confessione non debere univ. explicari, ut notant Sanch. Coninch., Bonac., num peccatum commissum fuerit scienter, an ex ignorantia vincibili, dummodo ignorantia non fuerit vincibilis, quz reddat peccatum de mortali veniale, aut nisi censura aliqua sit annexa contra scienter perpetrantes aliquam culpam (tunc enim ignorantia vincibilis excusare posset a tali censura incurrenda, ut notat Sanch. lib. 1. cap. 17. n. 23.) aut demum nisi peccatum sit heresis: hæc enim probabilius ex Suar., Vasq., Sanch. lib. 2. c. 7. n. 10. contra Sayrum, Tol., Lop. requirit scientiam, quod propria opinio sit contraria doctrinæ Catholicæ; aliter non haberetur pertinacia, quz est constitutiva peccati heresis.

IV. In eo tantum casu puto cum Alvar., & Merol. n. 699., veram esse sententiam Maldri, & Curiel. supra relatum, quod ignorantia vincibilis sit speciale peccatum, quando scilicet ea est directe voluta, quia tunc est contra speciem virtutem studiositatis, ut docet Filliuc. tr. 21. c. 10. n. 365. Sicuti quisvis in qualibet transgressionem precepti reperitur inobedientia; at si quis directe velit inobedientiam, seu si quis transgrediatur preceptum ex hac intentione directa, quod nolit obedire, & velit preceptum contemnere, committit speciale peccatum contra virtutem speciem Obedientiz in Confessione exprimendum, ut notat D. Th. 2. 2. qu. 104. art. 2. Quando vero ignorantia non est directe voluta, sed est tollenda ad removendum impedimentum ad executionem precepti, tunc ex eodem precepto, quo obligamur ad opus, obligamur ad removendum hoc impedimentum; unde cum eidem precepto opponatur, non est speciale peccatum; E. g. preceptum Jejunii, quod obligat ad jejunandum, obligat etiam ad inquirendum quo die teneatur jejunare: unde si quis vincibiliter hoc ignoraret, & ex hac ignorantia comederet carnes, unum peccatum committeret contra temperantiam, quod sufficeret in Confessione

fione explicatur, dicendo: Violavi jejunium præceptum.

Verum quidem est, quod si post ignorantiam vincibilem, qua quis exposuit se periculo comedendi carnes illas, non comedat, debet solum ignorantiam istam vincibilem in Confessione explicare, quia illa de se est grave peccatum, ut norat Sanch. & Dia. p. 3. tr. 4. ref. 165. At si deinde carnes comedat, non patrat novum peccatum, sed solum opere externo in Confessione aperiendo complet illud prius peccatum internum, juxta dicta art. 4.; cum enim in illa carum comestione non sit nova libertas, & nova ratio voluntarii adversus præceptum ex defectu cognitionis, non potest haberi novum peccatum.

V. Denique est speciale peccatum ignorantia vincibilis, quando quis negligit addiscere, quæ scire tenetur; puta mysteria Fidei; in hoc enim casu ista scientia est opus præceptum; unde in hoc casu recurrit doctrina universalis jam tradita, quod

scilicet tam peccat contra obligationem addiscendi articulos Fidei, qui advertenter non vult eos addiscere, quam qui ex ignorantia culpabili hujus obligationis eos non addiscit. Communiter enim Doctores docent cum Vasq., Filliuc., Sanch. l. 1. c. 17. n. 2. contra Meroll., Scientiam Mysteriorum Fidei præcipi non solum per accidens, videlicet ne quid contra Fidem asseramus (eo modo, quo præcipitur per accidens notitia de diebus efusialibus, ne tunc carnes comedamus) sed etiam per se, & speciali præcepto: Et ratio discriminis est, quia potest v. g. quis servare jejunia prescribere absque illorum notitia, si quotidie velit jejunare, aut si imponat alteri, ne sibi ministrentur carnes diebus veteris &c.; at sine notitia Mysteriorum Fidei elici nullatenus possunt tempore debito astus Fidei; & ideo ea notitia per se requiritur. Idemque dicas de scientia omnium illorum præceptorum, quæ per se servari nequeunt absque prævia illorum notitia.

## Q U Æ S T I O I V.

### De Vi, Coactione, ac Metu, excusantibus a Legum, & Votorum observantia.

**M**etus etiam minuit rationem Voluntarii, atque adeo culpam, non secus ac Ignorantia. Ideo explicabimus primo, Quid sit Vis, Coactio, Metus, & Quotuplex? Secundo, Quinam dicatur metus cadens in constantem virum? Tertio, An metus gravis excuset ab observantia legum humanarum? Quarto, An excuset ab observantia legis Divinæ positivæ? Demum, An a lege Divina naturali?

## A R T I C U L U S I.

Quid, & quotuplex sit Metus, Vis, & Coactio?

- I. Vis, seu Coactio absoluta reddit actum simpliciter involuntarium, seu coactum, & violentum. Actus tamen elicitus voluntatis non potest esse simpliciter coactus.
- II. In actibus humanis magis late patet involuntarium, quam coactum; Quod enim per ignorantiam fit, est quidem involuntarium, sed non coactum; ut nec motus primo primi.
- III. Simpliciter tamen magis late patet coactum (quippe quod etiam brutis competit) quam involuntarium. Magisque late pa-

tet violentum (quod etiam inanimatis rebus competit) quam coactum.

IV. Definitur Metus, qui cum Vi, & Coactione conditionata confunditur.

V. Quæ sunt ex metu, sunt simpliciter voluntaria positive; aliquando tamen sunt positive involuntaria secundum quid, ut est projectio mercium; aliquando solum negative, ut est actus attritionis.

VI. Transgressio legum meticulosa, utpote simpliciter voluntaria, non vacat culpa gravi, nisi quando ratione metus obligatio materie variatur.

VII. Consensus meticulosus sufficit naturali jure ad contractum, dummodo non desit iustus legimus.

VIII. Probabilis valida est jure natura donatio, ac promissio, quamvis sit metu extor-

ta, esse injuria compensanda fit.

*I.X. Metus alius est ab intrinseco, alius ab extrinseco, alius cadens in virum constantem, alius in inconstantem.*

**I.** **V**is, seu coactio, quae reddit actum violentum, seu coactum, duplex est: Altera propria, absoluta, & simpliciter talis, quae reddit actum simpliciter, & absolute violentum, & coactum: Altera impropria, conditionalis, & secundum quid, quae reddit actum secundum quid involuntarium, seu violentum, & coactum: & haec confunditur cum metu, ratione cuius aut non feret actus, aut non ita prompte, si metus abesset.

Vis absoluta reddens actum coactum simpliciter, & involuntarium, leg. 2. *De eo, quod metus causa dicitur esse Majoris rei impetus, qui repelli non potest*: unde ab Aristotele 3. *Ethic. 2. dicitur violentum: Quod fit ab extrinseco, nullam vim conferente passo*; hoc est, ut explicat Philosophi, *passo contrariante*. Hinc dicitur vim pati v. g. & violententer operari, qui reluctanter ad Idoli Tempia pertrahitur. Quia tamen actus internus voluntatis, cum fit vitalis, atque a deo dimanans essentialiter ab intrinseco principio, non potest ab extrinseco procedere, ut communissime docent cum Philosopho 3. *Ethicor. 1. ideo actus elicitus voluntatis nunquam potest esse simpliciter coactus, & violentus; immo nequit voluntas ab ullo agente creato necessitari, ut notat Palaut tom. 1. tract. 2. d. 1. pun. 4. nec potest ullatenus ad peccandum cogi.*

**II.** Ubi vides, in actibus humanis Involuntarium magis late patere, quam Coactum; etenim ad coactum duo requiruntur: & quod motus proveniat ab extrinseco, & quod sit adversus naturalem appetitus inclinationem; Ad involuntarium vero satis est, quod sit contra inclinationem appetitus; etiam si procedat ab intrinseco; unde quod per ignorantiam fit dicitur involuntarium, non coactum; sicut etiam motus primo primi, qui in membris suboriuntur, reluctantem voluntate.

**III.** Ceterum simpliciter magis late patet Coactum, quam Involuntarium; nam hoc proprie convenit agentibus per voluntatem; Coactum vero, sicut & invitum, convenit etiam brutis. Et eodem modo magis late patet Violentum, quam Coactum; nam coactum solis animantibus convenit; violentum vero etiam rebus inanimatis; Motus enim sursum lapidis dicitur

violentus, non coactus; at animalia, & homo ipse possunt pati tum violentiam, tum coactionem, non quidem secundum actus voluntatis elicitos, ut diximus, sed secundum actus imperatos exteriorum membrorum, quae ab extrinseco moveri possunt; Quare dum quis ad carcerem detruditur, violentiam simul pati dicitur, & coactionem.

**IV.** Metus autem (qui confunditur cum vi, & coactione impropria conditionalis, & secundum quid) dicitur leg. 1. ff. *De eo, quod metus causa a Vulpiano esse Instantis periculi, vel futuri causa mentis trepidatio*. Dicitur Trepidatio mentis, quia provenit ex Imaginatione periculi imminens, aut futuri. Et sane quaedam a nobis sunt cum metu, seu metu concomitante, ut quando Martyres vincendo metum fidem profiterentur; quaedam vero sunt ex metu, quia metus cogit, seu inducit voluntatem ad operandum: De hoc autem metu nobis agendum. Porro quae sunt ex metu dicuntur esse mixta ex voluntario, & involuntario, sed voluntaria simpliciter, & involuntaria secundum quid, ut notat Divus Thomas q. 6. a. 4., quatenus voluntate efficaci sunt volita, & solum inefficaciter nolita, seu cum simplici quidam duplicentia, ratione cuius voluntas possit dicere: *Nollem v. g. projectionem mercium, nisi naufragii periculum ad id cogeret.*

**V.** Ubi notandum, vi metus non poni necessario, sed solum posse poni huiusmodi actum conditionalem, *Nollem, aut simplicem displicentiam*; nam qui metu gehennae non peccat, non tenetur dicere, *Nollem abstinere a peccato, nisi gehennae metus urgeret*, ut docent Catholici contra Luther. ex Trid. Sess. xiv. cap. iv. & can. v.; unde quae sunt ex metu sunt solum negative, non positive involuntaria secundum quid, & simpliciter voluntaria positive: Solum quae sunt ex metu cum contrarietate, ut est projectio mercium, sunt positive secundum quid involuntaria; quae vero sunt ex metu, cum inclinatione potius naturae, quam cum contrarietate, ut est dolor de peccatis, sunt negative involuntaria, & secundum quid, hoc est non omnimode, & perfecte voluntaria; & ideo qui dolet de peccatis ex metu gehennae, non dicit implicite, & positive: *Nollem dolere, si abesset gehenna, quamvis id posset dicere ex eo, quod voluntarietas non est omnimoda, & perfecta.*

**VI.** Ex quibus sequitur primo, non vacat

re culpa mortali transgressionem legum, etiam si metu v. g. mortis ponantur; cum sine simpliciter voluntaria, dummodo tamen cetera ex parte materiae non desint; siquidem aliquando propter metum incussum foret obligatio materiae variari: Sicut saepe variatur in lege positiva, quae regulariter non obligat concurrente metu gravi, & aliquando nec lex naturalis; non enim cum periculo mortis teneor subvenire proximo in necessitate constituto; aut negare domino enssem depositum, quando vult eo abuti ad occidendum innocentem.

VII. Sequitur II. Consensum meticulousum naturali jure sufficere ad contractus perficiendos, cum sit simpliciter voluntarius; dummodo tamen praeter consensum ad contractus requisitum detur titulus legitimus; nam quae dantur v. g. Usurario, non possunt ab eo retineri, non quia in Mutuario deest liber consensus ad dandum, sed quia deest titulus legitimus, quo dominium transferri possit; Non enim datur titulus liberalis donationis, ut constat, quia ea non dantur liberaliter, sed in pretium mutui; neque titulus alterius contractus onerosi, ut ostenditur cum de usuris.

VIII. Utrum autem donatio, vel promissio metu extorta jure naturae obliget, ut obligant alii contractus? dissidium est apud Doctores. Negant Azor., Mol., Vasq. 1. 2. d. 27. cap. 3. n. 19., quia hi actus videntur naturae suae postulare, quod liberaliter fiant, atque adeo non coacte. Sanch. tamen l. 4. d. 24., & Less. c. 27. verius docent, naturali jure esse validam donationem, & promissionem metu extortam, non secus ac venditionem, aliosque onerosos contractus; eum eadem libertas videatur sufficere universim ad quemcumque contractum.

Ex hoc autem quod donatio debeat esse liberalis, sequitur solum, quod nihil ob eam possit in compensationem accipi, non vero quod debeat esse omnino libera, absque mixtione involuntarii; unde invalida sit jure naturae, si metu extorqueatur. Verum quidem esse, restituenda esse, quae donatione metu injusto extorta accipiuntur, idque quia per injuriam accepta sunt, non quia donatio fuit invalida: Sicut etiam qui metu induxit aliquem ad vendendum equum, tenetur in conscientia ad arbitrium vendentis contractum rescindere, quamvis venditio fuerit valida. Si tamen metu iuste incusso aliquid accipiatur, non datur onus restituendi, cum desit injuria, & injustitia: Un-

Opusc. I.

de sit, quod si deprehensus, v. g. in adulterio, aliquid donat marito, ne occidatur, illud restituendum sit, quia hujusmodi metus injuste incutitur, cum non possit maritus occidere uxorem in adulterio deprehensam, quamvis leges civiles illum non puniant, quia praesumunt occisionem hanc fieri citra libertatem ex vehementia passionis: contra vero non debet restitui, quod forte ab uxore adultera donetur marito, ne illam accuset apud Judicem: cum hic metus iuste incutiat, eo quod licite possit illam accusare.

IX. Circa divisionem metus, dividitur I. Nam alius provenire dicitur ab intrinseco, ut si quis capite plectendus ob sua delicta ad mortem vitandam promittat ducere in uxorem filiam judicis, vel promittat huic pecuniam; Sicuti etiam si proveniat ex causis naturalibus; ut si quis metu naufragii voceat ingressum in Religionem Alius provenire dicitur ab extrinseco, quando scilicet ab extrinseca persona directe incutitur ad consensum extorquendum, sive incutiat, iuste, sive injuste.

Dividitur II., quatenus alius dicitur cadere in virum constantem, alius in inconstantem. Ille appellari solet metus iustus, probabilis, & gravis, quia non repugnat constantiae, ac fortitudini, sed iuste, ac probabiliter, seu rationabiliter eo terretur vir constans, ac fortis. Hic vero dicitur metus injustus, improbabilis, & levis, quia constantiae, ac fortitudini repugnat, & inconstantis hominis est, vani, ac levis illo terri, ut notat D. Th. in 4. dist. 29.

Dux autem praecipuae conditiones requiruntur, ut metus cadere possit in constantem virum, ut notat Sanch. l. 4. d. 1. Altera est, quod malum imminens sit grave, ex leg. 1. ff. de eo quod metus causa; in dubio autem, num malum sit grave, an leve? censendum esse leve ex Farinac. 2. p. fragmentorum, v. Metus, quia scilicet in dubio standum pro valore actus, qui est in possessione. Altera conditio est, quod timens non vane, ac leviter, sed probabiliter, ac rationabiliter credat malum illud sibi imminere; cum hoc sit proprium viri constantis, prout opponitur inconstantis, ac levi, ex D. Thoma loco laudato. Sed quoad haec nonnullae difficultates emergunt enodandae, quod sequentibus conclusionibus praestabimus.

## ARTICULUS II.

Enodantur plurimae difficultates quoad metum cadentem in constantem virum.

- I. Metus cadens in constantem virum debet esse gravis respective.
- II. Malum, quod timeri debet, satis est, si timeatur in consanguineis, vel affinibus, aut alio arctissima amicitia conjuncto.
- III. Malum grave non est mors dumtaxat, sed etiam infamia, & amissio rei valde notabilis, necnon gravis poena, ut excommunicatio, carcer diuturnus, servitus.
- IV. Quando nam metus reverentialis dicitur cadere in constantem virum?
- V. Quando nam sponsalia celebrata a patre pro filia praesente, & saccente sunt invalida?
- VI. Num preces importunae superioris de se metum gravem incutiant?

I. Dico I. Metus, ut sit cadens in virum constantem, debet esse gravis, non absolute, sed respective; quandoquidem idem metus potest esse gravis respectu unius infirmioris, non vero respectu alterius robustioris. Ita communiter cum Sanch. l. 4. d. 3. Unde inferitur, minorem metum requiri in femina, quam in viro; quia ea facilius terretur. Minor autem metus habetur vel ex minori probabilitate ejusdem mali, vel ex minori malo, etiam si sub eadem probabilitate.

II. Dico II. Malum grave, quod timeri debet, non semper debet in propria persona timeri immediate; satis enim est, ut timeatur in persona consanguineorum, ut colligitur ex cap. *Sciatis* evulsi de electione in sexto, quia natura ipsa amore conciliat consanguineos, ita ut malum illorum reputetur proprium. Idemque dicitur de affinibus; cum sint consanguinei alterius ex conjugibus, qui sunt duo in carne una. Idem etiam dicitur, si malum imminet alicui arctissima amicitia conjuncto, quia ex Philosopho, Amicus est alter Ego, & Horatius Amicum vocat, Animae dimidium fux. Idem etiam aliqui putant apud Meroll. n. 31. si malum imminet domesticis. Sed immerito; nisi forte gravis injuria inde domino resisteret. Malum autem imminens consanguineis, vel affinibus, ut reputetur proprium, debet consanguinitas, vel affinitas non extendi ultra quartum gradum, ex Sanch.; nam usque ad hunc

gradum dirimitur matrimonium, & censetur affectio naturalis durare; Potest tamen per accidens damnum reputari proprium aliquando, etiam si imminet consanguineis ultra hunc gradum, si forte imminet toti prosapiae gravis dehonoriatio.

III. Dico III. Mala, quae metum justum, & cadentem in virum constantem causare possunt, non solum est mors, vel mutilatio, sed etiam gravis corporis cruciatus, servitus, carcer diuturnus, amissio honoris &c. Ita Sanch., & alii. Idemque dicas de infamia gravi, ac de amissione majoris partis bonorum, imo etiam amissione rei magnae, & notabilis; cum haec omnia virum constantem jure optimo deterreant. Idem etiam docent aliqui de amissione magni lucri cum Suar. l. 6. de leg. c. 7., apud Meroll. disp. 4. c. 8. dub. 2. n. 29. cont. Sanch. l. 4. d. 5. n. 28.; quia talis amissio censetur grave damnum; unde putant aliqui apud Tambur. & Dianam p. 2. tr. 15. r. 34. contra communionem excusari ab auditione Missae, e. gr. qui illam audiendo magnum lucrum amitteret. Sed non est aperendum facile hujusmodi ostium avaritiae; Cum universum non deterreatur eodem modo Vir constans a cessatione lucri, sicut ab emersione damni. Denique idem dicendum de excommunicatione injusta, quia gravis poena est hominum consortio privari, ex leg. *Hi, qui vi C. de Apostatis*. Præterquamquod etiam injusta excommunicatio timenda est, II. quæst. 3. c. 1., cum saepe ad vitandum scandalum sacramentis privet, & infamiae notam aliquam inurat.

IV. Dico IV. Metus reverentialis non est cadens in constantem Virum, nisi minae, aut verbera, vel quid simile metui adjungatur. Ita communis cum Sanch. lib. 4. disp. 6. n. 7. contra Baldum, Menoch., & alios. Probat; Metus viri constantis Professionem Religiosam annullat, ut communiter docent cum Suar. tom. 3. de Religione lib. 3. c. 4., sed metus reverentialis Professionem non annullat, ergo hic non est metus Viri constantis. Minor probatur; etenim ita decisum est in Rota Romana apud Farinac. tom. 2. decis. 579., & colligitur ex capite finali, *Qui Clerici, vel voventes*, ubi dicitur Votum emissum præcepto regio, vel Parentum non esse nullum. Et ratio a priori est, quia hujusmodi metus non terret constantem Virum, nisi minae graves adjungantur.

Neque dicas: Minas graves, etiam seclu-

cluso metu reverentia parere metum constantis Viri; ergo e converso metus reverentialis cadit in Virum constantem, etiam minus seclusis. Nulla enim est consequentia; inde enim solum sequitur, quod secluso metu reverentia graviore debeat esse minx, ut constantem deterreat; minus graves vero, si adiungantur metui reverentia.

V. Hinc colligitur, valida esse Sponsalia, si Pater ea contrahat pro Filia praesente, & tacente, ut habetur cap. unico de *Dispensatione Impuberum* in sexto: quamvis forte Filia ob reverentiam Paternam consentiat, ac taceat; dummodo tamen Sponsalia non sint admodum praedjudicialia, & indigna tali Filia; quia tunc, ut notat Sanch., in foro exteriori non praesumitur consensus, quando Filia ob reverentiam Patris taceret.

VI. Dico ultimo, neque Praecepta importune Principis, ac Superioris de se incutiant metum gravem cadentem in Virum constantem. Ita etiam communis cum Sanch. d. 7. Henric. lib. 11. c. 9., & aliis contra Baldum, Rebuff. Ostensem. Etiam praeccepta illa non videntur habere tantam vim, ut concutiant animum constantem, nisi tamen fuerint a Superiore consueto tyrannice se gerere adversus non sibi acquiescentes. Putat tamen Sanch. contra Suar. & Henric. praeccepta assidue, & instantissimas, si metui reverentia superaddantur, constituere metum Viri constantis. Ratio est, quia si utrumque coniungatur, minuitur valde libertas.

### ARTICULUS III.

An Metus Gravis excuset a culpa Transgressorem legum Humanarum?

- I. *Fideitur Lex humana universum obligare etiam cum discrimine vitae.*
- II. *Alii docent nunquam cum tali discrimine posse legem hanc obligare.*
- III. *Sed verius solum per accidens in aliquibus casibus non excusat.*
- IV. *Evacuantur rationes in oppositum.*
- V. *Excommunicatus vitandus potest ad mortem declinandam Sacramenta ministrare; non tamen Sacramentum Penitentiae ex defectu Iurisdictionis.*
- VI. *Quamvis argens metus gravis non sit causa iusta simulandi Sacramentum Penitentiae; est tamen causa sufficiens ad simulandum contractum matrimonialem.*

VII. *An liceat consummare Matrimonium celebratum cum impedimentis impedientibus, quia cum voto simplici Castitatis, ad mortem vitandam.*

VIII. *Num contrahat excommunicationem latam contra homicidas, qui metum mortis alium occidit?*

IX. *Num possit Carthusianus vesci Carnibus in extrema necessitate?*

X. *Metus gravis excusat a transgressione legis humanae, quamvis ea poenam capitis imponat.*

I. **C**Ajet. 1. 2. quæst. 92. art. 4. cum Adriano, & Durand. docet, leges humanas obligantes ad mortale, etiam cum periculo mortis, retinere vim obligandi; praesertim si ad Religionis cultum pertineant, puta ne quis communicet cum excommunicato, ne quis sine velibus sacris celebret &c. Probat primo, quia in cap. *Sacris De his, quæ vi*, decernitur communicationem cum Excommunicato non excusari metu mortis, & redditur ratio his verbis, *Cum pro nullo metu debeat quis peccatum mortale incurrere*. Probat secundo, quia lex humana obligat in conscientia, & reddit rem de se non peccaminosam, graviter peccaminosam, per hoc præcisè, quod prohibeatur; atque pro nullo metu licitum est peccare, ne venialiter quidem; ergo nec transgredi legem humanam. Tertio quia ex cap. *Sacris* 31. q. 4. præstat fame perire, quam idololatriæ vesci; Et miles teneatur cum vice discrimine stationem tenere, ac hostem aggredi. Parochus pariter tempore pestis teneatur Sacramenta ministrare; ergo universum parendum humanis legibus, quin metus gravis a culpa excuset.

II. Secunda sententia cum Almains, & Majore tener, nunquam posse legem humanam cum vice discrimine obligare: Tum quia arduum valde est exponere vitam pro re, quæ nec Jure naturali, nec Divino requiritur ad æternam salutem; Tum etiam quia lege naturali præcipitur conservatio vitæ; ergo lex humana non potest ad vitam contemendam obligare.

III. Communiter tamen docent, Metum cadentem in Virum constantem regulariter excusare a legis humanæ transgressione; esto in aliquibus casibus non excuset per accidens; quando scilicet observantia legis humanæ confert ad bonum publicum, aut ad observantiam legis naturalis, vel Divinæ. Ita Vasq. d. 161. cap. 2. Suar. Bonac., & fo-

& fere omnes. Ratio est, quia Jurisdictio humana vel non potest cum tanto detrimento obligare; vel si potest, ex suavi, qua utitur providentia non vult obligare: Vita certe non subest potestati humanæ, nisi per ordinem ab bonum commune, aut ad obsequium Numinis; & consequenter lex humana non potest cum eo rigore obligare, ut vita contemnatur, quando non expedit ad bonum commune, vel ad obsequium Dei. Etto autem id posset, Voluntas tamen prudens Legislatoris non præsumitur cum tanto rigore obligare ad nimis dura; præcipue quando magna necessitas non urget. Quod etiam communiter Doctores docent de lege Divina positiva.

Confirmatur; quia ex cap. *Constitutum de Observantia Jejunii*; Nemo tenetur jejunare cum detrimento salutis; sicut nec Missam audire cum periculo gravis nocummenti; Et ex cap. *Inter De sententia excommunicationis* propter famis necessitatem licitum est cum excommunicato communicare.

Hinc fit, per accidens solum posse aliquando legem humanam obligare cum discrimine vitæ; quando scilicet id expedit ad bonum commune; ut accidit, quando præcipitur Militi, ne discedat a sua Statione, & Parocho, ne tempore pestis recedat a sua Parochia: Sicut etiam quando concurrit cum lege humana jus naturale, aut Divinum; puta si Tyrannus mortem veneris, nisi comedatur carnes die Veneris, idque in contemptum potestatis humanæ, aut Religionis Catholicæ; tunc profecto moriendum potius, quam cooperandum tali contemptui, qui jure naturali prohibetur.

IV. Ad rationes in contrarium pro prima sententia respondetur. Ad primam: in eo capite dicitur, communicatio cum Excommunicato non licere ob metum mortis, quando scilicet talis communicatio cadit in contemptum Ecclesiasticæ censuræ, ut notant Salas, Bonacina, Coninch., sine vestibus sacris probabiliter licitum est ad vitandam mortem celebrare, quando id non præcipitur in contemptum Religionis, ut docet Vasquez in r. 2. d. 161. c. 3. Suar., Laym. Salas: Quod si non liceat (ut tenet Cajet.), etiam id erit ob concursum legis naturalis, quæ obligat ad tractandum Sancta sancte, non sancte autem viderentur tractari, si quis sine sacris vestibus celebraret. Ad secundam: involvitur ibi sophisma, inferendo a sensu composito ad divinum: certe quando lex obligat, non licet illam

transgredi ad vitam conservandam, sed negamus obligare cum discrimine vitæ. Ad tertiam: fame moriendum potius, quam idololatriæ vesci, si adit scandalum actuum, aut species idololatriæ; quia tunc concurrit cum lege humana lex naturalis, ut diximus. Denique miles, & Parochus ad ea tenentur propter bonum commune, quod prævalet particulari.

Ad rationes pro secunda sententia respondetur, legem humanam posse ad difficillima obligare, quando id expedit ob causas gravissimas, nunquam vero posse obligare ad mortem sibi consciscendam contra legem naturalem; potest tamen contingere, quod vitæ discrimen manifestum quis subeat, si id expedit ad bonum publicum, aut ad Dei obsequium.

V. Sequitur ex dictis primo, posse Sacerdotem excommunicatum, vel interdictum, ad vitandam mortem, vel insaniam, præmissa solum contritione, si desit copia Confessarii, celebrare, ac Sacramenta ministrare; cum id tantum jure Ecclesiastico prohibeatur ratione Censuræ. Sacramentum tamen Pœnitentiæ ministrare non potest, si sit excommunicatus vitandus; quia ex defectu Jurisdictionis Sacramentum hoc esse irritum; Nec urgens metus gravis est causa iusta simulandi administrationis Sacramenti, ut constat ex propositione 29. damnata ab Innocentio XI. Si tamen esset excommunicatus toleratus, posset illud ministrare penitenti, quia post Extravagantem, *Ad vitanda Concilia* Constantiensis non privatur Jurisdictione, unde valide absolveret.

VI. Sequitur secundo, ob metum gravem posse Cajum celebrare Matrimonium cum Berta exterius, etiam si adesset impedimentum dirimens: quamvis non possit ob metum mortis hujusmodi matrimonium consummare. Ita Vasq., Becan., Suar. l. 3. de leg. c. 30. Probatur prima pars illationis; quia impedimentum dirimens non obligat ad abstinendum a contrahendo matrimonio exterius posito tali metu, simulando talem contractum, ac vitando mendacium, five adhibita æquivocatione, ut notat Sanch. l. 4. d. 16., five adhibita locutione materiali. Neque dicas, illicitum esse simulare Sacramentum Pœnitentiæ ob metum mortis, proferendo materialiter verba absolutoria; ergo etiam illicitum est simulare ob metum mortis Sacramentum Matrimonii. Nam contra est, quia in primo casu simularetur Sacramentum directe, quia poneretur supra materiam debitam forma sacramenti

hinc



fine Sacramento. At in secundo casu simularetur directe (prout licet) solum contractus matrimonialis, quo simulato nullum constituitur Sacramenti pœnereur; unde non simularetur administratio Sacramenti. Sed hac de re fusius in expositione illius thes. 29. ab Innoc. XI. proscripser.

Secunda pars illationis, quod scilicet consummatio talis matrimonii ob metum mortis non liceat, ex eo patet; quia cum tale matrimonium sit nullum ob impedimentum dirimens, ejus consummatio esset fornicaria, atque adeo nullatenus licita.

VII. Sequitur tertio, nec licere ob metum mortis consummationem matrimonii celebrari cum impedimentis impedientibus, v. gr. cum voto simplici castitatis. Ratio est, quia eo ipso *z* matrimonium est in eo extortum, est irritum, ex cap. *Femine*, secundo de *Sponsal.* ut communis, & probabilius docent cum Sanch.; ergo ejus consummatio est pariter fornicaria, & illicita. Probabiliter tamen Ledef. Palud., Vega putant in tali casu non habere vim legem Ecclesiasticam irritantem matrimonium metu extortum; atque adeo illud validum esse, & licitam ejus consummationem. Ratio est, quia lex illa lata est in favorem metum passi; in hoc autem casu non vergeret in illius favorem, sed in damnum, quia obligaret illum vel ad subeundam mortem, si non consummaret Matrimonium, vel ad committendum mortale, si consummaret; ergo in tali casu lex non obligaret; Notandum tamen, quod ut matrimonium hoc sit validum, celebrari deberet coram Parocho, & Testibus; ne sit aliunde irritum. Adde, quod posito eo impedimento impediēte, non solum posset debitum reddi, sed etiam peti ad mortem declinandam, quia licet petere debitum positivo voto simplici castitatis sit intrinsicè malum; at posito metu mortis votum illud non obligat; cum votum sit instar legis privatæ, quæ concurrente metu gravi cessat obligare, ut notant Sanch. l. 4. c. 13. Sot. Val., & alii.

VIII. Sequitur quarto, quod si precipiatur, v. gr. sub pona excommunicationis auditio Miffæ, qui ob metum gravis damni Miffam non audiret, ficut non contraheret culpam, ita nec excommunicationem; ſi vero ſub pona excommunicationis prohibeatur, v. gr. homicidium, quod eſt intrinſece malum, & Cajus ob metum mortis homicidium patraret, peccaret quidem contra legem naturalem, ſed non contra legem

Ecclesiasticam comminatem excommunicationem; unde hic illam non incurreret, ut docent Avila, & Suar. de Censur. d. 4. sect. 3. contra Duardum, & Alterius; cum lex Ecclesiastica concurrente metu gravi definat obligare. Unde etiam fit, quod si quis v. gr. habeat votum non occidendi Clericum, & ob metum grave illum occidat, in Confessione solum debet dicere, se patrasse homicidium, non exprimendo nec Clericatum illius, nec votum proprium; quandoquidem neque contra legem ecclesiasticam peccavit, nec contra votum; & consequenter nec excommunicationem contraxit, nec sacrilegium.

IX. Sequitur quinto, quid dicendum ad celebre quæstum; Num possit Carthusianus carnibus vesci, quando necessarii sunt ad vitæ conservationem? Martinus de Magistris, Medina, & alii apud Vasq. in t. 2. disp. 162. affirmant. Quinimo Almainus, & alii putant, illum ad id teneri, quando morbi vi exigat esum carniarum; & idque v. legis naturalis obligantis hominem ad vitam conservandam. Communius tamen cum Vasq. loco laudato, Salas, Laynian. docent quod licet Carthusianus teneatur carnibus vesci, quando alii cibi non suppetunt, cum prævaleat tunc lex naturalis de vita conservanda: nihilominus si alii cibi suppetant, non poterit vesci carnibus, quamvis exponatur periculo vite. Ratio est, quia consuetudo antiquissima hujus Sancti Instituti ita votum hoc interpretatur, ut obliget etiam cum vitæ discrimine. Nec est mirum, quod possit lex humana, aut votum obligare ad aliquod opus virtutis, etiam cum vitæ jactura, quando subest ad id aliqua honesta, & iusta causa. Sic propter bonum commune teneatur Miles in sua statione persistere, etiam cum vitæ discrimine; & laudabiliter Uxor cum vitæ periculo optulatur suo marito laboranti morbo contagioso; potestque ad id voto se obligare: Atqui in casu nostro adeit honesta, & iusta causa, cur Carthusiani se obligent ad abstinendum à carnibus, etiam cum discrimine vitæ, videlicet ut tam laudabile, & egregium virtutis opus exerceatur; adeo ut ex reverentia erga suam Constitutionem malit Carthusiani illam exacte fervare, quam vitam protrahere, & a morbo liberari iuxta laudabiliter voto ad id se obligant, ergo communem eorum interpretationem, & tali voto ligantur. Et sane nemo teneatur Uxorem ducere, etiamsi necessaria sit ad vitæ conservationem; nec po-

tetur

netur Religiosus mutare locum, ut vitam protrahat, & ab ægitudine liberetur: Fratres Capuccini non tenentur lancem vestem deferere, & in molli culcitra cubare, dum ægrotae, ut vitam protrahant; quare nec Carthusiani tenentur carnibus vesci, ut ab ægitudine liberentur: Communiter etenim Medici docent, eum carni non esse præcisè necessarium ad vitam conservandam; & licet is esset necessarius, ut vita diutius prorogetur; nemo tamen tenetur vitam prorogare, aut delicate vivendo, aut declinando asperitates aut Monasticæ, aut Asceticæ vitæ communes.

X. Sequitur ultimo. cum Salas, Bonac. Sanch. l. 1. c. 18. contra Sa, Metum gravem excusare a transgressione legis humanæ, etiam si penam capitis imponat; quia quamvis ea pena imponatur, ut arceantur homines a transgressione legis; at concurrent metu gravi lex illa non obligat.

#### ARTICULUS IV.

An Metus gravis excuset a Transgressione legis Divinæ positivæ?

I. Gravis metus excusat a Transgressione legis Divinæ positivæ, dummodo hæc non concurrat cum lege naturali, nec concernat publicum bonum.

II. Fit id perspicuum exemplis Sacrorum Bibliorum.

III. Adultus non tenetur cum vitæ discrimine Baptismi Sacramentum suscipere, si possit commode actu contritionis sibi consulere.

IV. Tenetur tamen cum vitæ discrimine infantem baptizare mox decessurum.

V. Ad mortem declinandam non potest Sacerdos sigillum Sacramentale violare; aut in una tantum specie consecrare; vel extremam unctionem sano conferre.

VI. Licitum tamen est Sacerdoti concurrente metu gravi Eucharistiam ministrare Peccatori occulto, quamvis clam illam petent; nec non Eucharistiam in materia dubia, quia in vino congelato, consecrare.

I. **N**Egant Gabriel, Major, Sotus, ob rationes articulo superiori adductas a Doctoribus putantibus, metum gravem non excusare a transgressione legis humanæ. Sed communiter cum D. Thoma 1. 2. q. 100. ar. 8., Suar., Medina, Azor. docent regulariter excusare, prout dictum est de lege humana, quando scilicet non concurrat cum lege naturali, nec concernat publicum bonum. Ratio est, quia quo-

ticumque non est intrinsece malum, quod prohibetur lege divina positiva, toties ad id obligamur a libero Dei arbitrio, quod non præsumitur cum tanto discrimine obligare; cum ipse sit benignissimus, & nostrum figmentum, ac imbecillitatem cognoscat. Hinc communiter docent, præceptum de integritate materiali Confessionis, ac de Confessione communioni præmittenda non obligare cum periculo gravis damni; Contra vero non licet Parocho a sua residentia abesse tempore pœtis, quia præceptum Divinum de residentia Pastorum in hoc casu concernit bonum publicum: Nec licet præceptum Divinum violare, si ad illud violandum a Tyranno obligemur in ejus contemptum; quia tunc lex Divina positiva concurrat cum lege naturali præcipiente in tali casu vitæ salutem.

II. Confirmatur Conclusio exemplis Sacre Scripturæ. Nam 1. Regum 21. legimus de Davide, quod ob famis necessitatem citra culpam comederit panes propositionis, quos non licebat Laicis manducare. Matthæi 12. Christus Dominus ob eandem rationem excusavit Discipulos colligentes spicas die Sabbati. Primo Machab. 2. Marathias diebus Sabbatorum, quando quies jure Divino præcipiebatur, pugnavit extrema necessitate compulsus. Et Josue cap. 5. legitur, quod Fili Israel per annos quadraginta non fuerunt circumcisi, eo quod non poterant commode Divinam legem Circumcisionis servare, ac vulnera curare.

III. Ex dictis sequitur primo, non tenei Adultum cum vitæ discrimine suscipere Sacramentum Baptismi; nec post mortale Sacramentum Pœnitentæ, quando potest commode contritione sibi consulere. Nisi tamen per accidens aliquando urgeret obligatio suscipiendi Baptisimum ad fidem obtinendam. Ita Suarez, Corduba, Sayrus, Sanchez l. 1. c. 18., & alii communiter contra Azorium tom. 1. cap. 11. quæ. 2.

IV. Sequitur secundo, debere nos cum periculo vitæ infantem, qui periclitatur, baptizare; quia concurrat lex naturalis de præferenda vita spirituali proximi nostræ temporali.

V. Sequitur tertio, urgente metu mortis, non licere Sacramenti administrationem simulare, aut violare sigillum Confessionis, aut consecrare in una tantum specie, vel extremam unctionem sano consecrare, & similia; quia bonum commune Religionis, quod his præceptis attenditur, præponi debet damno particulari.

VI. Sequitur quarto, ex Bonacina, Suarez, Henriquez, Diana p. 3. tr. 6. resol. 48., licere Sacerdoti metu mortis Eucharistiam ministrare clam peccatori occulto, & conficere Sacramenta in materia dubia, v.g. Eucharistiam in vino congelato; quia lex ista Divina non videtur cum tanto discrimine obligare. Neque dici potest, actionem illam porrigendi Eucharistiam peccatori esse intrinsece malam. Nam si hoc esset, neque dari ea posset peccatori occulto publice petenti; quod est falsum.

## ARTICULUS ULTIMUS

An Metus gravis excuset a Transgressionem legis Naturalis?

- I. Naturalia praecepta alia sunt affirmativa, alia negativa. Ex his autem alia sunt circa objectum simpliciter, & in quacunque hypothese incontestabile, Alia vero versantur circa objectum, quod in aliquibus circumstantiis contestari potest.
- II. Metus gravis culpam extenuat; raro tamen ita illam minuit, ut ex mortali evadat venialis.
- III. Praecepta naturalia affirmativa, non secus ac praecepta divina positiva non obligant regulariter cum rite discrimine; nisi forte concernant bonum commune, aut bonum spirituale proximi.
- IV. Similiter praecepta naturalia negativa, quae sub aliquibus circumstantiis contestari possunt; unde possumus cum moderamine inculpata tutele invasorem occidere, brachii amputationem permittere ad mortem declinandam, & sigillum naturale ad vitandum patriae excidium, vel mortem innocentis, violare.
- V. Praecepta tamen negativa, quae nullatenus sunt contestabilia, etiam cum rite discrimine semper servanda sunt. Immo si quis tunc se esse in mortali, & ad inferos devotendum, si hic, & nunc occidatur, non potest ad declinandam hanc mortem v.g. fidem negare.
- VI. Num possit lex negativa non fornicandi, aut non furandi in aliquibus circumstantiis contestari?
- VII. In nullo casu licitum est directe occidere innocentem. Quamvis fugiens ad mortem evadendam possit infantem conculcare; non tamen, si hic sine baptismo sit mortuus.
- VIII. Num liceat ad evadendam mortem commovere gladium volentis occidere suum ho-

stem; offendere ubi sit, qui ad necem periturus; admoveere scalam volentis per fenestras ascendere ad furandum, aut ad virginem suprandam?

- IX. Num liceat similiter Naviero transfrangere volentes duellum committere, aut alios occidere?
- X. Num peccent remigantes in Triribus Turcarum Christianos vexantium ad mortem declinandam?
- XI. Num liceat in extrema necessitate rescere carnis hominum mortuorum? & Utrum ad id homo teneatur in hypothese, quod licet?

I. Praenotandum, praecepta naturalia quaedam esse affirmativa, quae obligant pro determinato tempore, ut est praeceptum Correctionis fraternae, servandi votum, amandi, & colendi Deum, elargiendi stipem &c.: Quaedam vero negativa, quae obligant semper, & ad semper; ut est praeceptum non adorandi Deos alienos, non blasphemandi, non occidendi. Praecepta tamen negativa quaedam versantur circa objectum intrinsece malum, quod sub nullis circumstantiis sit contestabile, ut est praeceptum non pejerandi, non mentiendo, &c. Quaedam vero versantur circa objectum, quod sub aliquibus circumstantiis contestari potest, ut praeceptum non occidendi, non furandi &c.; cum licitum, & honestum sit occidere reum iuste damnatum, & in extrema necessitate licitum sit furari.

II. Advertendum ulterius, metum gravem, etsi non adimat culpam, minuire saltem illam: quod constat tum ex cap. Sacris, de his, quae vi, ubi dicitur: *Licet Metus extenuet culpam*: Tum etiam quia metus coarctat libertatem ad peccandum requisitam. Vix tamen accidit, libertatem sic diminui, ut peccatum ex mortali ratione metus evadat veniale, ut docent Salas, Palaus, Sanch. lib. 4. d. 1. Et ratio est, quia raro accidit, quod tollat deliberationem requisitam ad mortalem peccandum. His annotatis

III. Dico primo, praecepta naturalia affirmativa regulariter non obligant cum rite discrimine, eo pacto quo diximus de praeceptis divinis positivis, ac de humanis. Ita Sanch. l. 1. c. 18. Salas, Azor., & alii communiter. Fundamentum est, quia ipsa ratio naturalis dicitur, talem legem in ea circumstantia non obligare; etenim cum praecepta affirmativa non obligent semper, & ad

& ad semper, sed solum quando oportet, & sicut oportet, obligant solum juxta dictamen prudentiae, & servato ordine charitatis, atque adeo non obligant cum vitæ discrimine; Sic lex naturalis obligat ad restituendam rem domino suo; at ipsa etiam lex naturalis dicitur, non esse restituendum ensẽ domino furioso, quando hic vult abuti ense ad homicidium patrandum. Pariter lex correctionis fraternæ, & lex naturalis de stipe eroganda non obligant cum discrimine vitæ, nec cum gravi detrimento. Idemque dicas de obligatione naturali servandi votum, ac juramentum promissorium.

Dixi tamen in Conclusionẽ, Regulariter metum gravem excusare; nam si præceptum affirmativum respiciat bonum commune, vel bonum spirituale proximi, non excusat: tenetur enim cum vitæ discrimine defendere patriam, conferre Baptismum infanti moribundo &c.

IV. Dico secundo, præcepta naturalia negativa, quibus prohibentur actiones, quæ possunt sub aliquibus circumstantiis cohonestari, neque obligant cum discrimine vitæ sub iis circumstantiis.

Fundamentum etiam est, quia ratio ipsa naturalis dicitur, sub iis circumstantiis nullam esse obligationem; sicut enim de se est intrinsece malum occidere innocentem, & præcepto naturali negativo obligamur ad non nocendum illi; at sub circumstantia, quod Deus Abrahæ præcipiat occisionem Isaci, ipsa ratio naturalis dicitur, innocentem esse occidendum: Ita pariter de se est intrinsece malum occidere alium; sed instante mortis discrimine ad propriam defensionem cum moderamine inculpæ tutele licet. Eodem modo licitum est ad mortem evitandam sibi manum amputare, (quamvis id lege naturali secundum se prohibeatur) & quidem non solum quando mors imminet ab intrinseco, videlicet a morbo, quod omnes admittunt; sed etiam quando timetur inferenda ab extrinseco, ut docent Tolet., Less., Filliuc., Nav., &c. Similiter violare sigillum naturale prohibetur præcepto naturali negativo; at ad evitandum grave damnum aliquando licet, puta ad evitandum patriæ excidium, aut mortem innocentis, ut docent Soto, Molina, Less., c. 11. d. 8. Sic etiam exponere se periculo peccandi mortaliter, v. gr. cohabitando cum muliere, naturali jure negativo prohibetur: quod tamen ad evadendam mortem aliquando li-

cet; dummodo periculum illud proximum physice orationibus, ac mortificationibus fiat remotum moraliter; ut docent communiter cum D. Thom. 2. 2. q. 10. art. 9. Salas in 1. 2. tract. 3. disp. 30. Henriquez, Suarez, Sanchez: tunc enim periculum illud non est moraliter voluntarium, postea quod sine vitæ discrimine nequeat declinari.

V. Dico ultimo: Præcepta naturalia negativa, quibus prohibentur actiones, quæ nullatenus cohonestari possunt sub quibuscumque circumstantiis, ita obligant semper, & ad semper, ut nullus metus cujusvis mali etiam ipsius gehennæ excusare possit transgressorem a culpa. Quare si quis per errorem v. g. putet se occidendum in mortali, nisi fidem neget, atque adeo ad gehennam detrudendum; si vero neget extrinsecus fidem, possit arrepto tempore disponere se ad contritionem, ad confessionem, ac demum ad martyrium, tenetur potius mortem subire, etiam si putet se ad tartara detrudendum ob mortalia præterita, quam fidem extrinsecus negare; quævis re vera hic non damneretur, sed ad cælum advolare, quia illud ipsum se exponere morti, ac gehennæ potius, quam peccare, est actus amoris perfectissimus, quo mortalia præterita absque ullo formali dolore remittuntur ob virtutalem dolorem in eo inclusum.

VI. Conclusio hæc est communissima, & manifestissima; quia malum culpæ, etiam si levis, est deterius quovis malo poenæ; ergo ad mortem, aut aliam poenam declinandam non est licitum culpam committere; atque actiones, de quibus loquimur, sub quibuscumque circumstantiis sunt culpabiles; ergo nunquam potest a culpa excusari transgressor. Nunquam ergo potest vacare culpa pejorare, odisse Deum, mentiri, fornicari, hoc est accedere ad non suam. Quando enim Deus Osæ dixit, ut acciperet mulierem fornicariam, non præcepit fornicationem, sed contulit Osæ jus in corpus illius mulieris; unde accessus fuit ad suam, & non fornicarius: eo modo, quo non habetur furtum, quando Deus supremus Dominus confert mihi jus in bona Titii, quamvis ea subripiam Titio invito: Propterea quando Deus filius Israel (Exod. 32.) permisit, ut expoliarent Ægyptios, non dispensavit in lege naturali non furandi, sed solum contulit iis facultatem accipiendi vasa aurea, & argentea, vellemque plurimam Ægyptiorum,

qua

qua posita facultate Supremi Domini, non poterat amplius dici furtum illarum rerum acceptio, eo quod non fieret invito Domino, nempe Deo.

VII. Obijcies Glossam in l. penult. ff. si familia, ubi habetur, non peccare servum patrantem aliquid delictum, ne pereat, nisi domino pareat; Et Bart. in l. si servus, ff. de uxorialibus actionibus, Salicetus, Jason, & alii excusant eum, quem metu mortis Tyrannus adigit ad occidendum alium injuste; quia sicuti potest aliquis fugiens hostem conculcare, & occidere innocentem, si non posset aliter mortem declinare; ita in casu ad mortem evadendam potest alius occidi: unde in lege laudata, si servus, dicitur, nihil deliquisse servus, qui domino iubenti obtemperavit.

Respondeo, tam in Glossa, quam in lege si servus sermonem esse de servo, qui ob metum mortis obtemperat in iis, quæ solo jure humano sunt prohibita. Cæterum Palus contra Juristas ostendit esse Catholicum dogma ob nullum metum licere directe occidere innocentem. In casu adducto de fugiente hostem, licitum est conculcare innocentem, quia non intenditur directe occisio, sed habetur per accidens: Eodem modo quando ad victoriam est necessarium, possunt in bello dirigi tormenta bellica adversus turres, esto ibi de industria positi sint aliqui innocentes ab hostibus, ut communiter docent cum Cajet. 2. 2. q. 67. art. 2., & Less. cap. 9. n. 59.; qui tamen addit, fugientem non posse ad mortem declinandam conculcare Infantem sine baptismo moriturum; quia debet præferri vita spiritalis Infantis temporali propriæ.

VIII. Ex dictis sequitur I. juxta doctrinam Sanch. l. 1. c. 3., & Cordubæ contra Comitolum non peccare servum, qui metu mortis inducitur aut ad commodandum, aut ad vendendum gladium occidere volenti; aut ad offendendum, ubi sit, qui petitur ad necem; aut ad admovendam scalam volenti per fenestras ascendere ad facinus parandum.

Neque opponas thesism quinquagesimam primam damnatam ab Innocentio XI. Nam (ut in ejus expositione fuisse habetur) ea solum fert, non licere famulis adjuvare herum ascendentem per fenestras ad stuprandam virginem, deferendo scalam, aperiendo januam &c., si id faciant metu notabilis detrimenti, puta ne a domino male trahantur, ac torvis oculis aspecian-

tur, ne domo expellantur &c.; non tamen damnatur, id licere metu mortis. Quod sane licitum est, si actiones istæ non sint intrinsece malæ, sed indifferentes, ut nonnulli docent apud Dianam p. 3. tr. 6. rel. 48., & apud Sanch. l. 1. Sum. cap. 7. n. 18. contra Comitolum l. 5. q. 7.; etenim juxta hanc sententiam sufficiens causa ad excusandum cooperationem materiale ad illas erit metus mortis, quo major non datur; quamvis metus illius notabilis detrimenti in propositione adducti non sufficiat ad excusandum: Quod si actiones istæ, (videlicet admovere scalam, aut hermeris sustentare volentem ascendere ad stuprandam virginem) censeantur esse intrinsece malæ, & non indifferentes, ut verius nonnulli docent cum Comitolo laudato, quippe quæ licet physice sint indifferentes, sunt tamen hic, & nunc proxime ordinatæ ad peccatum, sicut admovere ignem tormento bellico est actio physice indifferens, sed quando ordinatur ad occidendum innocentem, est intrinsece mala moraliter: Certe juxta hanc veriorum sententiam nullatenus illæ actiones liceant, etiam si metus mortis interponatur; ad eum modum quo nullatenus licet vocare concubinam jussu domini volentis illam ad peccandum; nec licet scripta deferre ad duellum provocantia; quia cum per se, & proxime ad peccatum ordinentur, sunt intrinsece malæ; Idemque dicas de eo, qui venderet, vel commodaret enim volenti occidere alterum; nec non de eo, qui ostendit, ubi sit qui petitur, ut occidatur.

IX. Sequitur II., juxta sententiam Avilæ, Cordubæ, & aliorum apud eundem Dianam, non peccare Nauclerum, qui metu mortis transvehit volentes committere duellum, aut alium occidere; quia actio ista transvehendi videtur esse de se indifferens, quamvis, in his circumstantiis videatur ordinari ad inferendum alteri damnum; unde probabiliter metu mortis potest quis excusari a cooperatione ista materiali cum peccato alterius. Sed quia probabilior videtur sententia opposita Comitoli, & aliorum, quod pariter actiones istæ sint intrinsece malæ, ideo nullatenus lice-  
re videntur.

X. Sequitur III. ex Vasq. de Scandalo 2. 8. dub. 7. Sanchez lib. 9. d. 31. Mol. d. 135., Avila, Azor., Laym. & aliis, non solum non incurrere excommunicationem Bullæ Cœnz (quod omnes admittunt; cum Lex Ecclesiastica non obliget cum graviq-

com-

commodo) sed probabiliter nec peccare Christianos remigantes in Tirimibus Turcarum iniuste vexantium Christianifideles. Ratio est, quia remigatio illa videtur actio de se indifferens, qua Turcae abutuntur; unde ad id cooperari materialiter excusatur metus mortis. Verum probabilior videtur sententia opposita Suarii de Censuris disp. 21. sect. 2. n. 60. Navar., Toleti, & aliorum putantium, remigationem istam in his circumstantiis esse intrinsece malam, atque adeo nunquam licere; Sicut nunquam licet Christianis in Tirimibus Turcarum metu mortis tormenta bellica exercere, admovendo iis ignem; quandoquidem huiusmodi actio, cum sit de se interfectiva, est intrinsece mala: Quod si solum asporrent tormenta bellica, sarcinas, ac necessaria ad bellum, admovendo scalas, & machinas ad muros, porrigant Turcis arma ab iis petita ad Christianos occidendos, probabiliter excusantur a Molina, Azor., Reginal., Sanch., Laym.; sicut etiam si Turcas humeris sustentent, & juvent ad castra munienda, ad aedificanda propugnacula, &c.; quia istae actiones non adeo proxime, sed remote ordinantur ad peccatum. Excusantur etiam, si damnum inferant Christianis in solis bonis externis; quia praeferenda est vita propria bonis externis alienis; quidquid in contrarium dicat Bonac. d. 1. de Contract. q. 2. pun. 10. Imo nec tenentur deinde restituere ea damna, quae inferunt; ut communis docent contra Molin. d. 115.; quia probabilius est, accipientem res alienas in extrema necessitate non teneri ad restitutionem, quando venerit in pinguorem fortunam; cum in eo casu omnia sint communia. Illud hic notandum cum Lessi., Mol., Sanch. l. 1. c. 7., quod Christiani isti, si non remigando possent magnum Reipublicae Christianae damnum vitare, videlicet captionem alicuius civitatis, vel pagi mulum utilis Reipublicae, tenerentur porius mortem subire, quam remigare; quia tenetur quilibet vitam suam exponere pro maximo Reipublicae bono. Hic tamen casus (subdit Molina) raro accidit; quia si quis desistat a remigando, non per hoc deerunt alii, qui id praestent.

XI. Sequitur ultimo, quid dicendum ad questionem illam celebrem, Num liceat vesci carnibus hominum mortuorum ad mortem declinandam? Negant Azor., Val., Viñ., cum D. Thoma 2. 2. q. 142. 2. 4. ad 3., ubi vocat hoc peccatum excedens mo-

dum humanae naturae, & comparat illud cum turpi commercio bestiarum, aut matriculorum.

Sed communis cum Suarez l. 3. de leg. c. 30. Sanchez l. 1. c. 18. Bonac., Lessi., Cajet. 2. 2. q. 142. 2. 1. docent, licere; cum id non videatur intrinsece malum, ita ut non possit simpliciter coonestari sub circumstantia periculi mortis: Sicut enim abscindere brachium est intrinsece & ex objecto malum, & tamen ad evadendam mortem est licitum; ita in casu. Et sane licitum est ex Sanch., Palao, Sà, Bonacina uti humana carne per modum medicamenti (ut quando datur in pharmacis mumia, necnon ossa, adeps, ac pulveres humani cerebri) quia scilicet natura ab hac medicina non abhorret; quidam erit etiam licitum ad mortem declinandam, sive ob famem, sive ob tyranni imperium, humanas carnes comedere? Adde, quod si licet cadavera caelestium exponere feris dilanianda, cur non liceat iis vesci extrema fame urgente?

Ad id, quod obijcitur, dicendum, D. Thomam non comparare peccatum hoc in omnibus cum peccato nefando, sed solum in eo, quod ambo sint contra naturam, seu lege naturali vetita: At multa praepcepta negativa juris naturalis non obligant cum periculo mortis, ut offendimus conclusionem secundam; Quare sicut praepceptum naturale v. g. non occidendi alterum, non obligat, quando occisio est in sui defensionem cum moderamine inculpatae tutelae; ita hoc naturale praepceptum non utendi in cibum carne humana non obligat, quando ea deservit ad evadendam mortem.

Notant tamen Lessi., Bonac. Sanch. extrema fame laborantem non teneri vesci tali cibo, tum quia potest adherere sententiae oppositae putanti, id esse simpliciter illicitum; tum etiam quia nemo tenetur omnibus mediis licitis vitam conservare, sed solum ordinariis, & humanae conditioni, ac proprio statui consentaneis; Unde ex Lessi. lib. 4. c. 3. dub. 2. Bonac. de contract. d. 2. quest. ult. & aliis, Nemo tenetur uti pretiosissimis medicamentis ad vitam prorogandam; nec tenetur in obsidione carnes murium comedere, ne moriatur; Neque itaque tenetur vesci carnibus humanis, a quibus natura abhorret; Sicut neque tenetur homo in sui inculpata defensionem occidere invasorem: immo invasore laudabiliter abstinet ab occidendo invasore, quem scit esse in mortali, atque adco

adeo ad inferas detrudendum; esto non ex hoc teneatur illum non occidere; quandoquidem Invasor sua culpa, ac libere in eo statu miserrimo versatur.

## Q U Æ S T I O V.

## De Ignorantia, ac errore Contractus irritante ex defectu Voluntarii.

**P**rimo plurima prænotanda; deinde inquirendum; An error, vel dolus antecedens reddat contractus jure naturæ irritos? Ex cujus quæstionis decisione plurimarum difficultatum descendit resolutio. Tertio examinandum, An hujusmodi error reddat contractus irritos, saltem jure positivo. Denique eadem inquirenda sunt de errore concomitante-

## ARTICULUS I.

## Prænotantur Prænotanda.

- I. Eodem modo ignorantia, ac error contractus irritans ex defectu voluntarii in consensu. Ac similiter dolus ferens errorem provenientem ab altero decipiente.
- II. Error antecedens datus causam contractui reddit actum simpliciter involuntarium; Error vero concomitans, seu incidens in contractum non reddit actum simpliciter involuntarium, sed non voluntarium. Utique error potest esse invincibilis, & vincibilis, seu consequens ad prævium actum voluntatis.
- III. Quanam dicatur causa finalis; quanam impulsiva contractus?
- IV. Quanam sit in contractibus error circa substantiam, quanam vero circa qualitates? Et quando error circa qualitates redundat in substantiam?
- V. Contractus alii sunt onerosi, alii lucrativi; Alii stricti juris, alii bonæ fidei. Isthec tamen divisio non est ex natura rei.

**R**ecolendum primo, Errorem supra ignorantiam (quæ de se importat privationem scientiæ) addere positivam deceptionem. Hinc tam ignorantia, quam error impediunt consensum, & reddunt actum non voluntarium ex D. Thoma in 4. dist. 30. quæst. 1., quia nihil volitum, quin præcognitum ex Philosopho 3. de Anima 31., Ignorantia autem tollit cognitionem, error tollit cognitionem veram, & ideo eodem modo irritant contractus ignorantia, ac error; Quia tamen plerumque supponitur in contractibus aliqua rei notitia,

ideo communiter dicimus, errorem potius quam ignorantiam contractus irritare.

In hoc tamen differt Error a Dolo, quod dolus fert errorem provenientem ab altero decipiente; unde lege 1. de dolo definitur, quod sit Calliditas, fallacia, aut machinatio ad alterum circumveniendum. Hinc ignorantia magis late patet, quam error, & hic, quam dolus.

II. Prænotandum II. Errorem (idemque semper dicas de ignorantia, & dolo) alium esse antecedentem, qui scilicet dat causam contractui, quatenus si error non interfuisset, contractus non fieret; unde actus est involuntarius, & voluntati repugnans: Alium vero esse comitantem, qui non dat causam contractui, sed incidit in contractum, quatenus si error non interfuisset, adhuc contractus fieret, quamvis forte non tanto pretio, nec cum talibus circumstantiis; & hujusmodi error non reddit actum simpliciter involuntarium, cum non sit causa contractus repugnantis voluntati; siquidem voluntas, etiam errore deficiente, contraheret; reddit tamen actum non voluntarium; cum nihil sit volitum, quin præcognitum. Utique error potest esse vel invincibilis, si scilicet errans non potest, aut non debet cum suprare; vel vincibilis, seu consequens ad prævium actum voluntatis, si scilicet superari debeat, aut possit, & id negligatur.

III. Præterea causa alicujus contractus potest esse vel finalis, vel impulsiva. Dicitur Finalis ea, ob quam tanquam ob motum intrinsecum ponitur actus: dicitur impulsiva illa, ob quam tanquam ob motum extrinsecum actus ponitur; eaque solum impellit ad actum ponendum, ut vocat Suarez l. 2. de voto cap. 21. v. g. quando quis

quis erogat stipem Sacerdori, quem putat pauperem, ac probum, paupertas sublevanda dicitur causa finalis, probitas causa impulsiva: Quamvis enim, si ejus improbitas deprehenderetur, elemosyna non daretur, non per hoc probitas dicitur esse causa finalis, ut notat Merolla n. 324. ex D. Thoma, & Sanchez l. 3. d. 39. contra Vasquez 1. 2. d. 70. c. 3.; cum sola paupertas possit, & soleat esse motivum intrinsecum, & finale, etiam si deficiente probitate elemosyna non daretur. Hinc est, Episcopum valde conferre ordines Titio, quem putat idoneum simul & probum, quamvis deficiente probitate, quæ est motivum extrinsecum, & impulsivum, Ordines illi non conferret. In hoc enim differtur solet motivum finale ab impulsivo, quod deficiente motivo finali actus non solum non fieret, sed illum poneus vellet nulliter poni, v. g. deficiente paupertate, non solum non daretur elemosyna, sed erogans illam vellet nulliter dari, ut advertit idem Merolla n. 719.; unde est, quod pauper fictus teneretur elemosynam magnam restituere; deficiente vero motivo impulsivo, puta probitate, erogans elemosynam non vellet nulliter dari, quamvis forte non daretur. In dubio tamen, num causa aliqua sit finalis, an impulsiva? dicenda est impulsiva, quia secundum pro valore actus, qui est in possessione.

IV. Prænotandum ulterius, errorem posse contingere in contractibus, vel circa substantiam rei; ut si volens emere aurum, aut adamantem emat aurichaleum, aut vitrum; Vel circa qualitates, seu accidentia, quæ alliciunt, aut retrahunt a contrahendo; ut si putans emere equum strenuum reperiat calcitrosus, aut pigrum; vel si contrahens matrimonium cum Berta putet esse nobilem, & pulchram, & reperiat ignobilem, ac deformem. Ubi bene advertit Vasq. in 1. 2. d. 30. cap. 4., posse aliquando errorem circa qualitates redundare in substantiam, & consequenter esse errorem circa substantiam rei; quando scilicet consensus contrahentium non per accidens versatur circa qualitates, sed per se, quia ex natura rei conducunt ad essentiam contractus. Hinc ad substantiam venditionis, vel locationis pertinet, non solum res ipsa vendenda, vel locanda, sed etiam qualitates, quæ valde notabilem ementis, aut conducantis utilitatem continent; & ex Sanchez lib. 4. cap. 2. ad substantiam voti pertinent etiam circumstantiæ substantia-

les, seu notabiles executionis difficultates, quæ notabiliter voventis animum a voto averunt; Unde etiam est, quod in matrimonio error circa personam sit substantialis; secus vero in aliis Sacramentis; Quod etiam accidit in contractibus gratuitis, puta in promissione, donatione &c., per quos voluntatis affectus, & liberalitas erga certum hominem exercetur.

V. Sciendum denique, contractus dividi in onerosos, qui sunt in utroque contrahentium obligationem, ut sunt emptio, locatio &c.: & lucrativos, seu gratuitos, qui tantum gravant unum contrahentium; ut sunt promissio simplex acceptata, donatio liberalis &c.. Præterea alios esse contractus bonæ fidei, alios stricti juris: dicuntur esse actiones bonæ fidei, quæ proveniunt ex contractibus, seu quasi contractibus emptiois, venditionis, locati, conducti, mandati, depositi, tutelæ, commodati, & similibus, ex *Instit. de actionibus*: Reliquæ actiones sunt stricti juris, nempe ex promissione liberali, & transactione, Emphyteusi, Feudo &c..

In contractibus stricti juris locum non habet arbitrium Judicis in foro externo, ut notat Less. cap. 13. n. 15., sed tenetur hic absque ulla benignitate judicare, prout a contrahentibus expresse convenit est: In contractibus vero bonæ fidei Juxta habet facultatem judicandi, quid sit bonum, & æquum visum fuerit, quamvis de eo nihil sit expressum a contrahentibus.

Dubitant juris periti, Num divisio horum contractuum sit ex natura rei, an vero ex arbitrio Imperatoris? Dicendum videtur esse ex dispositione juris positivi aliquatenus fundata in exigentia naturalium contractuum. Quamvis autem in jure civili habeatur horum contractuum distinctio; multi tamen cum Bardi, Comitolo lib. 3. q. 1. putant in jure Canonico omnes contractus esse bonæ fidei; Unde fit, Jure Canonico, & in foro conscientie omnem contractum, (excepto matrimoniali) ut notat Lugo c. 5. n. 55. ex Bonacina ) esse nullum, quoties dolus dat causam contractui; quod in jure civili, & pro foro externo solum in contractibus bonæ fidei est verum; cum contractus stricti juris possint solum exceptione doli elidi, ac irritari, ex Sanchez lib. 1. d. 64. Molina, Bonacina contra Less. loc. cit. Laym., Conink puentes, etiam contractus bonæ fidei in jure civili esse validos, & irritandos, quando dolus dedit illis causam.



## ARTICULUS II.

Utrum error, vel dolus antecedens reddat contractus irritos jure naturæ?

- I. Error antecedens invincibilis circa substantialia contractus irritat illum jure naturæ.
- II. Et probabilis etiam vincibilis, & crassus.
- III. Ad culpam contrahendam sufficit voluntarium indirecte, & in causa, non tamen ad valide contrahendum: Sicut nec sufficit ad valide sacramentum administrandum.
- IV. Relate ad culpam contrahendam comparatur altus voluntatis ad illam, tanquam ad suum objectum; ac relate ad contractum, & ad sacramenta administranda comparatur, tanquam ad suum effectum.
- V. Ad contrahendum, & ad sacramentum conficiendum satis est intentio virtualis (non tamen habitualis) seu voluntas tantum in causa.
- VI. Error, seu dolus circa accidentalia contractus universum illum non irritat jure naturæ. Sicut nec obest valida sacramentorum administrationi talis error.
- VII. Irritat tamen, si sit circa qualitates substantiales.
- VIII. Quandoque elemosyna da: a pauperi fit ab hoc restituenda?
- IX. In matrimonio, & professione Religiosa, quæ statim fixum continent, contractus non irritatur per errorem circa qualitates, nisi expresse excipiantur.
- X. Contractus bona fidei jure positivo dumtaxat, non jure naturali sunt irriti, quando dolus dat causam contractui.

I. **Q**uestio procedit tam de errore circa substantialia contractus, quam circa accidentalia; tum de invincibili, tum etiam de vincibili.

Dico primo: Error invincibilis antecedens, seu qui dat causam contractui, si sit circa substantialia contractus, reddit illum jure naturæ irritum: ut si invincibiliter emas vitrum pro adamante, aut ducas Bertram pro Thersia. Ita communiter apud San. l. 3. d. 18. l. ess. Filiuc. Ratio est, quia deficiente consensu contractus est nullus jure naturæ: atqui posito tali errore deficit consensus: ergo contractus est jure naturæ irritus. Minor patet, quia nihil est tam contrarium consensui, quam error, videli-

Opusc. I.

cet circa substantialia 1ci, ex lege si per errorem de Jurisd. omnium judicum; & errantis nullus est consensus, neque voluntas, ex lege Non idcirco, c. de juris, & falsi ignorantia.

II. Dico secundo: Error antecedens dans causam contractui, quamvis sit vincibilis, adhuc irritat contractum jure naturæ. Ita communis contra Med. Less., & alios apud Sanch. l. 7. d. 19. n. 20., putantes, Ignorantiam crassissimam conditionis servilis non irritare contractum matrimonialem; & contra Nav. & Sylvest. apud Sanch. t. 10. d. 9. n. 19. docentes professionem irritari ab errore invincibili, non tamen a vincibili, fatuo, & crassissimo; & contra ipsum Sanch. l. 4. c. 2. docentem, errorem vincibilem circa substantiam, vel causam finalem voti non irritare votum.

Ratio nostræ conclusionis est, quia etiam error vincibilis, & crassus tollit consensum directum in contractum; ergo etiam talis error irritat contractum. Unde Sanch. l. 7. d. 18. probat, Matrimonium esse nullum, si quis putans ex errore crasso ducere Bertram contrahat cum alia persona.

III. Dices: Error vincibilis non causat involuntarium, cum non excuset a culpa transgressorem præcepti: ergo neque reddit contractum involuntarium, & irritum, sed voluntarium, licet indirecte, & in causa. Quare sicut voluntarium indirectum satis est ad culpam contrahendam (ut si quis ex errore vincibili non jejunct tempore debito, aut si quis prævidens, se patiarum homicidium in ebrietate velit inebriari) ita satis est ad valorem contractum voluntarium etiam indirectum.

Respondet, errorem vincibilem irritare contractus, quia licet includat voluntarium indirectum, excludit tamen voluntarium directum, quod unice requiritur ad valorem contractum: Quis enim dixerit, contrahi valide matrimonium ab ebrio, qui prævidens se in ebrietate contrahaturum matrimonium se inebriet, & deinde oretenus contrahat?

Ideo ad culpam contrahendam satis est voluntarium indirectum, quia, ut notat Suarez l. 1. de Voto cap. 10. & Sanch. l. 1. d. 8. n. 20., cum homo teneatur vitare culpam, eo ipso ac prævidet ex aliqua actione, puta ex ebrietate, sequi aliquod malum, v. g. homicidium, & non curat illud vitare, cum possit, censetur indirecte & virtualiter illud velle; Unde reus est homicidii: At contrahens non teneatur con-

D

ur-

tractum vitare, aut ponere; unde voluntas adhibendi causam contractus non est virtualis voluntas ipsius contractus: Sicut nec Deus dicitur velle peccatum creature, volendo causam liberam peccati, quia non tenetur illud impedire; Nec qui prævidet spirituum commotionem in administrando Sacramento Pœnitentiæ, aut conspurcationem in somnis, dicitur illam virtualiter velle, quando non tenetur tollere ejus causam.

Sed disparitas ulterior, quare ad valorem contractus non sufficiat Voluntarium Indirectum, seu in Causa (puta in omissione voluntaria sciendi, qua constituitur error vincibilis) ex Suar. t. 2. de Relig. lib. 1. de Voto cap. 19. n. 8. & tom. 3. lib. 6. cap. 5. est, quia ad contrahendam obligationem ex contractu non sufficit ponere materialiter verba obligatoria, sed requiritur etiam formalis voluntas promittendi; Sicut non satis est ad obligationem voti, ut quis prævidens se in somnis nuncupaturum votum, velit dormire, sed debent ea verba procedere formaliter a voluntate directâ se obligandi, & ideo voluntarium indirectum, & in causa non satis est ad contrahendum; & consequenter error vincibilis circa substantialia contractus illum irritat jure naturæ; ut si quis matrimonium contrahat cum Berta, ex errore vincibili, quod sit Theresia: Idemque dicas de Professione Religiosa, de Voto, ac de aliis contractibus.

IV. Confirmatur, quia ad culpam contrahendam satis est, ut actus voluntatis comparetur ad actum peccaminosum, tanquam actus ad suum objectum; unde peccat qui vult malum, puta homicidium, etiamsi illud non causet: At in contractibus actus voluntatis comparatur ad contractum, seu ad obligationem ex contractu ineundam, tanquam principium, & causa ad suum effectum; & ideo ad peccandum sufficit involuntarium indirectum, & in causa, non tamen ad contrahendum: Sicut nec in administratione Sacramenti sufficit voluntarium in causa, quia pariter minister Sacramenti est causa effectus illius.

V. Illa intentio virtualis sufficit tam ad Sacramentum conficiendum, quam ad contrahendum, quæ procedit ab intentione actuali perseverante aliquatenus in suo effectum; ut cum quis procedit ad celebrandum, vel ad contrahendum matrimonium, & dum profert verba sacramentalia, distrahitur, quia scilicet hujusmodi verba proce-

dunt ex illa intentione præterita; Contra vero si quis prævidens se in somnis eadem verba sacramentalia prolaturum, & velit dormire, nec Sacramentum conficit, nec contrahit matrimonium, quia voluntas utriusque est tantum in causa.

VI. Dico III. Error, seu dolus, five sit antecedens, & det causam contractui, five sit comitans, & incidat in contractum, five sit invincibilis, five vincibilis, si veretur circa accidentalia, tunc contractus non est irritus jure naturali. Ita Molina, Bonacina, Læsius c. 17. n. 29. Sanchez l. 1. d. 64. contra Medinam, & Conradum.

Probatur, quia licet quilibet error causet involuntarium, cum nil sit volitum, quin præcognitum; at error, qui non est circa substantialia contractus, sed circa accidentalialia, non reddit actum involuntarium simpliciter, & quoad essentialia, sed solum secundum quid, & quoad ejus qualitates: Atqui actus, qui est voluntarius simpliciter, & quoad essentialia contractus, esto sit involuntarius secundum quid, & quoad ejus qualitates, non reddit contractum nullum; ergo contractus cum tali errore celebratus non est jure naturæ irritus. Minor patet, tum quia metus dans causam contractui non reddit illum jure naturæ nullum, ut docent communiter, quia pariter metus tollit solum voluntarium secundum quid, non simpliciter; Tum etiam quia, si error circa accidentalialia contractus dans causam contractui redderet actum simpliciter involuntarium, & nullum, sequeretur, quod contractus matrimonialis cum tali errore celebratus esset irritus; Quod tamen nemo dixerit; etenim si quis ideo Bertam ducat, quia putat divitem, ac virginem, & deinde eas dotes non deprehendat, adhuc matrimonium est validum: Dummodo tamen qualitas illa, in qua erratur, non ponatur in contractu per modum conditionis, nam in tali casu consensus conditionatus non purificata conditione non evadit absolutus, unde matrimonium est nullum, & ideo debet expresse talis conditio vel actualiter, vel virtualiter in contractu apponi, ut habeat vim conditionis; ita tamen, ut si ea solum apponatur in mente contrahentis in foro tantum interno non resultet obligatio ex illo contractu; si vero apponatur verbis, ut probari possit, ne in foro quidem externo ea obligatio resultet.

Hoc etiam dicendum in administratione Sacramentorum, si quis erret circa accidentalialia: v. g. si quis conferat Baptismum,

abso-

absolutionem, vel Ordines &c. huic personæ præsentî; quia putat esse Petrum, vel quia putat esse Amicum; cum tamen sit Cajus non Amicus, tunc error hic non invalidat Sacramentum, nisi expresse sub ea conditione conferatur; quia scilicet error Personæ solum in Sacramento Matrimonii est error substantialis; error autem accidentalis, cum non tollat voluntarium simpliciter, non irritat Sacramentum, nec contractum.

VII. Dices: Si quis vocet Peregrinationem Romanam ex errore, quod putet Romanam esse propinquam, quæ tamen sit distantissima, votum est nullum, ut docent communiter cum Sanchez lib. 1. c. 2. eo quod error videatur esse circa accidentalialia; ergo error circa qualitates dans causam contractui universalem contractum irritat. Propterea si quis ficta paupertate eleemosynas extorqueat, non acquirit earum dominium ex defectu consensus in conferente, qui cognita fraude eleemosynam non esset daturus. Denique omnes contractus bonæ fidei, si fiant ex dolo dante causam ipsam, sunt ipso jure nulli, ex lege, *Et eleganter, ff. de dolo*, & quidem ex defectu libertatis, & consensus, ut dicitur ibidem; ergo idem dicendum in omnibus contractibus.

Respondeo, errorem voti in tali casu esse circa qualitates substantiales, & ideo esse irritum votum; error enim circa qualitates substantiales redundat in substantiam contractus, ut notavimus articulo primo, quando scilicet valde notabiliter res immutatur relate ad voluntatem contrahentis; ut accidit in casu; nam peregrinatio suscipitur ad labores perferendos propter Deum; si ergo magna deprehenditur diversitas laborum, diversa constituitur substantia voti, unde votum est irritum; quia scilicet subintelligitur virtualiter illa conditionalis, Nisi sit magna diversitas laborum perferendorum ab ea, quæ apparet.

VIII. Ad id, quod additur: Si motivum eleemosynæ finale sit paupertas, certe deficiente paupertate donatio est nulla; quia talis error, cum sit circa motivum intrinsecum, & finale, est circa substantiam contractus; si vero motivum eleemosynæ finale esset amicitia, paupertas vero esset motivum impulsivum, & extrinsecum, tunc donatio esset valida, quia error esset circa accidentalialia contractus, ut nota Vasq. 1. 2. d. 30.

IX. Solum in Matrimonio, & Professione Religiosa, quæ contingit statum fixum,

quem oportet suscipere propter ejus finem, & motivum intrinsecum, quilibet error censetur pertinere ad accidentalialia (nisi expresse habeatur contraria voluntas) & ideo universum Matrimonium, & Professionem Religiosam censetur valida petito quovis errore non pertinente aperte ad substantiam contractus: In reliquis vero contractibus sæpe dubitatur, Num error sit circa motivum finale, & quoad substantialia, an vero circa impulsivum, & quoad accidentalialia? In quo casu id judicandum ex affectu, & dispositione contrahentis, ex quantitate, vel qualitate rei per contractum tradendæ, & ex aliis circumstantiis: Quod si adhuc dubium perseveret, diximus motivum censendum esse impulsivum, non finale, quia standum pro valore actus, qui est in possessione.

X. Ad ultimum, id deciditur jure positivo, nos vero hic loquimur de jure naturali, & dicimus, contractum cum errore circa accidentalialia valere jure naturæ, esto jure positivo possit esse irritus. Unde obiectio retorquetur; nam si ibi deciditur contractus bonæ fidei tantum esse ipso jure irritos, si dolus det causam contractui, non vero contractus iuridici juris; ergo jure naturalis omnes contractus sunt validi, dummodo dolus non sit circa substantiam, quia scilicet subintelligitur conditio non contrahendi, si in substantialibus erratur.

### ARTICULUS III.

Ex præcitata doctrina resolvuntur plurimæ difficultates.

- I. Error persone sicut in matrimonio, ita in donatione &c. est error circa substantialia irritans contractum.
- II. Promissio gemme, quæ putatur vicium, quamvis iuramento firmata, est nulla.
- III. Collatio Beneficii facta per errorem circa doctrinam, paupertatem &c. valida est; secus vero, si fiat per errorem circa laicam Doctorem in beneficiario requisitam.
- IV. Quandam collatio Beneficii facta a Pontifice per errorem circa accidentalialia est invalida?
- V. Num votum de ingredienda Religione obliget, si non subsistat, aut cesset causa talis voti, puta paupertas? Et quid in dubio, an talis causa fuerit finalis.
- VI. Quandam est invalidum votum factum per errorem circa circumstantiam; quæ si

*fuisse praevisa, votum non fuisse nuncupatum?*

*VI. Error circa causam finalem irritat votum simplex, & sponsalia, non tamen professionem Religiosam, & Matrimonium.*

*VII. Sine valida elemosyna collatio facta simulanti aegritudinem?*

*IX. Si erigatur Hospitalis, aut dos constituatur, v. gr. pro Germanis, aut pro Virginitibus, num teneatur ad restitutionem, qui has qualitates simulat? Et eundem facienda isthac restitutio?*

I. Sequitur ex dictis primo, errorem Personarum in contractibus onerosis non irritare contractum, secus vero in contractibus lucrativis, puta in donatione, promissione &c. Ratio est, quia ille error est circa accidentalia contractus, hic vero circa substantialia; eo modo, quo in matrimonio error personarum est circa substantialia, non vero in aliis sacramentis. Quamvis autem in hoc omnes conveniant, quod donatio sit nulla, quando fit Petro, si putetur esse Paulus, nihilominus dubitatur a Doctoribus, an sit pariter nulla donatio, quando fit Petro diviti, aut extraneo, si per errorem putetur esse pauper, aut consanguineus? Putant esse validam Salas 1. 2. tr. 3. d. 4., & Conink de Sacramento d. 37. dub. 1., quia error hic videtur esse circa accidentalia, ut in contractu Matrimonii. Sed verius cum Vasq. c. 3. de Elemosyna dubio ultimo distinguendum. Si paupertas, aut consanguinitas sit motivum finale donationis, error contractum invalidat; secus vero si solum sit motivum impulsivum. In contractu Matrimoniali semper motivum finale est bonum ipsum matrimonii, ut diximus, non vero dotes Bette, nisi id exprimitur; & ideo in Matrimonio semper error hic est circa accidentalia, non tamen in donatione.

II. Sequitur II., quod si vendatur gemma, quae putetur vitrum, contractus jure naturae sit nullus, cum error sit circa substantialia; secus vero, si vendatur Petro, qui putatur amicus, cum revera sit inimicus: Et eodem modo promissio gemmarum, quae putatur vitrum, est nulla, etiam si sit juramento firmata.

III. Sequitur III., Quandonam collatio beneficii per errorem facta sit invalida? Si quis enim fingat paupertatem, doctrinam, sanctitatem &c. eaque de causa beneficium obtineat, valida est collatio, quia

hujusmodi error est circa accidentalia, non circa causam finalem, quae est idoneitas Clerici; contra vero invalida est collatio, si quis fingat, se esse Doctorem Theologiae, vel Canonum, & ad tale beneficium requiratur laurea doctoralis; Idque verum cum, si Episcopus decipiatur a se, si ab ipso Beneficiario, si ab alio, ut docent Azor. Vasq. contra Alensem; quia eadem ratio semper militat, quod error sit circa causam finalem. Pariter, si quis in concursu ad obtinendum beneficium curatum fingat doctrinam, eaque de causa ipsi tanquam digniori beneficium conferatur, collatio est nulla; quia pariter error est circa substantialia, & circa motivum finale, quod est major dignitas; cum ex Trid. sess. 14. cap. 18. ejusmodi beneficia debeantur dignioribus.

IV. Adde; Si collatio Beneficii simpliciter fit Clerico simulanti doctrinam, ob doctrinam simulatam collatio est valida, si fiat ab Episcopo; quia doctrina est motivum impulsivum; & idoneitas est motivum finale: Contra vero si fiat a Pontifice ad petitionem ipsius Clerici impetrantis, qui falso dixit, se esse Doctorem, vel nobilem, collatio erit invalida, si id expressum fuit pro causa unica talis petitionis. Ratio est, quia rescripta Pontificis semper habent tacitam illam conditionem, si preces veritate nitantur, ex cap. 2. de rescriptis. Eodem modo, si quis petat secundum beneficium, non facta mentione de priori, collatio facta ab Episcopo est valida, Ex Clementina 2. de Officio Ordinarii (idemque docent communiter Doctores, si in supplicatione non fuit expressus verus valor beneficii) quia qualitates Beneficiarii sunt: Diocesis praesumuntur cognitae ab Episcopo, qui ex Tridentino sess. 24. c. 3. tenetur singulis annis Diocesim visitare: Contra vero, si collatio haec fiat a Pontifice, est nulla, & subreptitia ex cap. Si motu proprio de Praebendis; nihilominus si non fieret mentio prioris beneficii, hunc defectum subreptionis suppleret clausula illa *Motu proprio*, si in concessione beneficii posterioris ea adderetur a Pontifice; at non suppleret ea clausula talem defectum, si quis falso exprimeret, se non esse beneficiarium. Inter cetera nec vitatur collatio beneficii facta a Pontifice, si in modico non exprimat verus valor illius, quia modicum, & nihil in jure aequiparantur, ut notat Molina d. 81. ex cap. De Nulla de Praebendis.

V. Sequitur IV., quid dicendum, An re-

ut-

neatur Voto de Religione ingredienda, qui ad illud nuncupandum inducitur, quia per errorem credit, se esse desitutum re familiari, cum tamen re vera sit dives, vel si cesset paupertas, antequam Religionem ingrediatur?

Antoninus, & Ostiensis apud Meroll. d. 2. n. 772. putant, teneri ad Religionis ingressum, etiam si cessaverit causa voti. Negant aliqui, quos videtur sequi Molina d. 209., putantes, errorem causæ, quæ induxit ad promittendum, regulariter annullare promissionem, quia præsumendum est non esse pronuntians animum velle se obligare ea causâ non subsistente. Sed cum Suar. l. 4. de voto cap. 18. distinguendum: error enim solius causæ finalis extinguit votum, non vero error causæ impulsivæ; cessante enim causâ finali deficit intentio votantis, quia deficit proprium, & formale motivum illius: In casu autem nostro non videtur cessare causâ finalis voti, quæ est bonum ipsius Religionis, & ideo votum obligat. In dubio tamen, num paupertas in tali casu esset causâ finalis? præsumi debet, esse impulsivam, atque adeo obligationem voti non cessare; tum quia in omni voto finalis causâ illius videtur esse Dei cultus; tum etiam quia possessio stat pro voto, & in dubio melior est possidentis conditio, ut notat Sanchez lib. 10. disp. 9. Et idem dicas, si dubitetur, an circumstantiæ, quæ superveniunt voto, notabiliter variant rem promissam?

VI. Ubi diligenter notandum, non irritari votum ex ignorantia alicujus circumstantiæ, quæ si esset prævisa, votum non fuisset emissum; nam si hoc esset, fere nullus contractus subsisteret; quia fere semper ea de novo accident contractui, quæ si fuissent prævisa, contractus non fuisset factus. Quare dicendum cum Sanchez loco laudato n. 15., tunc votum irritari, quando ex vi volitionis votendi, non vero ex vi aliorum actuum, vel habituum votantis, non fuisset emissum votum errore deprehensio: E. gr. si quis vovet dare eleemosynam Petro, qui putatur pauper, & probus, cum tamen sit dives, & fur, ex vi volitionis votendi eleemosynam non fuisset hujusmodi votum emissum deprehensio errore, quod Petrus sit pauper, quia sola paupertas, non vero probitas continetur in objecto voluto per talem promissionem. At si deprehendatur, quod non sit probus, sed sit fur, solum ex vi aliorum actuum, vel habituum votantis, quibus o-

*Opusc. I.*

dio habet fures, non fuisset data eleemosyna, nec votum emissum fuisset; & ideo si Petrus sit pauper, & fur, adhuc votum est validum, secus vero si sit probus, sed dives.

VII. Votum tamen solemne Religionis nunquam est irritum, sicut nec est irritum Matrimonium, nisi quando error est circa substantialia contractus, (ut docent communiter cum Sanch. lib. 10. de Matrim. disp. 9. n. 10.) quamvis error sit circa causam finalem. Disparitas autem, quare error circa causam finalem irritet votum simplex, & Sponsalia, non tamen irritet votum solemne, & matrimonium, est, quia quando voluntas eligit statum fixum, & permanentem (sicut est professio Religiosa, & Matrimonium) eligit illum secundum modum congruentem tali statui, atque adeo independentem ab aliis rebus, præter ea, quæ sunt de ipsius status substantia.

VIII. Sequitur V. resolutio illius questionis, sit ne valida donatio eleemosynæ facta simulanti pauperatatem, vel ægritudinem? Putant esse validam Cajet., Sor., Laym. l. 3. tract. 4. sect. 5. c. 5., quia causâ finalis dandi eleemosynam non cessat; ea enim videtur esse non paupertas, sed charitas Dei, qui Solem suum oriri facit super bonos, & malos. Suar. tamen l. 4. de voto c. 18. Azor. Conink de Sacramentis d. 31. docent esse invalidam, atque adeo eleemosynam restituendam esse, quia quamvis actus ille, quo pauperi succurrimus, sit a charitate Dei imperatus, elicitur tamen a virtute misericordix, quæ respicit essentialiter miseriam pauperis sublevandam, unde cessante paupertate cessat causâ finalis; & sic donatio est nulla.

Alii denique cum Molina d. 270. Less. c. 18. n. 130., & Rebello verius distinguunt juxta superius dicta, quod si dans eleemosynam deprehensis divitiis Patris voluisset donationem esse nullam, tunc donatio est invalida: Secus vero si deprehensis divitiis, solum non facta fuisset eleemosyna, non vero voluisset ille invalidam esse largitionem: Juxta quam sententiam excusantur a restitutione, qui ob hñam causam accipiunt eleemosynas parvas; quia scilicet animus donantis solet esse, quod valida sit donatio, non obstante hñone, posito quod parvam illam eleemosynam contulit; quandoquidem idem est meritum apud Deum erogantis stipem, sive verus sit pauper, qui accipit, sive putatus: Non excusantur ta-

D 3 men

men a restitutione, qui sic a paupertate magnas elemosynas accipiunt, quia causa finalis istarum est sola paupertas sublevanda.

IX. Sequitur ultimo resolutio alterius quaestionis, An quando quis erigit v. gr. hospitale pro Germanis, aut constituit doctorem pro Virginibus &c. teneatur ad restitutionem, qui fingit se esse Germanum, aut se esse Virginem, ut possit frui iis bonis? Videtur, quod non, quia error est circa qualitatem: sed dicendum teneri cum Azor. l. 1. c. 18., & aliis communiter; quia talis error circa qualitates redundat in substantiam; etenim reditus illi constituti sunt ad Germanos sustentandos, & ad Virgines dotandas; Unde error est circa substantialia donationis.

Cui tamen facienda sit huiusmodi restitutio? diffiduum est apud Doctores: Sotus, Molina, Lessius, Bonacina putant faciendam esse danti, quia cum donatio sit invalida, remanet dominiū apud donantem: Cajetanus, & uterque Navarr. putant, faciendam esse aliis pauperibus, quia donans abdicavit a se dominiū: Valquez cap. 3. de Elemosyna dubio ultimo censet ad arbitrium recipientis posse restitutionem fieri, vel danti, vel aliis pauperibus, ob utriusque illius sententiae probabilitatem.

#### ARTICULUS IV.

An dolus, vel Error Antecedens dans causam Contractui illum irritet  
saltem jure positivo?

I. Nullo jure irritatur Contractus, si dolus, & error sit circa accidentalia, & non proveniat ab aliquo ex contrahentibus doli particeps. Debet tamen contractus ad aequalitatem reduci.

II. Si res sit integra, non tenetur deceptus stare Contractui.

III. Qui sponsalia contraxit cum Berta, quam falso putat esse divitem, eam posse errore detecto rescire.

IV. Contractus per dolum alterius Contrahentis celebrati jure positivo videntur validi, licet ad arbitrium decepti possint rescindi, si sint rescindibiles.

V. Diluuntur objecta.

VI. Opposita sententia suam habet probabilitatem.

I. **C**ertum est, errorem, vel dolum, qui non provenit ab uno contra-

hente doli particeps cum injuria alterius, non tollere consensum substantialem, quando est circa accidentalia contractui; nec ullo jure huiusmodi contractus irritari, esto doli dederit causam contractui; ut communiter docent cum Laym., Less., Bonac. Solum admittit Sanch. l. 1. disp. 64., quod secundum juris aequitatem possint irritari. Molina vero disp. 352. notat, quod si in contractu fuerit ratioe doli aliqua inaequalitas, debeat ad aequalitatem reduci; ut si quid emptum fuit minus justo pretio, debet usque ad pretium iustum, saltem infimum, suppleri, ex l. 13. ff. de Actionibus empti.

Quod si dolus provenierit ab aliquo tertio, tunc ille tenetur restituere decepto quicquid datum fuisset ab emptore, etiam ultra pretium infimum; quia totius istius jacturae fuit causa injusta per dolum.

II. Denique Less. cap. 17. n. 33. advertit, quod si res sit integra, non teneatur in conscientia deceptus stare contractui; quia promissio, cum sit quaedam lex privata, non obligat ultra promittentis intentionem; Nemo autem promittens intendit se obligare, nisi subsistat causa, propter quam promittit: ergo interveniente dolo, deceptus non tenetur stare contractui.

III. Hinc communiter docent, quod si quis contrahat Sponsalia de futuro cum Berta, quia per errorem putat illam esse divitem, aut nobilem, poterit errore detecto rescire, & sponsalia dissolvere, si cum ea non esset alias contracturus: Et quamvis putet Less., deceptum in hoc casu debere compensare damnum, quod alteri obveniret ex non adimpletione contractus; at verius Merol. docet non teneri, si error fuerit invincibilis, aut venialiter solum vincibilis; sed solum quando fuit gravior vincibilis; quia tunc damnum provenit alteri contrahenti ex culpa gravi trahente onus restitutionis. Quando vero res non est integra, qui tali contractu per dolum celebrato aliquid consecutus est, non tenetur ad restitutionem, nisi contractus irritetur, quia nullam injuriam intulit. Si tamen error sit circa substantiam contractus, puta donationis, tunc quia donatio jure naturalis est irrita, datur onus restitutionis, juxta dicta articulo secundo.

IV. Difficultas tamen est, An quando dolus circa accidentalia dans causam contractui provenit ab altero contrahente, tunc contractus jure positivo sit irritus? Quod ad proximum deferret, ut mox dicemus.

San -

Sanchez lib. 1. d. 64., Molina, Bonacina, Salas putant, contractus bonæ fidei, ut emptio, Locatio, commodatum &c. esse irritos jure positivo; Contractus vero stricti juris, ut promissio, donatio, emphiteusis &c. esse irritandos, & consequenter validos; ita ut exceptione doli mali elidi possint. Quod probant ex l. *Et eleganter ff. de dolo*, ubi dicitur nulla esse venditio, si in hoc ipso, quod venderet, circumscriptus est, hoc est dolo inductus est. Quia tamen hæc lex est tantum pro foro externo, & secundum conscientie forum, & jus canonicum, nullum, hæc in re datur discrimen inter contractus bonæ fidei, & stricti juris; ideo omnes omnino contractus, quibus dolo adhibitus ab altero contrahente, censentur a Molina d. 259. Sanch. l. 1. d. 64. Rebell., & aliis jure positivo irriti.

Dicendum tamen cum Less. c. 17. n. 31. Laym. l. 3. tract. 4. c. 5. Conink., & aliis communis, omnes contractus per dolum alterius contrahentis celebratos esse validos, & jure positivo irritandos ad arbitrium solius decepti; quando tamen contractus rescindi potest, non vero si sit irrefcindibilis, ut Matrimonium, & professio Religiosa.

Probatur, quia dolo, & error circa accidentalia non tollunt voluntarium simpliciter, sed solum faciunt involuntarium secundum quid; ergo in casu nostro cum habeatur consensus substantialis, contractus sunt validi, ut patet in contractu matrimonii, qui in omnium sententia est validus. Quod autem ad arbitrium solius decepti possint irritari contractus rescindibiles, constat, quia semper in contractibus censetur inesse ea tacita conditio, quod arbitrio decepti rescindi possint, quando dolo alterius contrahentis induxit ad contrahendum.

V. Oppones ex Molina, Sanch., Rebell. legem laudatam, *Ex eleganter*, ubi dicuntur irriti contractus bonæ fidei celebrati ex dolo alterius contrahentis; sed injure Canonico nullum est discrimen inter contractus bonæ fidei, & stricti juris: ergo jure positivo omnes hujusmodi contractus sunt irriti, non vero solum irritandi.

Confirmatur, quia si hujusmodi contractus essent validi, sequeretur, quod deceptor, quousque errorem deprehendat, teneretur ad arbitrium deceptoris stare contractui, quod videtur absolum; nam ex injuria irrogata proveniret illi actio, & jus adversus deceptum.

Respondeo, tam legem non obitare, tum quia ibi agitur de Minore per dolum decepto, ut servum venderet, cujus contractus erat nullus, quia absque Judicis decreto; quod requirebatur ex lege, *Ex causa cognitione ff. de Minoribus*, tum etiam quia hujusmodi contractus vocantur irriti, per hoc quod deceptor nihil solidi juris ex eo acquirat, cum debeat ad arbitrium decepti rescindi contractus: denique cum sæpe in jure idem sonet irritum, ac irritandum, dicendum hujusmodi contractus esse tantum irritandos, non irritos.

Ad confirmationem dico, hujusmodi jus, & actionem competere deceptoris, non ex injuria illata, sed ex mutuo, & substantiali consensu adhibito in contractu; ex injuria autem duo sequuntur, & quod omne damnum rescirare debeat deceptor, quousque dolo ignoratur ab altero contrahente, & quod deprehensio dolo debeat ad arbitrium decepti contractum rescindere.

VI. Quia tamen opposita tot, tantorumque virorum sententia (quod scilicet jure positivo sint irriti hujusmodi contractus) suam habet probabilitatem, ex ea pro præxi sequitur, deceptorem non tenere in conscientia ante Judicis sententiam contractum implere, aut ratificare: Sicuti qui fidei contraxit, non tenetur saltem sub mortali contractum ratificare, quando nullum secutum sit incommodum, quod unice per ratificationem reparari possit; ut de matrimonio docet Sanchez l. 7. d. 11., & de aliis contractibus docet Lessius: Nec tenetur professionem ratificare, qui fidei professus est, nisi forte per accidens ad scandalum vitandum.

Dices: Absolum est, quod deceptor teneatur stare contractui, & deceptor nec teneatur contractui stare, nec illum ratificare; ergo tenetur ratificare.

Respondet Sanchez loco laudato, non teneri ad ratificandum; sicut non tenetur ad professionem Religiosam exterius ratificandam præciso scandalo, qui fidei professus est, quamvis Religio se obligaverit ex parte sua; sed sufficit, quod Religiosus consensum interius renovet, antequam Religio revocet consensum suum. Ratio est, quia ex hoc, quod deceptor se obligaverit, & teneatur contractui stare, quousque illum putat validum, solum sequeretur, quod deceptor teneatur ex justitia vitare, & compensare quodvis damnum contrahentis; ergo non tenetur ratificare contractum, si aliter potest damnum reparare.

## ARTICULUS ULTIMUS.

An Error Concomitans circa rei substantiam irritet contractum jure naturæ.

I. *Videtur circumscriptio Matrimonio validus jure naturæ contractus celebratus cum errore concomitante, seu incidente in contractum; quippe qui deprehenso errore adhuc celebraretur.*

II. *Communius tamen docens esse invalidum jure naturæ.*

III. *Doctores oppositum sentientes, docentesque jure saltem positivo esse validum, interpretandi sunt de contractu celebrato per errorem concomitantem circa qualitates.*

IV. *Contractus jure naturæ nullus a lege extrinseca solum validari potest quoad ejus effectum, non quoad ejus constitutiva.*

V. *Quid si dubitent, Num contractus celebratus sit cum errore antecedente, an cum concomitante?*

I. **R**eliquum est, ut agamus de errore, seu dolo concomitante, quem Jurista vocant dolum incidentem in contractum, quia non est causa contractus, quandoquidem etiam eo deprehenso contractus heret: Vasquez 1. 2. d. 13. c. 4. n. 30., cum communi Juristarum docere videtur, quod contractus hic sit validus, excepto Matrimonio, quia quamvis error, & ignorantia concomitans faciant actum non voluntarium, juxta superiora dicta; nihilominus cum hic contractus non sit positive involuntarius, & alias deprehenso errore etiam heret, censeri debet validus propter voluntatem interpretativam, qua contractus heret, si error non adesse.

II. Sed communiter cum Divo Thoma 1. 2. q. 6. a. 8., & Filliuc. tradi. 25. c. 6. negant esse validum ea ducti ratione, qua communiter etiam docent cum Sanch. l. 7. d. 18. Matrimoniale contractum cum ignorantia concomitante celebratum esse nullum, puta si quis ducat Bertam, putans esse Tereham, eo tamen animo, ut etiam illam duceret, si sciret esse Bertam. Ideo enim Matrimonium hoc cum Berta est invalidum, quia ad contractum matrimoniale requiritur voluntas, & consensus positivus, qui relate ad Bertam non datur; Cum ignorantia concomitans, licet non faciat actum positive involuntarium, non faciat tamen voluntarium positive. Et ratio

ulterior est, quia in hoc casu consensus est absolutus relate ad Tereham, cum putet illam esse Tereham, relate vero ad Bertam præsentem consensus est conditionatus, quatenus si sciret hanc esse Bertam, adhuc duceret; Consensus autem conditionatus conditione se tenet ex parte actus, quo quis dicit, contraherem cum Berta, si &c. nullam inducit obligationem, ut patet: quis enim dixerit aliquid teneri v. gr. voto, quod non emittit absolute, sed emitteret, si &c. ergo matrimonium hoc est invalidum. Hæc autem ratio æque militat pro aliis contractibus; ergo nullus contractus jure naturæ est validus, si cum errore, vel dolo concomitante celebratur.

III. Juristæ, qui in contrarium adducuntur, docentes, jure saltem positivo contractum cum errore concomitante esse validum, intelligi debent de errore circa qualitates, non circa rei substantiam; Et eodem modo explicandum est Vasquez laudatus; Nam si error sit circa substantiam rei, aut circa qualitates substantiales, cum reddat contractum jure naturæ invalidum, fieri nequit, quod jure positivo hujusmodi contractus evadat validus; Quomodo enim fieri poterit, quod contractus jure humano sit validus, quando ei desunt constitutiva essentialia contractus, ut est consensus absolutus?

IV. Potest quidem a lege extrinseca validari contractus relate ad ejus effectum, non relate ad ejus essentiam: Sicut enim potest Deus sine consensu Caji, & Berte obligare illos ad ea omnia, ad quæ obligat contractus matrimonialis, ut notat D. Thomas 1. 2. q. 100. a. 8. ad 3., in quo casu habetur effectus matrimonii, nempe vinculum indissolubile, absque constitutivis essentialibus matrimonii; Ita potest lex humana efficere, ut positæ contractu cum ignorantia concomitante, obligetur contrahens, perinde ac si verum contractum posuisset; quin tamen efficere possit, quod habeatur tunc contractus legitimus, deficientibus ejus constitutivis; cum ne divinitus quidem id fieri possit.

An autem jus humanum de facto statuerit, quod contractus cum errore concomitante celebrati validi sint quoad totum effectum? dicendum cum Meroll. n. 568. probabilius nihil de hoc statutum esse: Quod probatur ex leg. *In venditionibus*, ff. de contrahenda emptione, ubi dicitur error in substantia rei reddere venditionem nullam: Cum

au-



autem textus non loquatur expresse de errore tantum antecedente, dante causam contractui, intelligendus est de quocumque errore, sive antecedente, sive concomitante incidente in contractum, quia ubi lex non distinguit, nec nos distinguere debemus, ex lege de pretio, ff. de public.

V. Illud demum inquiri posset: In dubio, num contractus aliquis celebratus sit cum errore antecedente, an cum concomitante, quid resolvendum? Sanchez lib. 1. d. 65. putat id resolvendum ex materię gravitate; nam si ea sit ita notabilis, ut juxta prudentium estimationem notabilem mutationem efficiat, presumendum est,

quod si error deprehenderetur, contractus non fieret, atque adeo contractum fuisse factum ex errore antecedente dante causam contractui, & ideo esse invalidum; cum talis error sit circa rei substantiam, seu circa qualitates substantiales: Secus vero, si gravem mutationem non efficiat. Quod si recurrat dubium, an gravem efficiat mutationem? tunc standum pro valore contractus, qui stat in possessione; atque adeo dicendum factum esse cum errore tantum concomitante, qui scilicet sit circa accidentalia rei, unde contractus sit validus.

## Q U Æ S T I O VI.

### De Metu irritante Contractus, aut Vota ex defectu Voluntarii.

**P**Lurima hic inquirenda: Et primo quidem, an metus gravis injuste incussus ad contractum extorquendum irritet illum jure naturę? Secundo, An saltem jure positivo irritet? Tertio, Utrum extorta metu levi in foro conscientię restituenda sint? Unde plurimarum questionum resolutio descendet. Effet etiam inquirendum, An contractus metu irriti juramento firmentur: sed quoniam hac in re plura sunt discutienda, quætionem seorsim instituemus. Sit igitur

#### ARTICULUS I.

An metus gravis injuste incussus ad extorquendum contractum irritet illum jure naturę?

*I. Non irritatur contractus a metu gravi non injusto.*

*II. Neque a metu injuste incusso, sed non ad extorquendum contractum; in quo casu non est irritandus. Ex quo multa deducuntur.*

*III. Metus injuste incussus ad contractum extorquendum videtur jure natura contractum irritare multis de causis.*

*IV. Saltem videtur id verum esse in contractibus lucrativis, qui debent esse magis voluntarii, quam onerosi.*

*V. Sed communis docet, omnes hujusmodi contractus esse jure naturę validos, ita tamen, ut ad arbitrium metum passi rescindi possint, dummodo sint rescindibiles. Quare etiam matrimonium meiciclosum, & professio Religiosa jure natura sunt valida, & solum jure positivo irritantur.*

*VI. Potest tamen metum passus accommodare se opposita sententia, & nolle stare contractui tanquam invalido.*

*VII. Metus dicitur consensui contrarius, non quia illum destruit, sed quia minuit.*

*VIII. Dominium, quod per contractus metu extoritur transferitur, est debile.*

*IX. Cur nequit laqueo ea, quę sibi per mutum promittuntur, accipere? Et cur promittens non teneatur ea solvere, nisi promisso sit jurata?*

*X. Votum simplex metu extoritur solum jure positivo est irritum, non quidem scripto, ad tradito; Non secus ac matrimonium fideiis cum infidelo metu extoritur.*

*XI. Pariter sponsalia meiciclosa vel sunt solum indirecte irrita jure positivo per hoc, quod irritetur matrimonium, ad quod tendunt, vel sunt irritanda.*

**I.** **C**ertum est, quod si metus sit justus, & proveniat ab intrinseco, vel a causis naturalibus, non irritetur contractus: Alter promissiones, vota, & juramenta in-

infirmitate periculosa, aut in tempestate facta non valerent; quod nemo dixerit. Et ratio est, quia metus non tollit simpliciter voluntarium: Quando autem non est iniustus, non irrogat injuriam; unde non est, cur contractus sit irritus, aut irritandus.

II. Certum etiam est, neque irritari contractum a metu injusto inculso, sed non ad illum extorquendum: Etenim tunc homo non impellitur ad contrahendum ab alio, sed a se ipso, cum nemo exigit illum contractum, sed voluntarie contrahens illum, eligat ad evadendum malum imminens, etiam si iniuriose comminatur: Immo in tali casu nec est rescindendus contractus, ut docent Salas, Rebell, Conink, Henric. l. 11. c. 9. Cessat enim ratio, ob quam contractus rescinduntur, videlicet ne detur ansa ad vim inferendam. Unde sequitur primo, valere matrimonium damnati ad mortem propter homicidium, cui libertas offeratur, si ducat consanguineam occisi: Idque verum est, non solum si iuste, sed etiam si iniuste damnatus sit ad mortem; dummodo non sit damnatus ad matrimonium extorquendum, ut docent Palaus, Bonacina, Valen, Sanch. l. 1. d. 12. Sequitur etiam, ut notat Henric. loco laudato, & Sanch., quod si consanguinei velint iniuste occidere repertum in stupro, & hic offerat matrimonium cum stuprata ad mortem evadendam, validum etiam sit matrimonium, quia metus non tendit ad extorquendum matrimonium, sed per accedens se habet ad illud. Idemque dicitur, si Gubernator obsessus offerat matrimonium cum filia obediens, ut obsidione liberetur; dummodo obsessio non fuerit ad extorquendum matrimonium.

III. Difficultas itaque est de metu injusto inculso ad contractum extorquendum; Et quidem de metu gravi; nam si metus sit levis, certum pariter est, contractus non esse irritos, immo nec irritandos in foro exteriori; cum pro metu levi non detur actio pro tali foro, ex leg. *Pani timoris*, ff. de *Regul. juris*; quamvis communissime doceant contra Medinam, extorta metu etiam levi pro foro conscientie esse restituenda, quod infra examinabimus.

Prima itaque sententia docet cum Soto, Sayro, Salas, Molina disp. 167. & 326. ad 2., huiusmodi contractus jure naturæ esse irritos, atque adeo per illos dominium non transferri. Ratio est primo, quia Titius extorquens metu gravi consensum a Cajo, irrogat illi injuriam, & iniustitiam; ergo ju-

stum non est, quod commodum ex hac iniuriam reportet; reportaret autem commodum, si contractus esset validus; quandoquidem obligaret sibi Cajum coactum metu ad contrahendum: ergo contractus non est validus.

Secundo, quia contractus sine consensu est jure naturæ nullus; atqui posito metu deest consensus: nam in Reg. *Nihil consensui*, ff. de *regul. Jur.* dicitur, *Nihil consensui tam contrarium est, quam vis atque metus*; Et cap. *Cum locum de sponsal.* dicitur: *Cum locum non habeat consensus, ubi metus, vel coactio intercedit*. Contractus itaque meticulousus est nullus.

Tertio, acquisita per huiusmodi metum gravem in foro conscientie restituenda sunt, antequam per iudicis sententiam rescindatur contractus; ut communiter docent apud Less. c. 13. n. 31., ergo signum est dominium non transferri; & consequenter contractum esse invalidum.

Quarto, si metu injusto inculso adigaris ad promittendum latroni centum, certe latro non potest ea accipere, & consequenter nec tu teneris solvere: ergo signum est, promissionem illam jure naturæ esse nullam.

Quinto, quia votum simplex extortum per metum gravem, juxta communem opinionem, & Ecclesiæ praxim est irritum, nec tamen irritatur jure positivo; nam textus, qui in contrarium adducitur cap. 1. de *his, que vi*, ex Panorm. Sylvest., & aliis non loquitur de voto simplici, sed de professione Religiosa: ergo est irritum jure naturali.

Demum, quia sponsalia metu contracta sunt nulla, ut communis docent cum Magistro in 4. dist. 39., & tamen ex Less. c. 17. n. 47. Conink, Palaus, Henric. non irritantur jure positivo; unde jure naturæ sponsalia, & omnes contractus meticulousi sunt irriti.

IV. Secunda Sententia cum Vasquez l. 2. d. 21. Azor., Bonac., Dia. p. 3. tr. 9. ref. 20. docet, contractus onerosos esse jure naturæ validos, etiam si metu gravi ad illos extorquendos sint initi, non vero lucrativos, ut sunt donatio, promissio, testamentum, legatum, precarium, commodatum. Ratio est, quia ad valorem contractus non solum requiritur consensus, qui absolute metum non tollitur, sed etiam iustus titulus; atqui in contractibus lucrativis, si addit metus, abest iustus titulus; etenim donatio v. g. non est vera donatio, si fiat coacte;

coactæ; cum debeat ex affectu liberali prodire; unde majus voluntarium requiritur in contractibus lucrativis, quam in onerosis, quia liberaliter disponere de rebus suis, & ad id cogi metu, invicem pugnant; ergo contractus lucrativi metu extorti jure naturæ sunt irriti.

Confirmatur, quia non alio ex capite restituenda sunt, quæ usurarie accipiuntur, nisi quia donentur invite, & coactæ; ergo ratio inviti destruit naturam donationis.

V. Communior tamen, & verior sententia docet cum Sanch. l. 4. d. 8. Less. c. 17. n. 42. Conink, Palao, Layman, Henricq., omnes omnino contractus metu extortos esse validos, quamvis ad arbitrium metum passi rescindi possint, si sint rescindibiles. Probatur primo a pari: Communiter docent ex *cap. majores de Baptismo*, Sacramenta metu recepta esse valida (excepto matrimonio, quod jure positivo irritatur) ergo etiam sunt validi contractus metu extorti. Secundo, quia communissime docent contra Rebell. 1. par. l. 1. q. 5., metum levem non irritare contractum; immo nec in foro externo admittitur actio, aut exceptio metus levis, ex lege *Pani timoris, ff. de regulis juris*; & tamen etiam per metum levem fit injuria contrahenti, & datur onus restitutionis; Quare nec metus gravis irritabit contractum jure naturæ, quamvis contineat injustitiam, & trahat onus restitutionis. Tertio a priori, quia ad valorem contractus duo requiruntur, nimirum consensus, & titulus legitimus, videlicet dati, & accepti, donati, promissi &c., atqui metus non tollit consensum voluntarium sufficientem ad valorem contractus, quod nemo negat; nec tollit legitimum titulum v. g. donationis; quia donatio, quamvis fit coacta, adhuc vera, & voluntaria donatio est, & quodlibet liberalis, nec onerosa; nam coactio non opponitur liberalitati, sed libertati; ergo habentur ea, quæ ad valorem contractus requiruntur. In tantum quæ usurarie accipiuntur restituenda sunt, nec valide sunt donata, quia ea non traduntur titulo donationis, sed in pretium mutui; quod tamen non est dignum pretio; & ideo invalide dantur deficienti justo titulo.

Neque dicas, non haberi in casu nostro titulum justum, cum donatio extorta metu iniuste incusso sit donatio continens injustitiam. Nam contra est, quia licet donatio ista injustitiam contineat ex parte incutientis metum, adhuc ipsa est titulus justus, & legitimus, quo dominium transfe-

ratur, cum sit titulus, cui jus non resistit ipsum annullando: Et per hæc patet ad rationes pro secunda sententia.

VI. Ad rationes pro prima sententia respondetur: Ad primam, cum consensus metu extortus sit simpliciter voluntarius, non est mirum, quod metum passus jure naturæ teneatur stare contractui irrefcindibili, ut est Matrimonium, & Professio Religiosa, quamvis jure positivo rationabiliter hæc sint irrita: Si vero contractus sit rescindibilis, nullum incommodum sentit metum passus ex validate contractus, quia ad sui arbitrium potest illum rescindere. Præterquamquod incutiens metum tenetur semper damnum compensare. Quia tamen opposita sententia docens hujusmodi contractus esse jure naturæ irritos, suam habet probabilitatem tam ab intrinseco, quam ab extrinseco, ideo poterit etiam passus metum huic sententiæ se accommodare, & nolle stare contractui metu extorto, tantum invalido.

VII. Ad secundam negatur minor. Metus dicitur contrarius consensui, quia minuit voluntarium, ac liberum, non quia tollit simpliciter liberum consensum.

VIII. Ad tertiam, falsum est non transferri dominium per contractus metu extortos, posteo quod sint validi: Dominium tamen, quod transfertur, est debile, eo quod metum incutiens ratione injuriæ irrogatæ teneatur rem ad pristinum statum reducere, & damna compensare. Hinc in leg. *Metum, ff. de eo, quod metus causa* dicitur a metum passio haberi actio in rem, eo quod res sit in bonis suis; non quia revera habeat ille ejus rei dominium post contractum, sed quia perinde se habeat, ac si haberet ejus rei dominium, per hoc quod habeat actionem in personam, & in rem, & debeat ab incutiente metum iniuste ea res restitui.

IX. Ad quartam dicendum, latronem non posse accipere centum promissa per metum injustum, quia tenetur ea restituere ob injuriam irrogatam; hinc metum passus quamvis ratione promissionis vero animo factæ, & non fictæ ad redimendam vexationem teneatur ea solvere; at quia potest damnum sibi compensare ob injuriam sibi irrogatam, potest non solvere.

Neque dicas, quod debeat prius solvere, & postea per judicem repetere, aut si id commode non possit, per occultam compensationem; Sicut sacre debet, si promissioni addidisset juramentum. Nam si teneretur prius solvere, ac deinde repetere;

non

non compensaretur sibi quodcumque damnum iniuste irrogatum per metum, quia hoc ipsum solvere, & repetere aliquid incommodum est, quod non compensaretur. Quod si talis promissio sit iurata, cum iuramentum servandum sit quociens sine culpa servari potest, & nulla habeatur culpa, si solvantur centum promissa latroni, ideo vi iuramenti præbiti obligatur jurans ad ea solvenda; ita tamen ut possit ea statim repetere, aut per occultam compensationem damnum sibi iniuste illatum reparare. Idemque dicas, si cum iuramento promittantur usuræ mutuanti, quippe quæ ex titulo mutui non debentur.

Neque urgeas, quod promittens latroni centum teneatur simul, & non teneatur ea solvere; teneatur ratione promissionis valide, non teneatur, quia potest sibi damnum per injuriam illatum compensare. Nam teneri ex uno capite ad aliquid præstandum, & ex alio deobligari non pugnant; ut notat Palasus tom. 1. tract. 1. d. 1. puncto 8.; Nam si quis ex contractu Emptionis v. gr. debeat Petro centum, & Petrus ex alio contractu, puta Locationis, debeat eidem pariter centum, præterit ille ex titulo emptionis obligari ad solvendum centum, & ex titulo locationis deobligari, & sic simpliciter non teneri, donec sibi satisfiat.

X. Ad quintam, votum simplex metu extortum jure naturæ validum est, sed ut notat Franc. de Lugo qu. 10. n. 64. ex Sanch. lib. 4. Summæ cap. 3. n. 12. & lib. 4. de Matrim. disp. 14. contra Suar. lib. 1. de Voto c. 8. est irritum jure positivo; non quidem scripto, sed tradito, seu ex Ecclesiæ traditione, & consuetudine habente vim legis; Sicut etiam dicitur de matrimonio fidelis cum infideli metu extorto.

XI. Ad ultimam, Sponsalia metu extorta jure naturæ sunt etiam valida; sunt tamen vel irritanda ad arbitrium metum passi, ut docent l. ess. cap. 17. n. 47. Concine, Henr. iq., Palasus, vel irrita jure canonico, ex cap. Ex literis, de Disspons. Impub., ut putat Sanchez l. 4. d. 19., vel indirecte irrita, quatenus irritatur matrimonium metu extortum, ad quod tendunt Sponsalia.

## ARTICULUS II.

Utrum Contractus metu injusto extorti  
sint jure positivo irriti, an so-  
lum irritandi?

I. Plurimum ad præxim referri hujus quæstionis

resolutio: etenim si sunt irriti jure positivo, sequitur, quod renunciatus beneficii adhuc ad Horas teneatur; quod ex sponsalibus non oritur impedimentum publicæ honestatis; quod vi talis testamenti succedat hæres ab intestato &c.; secus vero, si solum sint irritandi.

II. Communis docent nonnullos dumtaxat hujusmodi contractus esse jure positivo irritos; tres videlicet jure civili, ac tres alios jure canonico.

III. Absolutio a censuris metu extorta est irrita. Sed quid de dispensatione in lege?

IV. Num metum incutiens teneatur Contractui irriti jure positivo stare ad arbitrium metum passi?

I. **P**lurimum interest hujus quæstionis resolutio, ut notat Sanch. l. 4. d. 8.; nam si v. g. renunciatio beneficii metu extorta jure positivo sit irrita, sequitur, quod renunciatus teneatur adhuc ad Officii recitationem, perinde ac si non renunciasset; possetque ad titulum beneficii sacros Ordines suscipere; Secus tamen, si solum sit irritanda; Pariter si sponsalia metu facta sint irrita, non oritur ex illis impedimentum publicæ honestatis; quod tamen oritur, si sint solum rescindenda; Et si testamentum metu extortum sit irritum, succedit hæres ab intestato; aliter succederet hæres in eo institutus; quamvis hic teneatur damnum compensare.

II. Variant itaque in hoc Doctores: Alii cum Soto, Palacios, Molina d. 326., docent, universim hujusmodi contractus esse jure positivo irritos; quod variis textibus probant. Alii cum Basilio apud Dianam p. 3. tr. 5. resol. 118. & 119. putant, solum contractus lucrativos esse irritos jure positivo, non vero onerosos, præter alienationem rerum Ecclesiasticarum. Alii demum communis, & probabilius docent cum Sanch. loco laudato, Bonacina, Palasus, Becan. Ledes. universim esse solum irritandos; aliquos tamen in particulari esse irritos: quod probant tum ex cap. Ad audientiam, De his, quæ vi; ubi dicuntur quæ metu sunt carere robore firmitatis, quatenus scilicet possint, & debent rescindi; tum ex leg. finali de his, quæ vi; ubi habetur, donationes, venditiones, quæ per potentiam extortæ sunt, precipimus infirmari: Ex quo sequitur, tam contractus onerosos, ut sunt venditiones, quam lucrativos, ut sunt donationes, esse validos, & juris remedio infirmandos, seu irritandos.

Por-

Porro contractus, qui jure positivo irritantur ipso facto, si sint metu extorti, sunt plurimi, quamvis Glossa in cap. *Ablas*, *De his que vi solum* sex enumeat illis verbis.

*Tutor, Judicium, Dos, Sacrum, Copula, Potum.*

*Hac sex vi facta de jure scias fore nulla.*

quorum tres, videlicet Auctoritas, vel assignatio Tutoris, seu Curatoris, Jurisdictio data, vel prorogata, & Promissio, ac solutio dotis irritantur jure civili: Tres alii, videlicet Promissio, vel traditio rerum Ecclesiasticarum, Matrimonium, ejusque promissio (quoniam liget juramentum additum huic contractui per metum facto) Votum simplex, & solenne, irritantur jure Ecclesiastico.

III. Præterea irrita est Absolutio a censuris, vel illarum revocatio metu gravi extorta, ex Cap. unico, *De his, quæ vi in 6.*: Pariter Testes adhibiti in Testamento, si sint coacti, non ferunt validum testimonium, ex lege *Qui Testamenti*. Est etiam irrita Promissio, vel obligatio facta ab eo, qui in carcere detinetur, facta in gratiam ejus, qui illum detinet injuste, ex l. *Qui in carcere*. Denique Suarez lib. 6. de leg. cap. 21. putat Dispensationem in lege metu extortam esse invalidam, quia absolum videtur, quod iniquus subditus ex injusta violentia commodum reportet. Verum quia de hac irritatione non constat, dicendum potius esse validam, subditum autem peccare non solum contra iustitiam, sed etiam contra legem, in qua putat sibi dispensatum, si eam non servet; quia presumere debet consensum superioris esse tantum permissivum, non concessivum.

IV. In his autem contractibus jure positivo nullis, an metum incutiens teneatur contractui stare ad arbitrium metum passi variant Doctores: Affirmant Henriquez, Navarr., Rebel., quia solum in favorem metum passi irritantur. Negat probabilis Sanch. lib. 4. d. 15. cum aliis, quandoquidem ratione delicti tantum tenetur resarcire damnum, & pro foro externo poterit in penam cogi ad standum contractui; pro foro etiam interno non tenetur, cum contractus irritus non obliget.

## ARTICULUS III.

Utrum Metu etiam levi extorta restituenda sint in foro Conscientiæ?

- I. Videntur non esse restituenda, quod multis rationibus suadentur.
- II. Saltem in contractibus onerosis, in quibus minor libertas requiritur, quam in lucrativis.
- III. Ferius restituenda universim sunt in foro Conscientiæ, & contractus metu levi ad extorquendum illum celebratus ad arbitrium metum passi rescindendus est.
- IV. Metus levis tollit perfectam libertatem injuste, & in materia gravi; ideo mortaliter peccat, & ad restitutionem sub mortali tenetur, qui hujusmodi metum incutit injuste ad contractum extorquendum; irrogas quippe deliberate injuriam gravem.
- V. Forum externum ad lites vitandas denegat actionem patienti metum levem; non sicut ac in deceptione intra dimidium justis pretii.
- VI. Matrimonium, & Professio Religiosa metu levi, vel reverentiali extorta probabiliter jure naturalis valida sunt; sed damnum commensandum.
- VII. Quæ suavi jure Ecclesiastico irrita, si metus gravis sit injustus, probabiliter sunt valida, si sit justus.

Quamvis in tractatu de Justitia & Jure ex professo questionem hanc instituerimus, non est tamen hic prætermittenda, cum ordo doctrinæ illam exposuisset.

I. Prima itaque sententia cum Medina, Palacios, Basil., & aliis docet extorta metu gravi restituenda esse in foro Conscientiæ; secus vero, si metus sit levis; Quorum sententiam probabilem putat Diana p. 3. tract. 5. ref. 117., inferens proinde, quod Confessarius possit deobligare penitentem a restitutione facienda, si metum levem injustum incusserit; Quamvis possit etiam sequendo sententiam oppositam communiori tribuere penitentem facultatem recuperandi, si quid dederit per metum levem injustum. Ratio hujus sententiæ est primo, quia violentia, ac injuria levis pro nihilo reputatur. Secundo, quia metus levis facile superari potest, timor & debet, cum imprudenter agat, qui eo ducitur. Tertio, quia forum internum con-

conformatur externo, quoties hoc non nititur falsæ presumptioni: Sed forum externum cognito metu levi non obligat ad restitutionem; ergo nec internum: Aliter forum externum inique denegaret patienti metum levem actiones recuperandi, quæ injuste sibi sunt ablata. Quarto, quia non minor libertas requiritur in matrimonio, quam in aliis contractibus; atqui matrimonium metu levi contractum non irritatur in foro conscientiæ; ergo nec alii contractus; unde nec debent restitui extorta per contractus levi metu initos.

II. Secunda sententia putat cum Azor. tom. 1. cap. 11. Lopez, Tabiena, in solis contractibus lucrativis restituenda esse, quæ metu levi sunt extorta, puta in donationibus, elemosynis, &c. quia major libertas in his contractibus requiritur, quam in onerosis, in quibus habetur utrinque commodum, & incommodum.

III. Communior tamen, & verior sententia indiscriminatim docet cum Less. c. 17. n. 46. Sanch. lib. 4. d. 9. Soto, Navar. Molina disp. 267. extorta per metum etiam levem injuste incussum ad contractum inendum, si intercessit culpa gravis, in foro conscientiæ esse restituenda, & hujusmodi contractus in eodem foro esse rescindendos ad arbitrium metum passu, si sint dissolubiles. Ratio est, quia extorquens metu levi injusto contractum injuriam irrogat, & injuste operatur: ergo tenetur in conscientia illam rescircare quantum potest; sed non rescircaret ad æqualitatem, nisi restitueret sic extorta, & rescinderet ad arbitrium metum passu contractum; ergo.

Confirmatur, quia quod per injuriam comparatum est, non reducit rem ad æqualitatem, nisi restituatur; ergo quæ sic sunt extorta, obnoxia sunt restitutioni, quæ ratio æque militat pro contractibus onerosis, ac pro lucrativis contra secundam sententiam.

IV. Ad primam rationem pro prima sententia in contrarium responderetur, etiam metum levem non cadentem in virum constantem tollere libertatem perfectam, & quidem injuste in casu nostro; ergo justitia postulat, ut damnum injuste illatum compensetur. Nonne si quis advertenter furetur materiam levem, tenetur in conscientia sub veniali illam restituere? quia tamen in casu nostro materia est gravis, sub mortali tenetur incutiens metum injustum levem ad damnum compensandum,

atque adeo ad rescindendum contractum. Ex duplici tantum capite potest quis non teneri sub gravi ad reparandum damnum injuste, & culpabiliter illatum, ut communiter Doctores docent, vel ratione parvitatatis materiæ, vel ratione inconsiderationis. Neutra excusatio militat in casu nostro; ergo datur obligatio gravis reparandi damnum, etiam si injuria lata fuerit levis; (dummodo tamen processerit ex gravi culpa) quandoquidem injuria levis, si pariat damnum grave, injustitiam continet graviter culpabilem, ut accidit, si quis v. gr. leviter percutiat aliquem, providendo, quod ex tali percussione grave damnum sit emeritum; atqui injuria levis orta ex metu levi facile parit damnum grave, cum sapissime homines, præsertim plebei, & rudēs ab ea turbentur, & inducantur ad contrahendum cum proprio detrimento; ergo.

Ad secundam: Quamvis metus levis suspensari facile possit; at sapissime accidit, quod in contractibus non superetur in multitudinem plebis: ergo qui injuste posuit contrahentem in periculo proximo damni gravis incutiendo metum levem, tenetur ad restitutionem, atque adeo ad rescindendum contractum.

V. Ad tertiam: Forum externum non concedit actionem patienti metum levem ad vitandas lites, quæ facile suborirentur; & idcirco deprehensio tali metu non cogit per sententiam Judicis ad restitutionem; at non proinde deobligat a restitutione pro foro interno faciendâ. Eodem modo fur, si non sit plene convictus, non cogitur pro foro externo ad restitutionem, tenetur tamen pro interno: Sicut etiam jus civile denegat actionem in deceptione intra dimidium justî pretii, ad lites vitandas; at non proinde contractum involventem hujusmodi deceptionem approbat, aut deobligat a restitutione pro foro interno.

VI. Ad quartam: Multi docent cum Navar., Rodriq., Veracruz, Matrimonium metu levi injuste extortum in foro conscientiæ, & jure naturæ non valere: quorum sententiam probabilem putant Less. cap. 17. n. 47. Ledes. Sanch. lib. 4. d. 17. Equidem probabilius censeo cum eodem Sanch. esse validum jure naturæ, ut sunt cæteri contractus; at non proinde est rescindendum, ut cæteri contractus, quia natura sua est indissolubile; unde solum compensandum est damnum injuste illatum, jure ecclesiastico irritatur solum Matrimo-

nium

nium metu gravi injusto celebratum, ut colligitur ex cap. primo, & penultimo, de his que vi; quia sicut forum externum non attendit ad metum leviem, ad lites vitandas, ita lex Ecclesiastica pro foro interno non irritat Matrimonium metu levi contractum ad vitandos scrupulos.

Quod diximus de Matrimonio, dicas de Professione Religiosa; Navarr. enim, Pontius, & alii apud Dianam p. 3. tract. 2. ref. 92. putant esse invalidam, si solo metu reverentiali, atque adeo levi emitatur, quia voluntarium militem vult Deus, & nullatenus coactum. Communius tamen cum Sanch., & Laym. lib. 3. tr. 4. c. 6. docent, esse validam, & jure Ecclesiastico solum irritari Professionem metu gravi injusto emissam.

VII. Quod si metus gravis sit juste illatus, etiam si ad extorquendum sive Matrimonium, sive Professionem, communius docent ea valere, cum Sanch. Less., Laym., Palao contra Covarr. & alios putantes esse invalida, eo quod libertas sit valde imminuta; Necnon contra Bonac. de Matrimonio qu. 3. punct. 3. & Sor. putantes esse valida, si metus gravis sit a lege incussus ad Matrimonium, vel Professionem extorquendam; secus vero, si sit incussus a iudice, vel aliquo privato; quia scilicet si quis delictum commisit, cui per legem sit annexa obligatio profitendi in Religione, vel contrahendi Matrimonium, ad ea tenetur voluntarie, eo quod voluntarie commisit culpam, ad quam sequitur ea obligatio; Secus vero si a voluntate iudicis, aut alterius ad id adigatur, quia nemo potest ad ea adigere, cum debeant esse omnino voluntaria.

Nos tamen cum communiori apud Sanch. lib. 4. de Matrim. disp. 13. Less. cap. 17. nu. 40. Laym. Palao, dicimus, matrimonium, & professionem valere, a quocumque incutiat metus gravis iustus; nam si v. gr. Titius minetur tibi justam accusationem, nisi ducas uxorem, vel professionem emitas, huiusmodi matrimonium, vel professio non possunt dici revera coacta, cum nemo ad id cogat, sed coactio provenit a proprio delicto, a quo provenit metus accusationis comminatæ; Sicut enim non dicitur coacte matrimonium contrahere, qui virginem violavit, & cogitur eam ducere, vel dotare, ex cap. 2. De adulter; Nec qui post sponsalia per censuram cogitur ad matrimonium contrahendum, ex cap. ex literis de sponsalibus; Nec dicitur coacte profiteri

Monachus, quando ob simoniam compellitur ad ingrediendum Ordinem strictiorem, ex cap. de Regular. de Simonia, quia in his casibus metus non incutitur ab extrinseco, sed supponitur ortus a lege, vel ex natura delicti; Ita in casu nostro coactio non est a comminante justam accusationem, sed a proprio delicto, ad quod consequitur, quod iuste possis accusationem illam subire, nisi velis illam declinare contrahendo matrimonium, aut ingrediendo Religionem.

## ARTICULUS ULTIMUS.

Resolvuntur plurimæ difficultates ex præiacta doctrina.

- I. Filius renuncians coacte timore reverentialis hereditatem paternam potest illam sibi occulte compensare, relaxato per Episcopum iuramento.
- II. Non tenetur in conscientia filius, aut uxor de suoolvere debitum patris, aut conjugis, si metu reverentiali id promiserint iis moribundis; Nec tenentur fideiubere, si similiter ad fideiubendum se obligarint.
- III. Si pars debiti a creditori remittatur, eo quod desperet aliter se illud recuperaturum, potest hic uti oculis compensatione.
- IV. Preces importuna equiparantur metui reverentiali; tenetur proinde distortor virginis ad restitutionem, si illam importunis precibus induxit ad consentiendum quasi coacte.
- V. Qui similiter legatum impedit, pariter ad restitutionem tenetur. Idemque dicas de donationibus inter patrem, & filium, & inter conjuges; & facultas superioris data similiter subdito ad expendendum pariter est nulla.
- VI. Non tenetur tamen ad restitutionem, qui incusso metu iusto accusandi, ad quod non tenetur, aliquid extorquet, ne accuset.
- VII. Idque verum videtur, etiam si non habere animum accusandi.

**I.** EX dictis sequitur primo, quod renunciatio hereditatis paternæ facta a filio metu reverentiali, absque minis, licet in foro externo non rescindatur, nec detur actio adversus patrem, eo quod metus sit levis, in foro tamen interno iuxta sententiam communiorum adjectam sit a patre rescindenda, ac damnum filio rescarciendum; ita ut possit hic occulte illud sibi compensare, relaxato prius per Episcopum

scopum juramento, si aduerit, ut notat Sanch. lib. 4. de matrim. disp. 9. Ratio est, quia pater sua auctoritate filii libertatem veluti oppressam tenens obligatur ex iustitia in dispositione hereditatis a filio faciendi illam laxare, ut pro arbitrio disponat; quod si non praestet, injuriam, & violentiam, licet leuem, inferit; & ideo ad restitutionem tenetur.

Ubi duo notanda: Primum est ex Osiensi cap. *Primum de iurejurando*, juramentum ab Episcopo non relaxari pro foro externo, si metus fuerit levis, sed solum pro foro conscientiae: Alterum est, ad metum reverentialem injustum non sufficere, quod filius cum verecundia, ac reverentia debita patri renunciet; neque sufficere, quod si pater non peteret renunciationem, ea non fieret; sed requiri, quod omnia repugnante voluntate, & quasi coacte fiant, eo quod non audeat filius praetimore, ac reverentia contradicere, quantum nullum aliud malum sibi timeat.

II. Sequitur II. ex Sanch. loco laudato, quod si filius metu reverentiali inducatur ad promittendam de suo solutionem alicujus debiti parentum, qui in articulo mortis constituti id petant a filio, probabiliter non teneatur hic deinde solvere; quia metu, & quasi coacte, ne parentes in eo articulo contristerent, inductus est ad promittendum. Et eodem modo mulier, quae ex solo metu reverentiali ad vitanda jurgia cum marito, ejusque indignationem, pro eo fidejussit, aliter non fidejussura, non tenetur in conscientia solvere, dummodo relaxationem juramenti ab Episcopo prius obtineat.

III. Sequitur III., si debitori remittatur pars debiti, eo quod creditor despetet se aliter debitum recuperaturum, teneri illum in conscientia partem debiti sibi remissam restituere, ac posse creditorem uti occulta compensatione. Ita Sylvest., D. Antonin., Navarr., Sanch. lib. 4. dist. 9. n. 17., qui bene advertit, hoc intelligendum esse, quando intervenit aliqua culpa, aut fraus debitoris, quia minatur v. gr. se aliter nihil debiti soluturum, vel quia fingit inopiam. Ratio illationis est, quia haec remissio est mixta involuntario. Ubi notandum cum Meroll. n. 387., remissionem partis debiti esse nullam, non solum quando extorquetur metu injuste incusso, sed etiam quando ea oritur ex metu probabiliter concepto a creditore (esto nemo illum incuriat) quia v. gr. timet, sibi ali-

quod malum injuste inferendum, nisi remittat. Ratio est eadem; quia etiam in hoc casu donatio, seu condonatio est mixta involuntario, & voluntate omnino repugnante, & quasi coacte, ob timorem mali concepti sibi injuste irrogandi.

IV. Sequitur IV., quod diximus de metu reverentiali, dicendum esse de precibus importunis, quae metui saltem levi, & coactioni equiparantur, ut constat ex sacris Bibliis: Nam Judic. 16. dicitur fortissimus Sampson importunis uxoris precibus coactus detexisse veritatem; unde preces importunae causant involuntarium; Et ideo D. Anton., Sylvest., Bagnes, Corduba, Guttier. probabiliter etiam docent, quod quando quis precibus importunis, atque adeo involuntarie trahitur ad ludendum, tunc lucrans teneatur eidem restituere, quod lucratus est; (quamvis hoc communiter negetur cum Navarr., & Henric. apud Meroll. num. 400., quia in ludo non servaretur aequalitas) Docent etiam ad restitutionem teneri desforatorem virginis, si illam precibus importunis induxit ad consentiendum.

Vicium Sanchez lib. 4. d. 10. notat, preces importunas non aequivalere metui, nec causare involuntarium mixtum, per hoc praefixit, quod iis non interpositis actus non fieret; saepe enim aliquis importune rogatus facit aliquid aliter non facturus, & tamen libentissimo animo id facit: Quare tunc metui aequivalent, quando fit aliquid vi precum importunarum, omnino reluctante voluntate, & quasi coacte ad importunitatem vehementem repellendam, ut diximus de metu levi.

V. Ex quibus fit primo, impediendum legatum precibus importunis, quae metui levi injusto equiparentur, ad restitutionem teneri, ut notat Guttier. cum Sanch. loco citato. Fit secundo, facultatem obtentam a superiore hujusmodi precibus importunis aliquid expendendi non excusare Religiosum a vitio proprietatis. Fit tertio, quod licet donatio inter conjuges confirmetur morte Donatoris, ex cap. *finali, de donationibus inter virum, & uxorem*, non tamen si nimia importunitate sit extorta. Idemque dicas de donatione inter patrem, & filium-familias: unde haeredes donatoris in tali hypothese possunt occulta compensatione uti. Utrum autem quae blanditiis, & byssinis verbis extorta sunt, pariter restituenda sint? dicemus inferius, cum de concupiscentia minucne voluntarium.



VI. Sequitur ultimo, quod qui potest aliquem iuste accusare, non teneatur ad restitutionem, si incusso metu accusationis aliquid ab eo extorqueat, ne accuset. Ratio est, quia metus hic est iustus; unde cum non priveret hic iure accusandi, potest iuste accipere aliquid, quod proportionem habeat cum tali iure. Id tamen est verum, si posset hic licite accusare, & non teneatur; nam si teneatur, & obliget se ad non accusandum, contractus hic esset nullus; non secus ac si iudex aliquid accipiat, cum onere ferendi sententiam injustam, aut meretrix cum obligatione dandi copiam sui corporis, quia nemo potest obligari ad aliquid illicitum; unde restitui debet, quod acceptum est, & contractus rescindendus; quamvis patrato scelere probabilius nemo teneatur restituere id, quod pro eo patrando accepit; Etenim quamvis scelus non sit pretio æstimabile, nihilominus qui scelus perpetrat exponit se pericu-

lo iacturæ sui honoris, fame, vel bonorum exteriorum, aut etiam æstionis in propria persona, & quidem in gratiam alterius; poterit ergo retinere patrato scelere, quod accepit, ut huic se periculo exponeret.

Dubitatur, An possit sibi retinere, quod quis accipit, ne accuset iuste, prout potest, & non debet, si timorem incutiat accusationis, absque animo tamen accusandi?

Negant Bonacina de Contractibus d. 1. q. 1. puncto 1. & Molina, quia dolus dans causam contractui irritat illum. Sed probabilius affirmant Sanchez lib. 4. d. 9. Lefsius c. 17. num. 42. & alii, quia licet dolus dederit causam contractui, ac proinde donatio illa videatur irrita; at huiusmodi dolus non est injustus; cum iuste possit hic minari accusationem, sive animum habeat accusandi, sive non; ergo donatio non erit irrita, cum solus dolus injustus dans causam contractui illum irritet.

## Q U Æ S T I O VII.

Utrum Juramentum confirmet Contractus metu irritos, aut obligationem implendi Contractus inducat?

**Q**uestionem hanc seorsim instituinus, quoniam multa scitu digna continet, quæ passim quidem, sed implexe nimis a Doctoribus traduntur. Et primo præmittimus præmittenda. Secundo inquiremus, An universim juramentum vim habeat confirmandi contractus, qui secluso juramento sunt irriti. Tertio An juramentum confirmet etiam contractus metu invalidos, aut saltem obligationem inducat eos implendi? Demum, Quisnam possit juramenta hæc relaxare,

### ARTICULUS I.

Prænotantur Prænotanda.

- I. Distinguendum inter Contractus metu irritos jure naturali, jure positivo, & irritandos.
- II. Juramentum de se solum habet vim obligandi ad servandum illud, quando Contractus adjicitur; & solum jure positivo habet confirmare Contractus cateroqui irritos.
- III. In multis differt juramentum non confirmans (ut juramentum de usuris solvendis) a juramento confirmante contractus.
- IV. Illud quippe nullum jure confert, posseque a Prælate relaxari, nec confert actionem quæscit, I.

pro foro externo, nec per illud hæreses obligantur: Secus vero juramentum confirmans, quod a Prælate relaxari potest, ubi fuerit in contractu lesio.

**I.** Advertendum primo: Contractus metu irritos alios esse irritos jure naturali, ut sunt contractus usurarii: Alios irritos jure positivo, ut alienatio fundi dotalis, renunciatio futuræ successionis &c.: Alios demum esse validos, sed irritandos, ut contractus metu gravi injusto extorti, juxta superius dicta.

II. Advertendum II. Juramento naturali solum inesse vim obligandi ad veritatem rei juratæ servandam, quando adjicitur contractui; unde si contractui usurario

E adjici-

adiciatur juramentum solvendi usuras, solum ex eo confurgit obligatio eas solvendi, quin tribuat alteri Jus ad usuras; quia scilicet juramentum ita adicitur, ut non confirmet contractum. Aliquando tamen juramentum ita adicitur, ut etiam confirmet contractum: Quod tamen non habet jure naturali, sed solum positivo, sive canonico, sive civili. Quare si alienatio v. gr. fundi dotalis juramento firmetur, non solum confurgit in jurante obligatio alienandi fundum dotalem, sed etiam tribuendi Jus ad talem fundum, perinde ac si talis alienatio non esset jure ullo irrita: Ea quippe est vis juramenti confirmantis contractum, ut hunc reddat firmum, & irrevocabilem, etiamsi, praeciso juramento, esset ipso jure irritus.

Advertendum III., Juramentum non confirmans contractum (quale est v. gr. juramentum solvendi usuras) in multis discriminari a Juramento confirmante contractum, (quale esset v. gr. juramentum additum alienationi fundi dotalis), ut videre est apud Molan. disp. 105., & Sanchez lib. 3. c. 11.

III. Et primo quidem Juramentum non confirmans contractum solum inducit obligationem relate ad Deum servandi veritatem rei juratae, quin det robur ullum contractui: Contra vero, juramentum confirmans contractum, quia dat robur eidem, & reddit illum firmum, & irrevocabilem, praeter obligationem erga Deum, inducit etiam obligationem erga alterum contrahentem; cum detur illi Jus ex contractu, perinde ac si esset validus.

IV. Secundo, Juramentum non confirmans contractum potest licite a Praelato relaxari, cum ex eo nullum Jus acquiratur homini, unde eo relaxato potest contractui contraveniri; eo quod de se nullam induxerit obligationem. Quod si non petatur relaxatio, satisfiet juramento, si solvatur res, prout juratum est; etiamsi deinde statim repetatur; cum non sit ullatenus translatus ejus dominium: Contra vero juramentum confirmans contractum non potest a Praelato relaxari; quia cum reddat contractum firmum, acquiritur vi talis contractus Jus ab altero contrahente; nec potest Praelatus juri alterius praepjudicare; imo est Pontifex quidem, nisi ob bonum commune, & ex causa urgentissima. Unde fit, quod non liceat amplius contractui contravenire; nec facta solutione potest amplius repeti, quod solum est. Quan-

do tamen accideret, quod in contractu, qui firmatus sit juramento, fuerit laesio, poterit a Praelato peti relaxatio Juramenti, non ad finem contraveniendi contractui, qui jam est firmus, sed ad finem contendendi in Judicio absque perjurio, ut contractus rescindatur, ratione illius laesionis.

Tertio, si contractus Juramento non firmetur, non datur actio in foro externo adversus jurantem: Secus vero si firmetur; quia tunc acquisitum est Jus ab altero. Denique Juramenti non confirmantis contractum obligatio non transit ad haeredes jurantis, cum Juramentum inducat obligationem solum personalem: Contra vero transit ad haeredes obligatio, quando Juramentum contractum confirmat; quatenus obligatio adimplendi contractum descendit ex contractu firmitate.

## ARTICULUS II.

Utrum. Juramentum univ ersim confirmet Contractus jure positivo irritos?

I. Quinam Contractus juramento firmantur?

II. Probabilis omnes de se validi, sed jure positivo irriti.

III. Contractus hujusmodi jure positivo circumscripto juramento irriti neque obligationem naturalem continent eos implendi, neque eos non revocandi; At juramento superaddito accedit iis obligatio etiam civilis.

IV. Potest jus civile tollere a contractibus obligationem naturalem eos implendi, dum illos irritat; Et potest jus positivum efficere, ut hujusmodi contractus, quamvis irriti, si juramentum accedit, utramque continent obligationem, & naturalem, & civilem.

I. **N**onnulli Jurista, quorum sententiam probabilem putat Suar. l. 2. de Juramento c. 19. docent Juramentum habere vim confirmandi contractus, qui possunt beneficio restitutionis in integrum rescindi; non vero contractus ipsi jure irritos. Azor. tom. 1. l. 11. c. 5. putat, solum contractus jure civili irritos firmari juramento; non vero irritos jure canonico: Suar. loco laudato, Lessi. c. 17. n. 56., & alii tenent, firmari juramento contractus non omnino jure positivo irritos, qualis est alienatio v. gr. fundi dotalis, sed quibus inest quidem obligatio naturalis, deest tamen obligatio civilis; ut

## De Juramento relate ad contractus jure positivo irritos. 67

est v. gr. promissio nuda. Ratio hujus opinionis est, quia quando Juramentum accedit promissioni omnino irritum, non potest tribuere parti ullum jus, ut constat in Juramento solvendi usuras: ergo ut tribuat parti Jus, debet supponere promissionem validam trahentem obligationem naturalem servandi promissum; ita ut vi Juramenti adjiciatur eidem obligatio civilis; unde possit promissarius agere in Judicio adversus promittentem.

II. Communior, & probabilior sententia docet cum Sanch. l. 3. c. 12. Molina d. 156. Guttier. Covarr., & aliis, contractus omnes secundum se validos, sed jure positivo irritos, ex quibus nulla oritur obligatio neque naturalis, neque civilis, Juramento circumscripto, hoc superaddito universum confirmari, ac tribuere parti jus, perinde ac si contractus non essent jure positivo irriti. Ratio est, quia ex multis rextibus apud Meroll. d. 1. c. 3. n. 428. habetur, Juramento confirmari multos hujusmodi contractus irritos jure positivo; quales sunt v. gr. alienatio fundi dotalis, contractus minorum absque curatoris auctoritate, & decreto Judicis, si sint circa immobilia; renunciatio futuræ successionis, & similes.

III. Neque dici potest eum Suar., & Less. in his contractibus præsupponi aliquam obligationem naturalem, videlicet non revocandi illos, quamvis non contineant naturalem obligationem illis servandi, & vi Juramenti accedere obligationem civilem. Nam contra est, quia cum dicti contractus jure positivo sint irriti, intelligibile est, quod non contineant obligationem naturalem eos implendi, & contineant naturalem obligationem eos non revocandi: hoc enim efficit irritatio juris positivi, quod promissio in iis contenta, quæ de se obligationem naturalem ferret, nullam pariat obligationem; ergo tam promissio implendi, quam non revocandi (quæ illi est accessoria) irrita est; & consequenter contractus jure positivo omnino irriti Juramento firmantur.

IV. Neque obstat, quod pro sua sententia Suar., & Less. adducunt. Nam Juramentum potest tribuere contractui utramque obligationem, naturalem, & civilem; posito quod jure positivo ille sit irritus; Et enim de se præcedendo ab ea irritatione, contractus retineret obligationem naturalem; unde potest jus positivum velle, quod accedente Juramento habeat tam ob-

ligationem naturalem (perinde ac si non esset irritus) quam civilem.

## ARTICULUS III.

Utrum Juramentum confirmet contractus metu invalidos, aut factem obligationem inducat eos implendi?

- I. Potest injusto metu extorqueri utrumque, videlicet & contractus, & Juramentum; potestque extorqueri alterutrum.
- II. Juramentum metu injusto emissum contractus metuculosos non confirmat.
- III. Renunciatio legitima, aut hereditatis metu reverentia, atque adeo levi facta solum pro foro externo Juramento firmatur.
- IV. Contractus sponte iniustus, & jure positivo nullus, Juramento per metum extorio non confirmatur.
- V. Obligas tamen hujusmodi Juramentum ad contractum implendum, nisi relaxetur.
- VI. Ideo votum simplex metu extorio non obligat, quia irritatur jure positivo; at simile Juramentum non irritatur.
- VII. Si contractus, qui metu extorquetur, a lege irritetur ob bonum publicum, Juramentum illi sponte superadditum non obligat, nec indiget relaxatione: Secus vero si a lege irritatur ob utilitatem privatam. In neutro tamen casu contractus confirmatur.
- VIII. Si lex non solum irritet, sed etiam prohibeat contractum, Juramentum illi superadditum nullatenus obligat.
- IX. Juramentum adjectum sponsalibus, aut matrimonio gravi metu extorio, non obligat; Nec si apponatur constitutioni procuratoris ad matrimonium: Secus vero si apponatur constitutioni dotis, & arrharum.
- X. Nec obligat Juramentum hujusmodi adjectum professioni Religiosæ. Sed probabilius obligat, si apponatur voto ingrediendi Religionem.
- XI. Ut Juramentum confirmet contractus jure positivo irritos, tres conditiones requiruntur; Unde non confirmantur contractus in præjudicium tertii, aut qui ob publicam utilitatem irritantur.

I. Difficultas procedere potest, Primo, si tam Juramentum, quam contractus extorqueantur metu injusto. Secundo, si Juramentum sponte emittatur, contractus tamen metu injusto extorqueatur. Tertio, si metu injusto extorqueatur Juramentum, contractus tamen sponte inestur.

quamvis Jure positivo sit irritus, ut est alienatio fundi dotalis.

II. Dico I. Juramentum, sive metu injusto emissum, sive sponte præstitum, non confirmat contractus metu injusto, sive gravi, sive levi extortus; sive irritos, sive irritandos; sive irritentur a lege primario propter bonum publicum, sive primario propter utilitatem privatam; atque adeo ex tali juramento nullum robur, aut firmitatem contractus meticulosi acquirunt, nec ullum jus tribuitur incipienti metum injustum ad contractum extorquendum.

Probat, quia vis confirmandi contractum non inest juramento jure naturali, sed jure positivo, ut prænotavimus articulo primo; atqui non est verisimile, jus positivum velle favere extorquenti injuste contractum; ergo juramentum, sive metu, sive sponte emissum non confirmat contractus metu extortos.

Confirmatur, quia, ut notat Guttier. de Juramento p. 1. cap. 40., & alii passim, inter condiciones a jure requisitas, ut juramentum confirmet contractus, una est, quod non reperitur turpitudine ex parte creditoris, in cuius favorem juratur; & hac de causa non firmatur juramento contractus usurarius, nec promissio facta læroni mortem comminanti: atqui in casu nostro habetur ex parte creditoris turpitudine, vel injuria; ergo contractus metu extorti juramento non firmanur. Idque communis Doctores docent cum Suar. l. 2. de Juramento c. 27. Less. c. 17. n. 56.; Molina d. 150. Notatque Sanchez l. 3. c. 32., id verum esse, etiam si metus injuste incussus sit a tertio, & non ab altero contrahente id ignorante. Nam adhuc in hoc casu adest turpitudine, seu injuria; quæ contractum extorquet, redditque illum irritum, aut irritandum.

III. Dices: Ex capite, *Quamvis passim, De passis in sexto*, Renunciatio legitime, seu hæreditatis paternæ metu facta, accedente juramento, confirmatur, & fit valida: ergo universum contractus metu extorti ipso jure irriti firmanur juramento.

Respondeo, ibi sermonem esse de metu reverentiali, non de metu gravi, ut notat Meroll. n. 483., quia tamen metus reverentialis est metus levis, ut supra ostendimus, & forum externum non attendit ad levem metum, ideo decernit renunciationem illam metu levi extortam juramento firmari, ita ut in foro externo tribuat Jus: Quia

tamen pro foro interno etiam contractus metu levi injusto extortus rescindendus est ad arbitrium metum passi, & damnum illatum compensandum est ab incutiente metum injulium, juxta superius dicta, ideo pro foro interno juramentum non confirmat renunciationem hujusmodi metu injusto levi extortam.

Dixi in conclusione, Contractus metu extortos non firmari juramento, etiam si primario irritentur a jure ob privatam utilitatem, ut est renunciatio hæreditatis; quicquid in contrarium videatur sentire Sanch. l. 4. de matr. disp. 20. n. 13. docens, non juramento firmari solum contractus meticulosos, qui primario ob publicam utilitatem interdicuntur, ut est matrimonium metu extortum: Etenim ratio conclusionis æque militat pro utrisque contractibus. Tunc autem, ut notat Suar. l. 2. de Juramento c. 26. Lex dicitur primario respicere publicam utilitatem, quando materia proxima, & immediata illius respicit publicum bonum, ut sunt leges, quæ de rebus publicis disponunt, v. gr. ne arma, equi, instrumentum, pecunia a Regno extrahantur: Contra vero dicitur primario respicere utilitatem privatam, quando materia proxima legis est bonum privatum alicujus, vel aliquorum civium; ut sunt leges irritantes contractus Minorum, aut Mulierum: In dubio tamen, num lex irritans contractus respiciat primario publicam, an privatam utilitatem? inclinandum est in favorem boni communis, ex eodem Suario. Communiter tamen docent cum Sanch. loc. cit., legem irritantem matrimonium meticulosum respicere bonum commune primario, quia alioqui male servaretur pax inter conjuges, & in Republica, nec apud soboles educaretur; & ideo docent, matrimonium metu extortum juramento non firmari; Secus vero renunciationem legitime, aut hæreditatis paternæ, necnon renunciationem electionis metu factam, ex cap. *Ad aures, de iis, quæ vi*, quia lex irritans in iis casibus respicit utilitatem privatam. Equidem tamen cum communiori censeo, nullum omnino contractum meticulosum firmari juramento in foro conscientie; Ego pro foro externo, quando metus est levis, videantur aliqui contractus firmari, cum non possit Jus positivum ad metum levem attendere.

IV. Dico secundo, Juramentum metu injusto extortum ad firmandum contractum sponte initum, jure tamen positivo irritum, (pu-

(puta alienationem fundi dotalis) illum non confirmat. Ita communiter.

Ratio est, quia ex dictis articulo primo, Juramentum non confirmat contractus irritos ex natura ipsius juramenti, sed illos confirmat ex lege positiva; atqui nullum jus positivum reperitur, quo dicatur contractus invalidi firmari juramento, quod metu extorqueatur: Immo oppositum habetur in cap. *Quamvis pactum de Passis in sexto*, & cap. 2. *De Jurejur. in sexto*, & alibi, cum decernatur alienationem fundi dotalis, contractus minorum, & renunciationem legitimæ, secluso juramento, esse irrita, accedente autem juramento esse servanda, nisi vi, & dolo Juramentum præstium sit. Accedit, quod in hoc etiam casu reperitur turpitudine ex parte creditoris, in cujus favorem juratur; ergo Juramentum metu extortum non potest contractum confirmare.

V. Dubitatur tamen ulterius, An hujusmodi Juramentum contractui superadditum obliget ad implendum contractum, indigeatque relaxatione, ut contractui contraveniatur, esto contractum non confirmet; eo modo, quo dicitur de juramento addito contractui usurario?

Dico itaque III. Juramentum in casu secundæ conclusionis (si scilicet metu injusto extorqueatur ad confirmandum contractum jure positivo irritum) quamvis contractum non confirmet, obligat tamen ad illum implendum, indigetque relaxatione, ut possit contractui contraveniri; non secus ac Juramentum additum contractui usurario. Ita Suar. l. 2. de juramento c. 11. l. eff. Sanch. l. 4. d. 30. contra Azor. t. 1. l. 11. c. 7. Panormitanum, & alios. Ratio est, quia tale Juramentum non est irritum jure naturali, cum metus non tollat simpliciter voluntarium; neque jure positivo, cum nullum jus positivum adducatur; irritans hujusmodi Juramentum; & quæ adducuntur, facile a Doctoribus evacuantur, ergo obligat, indigetque relaxatione; Quamvis pro foro exteriori non possit ab Episcopo ea relaxatio concedi, quando metus est levis, ut supra diximus, sed solum concedi tunc possit pro foro interno.

Confirmatur, quia in cap. *Cum pactum de passis in sexto*, & in cap. *Cum contingat de Jurejur.* decernitur Juramenta in alienatione fundi dotalis, & in contractibus minorum alias irritis servanda esse; additurque ea causalis, quia scilicet servari possunt sine dispendio salutis æternæ: atqui hoc idem

Opusc. I.

militat in casu nostro; ergo etiam in casu nostro obligat Juramentum, indigetque relaxatione. In eo tamen casu probabiliter non obligaret, nec relaxatione indigeret, quando scilicet contractus, cui Juramentum edjicitur, a lege irritatur, & interdicitur primario ob bonum commune, & publicam utilitatem, ut mox explicabimus in ultima conclusione.

VI. Dices: Votum metu extortum non obligat, cum Deus ipsum non acceptet; ergo nec Juramentum: Respondeo nego consequentiam; nam ex dictis q. 6. a. 1. hujusmodi votum simplex jure naturæ est validum (quicquid alii in contrarium doceant), irritatur tamen jure positivo, si minus scripo, saltem tradito, & ex Ecclesiæ consuetudine, ut diximus cum Sanchez: Contra vero Juramentum metu extortum jure positivo non irritatur; ergo obligat.

VII. Dico ultimo: Juramentum sponse præstitum superadditum contractui metu extorto, qui a lege primario irritatur ob publicam utilitatem non obligat, nec indiget relaxatione: Secus vero, si contractus irritetur primario in utilitatem privatam: Esto in neutro casu contractum confirmet. Ita Sanch. l. 3. c. 9. Suar. l. 2. de Juramento c. 26. Meroll. disp. 1. c. 3. n. 486., & alii contra Sylvest. Guttier. Roselli putantes universim obligare, & contra Rodriq., Covarr., Ostiens. putantes nunquam obligare.

Probatur prima pars conclusionis; quia ut notat Sanch. l. 3. c. 10. n. 38. Juramentum in præjudicium tertii non obligat ex Cap. *Quamvis pactum de passis in sexto*, & ex Cap. *Cum contingat de Jurejurando*, cum nequeat jurans alteri detrimentum asserere: ergo a fortiori Juramentum non obligat, quando vergit in præjudicium boni communis contra legem civilem disponentem aliquid in ejus favorem; ut est lex irritans contractum metu extortum ob publicam utilitatem; nequit enim Juramentum esse vinculum iniquitatis, & obligare ad id in præjudicium alterius, & a fortiori in præjudicium boni communis vergit, & ideo tale Juramentum non indiget relaxatione.

Confirmatur, quia nemo potest cedere juti communitatis, quamvis cedere possit juti proprio, ex lege *Juris Gentium ff. de Passis*; ergo nemo potest pacisci adversus bonum communitatis; ergo Juramentum additum contractui, qui bono communitatis adversatur, obligare non potest. Hinc

E 3 com.

communiter docent, juramentum deferendi extra Regnum pecuniam, arma, frumentum, equos, aut alias res prohibitas non obligare, quia obligaret ad legem contraveniendum.

Neque dicas, leges irritantes contractus primario in utilitatem publicam non prohibere, ne fiant hujusmodi contractus, aut ne impleantur, sed solum tollere a contrahentibus obligationem eos implendi; ergo juramentum obligare potest ad eos implendos, quin sit vinculum iniquitatis.

Nam contra est: Etenim eo ipso ac lex irritat contractus primario in utilitatem publicam, indicat illos bono publico adversari, cui privatus cedere non potest; ergo juramentum obligans ad implendos hujusmodi contractus obligaret ad ponendum, quod bono publico adversatur; atque adeo vinculum esset iniquitatis: Non alia de causa in cap. *Diligenti de foro competenti* deciditur pactum juratum, quo Clericus renunciat privilegio fori, esse irritum, ac nullatenus obligare, nisi quia privilegium fori est privilegium commune in favorem totius status Clericalis, cui privatus cedere non potest; ergo pariter quando in bonum commune irritantur, atque interdicuntur alicui contractus, juramentum illis adjectum est irritum.

Probatum nunc secunda pars conclusionis: quia universum juramentum in favorem alicujus emissum semper servandum est, quando sine dispendio salutis aeternae, hoc est sine culpa, adimpleri potest; etiam si metu, & per injuriam extorqueatur, ex cap. *Debitor de jurejur.* atqui in casu potest sine culpa adimpleri; ergo obligat. Probatum minor, quia quando lex irritat contractum, qui respicit utilitatem privatam, non obligat subditum ad renunciandum favori suo, saltem quando adhibetur juramentum; neque vult laqueum illi injicere obligando ad culpam, ne contractum irritum impleat; sed solum vult illi privilegium concedere, ne vi contractus obligetur; ergo circa culpam impleri potest contractus jure positivo irritus primario ob privatam utilitatem.

VIII. Ceterum, si ex verbis legis contractum irritantis erueretur, legem etiam obligare, ne contractus inaceatur, aut impleatur, profecto juramentum illi additum in eo casu obligare non posset: Negandum tamen cum Panormo, Gutierrez, Imola contra Bartolum, & Baldum, legem obligare ad culpam, ne contractus impleatur, si prohibitio dirigatur in actum, non in Personam;

puta si dicatur, ne res minoris alienentur absque iudicis decreto: Nam in tali causa prohibitio solum intendit conferre privilegium privato, ne eo contractus obligetur; non vero ligamen, ne possit suo favori renunciare, & contractum exequi.

IX. Ex dictis sequitur I. Juramentum adjectum Sponsalibus, aut Matrimonio metu gravi extortis non obligare, nec indigere relaxatione. Ita Sanch. l. 4. d. 21. Azor. S4, Rodr. contra Henric. l. 11. c. 9. Sor., Ledef. Ratio est, quia isti contractus ob publicam utilitatem, ut diximus, irritantur; ex iis enim oriuntur rixae inter Conjuges, & mala proles educatio in Reipublicae detrimentum. Idem docent Sanch., & Gutierrez. de juramento apposito constitutioni procuratoris ad matrimonium gravi metu extortae, quia talis consensus, quo constituitur procurator, censetur permanere, & esse consensus, quo perficitur matrimonium.

Sequitur II. cum Sanch. loco citato contra Ostiensem, juramentum adjectum contractui gravi metu extorto constitutionis dotis, & artharum obligare; quia talis consensus jure positivo irritatur ob utilitatem privatam, non publicam.

X. Sequitur III. Juramentum adjectum Religiose professioni gravi metu extortae non obligare, quia professio metu extorta irritatur principaliter ob bonum commune, non secus ac Matrimonium. Utrum autem idem dicendum sit de juramento adjecto simplici voto Religionis metu extorto? negant Soto, & Palacios, sed videtur affirmandum cum Suarez, Rodr. Sanch., quia sicuti se habent sponsalia ad matrimonium, ita votum ingrediendi Religionem ad professionem; ergo sicut juramentum neque in contractu Matrimonii, neque Sponsalium obligat; ita pariter nec in professione Religiosa, nec in voto simplici ingrediendi Religionem.

Neque dicas disparitatem esse, quia qui contraxit sponsalia, tenetur ad matrimonium, contra vero qui vovit ingredi Religionem, non tenetur ad proficiendum. Disparitas enim haec non obstat, quia votum ingrediendi Religionem inducit saltem necessitatem aliquam moralem proficiendi.

XI. Quaeris hic, Quenam sint conditiones, quae requiruntur, ut juramentum confirmet contractus jure positivo irritos?

Respondet, requiri primo, quod possit juramentum absque culpa servari. Secundo, quod non sit turpitudinis in eo, in cuius favorem juratur, neque formaliter, ut sit ille

ille injuste contractum extorsit, neque materialiter, puta si tertius injuste contractum extorsit in gratiam alterius contractantis id ignorantis. Tertio quod juramentum formaliter, vel æquivalenter contineat promissionem non revocandæ contractum; nam juramentum pure assertorium, & non obligans in futurum, cum solum seret obligationem non adducendi Deum in testem falsi, non potest contractum confirmare, ut constat.

Ex quibus conditionibus fit primo, non confirmari juramento contractus, qui primario ad publicam utilitatem irritantur, quia absque peccato tale juramentum servari nequit, ut ostendimus ex Suarez, & docet Sanchez l. 3. cap. 12. num. 43. Secundo, nec firmari juramento contractum, qui est in præjudicium tertii, quia pariter esset juramentum rei inique, puta si fundus dotalis alienatus cum juramento debebare ratione fideicommissi ad filios pervenire.

## ARTICULUS ULTIMUS.

Quinam Prælati possit Juramenta Contractibus adjecta relaxare?

**R.** In præjudicium Tertii solus Pontifex, & quidem ob causam urgentissimam, potest juramentum relaxare.

**II.** Relaxare illud potest Episcopus, quoties ex parte Creditoris est turpitudine. Immo etiam Vicarius Generalis, & Juxta Ecclesiasticus, sed solum pro foro externo. Quid de Regularibus Privilegiariis, & aliis?

**III.** Num facultas data vi Jubilei, aut Privilegiarii, ad dispensandum in Pœis se extendas ad relaxanda juramenta, ac vota jurata?

**IV.** Privilegium concessum in Privilegiis Societatis Jesu relaxandi juramenta est solum relaxare ad Nostros.

**V.** Quanam causa requiratur ad Juramenta relaxanda? In dubio, num causa sit sufficiens, recurrendum ad Pontificem.

**VI.** Quandam debeat præmissis citatio Pariti?

**VII.** Quomodo possit Princeps Secularis indirekte juramenta isthæc relaxare? Directe certe non potest; cum id pertineat ad potestatem Spiritualem.

**I.** Dico primo: cum communissima, neminem præter Pontificem posse juramenta in præjudicium tertii relaxare;

imo ne Pontificem quidem citra causam urgentissimam. Ratio est, quia Pontifex non est Dominus rerum temporalium personarum privatarum, nisi quatenus expedit de iis disponere in bonum animarum: Potest quidem quilibet juramentum, ac votum Deo præstitum propria auctoritate commutare in evidentem melius, & probabiliter ex Sanchez, & aliis, etiam in evidentem æquale: At juramentum præstitum homini non potest in melius commutari; Sicut nec quod præcipitur a superiore. Ratio disparitatis est, quia, cum per juramentum, & votum offeratur Deo aliquid ipsi gratum, quo gratus est id, quod exhibetur, eo acceptus est Deo: Contra vero homini creditori, aut superiori dari debet id, quod requirunt, nec licitum est offerre aliquid melius ipsis invidis, ex leg. *Astinuum. ff. Si certum petatur*.

Præterea ex Dei benignitate præsumitur, quod contentus sit bono præstantiori, quoties obligatio offerendi illi aliquid oritur ex propria voluntate voventis, aut jurantis: At id non præsumitur ab homine creditore, etiam si obligatio dandi aliquid oriatur ex voluntate ipsiusmet jurantis; quia homines sæpe afficiuntur bono determinato, unde non licet ipsis invidis dare aliquid præstantius.

**II.** Dico II. Quoties est turpitudine ex parte creditoris, juramentum additum contractui relaxari potest ab Episcopo; ut accidit, quando quis jurat, se soluturum usuras; aut quando metu gravi extorquetur juramentum, aut contractus, cui juramentum adjicitur, sive metus incutitur ab altero contrahente, sive a tertio. Ita etiam communiter. Ratio est, quia per hujusmodi juramentum nullum jus acquiritur alteri, sed solum ob reverentiam debitam Numini invocato in testem illud servandum est; ergo Episcopus vicem Dei gerens sicut potest data sufficienti causa dispensare in votis, ita potest hæc juramenta relaxare. Episcopus autem satis est quod sit confirmatus, etiam si non sit adhuc consecratus, quia potestas relaxandi juramenta non est Ordinis, sed Jurisdictionis: At non est factis, quod solum fit electus, quia a tempore confirmationis est vere Prælati, & potest jurisdictionem exercere, ut docent communiter. Præterea relaxare possunt hæc juramenta Abbates exempti habentes jurisdictionem quasi Episcopalem in suo territorio: necnon Capitulum Sede vacante quo tempore Jurisdictione Episcopali potitur. Pariter Juxta Ecclesiasticus loci, in quo

initus est contractus, quia ratione contractus sortiti sunt in eo loco forum contrahentes. Potest etiam Vicarius Generalis Episcopi, cum habeat exercitium Jurisdictionis Episcopalis, & cognitionem causarum, ex cap. 2. de Officio Vicarii in 6.: Causa autem decidi non potest sine juramenti relaxatione; ergo potest Vicarius relaxare juramentum, tamquam quid accessorium ad causam coram ipso agitatam, ex cap. Prudentiam de Officio Delegati. Verum tam Vicarius Generalis Episcopi, quam Judex Ecclesiasticus loci possunt solum pro foro externo relaxare juramenta, quatenus quid accessorium ad causam ab iis cognoscendam: pro solo tamen foro conscientie non possunt, ut notat Sanch. l. 3. c. 21. Poterit demum relaxare juramenta & Legatus Pontificis in Provincia sive Legationis, cum sit Judex Ordinarius, & Cardinales in suis titulis, cum habeant ibi Episcopalem Jurisdictionem. Archiepiscopus relaxare non potest juramenta subditorum Episcopis suffraganeis, nisi quando ad Tribunal Archiepiscopi appelletur, quia tunc est Judex Ordinarius; Sicut etiam probabiliter ex Avila, Henriquez, contra Suarez, & Sanchez, cum visitat Diocesim Suffraganeorum: Probabiliter etiam potest Archiepiscopus relaxare juramenta Episcoporum suffraganeorum, ex Henriquez, Avila, Sayro, quia probabiliter sunt illi immediate subditi, sicut proprii subditi; potestque Archiepiscopus ante Pallii susceptionem jurisdictionem hanc exercere.

Confessarius jure suo, aut etiam Parochus relaxare juramenta non potest, ut nec dispensare in votis, nec leges ferre, aut excommunicare, aut indulgentias largiri, quia hæc omnia requirunt jurisdictionem in foro externo. Regulares privilegiarii possunt relaxare juramenta sine præjudicio tertii personis ejusdem Ordinis, non vero aliis Penitentibus, ex concessione Clementis VII., quæ habetur in nostris Privilegiis verbo *Confessarius* §. 6.

III. Utrum autem facultas delegata aut vi Jubilæi, aut vi privilegiorum ad dispensandum in votis se extendat ad relaxanda juramenta, ac vota jurata? affirmant probabiliter Sanch. l. 4. c. 53. Suar. & alii contra Lessi, Bonacinam, Sâ, Navarr. Equidem hæc in re distinguendum censui in Opposulo de Jubilæo q. 12. a. 1., videlicet quod nomine voti possit venire etiam juramentum, quando datur in privilegiis facultas commutandi vota: At quando alicui

particulari datur facultas commutandi vota, nomine votorum non veniunt juramenta. Ratio disparitatis est, quia privilegia latam habent interpretationem, & ideo nomine voti venit etiam juramentum, quatenus eadem est obligatio passiva hominis erga Deum tam per votum, quam per juramentum; etiam non sit eadem obligatio activa, quia vinculum voti habetur per hoc, quod aliquid Deo promittatur; Vinculum vero juramenti habetur per hoc, quod Deus in testem adducatur veritatis, seu promissionis assertæ. At quando datur alicui facultas commutandi vota, tunc ista facultas non habet rationem privilegii, seu legis private relate ad aliquam Communitatem, sed habet rationem dispensationis, quæ cum sit vulnus legis, strictam habet interpretationem, & ideo nomine voti tunc non venit juramentum, nec votum juratum.

Illud notandum, quod quamvis Sanchez loco laudato admittat facultatem dispensandi in votis concessam Regularibus privilegiariis extendi ad relaxanda juramenta, & vota jurata Deo emissâ intuitu pietatis; Negat tamen extendi ad relaxanda juramenta adjecta contrahui, in quo sit turpitudine ex parte creditoris, puta ad juramentum factum homini solvendi usuras, aut extortum metu; quia quamvis per hujusmodi juramenta nullum homini, cui fiunt, jus comparetur; at cum non fiant intuitu pietatis, nec Deo, nullam voti rationem induunt. Quod etiam docet Suar. l. 6. de Voto c. 14. & l. 2. de Juramento cap. 14. contra Ledes. Rodr. apud eundem Sanchez.

IV. Addunt etiam Suarez, & Sanchez; probabilius esse, quod privilegium commutandi vota jurata, quod habent Regulares Privilegiarii, neque se extendat ad juramenta relaxanda quomodocunque adjecta contractui; quia nomine Votorum Juratorum censetur venire vota, quæ solent juramento confirmari, atque adeo quæ intuitu pietatis, & soli Deo fiunt, quod non competit juramentis, quæ contractui adjiciuntur: Et ideo noster Pater Thyrsus Gonzalez Generalis Societatis literis encyclicis, ne nostri in hoc errarent, advertit, Privilegium Nobis concessum relaxandi juramenta esse solum relate ad Nostros.

V. Quæres hic, quanam causa requiratur ad Juramenti hujus relaxationem?

Respondeo, rationabilem causam requiri, non secus ac in dispensatione Votorum; quia obligatio Voti, ac juramenti est de



de jure divino naturali; unde invalide tolleretur sine causa sufficienti. Est autem causa sufficiens, Primo, si adit turpitudine ex parte creditoris, quia scilicet injuste recipitur, quod ex juramenti obligatione solvitur; ut quando relaxatur juramentum solvendi usuras. Secundo, si contractus, aut Juramentum fuerit metu injulto extortum: Ubi nota, quod si nolit jurans uti remedio relaxationis, poterit a Judice Ecclesiastico petere, ut creditorem compellat ad remittendum hujusmodi juramentum; & quia materia hæc est spiritualis, poterit Judex Ecclesiasticus etiam laicos ad id compellere, ex cap. 1. de *Juramento*. Tertio, si dolus in contrarium incidit, puta si quis deceptus sit in pretio rei emper cum juramento non contraveniendi contractui, ut fusc explicat Sanchez l. 3. c. 21. Si tamen dolus dederit causam contractui, juramentum non indiget relaxatione. Quarto in penam ingratitudinis donatarii potest relaxari juramentum additum donationi de illa non revocanda, ut notat Molina d. 221. & Sanch., quia Donatarius ob ingratitudinem indignum se reddidit, cui juramentum servetur: Quando tamen dubium est, an possit Episcopus juramentum aliquod relaxare, ad Pontificem non videtur esse recurrendum, quia stat in possessione potestatis, quæ de se competit Episcopo, donec constet, quod per reservationem ei sit a Pontifice limitata. Et eodem modo, ut notat Sanchez lib. 4. Summæ cap. 40. n. 80. si dubitetur, an votum sit reservatum, judicandum est in partem benigniorem, ut reservatum non censetur: Sicut in aliis casibus reservatis contingit, quando de eorum reservatione ambigitur.

VI. Præterea dubitatur a Doctoribus, an ad obtinendam juramenti relaxationem debeat præmitti citatio partis, seu ejus, cui juramentum est præstitum? Ad quod dicendum dupliciter potest relaxari, Primo, ut tollatur omnis obligatio juramenti, & contractus evanescat. Secundo ad finem tantum agendi in judicio contra creditorem. In primo casu præmitti debet citatio partis; aliter relaxatio erit nulla, ut communiter docent apud Sanch. loc. cit. ex lege finali cap. de *legibus*, si tamen relaxatio petatur pro utroque foro; nam si pro solo foro conscientie petatur, non requiritur illa partis citatio. In secundo casu probabilius est non requiri hujusmodi citationem, tum quia contradictio partis non potest impedire hanc relaxationem jure per-

missam, unde frustra pars citaretur; tum etiam quia dum relaxatur juramentum, non agitur directe de partis præjudicio, sed solum de excludendo jurantis perjurio, intendendo licet.

VII. Dubitatur demum, an possit Magistratus etiam secularis relaxare hæc juramenta?

Respondet, communiter Doctores docere primo, quod Magistratus secularis possit laicos cogere ad condonandum obligationem juramenti, quando constat esse inicu, aut injuria extortum, aut quando res juramento promissa retinenda est. Secundo posse principem secularem indirecte juramenta relaxare in materia sibi subiecta, puta, in casu Jurisconsulti *leg. ult. ff. ad mancipium*, si quis enim juret, se non interfuturum Collegio Universitatis, potest Princeps secularis illum cogere, ut muneretur decurionis, aut magistratus satisfaciens (cum materia hæc sit Principi subiecta) & sic obligare, ut Collegio intersit. Tertio potest ex natura contractus, cui accessit juramentum, interpretari quomodo intelligendum sit juramentum præstitum. Quarto, quavis non possit judicialiter cognoscere de nullitate relaxationis concessæ a Judice Ecclesiastico, poterit tamen summarie extrajudicialiter, & sine figura judicii de ea cognoscere, quatenus repellere potest Actorem, cui concessa est relaxatio juramenti, si evidenter constet nulliter, & subreptie illam obrinuisse. Quinto potest, ut notat Sanch. l. 3. c. 22., indirecte etiam juramentum relaxare in sua radice circa materiam sibi subiectam, statuendo legem, qua reddatur aliquis inhabilis ad accipiendum quicquid ratione alicujus contractus jurati illi dandum esset: Sicut potest indirecte irritare Matrimonium Princeps secularis secundum se, (nisi hanc peccatarem sibi Pontifex referre vellet, ut docet Sanch. lib. 7. disp. 3. ex D. Thom. Soto, Victoria, Ledesma, & aliis) ferendo scilicet novam legem de conditionibus ad contractum matrimonialem essentialiter requisitis; sic enim potestas secularis non attingit spirituales directes, sed solum indirecte, cum directe feratur solum ad id, quod intra limites sue potestatis continetur. Sexto potest Princeps secularis nomine sui subditi, in cujus favorem est juramentum, condonare juramenti obligationem, quando res promissa est mere temporalis, dummodo subditus teneatur condonare, & inique renuat: sic enim supplet defectum subditi; Eo modo, quo nunc

mine subditi renuentis, supplendo ejus consensum, vendit v. g. ejus domum ad solvendum creditoribus. Denique relaxare dicere juramenta non potest, cum sit hoc proprium potestatis spiritualis, & vinculum.

enim juramenti procul dubio est spirituale, quoniam ex virtute Religionis; ergo ad potestatem spirituales spectat, ad quam curae Religionis praecipue demandata est a Christo Domino.

## Q U A E S T I O VIII.

### De Concupiscentia minuente, vel augente Voluntarium.

**B**revissime duo hic inquirimus. Primo quidem, Utrum concupiscentia par-  
tis inferioris minuat, aut etiam omnino tollat rationem voluntarii; unde transgressio legis aliquando vacet culpa, saltem gravi, ratione concupiscentiae, seu passionis appetitus sensitivi animum perturbantis, & libertatem adimentis? Secundo, utrum blanditiis, ac blandis verbis extorta restituenda sint in foro conscientiae; eo modo, quo diximus de precibus importunis minuendis voluntarium?

#### ARTICULUS I.

Utrum Concupiscentia minuat, aut etiam quandoque tollat Voluntarium?

*I. Sex passiones spectant ad partem concupiscibilem appetitus sensitivi, quinque vero ad irascibilem.*

*II. Concupiscentia consequens auget voluntarium, necnon meritum, & culpam: Antecedens vero aliquando libertatem interimit.*

*III. Saepe vero culpam, & meritum minuit.*

*IV. Si voluntarium non sumatur pro libero, sed pro eo, quod procedit ab invinsecuto principio cognoscendo singula, concupiscentia auget voluntarium.*

*V. Impulsus concupiscentia est quidem voluntati extrinsecus, sed impetus ab eo impulsu procedens est illi invinsecus.*

*VI. Validi sunt contractus (& quidem etiam Matrimonium, & Professio Religiosa) si passione impellente fiant, v. g. sperando hereditatem, aut Praelaturam, dummodo libertas, qua sic minuitur, non interimat.*

**L** Supponendum, passiones appetitus sensitivi undecim communiter recenseri; sex videlicet ad partem concupiscibilem spectantes, nempe amorem, odium, desiderium, fugam, gaudium, & tristitiam; & quinque ad irascibilem, videlicet spem, desperationem, audaciam, timorem, &

iram. Passiones istae, seu actus appetitus sensitivi veniunt hic nomine concupiscentiae, quam D. Th. 1. 2. quæst. 77. art. 6. dividit in antecedentem, & consequentem. Antecedens dicitur, quæ naturaliter exurgens antecedit omnem deliberationem, & actum voluntatis, unde nec meriti capax est, nec demeriti. Consequens dicitur, quæ consequitur actum voluntatis, & ab eo excitatur, ut promptius ad suum objectum tendat, v. g. si quis iram excitet ad crudelius puniendum, aut ad acrius pugnandum. Hanc concupiscentiam consequentem non minuire, sed potius augere voluntarium, nemo est, qui dubitet; cum ex voluntate deliberata procedat, tanquam incitamentum deinde voluntatis, unde ex ea augetur, vel bonitas moralis, vel malitia actus; Etenim quo majori concupiscentia, ac libidine quis peccat, eo magis peccat: Quare si quis excitet in se vini v. g. desiderium, ut possit immoderatus bibere, magis peccat bibendo: Sicut ex opposito, si quis excitet in se commiserationis actum, ut largiorem stipem erogat, magis meretur stipem erogando. De concupiscentia itaque antecedente procedit difficultas, num voluntarium minuat? Vasquez 1. 2. d. 28. c. 2. cum Lorca putat minuire; Navarr. vero, Val. Salas in 1. 2. d. 3., & alii apud eundem Vasquez putant, aliquatenus augere, quia facit, ut majori conatu, ac impetu in objectum concupitum voluntas tendat.

**II. Dico equidem I. Concupiscentia, seu actus**

actus appetitus sensitivi tendens in delectabile, si antecedit voluntatis actum, aliquando interimitur omnino libertatem.

Probat, quia passio appetitus sensitivi aliquando ita mentem perturbat, ut non fiat proponi voluntati obiectum cum indifferentia, seu cum omnibus rationibus tam convenientiæ, quam inconvenientiæ, sed solum cum determinatione ad eam partem, ad quam passio trahit; ergo libertatem interimit. Hinc actus primo dicuntur carere libertate; Ebrii pariter, & amenes non libere operantur per hoc, quod sensus internos habeant perturbatos, unde turbatur etiam intellectus, qui in suis operationibus pendet in hac-via a phantasmatibus; & quia ab intellectu sic turbato obiectum non proponitur voluntati cum indifferentia, ideo hæc non libere operatur, ut notat D. Thom. 1. 2. q. 6. a. 7. Hoc autem accidit etiam, quando passio est vehementissima; unde fit, quod ira dicatur esse furor, seu dementia brevis, & amor demerere, atque obescere.

III. Dico II. Quando concupiscentia antecedit non est vehementissima, minuit tantum voluntarium, prout voluntarium confunditur cum libero; atque adeo diminuta libertate diminuitur bonitas, & malitia moralis actus.

Probat, quia libertas oritur ex intellectu proponente obiectum cum indifferentia; passio autem appetitus sensitivi trahit intellectum ad perpendenda potius motiva inclinancia voluntatem ad eam partem, ad quam inclinat ipse appetitus, quam ad perpendenda motiva retrahentia, idque propter naturalem sympathiam potentiarum inferiorum, ac superiorum; unde dicimus unumquemque iudicare juxta proprium affectum, & hominem passionibus correptum non esse idoneum ad recte iudicandum; ergo concupiscentia antecedit minuit libertatem, & consequenter etiam malitiam peccati, & meritum virtutis. Hinc est, ut notat Vasquez, Palau, Salas, Valen., facilius dispensationem in votis concedi, quando emissæ fuerunt passione prævalente, quia non censetur perfecte libera, & minus puniri peccata, quæ ex aliqua passione sunt, utpote leviora, quam quæ ex malitia.

IV. Dico III. Si voluntarium non sumatur pro libero, sed pro eo, quod fit a principio intrinseco cognoscente singula, augeatur illud potius, quam minuat per concupiscentiam. Ratio est, quia concupiscentia, seu actus appetitus sensitivi efficit, ut

voluntas majori impetu feratur in obiectum concupitum, cum voluntas propter naturalem sympathiam, quam habet cum appetitu sensitivo, aliquatenus ab eo trahatur: unde Apostolus sentiebat in membris suis aliam legem repugnantem legi mentis; quia sine luctu, ac nisu nequit voluntas inclinationi appetitus sensitivi resistere. Hinc est, quod correpti passione vindictæ, vel victoriæ acrius ulciscuntur, aut pugnant, & æstuantes libidine vehementius feruntur in turpia, nisi pars superior repugnet inferiori voluntatem allicienti, ac per sympathiam aliquatenus pertrahenti.

V. Dices cum Vasquez, voluntarium est, quod procedit ab intrinseco principio cognoscente singula, sed quod fit impellente concupiscentia minus fit ab intrinseco, ergo minus est voluntarium. Probat minor, quia appetitus sensitivus, qui residet in corde, & aliquatenus pertrahit voluntatem, (juxta illud, *Trahit sua quemque voluptas*) est extrinsecus voluntati residenti in anima; ergo quod fit a voluntate concurrente passione minus fit ab intrinseco.

Respondeo nego minorem; Ad probationem, quamvis impulsus concupiscentiæ fit voluntati extrinsecus, at ipse major impetus, & conatus voluntatis procedens ab impulsu appetitus sensitivi est ipsi voluntati intrinsecus; unde actus magis procedit a principio intrinseco, quando fit passione impellente, atque adeo est magis voluntarius.

Hinc sequitur, validos esse contractus, qui passione impellente fiunt, quando non interimitur ab ea totaliter libertas, sed solum minuitur. Unde valida est v. g. professio Religiosa, ut notat Navarr. si fiat ob spem consequendi Prælatum, quia concupiscentia ista non tollit voluntarium liberum, quamvis aliquatenus illud minuat: Et eodem modo validum est matrimonium, ut notat Sanch. l. 1. d. 13., si quis contrahat cum Berta cum spe acquirendi legatum, aut hæreditatem.

## ARTICULUS II.

Utrum restituenda sint in foro conscientie, quæ blandis verbis extorquentur?

I. Videntur blanditiæ, seu concupiscentia ita minime voluntarium, ut minuant propter importunam, ac minus levis. Et ideo in foro conscientie restituenda videntur, quæ blandis verbis extorquentur.

II. Sed

II. Sed verius voluntarium augens; cum voluntas, amore duce, majorem impetu operetur; nec irrogatur injuria per blanditias, sicut per metum levem, & preces importunas; unde non videntur trahere onus restitutionis.

III. Validum est testamentum factum in favorem uxoris blando sermone illum extorquentis, cum actus non sit mixtus involuntario, quamvis non sit perfecte liber.

IV. Excæcat quidem amor, sed si libertatem non interimit, contractus est validus, nullum trahens onus restituendi.

I. **C**Ajet. 2. 2. q. 32. a. 7., Medina, Armilla affirmant, quia sicut preces importunæ, ac metus levius minuunt voluntarium, ita & blanditiæ, ac amor, seu concupiscentia; ergo sicut extorta metu levi injusto, aut precibus importunis in foro conscientie restituenda sunt, juxta dicta q. 6., ita & quæ blandis verbis, ac amore dace extorquentur; præsertim quia amor excæcat, non secus ac ebrietas.

II. Negandum tamen cum Soto, Molina d. 94. Bonac. Sanch. l. 4. d. 11., & aliis communis. Ratio est, quia, ut notat D. Thomas 1. 2. q. 6. 2. 7., concupiscentia, & amor non solum non efficiunt involuntarium, sed potius augent voluntarium: cum sint causa, quod voluntas majori conatu operetur: Nihil enim magis voluntarie fit, ut habet D. Thomas loco laudato, quam quod amore efficitur: ergo cum habeatur sufficiens libertas ad contrahendum, non est cur restituendum sit, quod blandis verbis extorquetur. In tantum quæ metu levi injuste incusso extorquentur, aut etiam precibus importunis, restituenda sunt, juxta superius dicta, quia iis habetur involuntarium secundum quid, seu voluntarium mixtum involuntario, & quidem per injuriam, & violentiam injustam: injuste enim pre-

cibus importunis quis suo modo cogitur addendum, quod dare nollit: At in casu nostro nulla vis, nulla injuria, nullum involuntarium, etiamsi liberras aliquatenus sit diminuta per concupiscentiam; ergo non datur onus restitutionis.

III. Hinc sequitur primo ex Sanch. lib. 4. de Matrim. disp. 11. n. 2. Molina disp. 94. Salonio, meretrices ad restitutionem non teneri, si blandis, & amatoris verbis donationem aliquam ultra stipendium debitum extorqueant; dummodo non extorqueant fraudibus, dicendo ver. gr. se esse virgines a magnatibus concupitas &c. quæ tamen non concordant cum veritate. Advertunt tamen Sanch., Soto, Gutier. quod non committeretur fraus a meretrice, si falso diceret alicui se perdidit illum adamare, quia nemo ignorat, hanc esse mulierularum cantilenam.

IV. Sequitur II. ex eodem, validum esse testamentum, quod maritus blando sermone uxoris ductus in ejus favorem conficit; cum blanditiæ non reddant actum mixtum involuntario, licet libertatem coarctent. Hinc l. finali c. si quis alteri testa. probi. dicitur: *Judicium uxoris postremum in se provocare maritali sermone non est criminofum*; id est, ut Juristæ docent apud eundem Sanch. n. 2., non vitiatur testamentum, quod vir blanditiis uxoris ductus in ipsius favorem conficit; Etenim blanditiæ non cogunt reddendo actum secundum quid involuntarium, prout redditur a metu.

Ad rationem in contrarium patet ex dictis. Concupiscentia excæcat quidem mentem, ita ut actus non fiat juxta rationem, ac dictam prudentiæ: Quando tamen libertatem sufficientem ad peccandum, & contrahendum relinquit, (quod fere semper accidit) tunc non reddit actum involuntarium; unde non est, cur reddat obnoxia restitutioni, quæ blandis verbis extorta sunt.

## QUÆSTIO ULTIMA.

De Actibus humanis, quoad eorum Moralitatem.

**P**Lurima hac in re inquirunt Scholastici: Nos pauca primoribus labris delibabimus, ne Theologus Moralis in iis, quæ ad moralitatem spectant, prorsus jejuset. Solum itaque inquiremus, Primo, in quonam consistat Bonitas, vel Malitia moralis nostrorum Actuum? Secundo, unde ea desumatur, ab objecto, an a fine? mittendo reliqua huc spectantia ad Scholasticam Theologiam.

## ARTICULUS I.

In quonam consistat Bonitas, & Malitia Moralis?

*I. Quomodo sit sumitur Morale?*

*II. Num bonitas moralis actum humanorum consistat in conformitate cum recta ratione, an cum natura rationali.*

*III. Videtur fundamentaliter, & remote consistere in hac secunda conformitate; formaliter, & proxime in prima.*

*IV. Si dictamen rationis sit erroneum, non erit voluntas illi se accommodando.*

I. **M**orale dicitur, quod ad mores hominum spectat; proinde opponitur Naturali, spectatque proprie ad substantiam liberam, ac per se primo, & formaliter ad actus internos libere procedentes ex iudicio indifferenti, cum plena deliberatione; secundario vero, & per analogiam ascribitur tam actibus externis, qui ab actibus liberis internis imperantur, quam aliis rebus, quæ circa actus liberos versantur; unde dicitur Scientia moralis, quæ de moribus differt, & Moralis virtus, quæ mores hominum moderatur: eo modo, quo sanitas v. g. per se primo dicitur de animali, & secundario, ac per analogiam de colore, pharmaco, cibo, pulsu, quæ habitudinem habent ad Animalis sanitatem.

II. Difficultas est, num bonitas moralis consistat formaliter in conformitate cum recta ratione, & moralis malitia in privatione talis conformitatis, an vero in conformitate, aut difformitate cum natura rationali? Priori sententiam docuit Azor. tom. 1. l. 1. c. 1. Filliuc. & alii ex D. Thoma 1. 2. q. 18. a. 5., putantes, rectam rationem esse regulam nostrorum actuum; & quia quod conformatur cum regula dicitur rectum, & bonum, ideo actus humani dicuntur boni moraliter, quatenus cum recta ratione conformantur. Posteriorem sententiam docent Suar. dist. 10. Metaphys. sect. 2. Vasq. 1. 2. d. 58. c. 2. & Layman 1. 1. tract. 2. c. 7.; quia illud dicitur moraliter bonum, quod deest naturam rationalem, illud vero moraliter malum, quod eandem deest.

III. In hac questione mere speculativa utraque sententia facile conciliari potest, si dicamus regulam actuum humanorum, per conformitatem ad quam actus dicuntur moraliter boni, & per difformitatem mali,

esse duplicem, alteram Fundamentalem, & remotam, & hæc est natura rationalis, quæ, quia talis, exigit actus rectæ rationi conformes: alteram Formalem, & proximam; & hæc est recta ratio, qua iudicamus hoc potius, quam illud convenire naturæ rationali: Quia tamen recta ratio, seu dictamen conscientie secundum se representat, & ostendit legem æternam Dei, quæ est obiectum talis dictaminis, idcirco sicut recta ratio est prima regula formalis, & proxima honestatis, seu actuum humanorum, ita lex æterna Dei est prima Regula obiectiva honestatis.

IV. Quare tunc voluntas dicitur bene moraliter operari, quando sequitur dictamen rationis ostendentis obiectum esse conveniens naturæ rationali, & legi æternæ Dei; aut quando refugit ab obiecto, quod a recta ratione ostenditur naturæ rationali, ac legi æternæ disconveniens; Cum enim voluntas nostra sit potentia ceca, quæ ductum rationis faciem præferentis sequitur, non potest aliter errare, nisi avertendo se ab eo, quod per rationem ostenditur naturæ rationali, ac legi æternæ conforme, aut prosequendo, quod ostenditur eidem disforme. Quamvis autem possit aliquando intellectus decipi, & putare conforme naturæ rationali, quod re vera est disforme; Voluntas tamen nunquam errat, nec male moraliter operatur, si dictamen rationis, etiam si erroneum, sequatur: nam regula formalis, & proxima actuum voluntatis, per conformitatem ad quam actus dicuntur boni moraliter, non potest esse ipsum obiectum conveniens, aut disconveniens naturæ rationali, quia relate ad illud non potest exercere libertatem, nisi in quantum proponitur per rationem cum iudicio indifferenti; sed debet esse ipsa recta ratio, seu rationis dictamen, cui se conformando voluntas bene, ac recte operatur, suæ regulæ semper adaptando: Quare optime Divus Thomas 1. 2. q. 16. a. 3. dixit, Rationem esse regulam humanarum actionum, ubi locutus est de regula proxima nobis manifestante obiectum conveniens, aut disconveniens naturæ rationali, quæ est regula remota, & fundamentalis.

## ARTICULUS II.

Utrum a fine, an ab obiecto defumat bonitas, aut malitia moralis actuum humanorum?

*I. Inquiritur, an elargitio 7. g. elemosyna obina-*

inane[m] gloriam sit bona moraliter ratione  
objecti boni, an moraliter mala ratione  
finis pravi?

II. *Actus exterior bonitatem, aut malitiam  
desumit ab objecto, non a fine.*

III. *Actus interior illam desumit a fine, etiam  
tanquam ab objecto.*

IV. *Univerſum tamen actus humani, tam interi-  
ni, quam externi, bonitatem moralem de-  
sumunt ab objecto solum formali; mali-  
tiam vero etiam ab objecto materiali.*

V. *Ideo malitia moralis trahitur etiam ab ob-  
jecto materiali, quia bonum ex integra cau-  
sa, malum ex singulis defectibus.*

VI. *Nam circumstantia tribuens actui bonita-  
tem, vel malitiam moralem tranſeat in  
rationem objecti, ita ut se habeas tanquam  
objectum velium?*

VII. *Alia huc ſpectantia alibi a nobis diſcu-  
tuntur.*

**L**IXimus in quonam conſiſtat ef-  
ſentia moralitatis, ſeu bonitas,  
vel malitia moralis: Inquirimus nunc, un-  
de ea ſumatur, ab objectione ipſius actus,  
an a fine operantis? v. g. elargitio ele-  
moſynæ facta ob finem inanis gloriæ un-  
denam ſumit ſpeciem ſuam, ac moralita-  
tem, ab objectione, quod eſt ſubventio pau-  
peris, quod certe eſt conforme naturæ ra-  
tionali, an vero a fine operantis, qui eſt  
inanis gloria, quæ naturæ rationali eſt diſ-  
ſormis? Nam ſi ab objecto ſpecies morali-  
tatis deſumatur, talis elargitio dicenda eſt  
moraliter bona; ſi a fine, dicenda eſt  
moraliter mala. Qua in re paucis expe-  
diemus, quæ in Scholaſtica Theologia ſuſe  
diſceptantur.

II. Prima ſententia Medinæ 1. 2. q. 18. 2.  
cum Recentioribus Thomiſtis docet ex  
Divo Thoma, actum humanum deſumere  
ſpeciem moralitatis a ſuo objecto. Et ratio  
eſt, quia actus exterior ſumit bonitatem,  
vel malitiam ſuam ab objecto, non a fine  
operantis; ergo etiam actus interior, atque  
adeo omnes actus humani. Antecedens  
conſtat, quia elargitio eleemoſynæ v. g. fa-  
cta ob amorem Dei non habet bonitatem  
charitatis, ſed ſolius miſericordiæ, quia  
ejus objectum eſt ſolum ſublevatio paupe-  
ris; Eodem modo, ſi quis occidat ad fu-  
randum, actus exterior habet ſolum mali-  
tiam homicidii, quæ eſt ejus objectum, non  
vero furti, quod eſt finis operantis. Con-  
ſequentia itaque probatur, quia actus  
exterior, & interior ſunt unus actus in  
genere moris vel malus, vel bonus; Exem-

pli gratia elargiri eleemoſynam, & vel-  
le illam elargiri ſunt ejuſdem ſpeciei mo-  
ralis; & habent eandem bonitatem; ſicut  
occidere, & velle occidere habent eandem  
malitiam; ergo ſi actus exterior bonitatem  
ſuam, vel malitiam habet unice ab ob-  
jecto, etiam actus interior.

Neque obitat, quod erogans eleemoſy-  
nam ob finem inanis gloriæ ponat actum  
moraliter malum ob finem malum, quam-  
vis objectum videatur bonum. Nam relate  
ad intentionem, finis intentionis eſt ob-  
jectum illius, unde hic actus eſt malus pro-  
pter ſuam objectum malum; relate vero  
ad electionem mediæ objectum talis electio-  
nis eſt ipſum medium, quod dat illi ſpe-  
ciem inoralem; cum ergo eleemoſynæ ero-  
gatio ſit electio mediæ, quod eſt conſenta-  
neum naturæ rationali, ideo hinc mora-  
liter eſt bona, & ſolum per denominati-  
onem extrinſecam a fine operantis dicitur  
moraliter mala.

III. Secunda ſententia cum Vaſquez 1.  
2. diſt. 51. c. 5. Azor., Cajet. 1. 2. qu. 18.  
art. 6. docet, actum internum, ſive ſit  
intentio finis, ſive electio mediorum, ſume-  
re ſuam ſpeciem moralem a fine, tanquam  
ab objecto; actum vero exteriorem nulla-  
tenus a fine, ſed ſolum ab objecto. Ratio  
eſt, quia intentio voluntatis fertur in fi-  
nem, tanquam in objectum ſuum; ergo  
ab illo ſuam bonitatem, vel malitiam de-  
ſumit: electio autem mediæ fertur in me-  
dium, quatenus eſt utile ad finem, atque  
adeo amatur in ordine ad finem, qui pro-  
inde eſt objectum ipſius electionis; ergo  
etiam electio mediæ, quatenus actus inte-  
rior eſt, ſumit ſuam bonitatem, & mali-  
tiam a fine, tanquam ab objecto: Contra  
vero actio exterior de ſe non dicit ordi-  
nem ad finem operationis, ſed ad objectum  
ſuum; ergo ab illo ſumit ſpeciem. Hinc  
elargitio eleemoſynæ exterior de ſe eſt bo-  
na, etiam ſi fiat ob inane[m] gloriam, quia  
ejus objectum eſt bonum: Contra vero ac-  
tus interior eſt malus, & quatenus inten-  
dit inane[m] gloriam, & quatenus eligit ta-  
le medium ad talem finem; quia finis, qui  
eſt objectum tam intentionis, quam elec-  
tionis, eſt malus, & ideo huiusmodi actus  
elargiendi eleemoſynam ob talem finem  
magis eſt malus, quam bonus: Eo modo,  
quo Ariſtoteles dixit 5. Ethicor. 2., quod  
qui furatur, ut committat adulterium, per  
ſe loquendo magis ſit adulter, quam fur.

IV. Dico equidem cum Franciſco Lugo  
1. 2. cap. 8. qu. 2.; Medina, & aliis Thomi-  
ſtis

stis ex D. Thoma 1.2. qu. 12. art. 2. & 6., universum actus humanos tam internos quam externos sumere moralem speciem ab objecto suo; cum hoc tamen discrimine, quod bonitatem moralem desumant ab objecto solum formali, malitiam vero moralem desumant etiam ab objecto materiali.

Probatur, & quidem quod actus interior, sive sit intentio, sive electio, sumat suam bonitatem, vel malitiam ab objecto, constat, quia finis est objectum talium actuum; ergo si desumunt moralitatem a fine, desumunt etiam a suo objecto. Propterea Ofenz 9. dicitur: *Faci sunt abominabiles, sicut ea, quae dilexerunt.* Quare erogatio elemosynae ob amorem Dei est actus charitatis, non misericordiae; quia & finis intentus est complacere Deo, quod intenditur a charitate, & electio talis medii habet pro fine, atque adeo pro objecto formali pariter complacere Deo; subventio autem pauperis, quatenus est electio medii ad talem finem, est solum objectum materiale, non formale; & ideo hic actus non dicitur misericordiae, nec habet meritum proprium talis virtutis, sed solius charitatis, ut mox ostendemus.

Probatur nunc secunda pars conclusiois, quod scilicet actus exterior sumat etiam a suo objecto moralitatem: Nam actus externus per se non respicit finem operantis; cum finis sit illi extrinsecus, & contingens; non potest autem aliquid suam essentiam desumere ab aliquo sibi extrinseco, quod contingenter accidit, ergo actus exterior non desumit suam moralem essentiam a fine, sed solum ab objecto. Hinc actus exterior occisionis ordinatae ad furtum habet solam malitiam homicidii, non furti, & erogatio externa elemosynae ordinatae ad amorem Dei habet propriam bonitatem misericordiae, & solum per denominationem extrinsecam dicitur esse actus charitatis.

V. Probatur demum tertia pars, quod scilicet actus humani bonitatem moralem desumant solum ab objecto formali, malitiam vero etiam ab objecto materiali: Nam actus virtutis debet esse amor honestatis propter ipsam; unde est, quod erogans pauperi elemosynam, ut illum inducat ad patrandum homicidium, non dicitur esse misericors, quia subventionem pauperis non habet pro objecto formali, sed solum materiali; ergo actus non contrahit moralem bonitatem, nisi ab objecto suo

formali, seu a fine: Contra vero malitiam contrahitur etiam ab objecto materiali, quia ex Dionys. de Divin. nomin. c. 4. *Bonum ex integra causa, malum ex singulis defectibus*; hunc qui pauperi negat elemosynam, ut illum inducat ad patrandum homicidium, est simul immiscors, & homicida, & ex Aristotele loco laudato, qui vult furari propter adulterium est simul fur, & adulter, quamvis sit magis adulter, quam fur, quia objectum formale praestat materiali.

Hinc patet quid dicendum rationibus pro utraque illa sententia adductis; Quamvis enim actus interior, & exterior sint unum, & idem in genere moris, quia tamen sunt actus physice diversi, diversimode attingentes suum objectum, ideo diversimode contrahunt bonitatem, ac malitiam moralem; Actus enim internus, quia essentialiter, & primario respicit finem, qui est ejus objectum, essentialiter desumit ab illo suam moralitatem; Actus vero exterior, qui per accidens respicit finem actus interni, a quo imperatur, accidentaliter, & secundario contrahit ab illo moralitatem.

Secunda sententia verum habet, quod actus humani universim desumant ab objecto suam moralitatem; sed distinguere oportet inter objectum formale, & materiale actus, cum illud solum bonitatem tribuat; hoc vero etiam malitiam.

VI. Inferitur denique, quid dicendum ad questionem illam; Num circumstantia tribuens actui bonitatem, vel malitiam moralem transeat in naturam objecti, reddatque actum in ea specie morali, in qua est objectum illius? dicendum enim cum Vasquez 1.2. dist. 53., & Azor. circumstantiam solius operationis externae tribuentem actui voluntatis speciem moralem transire in rationem objecti, quatenus est volita simul cum actu externo, & dicit speciem conformitatem, aut difformitatem cum natura rationali: v. gr. qui vult occidere hominem in loco sacro, homicidium simul, & sacrilegium committit, quia circumstantia illa loci sacri transit in rationem objecti voliti; Similiter qui vult iter agere ad adulterandum, ab hac circumstantia volita, tamquam ab objecto desumit illa itineratio malitiam adulterii; & qui erogat stipem ob inanem gloriam, ab hac circumstantia, tamquam ab objecto volito illa erogatio elemosynae contrahit malitiam inanis gloriae.

80 *Quest. Ult. Art. II. Unde desumatur bonitas, & malitia moralis?*

VII. Eset hic ulterius inquirendum, in quonam differant circumstantiæ variantes speciem moralem actus a circumstantiis solum aggravantibus actum intra eandem speciem? Sicut etiam quomodo actus morales numerice multiplicentur? & alia id generis, de quibus commodius in tractatu de Sacramento Pœnitentiæ, & plura etiam hac de re discutiuntur in expositione Thes. XXV. ab Alexan. VII. confixæ, quæ habet; *Qui habuit copulam cum soluta satisfaciens confessionis præcepto, dicens; commissi cum soluta gratæ peccatum contra castitatem, non explicando copulam.* Sicut etiam in Scholastico Tractatu de actibus humanis ex professo inquiremus, Num sit possibilis actus moralis indifferens sive in specie, sive in individuo? Necnon in expositione thes. 8. & 9.

ab Innoc. XI. proscribearum, in quibus dicitur: *Comedere, & bibere usque ad satietatem ob solam voluptatem, non est peccatum, modo non obste valetudini, quia licite potest appetitus naturalis suis actibus frui.* Et opus conjugii ob solam voluptatem exercitum penitus caret culpa, ac defectu veniali. Inquirimus pariter ibidem, utrum possit actus virtutis supernaturalis, puta attritio constitutiva Sacramenti Pœnitentiæ, imperari ab actu leviter malo, v. g. ab actu inanis gloriæ, ut proinde huiusmodi actus supernaturalis sit intrinsece bonus moraliter, ac meritorius, extrinsece vero sit malus, ac demeritorius, per hoc quod imperetur ab actu illo venialiter malo. Sit itaque hujus Opusculi

( Sed oh ubi Eternitatis ! )

F I N I S.

I N



# I N D E X

## RERUM NOTABILIMUM.

Primus numerus Quæstionem indicat, Alter Articulum,  
Tertius Numerum marginalem.

### A

- A**ccusare volens Remm, prout licite potest, si quid ab hoc accipiat, ne accuset, num teneatur restituere? 6. 4. 6. Et quid, si accusare teneatur, & non accuset? ibid. Quid si nolens accusare dicat, se velle accusare, ut aliquid extorqueat? ibid.
- Actus externi, & actus interni undenam desumant bonitatem, aut malitiam moralem? 9. 2. 2.
- Amentis quando possit ministrari Eucharistia? 1. 1. 4.
- Amor obsecrat, sed si libertatem non interimit, non reddit contractus invalidos; Nec restituenda sunt quæ blandis verbis extorqueantur, & amore duce donantur. 8. 2. 4.
- Avortio quamvis ex metu procedat, non tamen est positive involuntaria secundum quid. 4. 1. 5.

### B

- B**aptismi susceptio num possit omitti ad mortem declinandam? 4. 4. 3.
- Baptizare tenemur Infantem etiam cum vita discrimine, si periclitetur. 4. 4. 5.
- Beneficiarius inculpabiliter omittens horas recitatione non tenetur ad fructuum restitutionem. 3. 3. 8.
- Beneficii collatio per errorem facta quandoque sit invalida? 5. 3. 3.
- Beneficii posterioris collatio, non facta mentione de priori, valida est, si fiat ab Episcopo, secus vero si fiat a Pontifice. 5. 3. 4.
- Blandis verbis extorta num sint restituenda? 8. 2. 1.
- Bonitas, & malitia moralis in quonam consistant? 9. 1. 2. Unde ea desumatur, a fine, an ab objecto? 9. 2. 2.

### C

- C**arnibus vesci hominum mortuorum in extrema necessitate num possimus, aut eo Opusc. 1.

- iam debeamus? 4. 5. 11.
- Carthusianus num possit cum vita discrimine a carnibus abstinere? 4. 3. 9.
- Causa finis in contractibus in quo differat ab impulsiva? 5. 1. 3.
- Celebrare sine vestibus sacris quandoque liceat? 4. 3. 4.
- Christifidelibus num liceat metu mortis remigere in Trivernibus Turcarum vexantium Christianos? 4. 5. 10.
- Clericum percussens ex ignorantia crassa num Canonis excommunicationem incurrat? 3. 8. 5.
- Coactio actum externum reddit simpliciter involuntarium, non vero actum internum. 4. 1. 1.
- Coactum in actibus humanis magis late patet, quam involuntarium, quamvis simpliciter hoc magis late pateat, quam illud. 4. 1. 2.
- Comedere carnes diebus vetitis quandoque sit illicitum, etiam cum vita discrimine? 4. 3. 3.
- Concupiscentia nomine veniunt passionis appetitus sensitivi. 8. 1. 1. Concupiscentia consequens auget voluntarium, & culpam. Antecedens Concupiscentia aliquando libertatem interimis. 8. 1. 1. ac saepe culpam minuit. 8. 1. 3.
- Confessariorum quomodo se gerat cum Penitente, qui per metum levi injuriam aliquid dedit? 6. 3. 1.
- Consensus interpretativus non semper in gravitate culpæ acquiescit formalis. 3. 3. 7.
- Contractus bene fidei quinam sint, & in quo differant a contractibus stricti iuris? 5. 1. 5.
- Contractus cum errore concomitante, seu incidentis in contractum num sit validus ob interpretativum consensum? 5. 5. 2.
- Contractus jure positivo irriti sunt sex, celebri versiculo comprehensi. 6. 2. 1.
- Contractus metu injusso extorti num sint irriti, an irritandi? variant Doctores. Plurimum autem id interest ad proximum. 6. 2. 1.
- Contractus per dolum celebrati probabilibus jure positivo non sunt invalidi, sed solum ad arbitrium

### F

## Index Rerum Notabilium.

bitrium passi metum rescindendi (si sunt rescindibiles) quando dolus, & error circa accidentalia provenit ab altero Contrahente. 5. 4. 4. Quia tamen opposita sententia est etiam probabilis; plura inde ad praxim deducuntur. 5. 4. 6.

Contrahens per metum letem extoritur num possit ad arbitrium metum passi rescindi? 6. 3.

3. Num iuramento confirmetur? 7. 3. 2.

Contrahens respicientes primario bonum publicum quinam sint? Et quinam respiciunt primario utilitatem privatam? 7. 3. 3. Iuramentum superadditum contractui a lege irrito propter utilitatem publicam non obligat. 7. 3. 7. Matrimonium, & Sponsalia respicientes publicam utilitatem. 7. 3. 9. Idem dicendum de professione Religiosa. Sed dubitatur, an similiter votum ingrediendi Religio-nem? 7. 3. 10.

D.

**D**ebitor, qui minatur se nihil soluturum, si pars debiti non condonetur, non potest hanc retinere. 6. 4. 3.

Delectatio morosa indirecte voluta num vacet lethali culpa? 2. 3. 1. Quid si ea non repe-latur positive? 2. 3. 2.

Delectatio morosa quomodo differat a desiderio.

2. 1. 1. In re veterata an deum materia par-vitas? 2. 2. 4. An ea vacet lethali culpa in Sponsis, in Viduis, in Conjugibus ab altero absensibus? 2. 2. 5. Quid, si sit de copula in hypothesi, quod esset licita? ibid. Quid si delectatio morosa sit de alio objecto, quod pro-hibeatur iure positivo, aut naturali? 2. 2. 7.

Desideria inefficacia etiam conditionata de mor-tis alterius ob emolumentum temporale gravi-ter laedunt charitatem. 2. 4. 5.

Desiderium de objecto pravo sub conditione tol-lente malitiam, num vacet culpa gravi? 2. 4. 2.

Dens sub conceptu Legislatoris ignorari invin-cibiliter non potest ab eo, qui potest peccare. 3. 6. 4. Sub conceptu tamen Numeri colendi solum per aliquod tempus potest sic ignorari. 3. 6. 5.

Dispensatio in lege metu extorta num sit vali-da? 6. 2. 3.

Dispensatio in Foris facilius concedenda, quan-do emissa sunt passiones prevalens. 8. 1. 3.

Donatio inter Coniuges, aut inter Patrem, & Filium, si fiat precibus importunis, num sit valida? 6. 4. 5.

Donatio metu extorta num sit valida? 6. 3. 3.

Dos pro Virginitate constituta restituenda est ab ea, qua fingit se Virginem esse. 5. 3. 9. Cui tamen restituenda sit? ambigunt. ibid.

Duellum committere volentes Num liceat Famu-lis metu mortis comitari? 4. 5. 2.

E.

**E**leemosyna data pauperi filio quandam sit valida, & non restituenda? 5. 2. 8. & 5. 3. 1.

Error antecedens, etiam vincibilis, circa sub-stantiam irritas contrahit. 5. 2. 2.

Error circa contractus in dubio, num sit ante-cedens, an concomitans, quid resolvendum? 5. 5. 5.

Error in contractu (sicut etiam in voto) si sit circa qualitates substantiales, contrahit irritas, perinde ac si sit circa substantiam. 5. 2. 7. Non tamen in Matrimonio, aut in professione Religiosa. 5. 2. 9.

Error invincibilis circa fidem est possibilis. 3. 6. 1.

Erroris diviso multiplex. 5. 2. 2.

Error Personae, sicut in Matrimonio, ita in contractibus lucrativis est circa substantiam. 5. 3. 4.

Error qualitatibus quandam in contractibus re-dandus in substantiam? 2. 1. 4.

Error quicumque circa accidentalia non reddis contractum iure natura irritum. 5. 2. 6.

Error, qui sit circa causam finalem, irritas Potum simplex, & Sponsalia; non tamen Professionem Religiosam, & Matrimonium. 5. 3. 7. Irritas etiam talis error donationes, & stipis largitionem. 5. 3. 8.

Error, seu dolus circa accidentalia, quamvis det causam Contractui, iure positivo hunc non irritas; esto debeat ad aequalitatem re-ducere. 5. 4. 1.

Eucharistiam Peccatori oculo clam potens num liceat metu mortis ministrare? 4. 4. 6.

Excommunicatio num incurritur, si prava vo-luntas retrahatur, antequam effectus sequatur? 1. 4. 7. Idem probabiliter non incurrit, qui volens occidere Titium Clericum Inimicum, post adhibitam debitam diligentiam, ne alius occidatur, inculpabiliter occidis Ca-sum etiam Clericum Amicum. 3. 3. 2. 4. Tenetur tamen ad restitutionem, qui volens comburere agrum Inimici, comburit agrum Amici. 3. 3. 2.

Excommunicatus vivandus num possit celebrare, & Sacramenta ministrare ad mortem declinandum? 4. 3. 5.

F.

**F**ides explicita Trinitatis, & Incarnationis utrum necessaria sit necessitate medii? 3. 6. 6. Fr.

## Index Rerum Notabilium.

**F**ilius promittens matri reverentiam Parenti moribundum solvere de suo ejus debita, nam ad id tenetur? 6. 4. 2.

**F**ornicationem Deus non potest precipere; illamque non precepit, dum Osea dixit, ut acciperet sibi Mulierem fornicariam. 4. 5. 6.

**F**ortum externum ad litem minuendam multa diffinita, quia dissimulari non possunt pro se in iudicio. 6. 3. 5., & 7. 3. 3.

### H

**H**omicidium casuale quondam trahit irregularitatem? 3. 2. 5.

**H**omicidium inadverte[n]ter causatum a dante opem rei illicita non trahit omnes restrictiones. 3. 5. 1.

### I

**I**gnorantia multiplex est. 3. 1. 3. Ignorantia consequens minimi peccati gravitatem. 3. 1. 6. Concomitans invincibilis probabilis excusat a culpa. 3. 2. 2. Affectus annexus ignorantiae concomitans qualiter sit peccaminosus. 3. 2. 9. Qui cum ignorantia concomitante occidit Clericum, probabiliter neque excommunicationem, neque irregularitatem incurrit. 3. 2. 4. Quid si volens occidere Clericum A, occidat Clericum B? 3. 3. 1.

**I**gnorantia affectata quondam scientiae acquiratur? 3. 8. 5.

**I**gnorantia sive invincibilis, sive leviter culpabilis excusat a pena per legem imposita; Sicut etiam inadvertentia, et oblitio. 3. 4. 3. Quod verum est etiam relate ad penam privationis petendi debitum. 2. 3. 6.

**I**gnorantia invincibilis explicatur. 3. 5. 1. Ea dari potest Juris Divini positivi, & Mysteriorum Fidei. 3. 6. 1. Nec non aliquorum praeceptorum naturalium. 3. 6. 2., & tunc excusat a peccato. 3. 6. 3.

**I**gnorantia invincibilis solius pena per legem imposita num excuset ab ea incurrenda? 3. 4. 1.

**I**gnorantia reservationis peccati num excuset a reservatione incurrenda? 3. 3. 4.

**I**gnorantia vincibilis legum humanarum quondam peccatum minus? 4. 2. 1. Num possit a moralis excusare, quamvis sit gravior vincibilis? 4. 2. 2. Et nam hoc excuset a pena per legem imposita? 3. 8. 1.

**I**gnorantia vincibilis quondam est speciale peccatum clericibus subijciendum? 3. 2. 4.

**I**nfantem conculare sine Baptismo mortuum ad mortem evadendam non est licitum. 4. 5. 2.

**I**nnocentem conculare ad mortem evadendam a persequente est licitum; Sicut etiam dirigere tormenta bellica adversus Turres hostium, in quibus deiminetur aliqui Innocentes. 4. 5. 2. Intentio habitualis cur sufficiat in Sacramentis suscipiendis, non vero in administrandis. 1. 2. 4.

**I**rrregularitas ex delicto probabiliter non incurritur ab Ignorante invincibiliter huiusmodi penam. 3. 4. 3.

**J**uramentum, aut Poinm, in dubio, an sit reservatum, censendum non esse reservatum. 2. 4. 5.

**J**uramentum metu extortum obligat; Sicut vero consimile votum; cum hoc irritatur iure positivo, non illud. 7. 3. 6.

**J**uramentum non confirmat contractus iure naturali, sed iure positivo. 7. 3. 2. Quid intersit inter iuramentum confirmans contractum, & iuramentum non confirmans? ibid. Quisnam contractus possit iuramentum confirmare? 7. 2. 2. De conditionibus requisitis, ut iuramentum contractus confirmet. 7. 3. 1.

**J**uramentum non confirmat contractus extortos iniusto metu, etiam levi. 7. 3. 2. Quid de iuramento maledictio relata ad contractus sponte initos? 7. 3. 4.

**J**uramentum superadditum contractui, qui a lege irritatur propter bonum publicum, non obligat. 7. 3. 2.

**J**uramentum praestitum homini non potest propria auctoritate in evidenter melius commutari; esse potest sic commutari iuramentum, ac votum Deo praestitum. 7. 4. 1.

**J**uramentum a quonam Prelato relaxari possit? 7. 4. 1.

**J**uramenti, quod homini praestitum sit, relaxationem num debeat praestare citatio Patris? 7. 4. 6.

**J**uramentum de solvendis usuris, aut de dandis centum Latroni, servandum est, nisi relaxetur; Quamvis possint deinde ea statim repeti. 6. 1. 2.

**J**us positivum potest contractus validare sedum quoad eorum effectum, non quoad constitutiva. 4. 5. 3. Non videtur jus positivum validasse contractus cum errore concomitante celebratos. 4. 5. 4.

### L

**L**egatum impediens precibus importunis num teneatur ad restitutionem? 6. 4. 5. Legens libros Haereticorum haereticos continentes, aut de Religione errantes ex Ignorantia affectata, num incurras excommunicationem Bullae Censurae? 3. 8. 4.

## Index Rerum Notabilium.

*Lex humana cur non obligat cum eo rigore, quo Lex Divina, esto Deus sit clementissimus?* 3. 5. 5.  
*Lex humana quandoque obligat etiam cum viâ discrimine?* 4. 3. 3.  
*Lex imponens Transgressoribus penam Capitis, num obliget cum viâ iactura?* 4. 3. 10.  
*Lex naturalis non semper obligat cum viâ discrimine.* 4. 5. 3.  
*Lex vetans aliquem contractum non obligat, ne talis contractus impleatur, si verba legis dirigitur ad actum; secus vero si ad Personam.* 7. 3. 8.  
*Libertas in quo consistat?* 1. 1. 2.  
*Libertas in causa non sufficit ad peccandum hic, & nunc.* 3. 5. 3.  
*Libertum sæpe confunditur cum Voluntario.* 1. 1. 3.  
*Ludens, qui precibus importunis cogit alium ad ludendum, num teneatur restituere, quod lucratus est.* 6. 4. 4.

M

**M** *Agistratus Secularis num possit iuramentum solum indistincte aliquando relaxare?* 7. 4. 7.  
*Matrimonium celebratum cum impedimentis impediens, puta cum Voto Castitatis, num liceat ob metum mortis consummare?* 4. 3. 7.  
*Matrimonium cum errore circa qualitates est validum, nisi qualitas apponatur ut conditio.* 5. 2. 6. Sic etiam Sacramenti administratio. ibid.  
*Matrimonium metu levi contractum probabilius est validum. Si tamen metu gravi iniusto celebretur, iure Ecclesiastico irritatur.* 6. 3. 6.  
*Matrimonium metu extortum quandoque sit validum?* 6. 1. 2.  
*Meticulosa donatio, aut promissa verius est valida iure naturæ, quamvis incutiens iniustum metum non possit retinere, quæ sic donata sunt.* 4. 1. 8.  
*Metu mortis occidens Clericum, licet peccet, nihilominus excommunicationem Canonis non incurrit.* 4. 3. 8.  
*Metus aliquando reddit actum involuntarium secundum quid positive; aliquando negativè tantum.* 4. 1. 4.  
*Metus gravis ad extorquendum contractum iniusto incussus, num reddat contractum irritum, an irritandum?* 6. 1. 3.  
*Metus gravis non est causa iusta, ut simuletur Sacramentorum administratio: Solum potest vi talis metus contractus matrimonialis simulari.* 4. 3. 6.

*Metus gravis quandoque excuset a transgressionem legis divine positæ?* 4. 4. 1.  
*Metus gravis iustus non irritat matrimonium, nec professionem Religiosam.* 6. 3. 7.  
*Metus iuste incussus non invalidat contractum. Imo nec metus iniustus, si non incutitur ad contractum incutendum.* 6. 1. 1.  
*Metui levi equiparantur preces importunæ.* 4. 2. 6.  
*Metus reverentialis, qui obstat libertati contractus, ac reddit illum rescindendum, quinam sit?* 6. 4. 1.  
*Metus reverentialis, seclusis minis, num cadat in Firmum constantem?* 4. 2. 4.  
*Metus secundum se non invalidat contractus, dummodo in hoc detur iustus titulus.* 4. 1. 2.  
*Metus, ut sit cadens in constantem Firmum, duo requirit.* 4. 1. 9.  
*Morale quid sit.* 2. 1. 1.

N

**N** *Occidere invasorem cum moderamine inculpatae tutelæ, num liceat Invaso, qui sciat illum ad Inferos detrahendum, & an ad id teneatur?* 4. 5. 21.  
*Omissioni libera competit ratio voluntariæ.* 1. 1. 3.

P

**P** *Passiones appetitus undecim recensentur.* 2. 1. 1.  
*Peccandi venialiter consuetudo quandoque servat contemptum legis?* 2. 1. 5.  
*Peccare non licet metu gehennæ, ut si quis esset occidendus, dum est in mortali, putetque se ad gehennam detrahendum.* 4. 5. 5.  
*Peccati effectus num clavibus subjiciendus sit?* 1. 4. 1.  
*Peccato alterius cooperari materialiter quandoque liceat?* 4. 5. 8. Eusem vendere volentis alium occidere, aut scalam deferre volentis ascendere per fenestras ad facinus parandum, num liceat ad mortem evadendam? ibidem.  
*Peccatum commissum scienter num sit eiusdem speciei cum peccato commissio ex ignorantia vincibili?* 3. 9. 2. In quoniam casu ignorantia vincibilis est speciale peccatum in Confessione explicandum? 3. 9. 4.  
*Peccatum de se mortale num possit per accidens esse veniale ex defectu plenæ advertentiæ?* 2. 1. 2.  
*Peccatum de se veniale num ratione consuetudinis evadat mortale?* 2. 1. 5.

Pecc.

# Index Rerum Notabilium.

*Peccatum pure Philosophicum est impossibile.*

3. 6. 4.

*Peccatum sit ne duplex, an unum, si quis v. gr. culpabiliter omittit inquirere de præcepto jejunii, & deinde non jejunit?* 3. 5. 4.

*Peculum physice proximum peccandi permittit potest metu mortis, dummodo fiat moraliter remotum.* 4. 5. 4.

*Pontifex num possit relaxare juramentum in præjudicium Tertii?* 7. 4. 1.

*Pena privationis petendi debitum cum ignorantia invincibili, siue juris, siue facti, siue etiam solus panæ, non incurritur.* 3. 4. 3.

*Præcepta naturalia affirmativa num obligent cum viâ discrimine?* 4. 5. 3.

*Præcepta importuna quandoque metui equiparentur, licet minuant voluntarium?* 6. 4. 4.

*Professio Religiosa (sicut est Matrimonium) valida est, quamvis impellente passione fiat.* 8. 1. 5.

*Professio Religiosa, si fiat metu reverentiali, probabiliter est valida solum jure positivo, si metu gravi injusto fiat.* 6. 3. 6.

R

**R**eligiosus, qui precibus importunis obtinet facultatem expendendi, num excusetur a viâ proprietatis? 6. 4. 5.

*Regula humanarum actionum quanam sit?* 9. 1. 4.

*Regulares Privilegiarii non possunt relaxare Juramenta Penitentibus, sed solum Personis proprii Ordinis, si ea non sint in præjudicium Tertii.* 7. 4. 2.

*Relaxare juramenta quanam possit?* 7. 4. 1. *Quanam causa sit sufficiens, ut licite relaxatio isthæc peti possit?* 7. 4. 5.

*Renunciatio hereditatis Paternæ metu reverentiali facta num sit irritanda?* 6. 4. 1.

*Reservatio peccati ignorata num incurritur?* 3. 3. 4.

*Restitutionis onus subit, qui volens comburere domum inimici comburit domum Amici: Ego probabiliter excommunicacionem, & irregularitatem non incurras, qui volens occidere Clericum inimicum occidit Clericum Amicum; dummodo debita diligentia adhibeatur ne alia persona occidatur.* 3. 3. 2.

*Restitutio num facienda ab eo, qui suo malo exemplo alios inducit ad furandum?* 1. 3. 3. *Et num facienda sit a Confessario, qui culpabiliter omittit monere Penitentem de onere restitutionis?* 1. 3. 4.

*Restituenda sunt sub gravi quæ per metum letem injustum graviter culpabilem extorta sunt.* 6. 3. 4. *Opusc. I.*

S

**S**acramenta in materia dubia conficere num liceat ad mortem declinandam? 4. 4. 6. *Sigillum naturale violare quandoque licet?* 4. 5. 4.

*Sponsalia metu extorta num sint irrita, annulanda?* 6. 1. 10.

*Sponsalia, sicut & votum simplex, irritantur si fiant cum errore circa causam finalem; non tamen Matrimonium, & Professio Religiosa.* 5. 3. 7. 1. & 5. 4. 3.

T

**T**estamentum blanditiis ab Uxore extortum in sui favorem est validum. 8. 2. 3.

*Titulus legitimus præter consensum requiritur ad valorem contractus.* 6. 1. 4.

V

**V**oluntarium quid sit, & Quotuplex. 1. 1. 1.

*Voluntarium indirecte num requiratur expressam voluntatem effectus?* 1. 3. 1. *Et num effectus prævisus in sua causa dicatur indirecte voluntarius, si non detur obligatio vitandæ totam causam.* 1. 3. 2.

*Voluntarium indirectum, & in causa sufficit ad culpam contrahendam, non vero ad contractum incurrendum.* 5. 2. 3. *Voluntatis quippe actus comparatur ad culpam, tanquam actus cum suo objecto; & ad contractum comparatur ut principium ad suum effectum.* 5. 2. 4. *Hinc ad contractus, & ad Sacramentum conficiendum requiritur intentio saltem virtualis.* 5. 2. 5.

*Voluntas non errat sequendo distanciam rationis erroneam.* 9. 1. 4.

*Vitam propagare Carnium esu Carthusianus non tenetur.* 4. 3. 2.

*Poti nomine, quod dispensari possit, num etiam veniant juramenta, ac vota jurata?* 7. 4. 3. *Quid intersit inter juramentum, & votum?* ibid.

*Votum emissum ex ignorantia alicujus circumstantiæ, tunc errore deprehensum non obligat, quando ex vi volitionis revocandi, non vero ex vi actuum, vel habituum revocatis ea cognita non fuisset emissum.* 5. 3. 6.

*Votum non servans ad mortem declinandam num sit Sacrilegium?* 4. 3. 8.

*Votum num obliget cessante causa, ob quam nuncupatum est?* 5. 3. 5.

*Votum penale inculpabiliter violans non tenetur*

F 3 ad

## Index Rerum Notabilium.

*ad penam: Sicut nec si cum ignorantia vo-  
si, aut pena leviser culpabili illud violet.  
3. 3. 7. & 3. 4. 4.  
Solum simplex emissum cum errore circa cau-  
sam finalem est irritum; ut etiam Sponsa-  
lia: Non tamen Professio Religiosa, & Ma-  
trimonium. 5. 3. 7.  
Solum simplex metu extortum irritatur jure po-*

*siivo, non quidem scripto, sed tradito. 6.  
1. 9.*

*Usura restituenda, quia non datur sicut do-  
nationis, sed in pretium mutui, quod non est  
dignum pretio. 6. 1. 4.*

*Uxor promittens Conjugi moribundo soluturam  
se de propriis dotibus ejus debita, nullo ad  
id teneatur? 6. 4. 2.*

## F I N I S.

Ad majorem Dei gloriam, ac Deiparæ sine  
labe Conceptæ.

605737

